

دیوان

جوہر المصائب

جلد دوم

بالمحققات

از قریحہ

نائب تہریری

جوهر المصائب

جلد دوم

در مناقب اهل بیت عصمت و طهارت علیهم السلام

اثر طبع:

حاج صادق تائب



شد سالها که ماح آل پیمبرم
با مهرشان شده سپری روزگار من
من عاشق حسینم و معشوق من حسین
دلدادۀ نگارم و دلبر نگار من
من هیچ هیچ بودم و کمتر ز هیچ چیز
لطف حسین کرده بزرگ اعتبار من
پابند عشق یارم و آزاد در جهان
آزادیم دهد به جزا نیز یار من

تألیف تبریزی، صادق، ۱۳۰۲ -
دیوان جوهر المصائب / مؤلف صادق تألیف -
تهران: احمدی، ۱۳۷۷ -

ج ۰
ISBN 964-6797-02-4 (۱ ج. ۱) ۱۴۰۰۰ ریال
فهرست نویسی بر اساس اطلاعات فیپا .

ترکی.
کتابنامه به صورت زیر نویس.
ج ۲ (چاپ سوم: ۱۳۷۸) ناشر: پیری.

ISBN 964-6622-40-2
۱. شعر مذهبی ترکی -- قرن ۱۴. ۲. شعر ترکی --
ایران -- قرن ۱۴. الف. عنوان.

۸۹۴/۳۶۱۱

PL۳۱۴/۲۵۹

۷۷-۱۵۵۸۰م

کتابخانه ملی ایران

﴿شناسنامه کتاب﴾

نام کتاب	:	جوهر المصائب (جلد دوم)
مؤلف	:	حاج صادق تألیف
ناشر	:	انتشارات پیری
نوبت چاپ	:	سوم (ویرایش جدید)
چاپخانه	:	خورشید
تیراژ	:	۱۰۰۰
تاریخ چاپ	:	۷۸
حروفچینی	:	حروفچینی انتشارات پیری

شابک ۹۶۴-۶۶۲۲-۴۰-۲

ISBN 964-6622-40-2

بِسْمِ اللَّهِ الرَّحْمَنِ الرَّحِيمِ

الحمد لله الذي هدانا لهذا
الذي كنا لنهتدي لہ

بسمه تعالی

مقدمه کتاب

شکر و سپاس بی قیاس پروردگاری را سزاست که به قامت انسان با قدرت لم یزلی خلعت وجود ارزانی داشته و به صفت کامله انسانی موصوف فرموده و به تاج و لَقَدْ كَرَّمْنَا بنی آدم سرافراز فرموده و در دریای بیکران نعمت اعنی در ولایت حضرت علی المرتضیٰ علیه السلام و اهل بیت حضرت خاتم الانبیا محمد المصطفیٰ قرار داده است و درود نامعدود و نامحدود بر روان اطهر و اطیب اشرف المرسلین و خاتم النبیین محمد المصطفیٰ صلوات الله علیه و آله اجمعین و بر سرور اولیا و هادی طریقه هدی و وصی بلا فصل حضرت خاتم الانبیا (ص) علی المرتضیٰ مع احد عشر اولاده المعصومین علیهم السلام و اما بعد این کتاب مُدَوَّن از مناقب

فی التّوحید

اول دفتر به نام ذات پاک کبریا
قادر و حی و قدیم و لایزال و لایری



مشفق بنده نواز و غیب دان و عیب پوش
خالق پوزش پذیر و رازق کُلّ و را
ماسوالله متفق بر هستی و یکتائیش
هست یکتا پشت جبّاران به پیش او دوتا
رحمتش دریا گناه ما بسان قطره ای
خوان احسانش وسیع و نعمتش بی انتها
طایر فکرت کجا بر ساحت عزّش رسد
گر کند جولان فزونتر خویشتن سازد فنا
قدرتش را کی تواند پی برد و هم خرد
ذات او را راه چون یابد عقول نارسا

و مراشی حضرات چهارده معصوم علیهم السّلام چاپ و
منتشر شده اخیراً نایاب بود. بنا به درخواست دوستداران
اهلبیت و علاقمندان به سرور آزادگان سرقطار شهیدان راه
آزادی و حقیقت علیه آلافا التّحیه والثّنا با ملحقات به یاری
حضرت باری تعالی و در زیر سایه حضرت بقیه الله الاعظم
مهدی موعود امام العصر والزّمان عجل الله به نوبت چاپ سوّم
آن اقدام و اینک در ۵۱۲ صفحه با خط خوانا از چاپ درآمده با
جلد زرکوب در اختیار قارئین و مادحین و طالبین و عزاداران
حسین (ع) قرار می گیرد. از قارئین محترم انتظار می رود که با
برخورد به اشتباهی با بزرگواری خود چشم پوشی فرمایند.
التماس دعا

السّلام من التّبع الهدی
ذرّه بی مقدار حاج صادق تائب

پر وجود آورده موجودات عالم از عدم
 هست با دست خدای عالم امکان بنا
 این همه صنف ملک را مطلق از فضل آفرید
 وز کرامت طینت آدم سرشت از طین و ما
 کوه را مسمارسان بنشانند محکم بر زمین
 بسط کرد آنکه به روی آب این فرش ثرا
 کانهای زر نهفته کوهها را در شکم
 در دل هامون نهاده گنجهای پُربها
 لعل از خارا و گوهر از صدف آرد برون
 خار را از شاخه گل، برگ گل را از گیا
 گاه بینی زاب سنگ ریزه سازد توی آب
 گاه بینی چشمه جاری سازد از سنگ سیا
 گاه می‌دارد نهان اندر میان خار گل
 بر تطاول برنیارد دست گلچین صبا
 گه گدایی را نشانند بر سریر سلطنت
 گه کند سلطان عالمگیر را مسکین گدا

ابر و باد و ماه و خورشید و فلک لیل و نهار
 نه رواق بی‌ستون فرش ثرا تحت السّما
 کوه و هامون بَر و بحر و باغ و راغ و گل گیاه
 آب و آتش خاک و باد و صحنه‌های باصفا
 آفریده است از پی آسایش نوع بشر
 جمله نعمتهای رنگین قادر قدرت‌نما
 نعمت از او می‌رسد گویم سلطان را سپاس
 روزی ما او دهد منت پذیریم از کیا
 تائباً خاموش لب ببرند از مدح و ثنا
 این زبان الکن و توصیف توحید خدا؟
 وصف خالق از تو مخلوقی همی نادانی است
 هان ز نادانی نباشی غرق در بحر خطا
 ای خداوند رثوف و کارساز و بنده‌دوست
 وی پناه بی‌پناهان وی به نومیدان رجا
 تشنه‌کامم جرعه‌ای بخش از زلال معرفت
 کاین گدا در حق تو از معرفت یابد غنا

گر رسد بذل تو مستغنی شود مسکین گدا
 و رسد لطفت نماید ذره چون شمس الضحا
 گر نمایی تقویت اوج از ملک یابد بشر
 و نمایی تربیت فوق از فلک گردد ثرا
 با هزاران عرض پوزش با هزاران مسکنت
 زاستین جرم سوی توست، دست التجا
 جرم من بخشا، به حق فخر اولاد بشر
 احمد محمود آن نفس نفیس مصطفی
 بر شه مشگل گشا سلطان ملک لافتی
 بحر جود و معدلت أعنی علی المرتضا
 بر بنول آن زهره زهرا شهیده فاطمه
 اُم سبطین فخر نسوان، کفو سلطان ولا
 بر حسن یعنی به معنا از حسین مظلوم تر
 خسته طعن و شماتت کشته زهر جفا
 بر حسین ابن علی آن شهسوار ملک عشق
 خامس آل عبا عطشان شهید کربلا

بر علی بن الحسین سجّاد زین العابدین
 بسته زنجیر اعدا خسته ظلم و عنا
 بر محمد باقر و بر صادق آل رسول
 بر امام موسی کاظم اسیر اشقیا
 بر غریب طوس شاه ارتضا شمس الشموس
 مغرب جانن خراسان خود مُلقب بر رضا
 بر تقی و بر نقی و بر حسن فرزند او
 حجت قائم ولی عصر ختم الاوصیا
 بارالها می دهم سوگند بر آل رسول
 خط غفرانی بکش بر صفحه عصیان ما
 گر برانی از در رحمت تو را آریم رو
 و بر بخوانی از ترجم محض لطافت و عطا
 گر کشی پرده کجا باشد گناهم آشکار
 و دهی توفیق کسی باشد خطایم بر ملا

زبانحال پیغمبر اکرم صلی الله علیه و آله به حضرت زهرا علیها السلام

قزیم ایلمه ناله بیله آغلاما زهرا
بیله باتما ملاله بیله آغلاما زهرا



بیله حالوی پوزما بیله دیده تر اولما
گلوب شور و نوایه بولود تک بیله دولما
خزان ایتمه بهارون بیله گل کیمی سولما
قزیم ایلمه ناله بیله آغلاما زهرا
دوتار عالمی حسرت دلونده کدر اولسا
سولار گلشن عالم یوزون گل کیمی سولسا
دولار اشگیله گوزلر گوزون اشگیله دولسا
قزیم ایلمه ناله بیله آغلاما زهرا
یانار دل بالا سینون بلا ناری یاخاندا
داشار بحر مصیبت یوزه اشگون آخاندا
منه حسرت اولورسن بو حالیه باخاندا
قزیم ایلمه ناله بیله آغلاما زهرا

هله آلمیوب الدن سنون حقوی امت
هله آچمیوب اعدا سنه دست عداوت
هله ایلمیوبلر سنه طعن و شماتت
قزیم ایلمه ناله بیله آغلاما زهرا
هله ویرمه موسن یر بلایه گوز ایوینده
هله جور و جفادن سنون یوخ سوز ایوینده
هله دوگمیوب اهل عداوت اوز ایوینده
قزیم ایلمه ناله بیله آغلاما زهرا
باشوندان قزیم آشموب بلالین هله سیلی
او گل عارضه دوشموب هله نقشه سیلی
هله قمچی لر ایتموب سنون جسموی نیلی
قزیم ایلمه ناله بیله آغلاما زهرا
هله غصه لر ایتموب سنون روحوی خسته
هله فاطمه قالموب قاپون ظلمیله بسته
هله ایلمیوبلر بو پهلوی شکسته
قزیم ایلمه ناله بیله آغلاما زهرا
دوتوب نه گره غم قزیم زهره جبینون
جفائیه نه مجروح اولوب صدر حزینون

ایدوب درک شهادت نه بطنونده جَنینون
 قزیم ایلمه ناله بیلَه آغلَما زهرا
 هله قالمیوب آغلار ایکی نور دو عینون
 هله گورمیوب آفت گل اوزلی حَسَنینون
 هله گل کیمی سولموب بو شیرین دل حسینون
 قزیم ایلمه ناله بیلَه آغلَما زهرا
 اگرچه گل تر تک فراقیمده سولارسان
 بهار ابری کیمی سن غم و درده دولارسان
 یاخون لیقدا غم ایتمه منه ملحق اولارسان
 قزیم ایلمه ناله بیلَه آغلَما زهرا
 او ساعت که جهانی قزیم گوزدن آتارسان
 مزارون یاخینیمدا دوشر کامه چاتارسان
 علاقون منه چوخدور جواریمده یاتارسان
 قزیم ایلمه ناله بیلَه آغلَما زهرا
 خدادن سنه تائب اولوب یاخشی عنایت
 اودور نوحه لرونده اولور بیلَه حلاوت
 دی اوّل سوزی بیرده دیوب ختم رسالت
 قزیم ایلمه ناله بیلَه آغلَما زهرا

محروم شدن حضرت علی علیه السلام در محراب عبادت

کوفه ده بیر گون کسوفیندن علامت گورسنوب
 زیبنه بو گوندن آثار قیامت گورسنوب
 ❖❖❖❖❖
 هر زمان اولسا گونون آخر کسوفیندن خبر
 مبتدای حشر دور قرآن صریحین ذکر ایدر
 عارض خورشید دینین بو کسوفیندن اثر
 محشر زینب یاخونلاشدی علامت گورسنوب
 شُبّه یوخدور نفخ ایدر اولده اسرافیل صور
 حشر اولار اوندانصورا محشور اولار اهل نشور
 بو صفت بوردا ولی جبریلدن ایتدی ظهور
 ایتدی شور محشری اخبار اشارت گورسنوب
 بیر اوجا آوازیله روح الامین ایتدی ندا
 آنند اولا اللّٰه تاپدی صدمه ارکان هدا
 سجده گاه عشقده قانه بویاندی مرتضا
 لاله زار عشق محراب عبادت گورسنوب

آلدی بو سس زینب مظلومه نین آرامینی
 ایلدی باشدا پریشان زلف مشکین فامینی
 یاندی دلدن دولدوروب خونابله گوز جامینی
 حالتینده زلفی تک تغیر حالت گورسَنوب
 اولدی بی آرام اگرچه قدرت یکتا قزی
 چیخماقا شرم ایتدی اما عصمت کبرا قزی
 فکره پیچیده قالوب ایوده خانم زهرا قزی
 آرتدی تشویشی اونون قلیینده رقت گورسَنوب
 مسجده گلدی اودم مظلوم دوران مجتبا
 حاضر اولدی باشی اوسته خامس آل عبا
 دلد و او ایلا گلوب سقای دشت کربلا
 مجمع شمس و قمر اولدی قیامت گورسَنوب
 گوردولر شمشیر کین ایلوب اصابت باشینه
 شقّ اولوب عمّامه اگلنموش جراحت باشینه
 قرمزی قاندان قویوب تاج شرافت باشینه
 قان سریری اول شهه بیر تخت عزّت گورسَنوب

رأفتیله مجتبا آلدی دیز اوسته باشینی
 اول شهین پاک ایلدی قانه باتان گوز قاشینی
 فرقینین زخمین گوروب توکدی یوزه گوز یاشینی
 گوردی سولموش عارضین اشگینده شدّت گورسَنوب
 گوردی عالمیر امیری قانینه غلطان اولوب
 یاره سیندن قان آخوب محراب قانیه دولوب
 باغبان باغ دینین عارضی گل تک سولوب
 خوش نوا بلبل لره باخدی قجا حسرت گورسَنوب
 عرض ایدوب قانه سنی کیم بیله غلطان ایلوب
 طاقتون الدن آلودور باغریوی قان ایلوب
 عارض گلفاموی قانیه الوان ایلوب
 هانسی ظالمده بو جرأت بو جسارت گورسَنوب
 شقّ اولوب باشون بابا ظلمیله قانه باتموسان
 باشوین قانین سرشگیله یوزونده قاتموسان
 زخم کین خسته ایدوب قان ایچره بیله یاتموسان
 هاردا بیله خسته بیله استراحت گورسَنوب

گورنه عبّاسون گلوبدور باشون اوسته شیونه
 بوینی چگنینه باخار بو تشنه لب سقا سته
 مشگ چشمیندن آخار سیل سرشگی دامنه
 گلشن حُسنونده اشگیله سقاییت گورسَنوب
 باشون اوستونده توکر گوزدن جگر قانی حسین
 حشره تک آغلار قویان بیر اهل دنیانی حسین
 بیله حالیه ویرور آیری غم اعلانی حسین
 گوئیا گوزده اونا اوزگه مصیبت گورسَنوب
 شرح ایدر اشگیله یوزده بیر غم عظماسینی
 ایلوری گوزده مجسم کربلا صحراسینی
 یاد ایدر هنگامه اوضاع عاشوراسینی
 اوندا شور عشقیله شور شهادت گورسَنوب
 چوخ محبّته کسوب اوغلانلارون صاق و صولون
 صاق قولوندان مجتبا دوتموش حسینون صول قولون
 دور گیداخ ایمدی خیالی قزلارون گوزلر یولون
 دلرینده برملا تاراج طاقت گورسَنوب

بو حسین که تیر حسرت قلبینی بیله دگر
 گوزلری غربال تک رخساره خونِ دل آکر
 جان ویرنده قتلگهده دادینه زینب گلر
 سسلر قارداش منه محشر بو ساعت گورسَنوب
 زینبون ئولسون آپارموش قان ایچینده قان سنی
 لاله تک دشمنلر ایلوب قانوه غلطان سنی
 ئولدورولر سو کنارینده بیله عطشان سنی
 هانسی اُمّته امامه بیله جرأت گورسَنوب
 دل دگول دل عشقیله تائب گرانبار اولماسا
 سوز دگول سوز، سوز یازاندا طبع سرشار اولماسا
 سوز یازانماز سوز یازان توفیق اگر یار اولماسا
 شکر قیل توفیق وار سنده بو قدرت گورسَنوب

ضربت خوردن حضرت علی علیه السلام

کوفه ده سحر زمانی شورش قیامت اولدی
 سجده گهده قانه غلطان خسرو ولایت اولدی
 تا یخلدی رکن ایمان
 ایتدی لرزه کون و امکان
 یاسه باتدی اصل قرآن
 غرق بحر محنت اولدی



دگدی تیغ کین باشندان الدن اختیارین آلدی
 پارچالاندی باش آخوب قان بیر آسقلی حاله قالدی
 ضعف یوز و یروب امامه گل یوزی سولوب سارالدی
 زخم کینه زحمتیندن بی قرار و طاقت اولدی
 بیر علی که جنگ لرده گوردی یوزلریله یاره
 سهل ساندی حالتینده ویرمدی یول انکساره
 بولمورم ووروب مرادی نه یارا او شهریاره
 بیر یارائیله او شهده انکسار حالت اولدی

بیر علی که خصم ایدردی خوف سهم و صولتیندن
 بیر علی که جنگجولر تتریردی هیبتیندن
 بولمورم نه حاله قالدی زحمت جراحتیندن
 سجده گاهده یخلدی خسته حال او حضرت اولدی
 بیر علی که هر یریشده مین مبارزی یخاردی
 پنجه قوی قهری روح دشمنی سیخاردی
 حال حمله سین گورن لر هوشی باشدن چیخاردی
 باشد ا یاره دوشدی بی هوش اول شه ولایت اولدی
 محو شور عشق گوردی شهریار عشقبازی
 زخم دار ایدوب مرادی اول شهنشه حجازی
 آخدی قانی یاره سیندن دولدی چشم مست نازی
 خون آینه مرکب گوزده اشگ حسرت اولدی
 بیر علی که قدرتی هر سینه دن توان آپاردی
 اهل کفر پیکریندن تیغی آلدی جان آپاردی
 بیر یارائیله یخلدی سجده گهده قان آپاردی
 نه دورا بولوب ایاقه نه قیامه قدرت اولدی

حالی اولدی ماجرادن مجتبای دلشکسته
 شاه کربلا یانیندا گلدی یتدی باشی اوسته
 گوردی قان ایچینده دوشموش ناتوان یارالی خسته
 دولدی گوزلری بولود تک دلدده صبری غارت اولدی
 عرض ایدوب بابا ندن بس بيله حال حسرتون وار
 گوزلرون دوتوب ندن قان بيله قانلو صورتون وار
 رنگ عارضون سارالموش بيله ضعف حالتون وار
 سويله هانسی بیر شقیدن بيله بیر جسارت اولدی
 دور ایاقه یاتما بيله من بویون بلاسین آلام
 حالتون شکسته گورم بیر شکسته حاله قالام
 قول او بوینوا بو ساعت مهر و رافتيله سالام
 گوزلرون فداسی دنیا گوزلریمده ظلمت اولدی
 قالموسان ندن بو حاله شرحینه بابا بیان ویر
 گل دیله کسیلدی صبریم داغلی سینه مه توان ویر
 کیم سنه ایدوب جسارت قاتلون منه نشان ویر
 تا گوروم ایدن بو ظلمی هانسی بی مرّوت اولدی

باغیریم اولدی قان گورنده قان ایدوب یوزون مُخَضَّب
 یاتما بيله ای یارالی دور ایله بیان مطلب
 گوزلری یولوندا گوزلر ایمدی حسرتيله زینب
 واقفم اونا بو ساعت برملا قیامت اولدی
 برملا دونوبدی قانه ای بابا گوزونده عینون^۱
 باشون اوسته گور دورو بدور ایکی نازلی نور عینون^۲
 گور نجه دولوب بولود تک آغلوری نجه حسینون
 صبریمی آلان بو اودلی درد بی نهایت اولدی
 گور نجه آخور گوزوندن گوزیاشی او گل جماله
 ایلوری اشاره حالی آیری بیر اَسفلی حاله
 مطلقا سالور بو حالی کربلا غمین خیاله
 گیتدی کربلایه فکریم سوزده چون اشارت اولدی

اوندا که حسینی دشمن یخدی ظلم اساسی قوردی
 اللری باشیندا زینب گلدی باشی اوسته دوردی
 دوردی باخدی قان توکنلر قارداشین یانیندا ووردی
 چاره سیز قالب او یرده غرق بحر فکرت اولدی
 سعدین اوغلونا دوتوب یوز دلشکسته دخت زهرا
 سویلدی اوتان حیا قیل ای امیر فوج اعدا
 قارداشیمی ئولدوروللر سنده ایلوسن تماشا
 قارداشا باجی یانیندا هاردا بو جسارت اولدی
 اولدی مجتبا آدینلی نوحه خوان بو شعره بانی
 مجلس عزاده تائب یازدی بو گوزل بیانی
 قسمت ایت بو جمعه یارب قبر شاه کربلانی
 فخر ایداخ دیاخ بو جمعه دعوت زیارت اولدی

وصیت علی علیه السلام در شب شهادت به ابوالفضل علیه السلام

ای ابوالفضلیم اولان دعوا گونونده شیر اوغول
 جان سنون جان بو حسینون صاحب شمشیر اوغول



امر حقیله مشیت ایلیمیشدی اقتضا
 بیله بیر گونلرده گلسون باشیمه بیله قضا
 منده بو تقدیره ویرمیشدیم ازل گونده رضا
 افتخاریمدور یتیشدی باشه بو تقدیر اوغول
 امر تقدیراتده اولموشدی بیله انتخاب
 ظلمیله محرابده قانه بویانسون بو تراب
 بو محاسن بو جمالیم قانیله اولسون خضاب
 تاپدی صورت عین تقدیریم بِلاتغییر اوغول
 اوندا که مضروب اولوندوم قاتل بدنامه من
 باشیم اولدی شق ویردیم عهدیمی انجامه من
 باشیمین قانیله یازدیم سیزلره برنامه من
 گل ایدوم شرحاً همان برنامه نی تفسیر اوغول

اولماز اولادیمده ظاهرده منیم خوش گون گورن
 هر بیرین بیر طرزیه مظلوم ایدر چرخ کهن
 زهر کینیه ازل مسموم اولار اوغولم حسن
 دوغرانا اربادی زهر ایلر زبس تأثیر اوغول
 بو حسینون باشینون اما بیوک غوغاسی وار
 گر ایدم تقریر او غوغانی غم عظماسی وار
 کربلا دشتینده بیر تشکیل عاشوراسی وار
 اوردا یالقیزلار حسینی قوم بدتدیر اوغول
 بو حسین ایلر توافق باغلانان پیمانیله
 عهدینه ایفا ایدر صدقیله باش و جانیله
 حکم دینی توپراق اوستونده یازار آلقانیله
 شرح شرح احکام قرآنی ایدر تقریر اوغول
 مهرباندور بو حسینه گرچه قارداشون حسن
 ایله موقفده ولیکن اولماز اول وجه الحسن
 سن حسینه ایله بیر گونده معین و یارسن
 قیل حسینمدن حمایت وقت دار و گیر اوغول

نشر اولان گون عالم ارواحده طومار غم
 دینین احیاسی حسینون آدینا اولموش رقم
 انتخاب اولدون حسینه سن او گون صاحب علم
 غبطه ایلر بو مقامه هر جوان و پیر اوغول
 سازگار اولماز حسینیله اوغول دور فلک
 اشقیا ایچره قالار صحرای غمده بی کمک
 قارداشون بیر ایله موقفده اماندور قویما تک
 ای شجاعت وارثیم وی صاحب شمشیر اوغول
 گر شجاعت فرض اولار آفاقده بیر بوستان
 من او باغه باغبانم سنده بیر سرو روان
 ضرب شستون کربلاده اشقیایه ویر نشان
 شیر حق گورسونله بسلوبدور نجه بیر شیر اوغول
 کربلاده تشنه لیقدان آل پیغمبر یانار
 اودلانار خردا اوشاقلار سودا مر اصغر یانار
 سود آناسیندا تاپیلماز آه و زار ایلر یانار
 سینه دن هردم چکر بیر آه عالمگیر اوغول

اوندا که آل اللهی عطشان قویار اهل مجاز
چگونه سال بیر سو مشگی ای حقیقی پاکباز
ایله سقالیق سوسوز اطفالیمه آل امتیاز
ممکن اولسا سو گتور اطفالی ایله سیر اوغول
اوز وفاوی سن او گون عالم لره اعلان ایله
سو یانیندا نفسون ئولدور عالمی حیران ایله
ایچمه سو نفس حسینه نفسوی قربان ایله
بو مواساتون اولا عالمده دامنگیر اوغول
داد او ساعتدن وفالی شیرصولت ماهرو
ترک ایدرسن نهر آبی کتفده بیر مشگ سو
هر طرفدن اوستوه اوخ یاغدیرار قوم عدو
پر آچار شهباز جسمون بس وورالار تیر اوغول
شهره آفاق اولار بیر تائب آدلی نوحه گر
نوحه یازماقلیقلا اوز عمر عزیزین صرف ایدر
ایتمه سون غم ایتدوقی خدمت لر اولماز بی ثمر
اولما سا گر فکری ظاهر سازی و تزویر اوغول

تفویض اسرار امامت به امام حسن علیه السلام از جانب علی علیه السلام

مرتضی رحلت ایدن گون دار فانی دن بقایه
علم اسرار امامت تاپشورولدی مجتبیاه
ماسوالله دوباره ابر رحمت سالدی سایه



یر یوزی حجت سیز اولسا اولماز عالم انتظامی
گتسه هر حجت یرینده اگلشر قائم مقامی
اولماسون تا اینکه برهم دین اسلامین نظامی
مجتبا بو انتظامه ایتدی تضمین وقایه
مرتضانین مسندینده اگلشوب اوز جانشینی
ایلسون عالمده اجرا حکم قرآن مبینی
جُزئاً و کلاً یتورسون مردمه احکام دینی
قویماسون یتسون خلل بنیان شرع مصطفایه
مجتبانی دسته دسته مردم ایلردی زیارت
دردینی دلدن آلاردی مین محبتله جماعت
دلده سوز آتش غم گوزلرینده اشگ حسرت
هر گلن تسکین ویرردی جانشین مرتضایه

مرتضایه دوتدی ماتم اهل بیتی گلدی داده
 تسلیت عرض ایلوردی هر گلن بزم عزاده
 تاپدی بو معنا ولیکن عکس صورت کربلاده
 اولمادی بیر کیمسه ویرسون تسلیت آل عبا یه
 تا شهید ایتدی سپاه شام شاه تشنه کامی
 وحشته سالدی بنات حضرت خیر الانامی
 آتش ظلم ایچره قویدی اشقیا بیمار امامی
 بلکه یانسون حجت الله شعله نار جفایه
 گوردی بو احوالی زینب اوز خیالین باشند آتدی
 توکدی خون دل گوزوندن یوزده کی اشگیله قاتدی
 گیتدی زین العابدینی اود توکن اوددان چخاتدی
 بیله بیر رأفتلی عمه گلمیوب دار فنا یه
 سرزمین کربلاده اوزگه بیر عالم قورولدی
 آت دوشونده بسکه قاچدی نازنین قزلار یورولدی
 نازنین قزلار ستمله هم سویولدی هم وورولدی
 سالدیلار نی تک نوا شوريله دشت نینوایه

چوللره بعضی قاچاردی گوزده اشگی دلدی آهی
 یوز دوتوب درگاه حقه الدی اوز زلف سیاهی
 عرض ایدردی بی پناهم داده یت یاندیم الهی
 یوخدی بیر کیمسه ویره سس بو گرفتار بلایه
 بعضی نون اولموشدی پاره قورخودان غنچه دوداقی
 بعضی قاچموش پا پیاده آبله اولموش ایاقی
 گوشواره اوسته اولموش بعضی نون یاره قولاقی
 بعضی نون رخساری نیلی نی کیمی گلموش نوایه
 بعضی سی سسلردی داده مصطفانی مرتضانی
 بعضی میدانیه قاچاردی دلدی فریاد و فغانی
 گه قاچوب سسلردی گاهی شهریار کربلانی
 عرض ایدردی هاردا سان یاندیم بابا تئز گل هرایه
 قورخودان خرده اوشاقلار آغلاشوب داده گلردی
 دانه اشگین یوزه غربال چشمنیدن آردی
 بیر سوری آهودی گویا نازنین قزلار ملردی
 دوندروبلر کربلانی کشور چین و ختایه
 بعضی نین صبری گیدردی صرصر ظلمیله باده
 بعضی نهر علقم اوسته یوز قویاردی پا پیاده

حضرت عباسی خوف و هولیله سسلردی داده
 شرح حاله دل آچاردی سرسپاه باوفایه
 ظلم اولاد امیه حدّدن آشدی او چولده
 دولدی گوزلر مثل دریا موج ایدوب داشدی او چولده
 بیریرین تاپدی اوشاقلار بیر قوجاقلاشدی او چولده
 سالدیلار شیون خواتین حرم کرب و بلایه
 قورخودان هر نازدانه قز دوشوب گیتدی اوزوندن
 عمه سی حاله گتوردی لطفیله اوپدی یوزوندن
 باشینی آلدی دیز اوسته گوزیاشین سیلدی گوزوندن
 دادرس اولدی خانم هر دادرس سیز بیر بالایه
 اهل بیتین چکدی نازین قویمادی گوزدن کناره
 بعضی سین چکدی کناره یانماسون تا حَرّ ناره
 بعضی نین دوتدی الیندن جان کیمی آلدی کناره
 باشینه ال چکدی ویردی تسلیت اول مبتلایه
 تائبین قلبین دوتوبدی هول رستاخیر الهی
 وار دل پُر آتشیونده آه آتشریز الهی
 ایلیوب نام حسینی الله دستاویز الهی
 عفو قیل بو روسیاهی اول قتیل اشقیایه

تسلیت امام حسن علیه السلام به
 امام حسین علیه السلام در عزای پدر

صبر ایله بابام غمینده ای باشی بلالی قارداش
 اوزی شاه ملک بطحا، روحی کربلالی قارداش
 اولما غرق اشگ ماتم، سنه آغلار اهل عالم
 ایده جاق سنون ملالون، هامونی عزالی قارداش



بیله ابر تک دوتولما بو قدر غمیله دولما
 بیله باخما حسرتیله بیله خسته خاطر اولما
 گل ناز باغ زهرا غصّه لَنَمّه بیله سولما
 بیله بو گوزل جماله توکمه اشگ آلی قارداش
 هامو گوز گرکدی دولسون گوزلرون سرشگه دولسا
 هامو قلبه غصّه دولسون گر دلونده غصّه اولسا
 هامو گل گرکدی سولسون گل یوزون سارالسا سولسا
 جانیمه گله او داغلو قلبوین ملالی قارداش

گوزلر اشگیله دولالار گوزیاشون یوزه آخاند
 یانام آتش مصیبت یاندیروب سنی یاخاند
 حسرتیم اورکده آرتار حسرتیله سن باخاند
 دل سینار گورنده سنده بو شکسته حالی قارداش
 حالتون ندن پوزولموش بیله چشم پُر نمون وار
 گل یوزون بو نوع سولموش گورم اوزگه عالمون وار
 بو گلن زمان بلالی ایله دل یاران غمون وار
 دل یانار خیال ایدنده ایله بیر ملالی قارداش
 وار ایله غمون قاباقدا قلب کایناتی داغلار
 یوزلره تمام باب شادی و سروری باغلار
 آغلما سن ایتمه ناله حالوه بیر عالم آغلار
 عالمه دوشر حسین وای صیتی ماجرالی قارداش
 سن او غملو باغبانسان غم سالار چمندن آیری
 ظلمیله سنی ایدهلر سرودن سمندن آیری
 چوللره دوشرسن آخر ملکدن وطندن آیری
 بی کس و غریب ئولرسن باشد! دین خیالی قارداش

آرتار اودلی دلده دردون، دردیوه یتن تاپیلماز
 ئیل اوزاق قبیله آیری حالوی بولن تاپیلماز
 دشمن ایچره تک قالارسن بیرجه سس ویرن تاپیلماز
 نسکلون دوتار جهانی ای باشی بلالی قارداش
 سن او نوگل صفاسن ظلم ایله سولدورالار
 نوک خار ظلمیله چوخ جسموه یارا وورالار
 قتلگاه کربلانی قانویله دولدورالار
 قاتلون سالار بدندن باشوی آرالی قارداش
 سن اوسان که دین یولوندا گوزدن عالمی آتارسن
 سن اوسان که توپراقیله اوز گوزل قانون قاتارسن
 سن اوسان که اکبریله بیر مزارده یاتارسن
 سنله کربلانی آرتار شوکت و جلالی قارداش
 سن اوسان سنی ایدهلر ظلم ایله دلشکسته
 سن اوسان که دفن اولارسن بی کفن یارالی خسته
 سودامر بالان آلارسن مدفنوده سینون اوسته
 سویله سن آنا دلینجه لایلی ای یارالی قارداش

سن اوسان که قلبین اودلار هامونون غم فراقون
 سن اوسان دوشر حسینیم هامو قلبه اشتیاقون
 سن اوسان که کربلاده چوخ گوزل اولار رواقون
 بنزیر بهشت عدنه اول رواق عالی قارداش
 سن او سنبل وفاسن اکبر جواندی خوشه
 عرش تک اولار مزارون یر یوزونده آلتی گوشه
 زایرون گلوب ایده لر مدفنوندن اخذ توشه
 هامونون اولار طواف قبرون ایده آلی قارداش
 بزم غمده نچه احرار اولدی تائیله همدم
 بیله دلنشین و شیرین اولدی بو کتابت غم
 طوف مرقد شریفون آرزو ایده لله باهم
 جمعیه دیسونله اوردا بو گوزل مقالی قارداش

زبان حال امام حسن علیه السلام و اظهار تسلیت

به قمر بنی هاشم علیه السلام در عزای پدر

مرتضا هجرینده صبر ایت باشهامت قارداشیم
 ای حسینون سرسپاهی شیرصوت قارداشیم



گرچه باجادور گلوب داده دوتاق دائم عزا
 آخرین ساعت ولی ایلوب وصیت مرتضا
 صبر ایداخ اوندان صورا بیز ایتمیاق داد و نوا
 ایلیاق لازمدی بو امره اطاعت قارداشیم
 ای آتام حیدر باخشلی بیله پوزما حالوی
 توکمه گوزدن گل یوزه چون ژاله اشگ آلوی
 خاطریم درده گلور گوردو قجا پوزقون حالوی
 آرتوری بو داغلانان قلبیمده حسرت قارداشیم

ایلیوب خورشید دین برج شهادتده مقام
 دودمان مصطفایه چوکدی بیر ابر ظلام
 استراحت آل طاهایه داخی اولدی حرام
 تاپماروق بیرده بلایادن فراغت قارداشیم
 گورسنور بو ماجرادن زار و مغموم اولماقیم
 حقیق الدن گتماقی ظلمیله مظلوم اولماقیم
 طعن دشمن گورماقیم مظلوم مسموم اولماقیم
 اقتضا ایلوب بو اوضاعی مشیت قارداشیم
 آخر عمرینده سیلردی مرتضا گوزیاشوی
 بیر وصیتله اوجالرداری وفالی باشوی
 بیربیریزه تاپشوروب سنله حسین قارداشوی
 بیربیریزدن ایتمیون بیر لحظه غفلت قارداشیم
 ویر رضا قارداش قضایا امرینون اجراسینه
 غیظه گلکه غوطه ور اولما غضب دریاسینه
 قوت بازووی ساخلا کربلا صحراسینه
 ویر او صحراده نشان سهم و صلابت قارداشیم

انقلاب ایلر او یرده اشقیای دین تباه
 بو حسین اشرار کین ایچره قالار بی دادخواه
 ایله بیر موقوفده سنسن بو حسینه سرسپاه
 قیل حسین قارداشوا اوردا حمایت قارداشیم
 سو یولون باغلار او یرده ظلمیله اهل ستیز
 اولانار سوز عطشدن عترت شاه حجیر
 چکنوه سال بیر سو مشگی آل اله شمشیر تیز
 تشنه لب اطفاله قیل فکر سقاییت قارداشیم
 گر فرات آلسان او گون رسم وفادن گنچه سن
 یان سوسوزدان نفسوی نفس حسیندن سچمه سن
 نهی ترکایت تشنه ئولدور نفسوی سو ایچمه سن
 قیل مواسات ایله بیر کسب شرافت قارداشیم
 مرکب اوستونده او گون محکم ایله زانووی سن
 هر طرفدن گلسه اوخ خم ایلمه ابرووی سن
 ویر نشان اهل جفایه قوت بازووی سن
 ای هنرور شیر آجام شجاعت قارداشیم

ای آتام حیدر نشانی پوزما اوز افکاریوی
چک آتام حیدر کیمی شمشیر آتشباریوی
وور داغوت اعدانی گوستر دشمنه کرداریوی
ایله اهل کینه دن سلب جسارت قارداشیم
حمله ایلر هر طرفدن اوستوه قوم شقی
الده تا وار قدرتون قویما یخلسون بیدقی
چون همین بیرقدی قارداشیم حسینون رونقی
یاتسا بیرق یوز ویرر اطفاله وحشت قارداشیم
تائبه دائم اولوبدور خامه غم همزبان
صرف ایدر عمرین یازار نوحه بیزه هر دم هر آن
ایستروق حقدن اونا لطف ایلسون طبع روان
آل پیغمبر غمین ایتسون کتابت قارداشیم

ذکر مناجات و شکوائیه حضرت زهرا علیها السلام
به درگاه ربوبیت به طرز عدم رضایت از زندگی

جویند اهل کینه از بس اذیتم را
کردند تنگ بر من یارب معیشتم را
بر نوبهار عمرم باد خزان وزیده
پژمرده کرده برده رنگ طراوتم را
که ضرب تازیانه طاقت ربوده از جان
که نقشی از جسارت بگرفته صورتم را
که داده خصم جانی در پشت در فشارم
چون پیر در جوانی خم کرده قامتم را
نقش جسارت اندر بازوی ناز دارم
خواهم علی نبیند نقش جسارتم را

ایکاش زنده بودی باب بزرگوام

تا مو به مو بگفتم اندوه و محنتم را

پوشیده نیست یارب آشفته حال زارم

دائم عیان تو دانی معنا و صورتم را

شد تیره روزگارم سیرم ز زندگانی

نزدیک کن الهی از لطف رحلتم را

یارب به حق بام توفیق ده به تائب

دلسوزتر سُراید شرح مصیبتم را

مناجات حضرت زهرا عليها السلام

قوتار عمریمی الهی داخی ختم فرقت اولسون

سُورم بابام وصالی من زاره قسمت اولسون

ایله انجیدوبدی دشمن داخی جانہ دویموشام من

یورولوبدی خسته روحیم چاتوب امنه راحت اولسون

بو فنا جهاندا یارب ایله تنگ اولوب حیاتیم

که بیلہ حیاتدن چوخ منه خوش گلور مماتیم

نه قالور گوگلده صبریم نه اورکده وار ثباتیم

نولی یار محضریندن بو فگارہ دعوت اولسون

بو جهانندن غمیلہ بابام ایلینده رحلت

بو وفاسیز امت ایچره منی تاپشوروب امانت

او وصیتی دانانلار اونا ایتدیلر خیانت

او وصیته دیموبلر نیه بو خیانت اولسون

آچیلوب اورک بابامدان صوراً بیر نه گولموشم من

گونوزی گوزومده دائم شب تار بولموشم من

گه ایویمده ظلم ایله وورولوب دویموشم من

نقدر یانان گوگلده غمه استقامت اولسون

دیمورم قاپوم یاناندا منه اولدی هتک حرمت
 دیمورم ایدوب او جانی منه اوندا نه جسارت
 قالوری سولان یوزومده هله نیلی بیر علامت
 نه روا بتوله یارب بیله هتک حرمت اولسون
 دیمورم قاپیم یاناندان اورگیمده وار شرارم
 دیمورم سینوب قابرقام بدنیمده واردی یازم
 یخلاندا وار بو قدری یره دوشدی گوشوارم
 نه روا منیم قولاقیم بدنیم جراحت اولسون
 شه لافتانی جانی اوزی بیعته چکنده
 حسنین یانیمدا دوشدوم او شهین دالینجا منده
 قولوما یتیشدی صدمه اونون آردیجا گیدنده
 هله گورمیوب عم او غلوم او قولی خجالت اولسون
 فدکی داناندا دشمن منی ایتدی دلشکسته
 گیدوب حقیقی من آلدیم قایدنده زار و خسته
 منی ووردی یخدی جانی او یول اوسته توپراق اوسته
 دیدی قویمارام جهاندا سنه خوش معیشت اولسون

فدک اولدی غصب یارب گویه شیونیم اوجالدی
 منه باخدی حسرتیله حسنین سولوب سارالدی
 اولارا باخاندا سولدوم گینه حسرتیم چوخالدی
 نقدر بو اودلی دلدۀ غمه صبر و طاقت اولسون
 حسنین یوزی سولاندا غمیم آرتدی منده سولدوم
 حسنین گوزی دولاندا باخوب اوندا منده دولدوم
 اولار آغلادی پوزولدی من اوزومده خسته اولدوم
 نه روا باخوب بالایه آنا خسته حالت اولدوم
 بو فنا جهاندا کاشکی بابام ایمدی صاق اولیدی
 همی نازیمی چکیددی همی دردیمی بولیدی
 منی بیر دانشدیریدی گوزومون یاشین سیلیدی
 اورگیمده قویمیدی بیله درد حسرت اولسون
 نقدر دله گوریدی غم و غصه آلمیشام من
 نجه بو باشیم آغارموش نجه قاره سالمیشام من
 نجه قامتیم بوکولموش نجه حاله قالمیشام من
 نه روا دیدی خم قد بیله سرو قامت اولسون

باباوی دیوب داشاندا گوزوم اشگی گوز ایویمده
دیدى بی وفا جماعت منه بعضی سوز ایویمده
یانوب آغلیانمادیم اوز باباما من اوز ایویمده
که یانان گوگولده رفع غم و دردِ فرقت اولسون
غمیم آرتدی اودلی دلدہ غم الینده جانہ یتدیم
حسنینیمی گوتوردوم چوله بعضی وقت گتدیم
بیر آغاج کنارینی من اوزومه نشیمن ایتدیم
دیدیم آغلاماق بو یرده منه خوشدی عادت اولسون
او آغاج که سایه سین من اوزومه پناه ساندیم
گوزی یاشلی سایه سینده نچه وقت دالالاندیم
اونیدا وفاسیز امت ستمیله کسدى یاندیم
دیدیلر گرک بتوله داخی چوخلی عُسرت اولسون
داخی تیر حسرتیله دل بیقراری اویدوم
بو وجوددن لباس فرح و نشاطی سویدوم
دیر یلقدان عاقبت من بو فنا جهاندا دویدوم
سُورم یاخون بو ساعت منه پیک رحلت اولسون

داخی اولما راضی الله بو قدر غمه دولوم من
بو قدر گوروب حوادث گل ترکیمی سولوم من
منیم عمریمی تمام ایت قوتولوم خلاص اولوم من
بو قدر هجوم غمدن منه تا فراغت اولسون
دوتولان گوگول آچیلسون اولاشاد هات و هیهات
ویروری غم اوسته غم یوز من دلفگاره کرات
گله کاش اجل گیدوب اوز باباما ایدم ملاقات
تا پیا فصل وصل پایان بو فراق وصلت اولسون
بابامین فراقی یارب منی ایلوب مکدر
اولی شوق وصلتیه گل آدی دلیمده ازبر
منه چوخ بالام حسینون بالاسی رقیه بنزر
نه گوزل دوشر آنایه بالادا شباهت اولسون
نجه باشه یتدی عمریم بدنیم قولوم یارالی
اولاجاق بالام رقیه منه بو صفته تالی
بدنی قولی یارالی ئوله جاق باشی بلالی
گوزی گورمیوب جهانین بیله بیر وراثت اولسون

من اگر جوانلقیمدا ئولوم ایسترم مکرر
 او قز اوچ یاشیندا اما منه تابعیت ایلر
 قالی بیر خرابه یرده ئولومون همیشه ایستر
 اودا من کیمی دیر کاش ئولوموم بو ساعت اولسون
 بیر اوشاق گورونموب اولسون بو قدر بلا باشیندا
 جریانه شرح ویرسون جریانلو گوز یاشیندا
 ئولوم آرزوسی ایتسون گوزی یاشلی اوچ یاشیندا
 دویوب عمردن دلینده ئولومه رضایت اولسون
 بو سوزونده یاخشی تائب یار آدون یارا آپاردون
 سالوب اودلی قلبه مرهم دل آلان یارا آپاردون
 سوزیوی دولان دیروب گور هارادان هارا آپاردون
 یارامور سنه سوزونده بو قدر لطافت اولسون
 بو کلامه گرچه بانی اولوب اکبر لیاقت
 بیله رشتیه دؤزوبسن بیله گوهر مصیبت
 یازا بولمهسن سوزونده ایدوب اوزلری حمایت
 گینه یالوارون اولاردان هر ایکوزه نصرت اولسون

زبانحال حضرت زهرا علیها السلام

خطاب به حضرت علی علیه السلام

گل رحلت ایدور فاطمه دنیادن عم اوغلی
 دیدار ایله بو حالد زهرادن عم اوغلی



دوقوز ئیل عم اوغلی من دلخسته سنیله
 بو ایوده گچیتدیم گونومی مین مُحنتیله
 یاندون غم و حسرت اودونا سنده منیله
 آگهسن اوزون صورت و معنادن عم اوغلی
 هر لحظه ده جام جگریم قانیله دولدی
 رنگیم سارالوب صرصر بیدادیله سولدی
 دشمنلر ایله منه چوخ ظلملر اولدی
 موضوع فدک سالدی منی پادن عم اوغلی

سیخدی در و دیوار آراسیندا منی اشرار
 پهلومی شکست ایتدی فشار در و دیوار
 یاندی اورگیم یاره لدی سینه می مسمار
 سلب اولدی توان قلب توانان عم اوغلی
 من دوشدوم ایاقدان بيله تنز واردی دلیلی
 گه قمچی ووروبلار منه گه ظلميله سیلی
 بو جسم کبوديله همین بو رخ نیلی
 باخسان بیر علامتدور او ایذادن عم اوغلی
 ظلم ایتدی عدو صبر و ثباتيله دایاندیم
 اود ووردیلا درباریمه یاندیم یارالاندیم
 بطنیمده کی سقط اولدی حیاتیمدن اوساندیم
 بیمارم او گوندن او قضایادن عم اوغلی
 ایستردیم ئولوم هر گیجه گوندوز هامی ساعت
 درگاه خداده بو دعا تاپدی اجابت
 جانان ایلدی قرب وصاله منی دعوت
 لطف اولدی عجب خالق یکتادن عم اوغلی

عمریم یتشوبدور باشا ای حجت یکتا
 مطلق منه اولموش سفر مرگ مهیا
 لطفاً گل ایدوم گل یوزیوه بیرده تماشا
 بیر توشه آلوم ايله تماشادن عم اوغلی
 سیرم بو حیاتیمدن اگرچه من نالان
 جان ویرماقیم اما منی ایلوبدی هراسان
 گل بو باشیم اوسته اولا جان ویرماقیم آسان
 راحت آپاروم رخت بو دنیادن عم اوغلی
 مدّتی غم و محنته بو گوگلوم اولوب رام
 جسمیم آریوبدور کسیلوب سینه دن آرام
 بو حاليله آخر آیردور گردش ایام
 جبراً منی سندن سنی زهرادن عم اوغلی
 اول همدیم آخر دمیم ای شاه ولایت
 من جان ویرورم سینه ده مین آتش حسرت
 اگلش باشیم اوسته ايله قرآنی تلاوت
 تا فیض آلوم اول نغمه زیبادن عم اوغلی

مندن نظر اُفتی کس گئتملیم من
 بیر لحظه صورا اوز باباما یتملیم من
 بیر نچه وصیت سنه عرض ایتملیم من
 حالی ایلوم گل او وصایادن عم اوغلی
 اول بودی عرضیم سنه ای حجت یزدان
 ئولسم گئجه ویر غسلیمی دفن ایت گئجه پنهان
 قویما یا پوشا نعشیمه اعدا سنه قربان
 هم قبریمی ایتگین ایله اعدادن عم اوغلی
 آغلار قالاجاق قزلاریم اولموش منه معلوم
 غم لَنسه له جنتده بو روحیم اولی مغموم
 قویما گله چوخ شیونه بو زینب و کلثوم
 قطع ایلمه لطفون بو صبیادن عم اوغلی
 مندن صورا زینبدی بو اطفاله پرستار
 من تک اولاجاق غم گونی اطفالیمه غمخوار
 قویما سینا قلبی اونا رأفت ایله زینهار
 سن درد دل آل زینب کبرادن عم اوغلی

بی صبر اولی ایستکلی لریم آیرلا مندن
 خواهش ایلیرم بوردا بو بیر مطلبی سندن
 بیر آن نظرون کسمه حسینله حسندن
 گلدور ایکیسی گلشن طاهادن عم اوغلی
 مندن بولوسن دویمیوب آخر حسنینیم
 ایستکلی لریمدور بو ایکی نور دو عینیم
 قویما ایده مندن صورا چوخ غصّه حسنینیم
 تا سولمیه رنگی رخ زیبادن عم اوغلی
 وار چوخلی بلاسی باشینون دار فناده
 لب تشنه کَسَلَر باشینی کرب و بلاده
 صدپاره دوشر پیکری میدان وفاده
 قان سو تک آخار غصّه لی صحرادن عم اوغلی
 تائب که بو غمده توکر اشگ تر حسرت
 عاصی دی دو توب قلبینی چوخ هول قیامت
 لطفاً اونا محشر گونی سن ایله شفاعت
 آسوده اول و حشت عقبادن عم اوغلی

زبان حال حضرت علی علیہ السلام در بالین حضرت زهرا علیہا السلام

ای رسوله ریحانه، آچ گوزون اویان زهرا
غصّه دن دویان جانه، آچ گوزون اویان زهرا



ای بلا گرفتاری، نطقه گل سنی تاری
منله بیر دانیش باری آچ گوزون اویان زهرا
ای اولان غمه صابر، غصّه یولداشیم هم سَر
من عم اوغلووام آخر، آچ گوزون اویان زهرا
کنز عفت و عصمت اول منیله هم صحبت
دینموسن ندور علّت آچ گوزون اویان زهرا
گنتدی طاقتم آخر ای اولان منه دل بیر
بیر عم اوغلووی دیندیر آچ گوزون اویان زهرا
قالما سوز و سازيله سوزش و گدازيله
یاتما بیله نازيله آچ گوزون اویان زهرا
لاله تک دلیم قاندور دور ملالوی آندور
آز عم اوغلووی یاندور آچ گوزون اویان زهرا

غصّه چوخدی سیننده نار ظلم دشمنده

سنده یانموسان منده آچ گوزون اویان زهرا
داشتی درد و غم سیلی ووردولار سنه سیلی

اولدی گل یوزون نیلی آچ گوزون اویان زهرا
دائماً فگار اولدون تیره روزگار اولدون

محنته دچار اولدون آچ گوزون اویان زهرا
عمروین گلی سولدی ابر تک گوزون دولدی

محسنون شهید اولدی آچ گوزون اویان زهرا
چکدون آه اوستن آه عمرون اولدی چوخ کوتاه

ای شهید عشق الله آچ گوزون اویان زهرا
ای بلالره همسر تا و ارام من مضطر

ایلرم آدون ازبر آچ گوزون اویان زهرا
بلبل ایله که دلدن دائماً دیر گلدن

سالمارام آدون دیلدن آچ گوزون اویان زهرا

ای بلالی افتاده صبریمی ویرن باده
 از گولن بو دنیاده آچ گوزون اویان زهرا
 باغریم اولدی غمدن قان ایتدی صبریمی تالان
 گوزلریوه من قربان آچ گوزون اویان زهرا
 ای بلالی دلخسته نخل رافته هسته
 آغلارام باشون اوسته آچ گوزون اویان زهرا
 بلبل اولسا گلشن سیز اولماز آنی شیون سیز
 دائم آغلارام سنسیز آچ گوزون اویان زهرا
 حسنی ماه تابنده بو نه حال دور سنده
 قویمادی توان منده آچ گوزون اویان زهرا
 اوزگه حالیمی بولمز نسگلیم سانا گلمز
 بو یوزوم داخی گولمز آچ گوزون اویان زهرا
 دله حافظی مین غم اولدی تائبه همدم
 یازدیلا بیلله باهم آچ گوزون اویان زهرا

زبان حال حضرت زهرا علیها السلام به حضرت علی علیها السلام

گرچه آسان شد از این پس جمله مشکلهای من
 گشت خونین دل ز هجرم لیک همدلهای من
 پروریدم تازه گلها در گلستان حیات
 رفتم و ماندند حیف افسرده گلهای من
 دوشوب بستره زهرا نه مدت دور عم اوغلی
 گل آل گوگلومی وقت عیادت دور عم اوغلی



بو ایوده نچه مدت بو دلخسته سنیه
 ویروب باشه اوز عمرین ملال و محنیه
 گل اول سنده مصاحب بو ساعتده منیه
 منه عمرده فرصت بو ساعت دور عم اوغلی
 بابامدان صورا اولدوم نه دلشاد نه گولدوم
 ایشیق گوندوزی دائم قرانلوق گنجه بولدوم
 اوزون گوردون ایویمده جفائیه دوگولدوم
 بو ناخوشلیقا علت او حالت دور عم اوغلی

آچان وقتده دشمن منه دست عداوت
 یانان سینه مه یتدی منیم کاری جراحت
 قالور بو بدنیمده هله نقش جسارت
 منه شاهد او نقش جسارتدور عم اوغلی
 ویرردون منه سن یر همیشه گوز ایوینده
 ایشتمزدی قولاقیم کدرلی سوز ایوینده
 منی دگدوله دؤزدون ندن بس اوز ایوینده
 سالان سینه مه آتش او حسرتدور عم اوغلی
 او گون که ستمیله عدو حقیمی آلدی
 زبس آرتدی ملالیم داخی صبریم آزالدی
 یوزوم گل کیمی باد جفائیله سارالدی
 منی سولدوران اول ظلم او آفتدور عم اوغلی
 اولار قان دل لاله بو باغریم کیمی اولماز
 دولار گویده بولودلار گوزوم تک ولی دولماز
 سولار باغده گل لر ولی من کیمی سولماز
 منیم حالیمه بو سوز اشارتدور عم اوغلی

بولود تک دولی گوزدن سرشگ غمه دولدوم
 غمیم حددن آشدی یانوب خونجگر اولدوم
 بهشتی گلیدیم من توکوب گوزیاشی سولدوم
 یوزوم شبنمی اشگ مصیبتدور عم اوغلی
 داخی چارم آزالدی دلیم غمله دولان گون
 گل باغ معاشیم جفائیله سولان گون
 حیاتیمدن اوساندیم فدک غصب اولان گون
 ایاقدان سالان ایله حکایتدور عم اوغلی
 فدک گیتدی اوجالدی گویه شیون و شینیم
 ساراتدی یوزومی غم پوزولدی حسنینیم
 ساری گل کیمی سولدی سارالدی بو حسنینیم
 منه ایمدیده حسرت او محنتدور عم اوغلی
 اله چاتمادی حقیق نقدری طلب ایتدیم
 دوشوب تنگه حیاتییم داخی من جانا یتدیم
 قالبوب چاره سیز آخر اوزوم مسجده گیتدیم
 یتوردوم او که حق و حقیقتدور عم اوغلی

و یروب حقیمی سالدی یولا دشمن جانی
اولوب توش گلنده یول اوسته منه جانی
ووروب سالدی ایاقدان بو رنجور بلانی
منیم مرگیمه علّت او جرأتدور عم اوغلی
گمان یوخ بو مرضدن تاپا فاطمه صحت
بو ناخوشلوقوم ایلر منیم لحظه ده شدّت
گل اگلش باشیم اوسته بولاق وقتی غنیمت
دیوم تا سنه نچه وصیتدور عم اوغلی
او گون که دوئر عمریم گونی دهرده ليله
قالار زینب آناسیز دونر گوزیاشی سیله
گئجه قوی منی قبره گئجیله کفن ایله
قبول ایت بو سوزی گرچه زحمتدور عم اوغلی
مبادا بوله دشمن ایدوب فاطمه رحلت
اولا دفنیمه حاضر او بی شرم جماعت
اگر ایتسه له شرکت تاپار روحیم اذیت
منه قاتل او نادان جماعتدور عم اوغلی

بولورسن اوزون آخر سن ای قلبی شکسته
ایدر واهمه قبرین ایوینده دل خسته
منی دفن ایله اگلش بیر آز قبریمین اوسته
آلان صبریمی الدن او وحشتدور عم اوغلی
قیتسن ایوه گورسن سولوب گل کیمی اطفال
حسینون اوپ اوزوندن حسن بوینونا قول سال
قزیم زینبی دیندیر دانیشدور اورگین آل
اونا قیل او که مهر و محبتدور عم اوغلی
بیر عمر اولدی نگهبان وفا باغینه زهرا
چکوب ناز بیوتدی نچه نوگل زیبا
اجل گلدی اولاردان آیردی منی اما
سنه مندن او گللر امانتدور عم اوغلی
یتورم سنه مین سوز بو بیر کلمه سوز اوسته
یاتورداردیم اولاری محبتله دیز اوسته
اوزون من کیمی مندن صورا ساخلا گوز اوسته
علاقم اولارا بی نهایتدور عم اوغلی

رضا اولمازیدیم من اولار غمزده اولسون
 گلوب دللری درده گوزل گوزلری دولسون
 قونوب تل لرینه توز او گل یوزلری سولسون
 اولار نوگل باغ رسالتدور عم اوغلی
 دولار اشگیله چشمیم اگر گوزلری دولسا
 گلر نالیه روحیم اولار دیده تر اولسا
 دؤنر قانه بو گوگولوم اولار گل کیمی سولسا
 اولار میوه نخل نبوتدور عم اوغلی
 منیم اوغلوما تائب یازار شرح مصیبت
 هدر قویمارام اولسون اونون ایتدوقی خدمت
 بو عالنده جزاسی اولور فیض زیارت
 قیامده سزاسی شفاعتدور عم اوغلی

زبان حال حضرت زهرا علیها السلام به حضرت علی علیه السلام

گل جان ویروری فاطمه دلخسته عم اوغلی
 درک ایله بو مظلومه نی جان اوسته عم اوغلی
 اگلش باشیم اوستونده تلاوت ایله قرآن
 ای ناطق قرآن او گوزل لحنه قربان



بو بیر نچه آن دور منه بو عمرده فرصت
 وصلت قوتولور باشلانوری عالم فرقت
 گل همنفس اول منله بولاق وقتی غنیمت
 درد دل ایداخ درد یوی سن دی منه آغلا
 منده دیوم اوز دردی می بیر بیر سنه آغلا
 بیر اودلی اورک مین لر یله غصّه گوتوردی
 هر تازه غمیم کهنه غمی گلدی ایتوردی
 غم غصّه منیم دردی می آخرده یتوردی
 جانان داخی جانانه قسم دویدوم عم اوغلی
 تندن دیریلوق رختینی من سویدوم عم اوغلی

از بس غم و دردم چو خالوب صبریم آزالدی
 یاندی اورگیم آهیم اودی عرشه اوجالدی
 آفتزده گل لر تک اوزوم سولدی سارالدی
 مطلق ایدر اعلان غیمی بو رُخ زردیم
 باخسان بوله سن وار نه قدر سینه ده دردیم
 من بیر گلودوم رنگیمی غم ایتدی پریده
 جانی ستمی قامتیمی قیلدی خمیده
 آخر ایدرم ترک بو دنیانی شهیده
 ئولسم دی رسا قَدّی خمیده ئولن ایوای
 وای سینه سی مجروح شهیده ئولن ایوای
 ای همدمیم ای محرم اسرار نهانیم
 پنهان اولامشکلدی منیم درد عیانیم
 شاهددی یانان دربیله دیواریله قانیم
 نه صدمه یتیشدی منه اشرار آراسیندا
 سقط اولدی جَنینیم در و دیوار آراسیندا

من اودلامیشام دهری یا نقلیقدا یاخشدا
 دریایه ووروب طعنه گوزوم یاشی آخشدا
 مین لر غیمی شرح ایدرم بیر بو باخشدا
 بو طرز نگاهیمده بولرسن نه سوزوم وار
 بو سوزلی اورکده نقدر صبر و دُوزوم وار
 عالمسن عم اوغلی نجه مظلومه دی زهرا
 بیر قلبی سنق سینه سی مغمومه دی زهرا
 صدّیقه دی مرضیه دی معصومه دی زهرا
 اما گینه مشمول نوال ایله بتولی
 گر انجیمیش اولساندا حلال ایله بتولی
 من ئولسم اگر سینه وی مایل ایله صبره
 اوخشاتما دولی گوزلریوی بیر دولی ابره
 ویر غسلیمی گیزلین گئجه تاپشور منی قبره
 گیزلینده قالا مدفنیم ایل لر بویی دائم
 کشف ایلر اوزی گلسه بالام حجت قائم
 ای جان جهان مهر و وفا نخلینه هسته
 مدفندن ایدر واهمه بو قلبی شکسته

دفن ایت منی بیر قدر دایان قبریمون اوسته
 تا وحشت قبریله دوتا فاطمه اُلفت
 باش چکماقا اطفالیمه صوندان ایله رجعت
 یتسن ایوه گورسن که سولوب گل کیمی اطفال
 اوپ نازلی حسینی حسنون بوینونا قول سال
 بیر زینبی دیندیر او سینیق گوگلونی بیر آل
 لطف ایله اونا قلبی سینیق غصّلی قزدی
 آز سنّیله چوخ نسکلی واردی آناسیزدی
 گل صاحبیم آل اوزورم اوز چمنیمدن
 اُلفت کسورم نوگل یاس و سمنیمدن
 یعنی دوشورم آیری حسین و حسنیمدن
 نه دویدوم او ایستکلیلریمدن من عم اوغلی
 نه دویدی حسین و حسنیم مندن عم اوغلی
 واردور بولورم چوخلی علاقه منه سنده
 یول قبریمون اوسته سالاسان یاده دوشنده
 عرضیم بودی قبر اوستونه تک گلمه گلنده

سنله بیله گلسونله گل اوزلی حسنینیم
 قرآن اوخوسون قبریمون اوستونده حسنینیم
 بو گلماق اگر اوغلوم حسینه اولا زحمت
 من قویمام اولابی عوض البتّه بو خدمت
 لب تشنه یخاندا اونی بی رحم جماعت
 دلده آدی معناده باشی اوستونه گللم
 زلف تریله یوز گوزونون قانینی سیللم
 من یوز گوزونون قانینی زلفیمله سیلنده
 لطف ایت بالاما گل باشینون اوستونه سنده
 بیر جام الونده سو گتور لیک گلنده
 سیراب ایله قویما گوزی حسرت سویا باخسون
 سو حسرتی قلبینده اونون گوزلری آخسون
 تائب سنه بو طبعی ویروب قادر صانع
 اما اولوری فکر تَمَوُل اونا مانع
 یالوار یتّه توفیق خدا ایلیه قانع
 قانع لوقون اولسا بو سوزی یاخشی یازارسان
 نه فکرون آزارسان نه اوزون سوزده آزارسان

زبان حال حضرت زهرا علیہا السلام دردم واپسین

گل یتیشوب موسم هجران عم اوغلی
حسرتیله من ویرورم جان عم اوغلی
دلده نوا سینه یارا گل اوخی قرآن عم اوغلی



غم لر ایدو بدور منی دلزار و خسته
ترک ایدورم عالمی چوخ دلشکسته
لطف ایله گل بیر باشیمی آل دیز اوسته
گل او گلن یوللارا قربان عم اوغلی
گل منی دیداریوه چوخ قویما حسرت
وصل یتوب باشه گلوب فصل فرقت
گل باشیم اوسته ایله قرآن تلاوت
جان ویرورم جان ویروم آسان عم اوغلی
دلده فزون دور غمیم آغلار گوزوم وار
اودلی دلیم گل کیمی سولموش یوزوم وار
لطف ایله سن بیر نچه گزین سوزوم وار
گل ایلیوم بیربه بیر اعلان عم اوغلی

آل بو نچه عرضیمی اودلو دلیمدن
لطفوی کسمه ایکی نورس گلیمدن
خاصه حسینیم کیمی بیر سو گلیمدن
قویما ایده ناله و افغان عم اوغلی
بلبلیدیم آیریلورام من چمندن
ال اوزورم نوگل یاس و سمندن
دویمادیم عالمده حسین و حسندن
باغیریم اولور لاله کیمی قان عم اوغلی
باد حوادث آسه گر گلستانه
ایلر عوض تازه بهارین خزانه
بو سارالان رنگ او خزانده نشانه
گل سارالوب سولدی گلستان عم اوغلی
من دیمورم خصم منه ووردی سیلی
صبر ایویمی یخدی دیم غصه سیلی
وار بو قدر جسمیم اولوب جامه نیلی
بسکه دگوب قمچی عدوان عم اوغلی

دوره می هر لحظه ده محنت لر آلدی
 یاندی قاپیم سینه ده صبریم آزدی
 مه یوزومه ظلم الی بیر نقش سالدی
 توکدی گوزوم نجم درخشان عم اوغلی
 سوز دلیمدندی نشان آه سردیم
 حالیمی ایلر عیان رنگ زردیم
 ایتمه میشم کشف واریمدور نه دردیم
 ساхлаموشام سینه ده پنهان عم اوغلی
 وحشت ایدر قبرین ایویندن بو خسته
 قبره قویاندا منی ای دلشکسته
 دفن ایله اگلش بیر آز قبریم اوسته
 قویما منی تک سنه قربان عم اوغلی
 تائبی چوخ قرض ایلیوب دلشکسته
 یأسی وار اولموش بیزه اُمیدی بسته
 ایلمه مایوس اوزون حقدن ایسته
 قرضین ایده لطفیله احسان عم اوغلی

دفن کردن علی (علیه السلام) فاطمه (علیها السلام) را

دوبیت اشعار عربی را ذیلأ درج می شود به خود حضرت مولی الموالی نسبت می دهند.

نفسی علی زَفَرَاتِهَا مَحْبُوسَةٌ یا لیت خرجت مع الزفراتی
 لا خیر بعدک فی الحیوة و اَئْمَا ابکی فخافَ ان تطول حیاتی

مرتضی زهرانی آغلار گوزلی مدفون ایلدی
 آغلادی پیغمبری آغلالتدی محزون ایلدی



ظاهراً دفن ایتدی اول درد و بلا مجروحینی
 باطناً تاپشوردی قبره مرتضا اوز روحینی
 مُجَمَّلاً مَدَنَظَر قیلدی غم مشروحینی
 چشمهٔ چشمین یوزونده رشگ جیحون ایلدی
 زار و محزون حالی پوزقون دلشکسته اشگریز
 قبره یوز دوتدی خطاب ایتدی او سلطان حجیز
 ساخلا پیغمبر عزیزین ای قرا توپراق عزیز
 محنت دوران بونی چون غنچه دلخون ایلدی

بو او زهرادور که مثلین چشم خلقت گور میوب
 اوز آتاسیندان صورا غمدن فراغت گور میوب
 ساخلا آغوشوندا راحت استراحت گور میوب
 درد و محنت یوردی بو مجروحی محزون ایلدی
 سنده مدفون ایلدیم مهر و وفا آئینه سین
 بستر ایلردی اوشاقلدا پیمبر سینه سین
 عزتیه ساخلا سینونده حیا گنجینه سین
 مرتضی بیر دُر عصمت سنده مدفون ایلدی
 سنده مدفون اولدی گلزار رسالت نوگلی
 عصمت کبرای حق پروردگار سوگلی
 قبری اوستونده دوروب گوزیاشلی آغلار بلبللی
 بلبلین حالین بو گل هجری دگرگون ایلدی
 سنده مدفون اولدی نخل مهره هسته فاطمه
 درد و غم لر یورقونی دلزار و خسته فاطمه
 قامتی خم قول سنق پهلوشکسته فاطمه
 جان بی مثلین فدای ذات بیچون ایلدی

سنده محنتله اولان بیر قلبی صدپاره یاتوب
 ظلم الیندن زلفی آغ اما گوزی قاره یاتوب
 عارض نیلی قولوندا سیننده یاره یاتوب
 دردیمی نسکلری سیننده افزون ایلدی
 اولدی محبوس ملالی روح مجروحیم منیم
 تازه لندی هر غم اجمال و مشروحیم منیم
 کاش اجل گلسون او غملرله چیخارویم منیم
 تلخ شیرین عمریمی بو دور گردون ایلدی
 نیلورم دنیانی بیرده دُخت طاهادن صورا
 آغلورام بی جا دگول ناموس کُبرادن صورا
 قورخورام چکسون حیاتیم طول زهرادن صورا
 خوش دوشر گورسم منه حق موتی مقرون ایلدی
 آغلادی قلیین بوشادتدی تاجدار هل آتی
 اللری قوینوندا گوزده اشگ تر دلدن نوا
 مین غمیله رجعت ایتدی منزله اول مقتدا
 اودلی قلیین آتش آلامه کانون ایلدی

وارد اولدی منزله دلدۀ او شه نسکل لری
 باشینه جمع ایتدی مهریله پریشان دل لری
 رأفتیله بیربیر دیندیردی شیرین دیل لری
 غم لرین دلدن او شه لطفیله بیرون ایلدی
 حلقۀ ماتم قوروبلار خاطر مهمومیله
 یوز یوزه قویدی حسن شاهنشۀ مظلومیله
 بیر طرفده زینب اولدی قول بویون کلثومیله
 بیربیری بیر طرز کشف سرّ مکنون ایلدی
 اگلشوب مأیوس حالیه بلا آماده لر
 پای بند درد و محنت اولدولار آزاده لر
 آغلادی شه شاهه باخدی آغلادی شهزاده لر
 دُرّج چشمین گوهر اشگیله مشحون ایلدی
 کثرت غمدن ایتیرمیشدی بالالار اوزلرین
 شه آلاردی تک به تک دلدن یانقلی سوزلرین
 گه اُپردی دیندیردی گه سیلردی گوزلرین
 روح زهرانی اوزوندن شاد و ممنون ایلدی

هاردا قالموشدی گلیدی بو امام نشأتین
 اوندا که یانموش چادردا قالدی اطفال حسین
 آج سوسوز یورقون پریشان یوزلرینده اشگ عین
 بختی وارون اونلاری بو چرخ وارون ایلدی
 بیر ویریدی تسلیت اطفال خشگیده لَبه
 گوش ایدیدی اول چادردا ذکر یارب یاربه
 بیر دیلیله هر بالا دردین دیردی زینبه
 جان حسینون منت عشقینده مرهون ایلدی
 اولدی بانی بو کلامه بیر غلام شاه دین
 بزم غمده یازدی تائب بیله شعر آتشین
 خوشدی قبرینده دیولسه بو کلام دلنشین
 مرتضی زهرانی آغلار گوزلی مدفون ایلدی

زبانحال امام حسن علیهما السلام
خطاب به امام حسین علیهما السلام

فارسی

زهر کین داده حسین دشمن بد آئینم
سوخته باز دل سوخته زهر کینم



قطره خون به لبم از اثر زهر بین
وز ره عاطفه بنشین به سر بالینم
دست رافت بنما طوق مرا بر گردن
پاک کن خون دل از لعل لب خونینم
چهره بر چهره من نه ز ره دلسوزی
وز عطوفت بستان در دل غمگینم
آخر عالم وصل است توام سیر بین
اول هجر فراز آمده سیرت بینم
گل نازند به گلزار حیات اطفالم
گردد افسرده مبادا سمن و نسرینم

نازشان کش که نگریند یتیمان حسن
تا نگرید به جنان چشم حقیقت بینم
گه تشیع مکش تیغ شهادت ز غلاف
به بر جدم اگر ره ندهند از کینم
تیرباران بنمایند به تابوت مرا
به تنم تیر نشیند ز ره توهینم
تائبم بر سر خود شور حسینی دارم
ز اشگ شورم شده شیوا سخن شیرینم

زبانحال امام حسن علیه السلام خطاب به امام حسین علیه السلام

گل اولوب مسموم قارداشون حسن قارداش حسین
سن منه آغلا سنه جان اوسته من قارداش حسین



گل آتام اوغلی منه شرب بلا ایچدیردیلر
بو فنا فی الله صهبای بقا ایچدیردیلر
سویرینه ظلمیله زهر جفا ایچدیردیلر
دوتدی سوزش زهریله بو جان و تن قارداش حسین
گل منیم اگلش کناریمده وفالی قارداشیم
بول بلاسین باشیمین باشی بلالی قارداشیم
اول منیله همصدا دلدن یارالی قارداشیم
من دیوم ایوای حسین سن واحسن قارداش حسین
آخرین دیداردور گل عقد آفت باغلیاق
سن منه یان من سنه شوریه سینه داغلیاق
یوز یوزه قوی منله قارداش بیر دیونجا آغلیاق
ای یوزی مندن صورا بیر گولمین قارداش حسین

اشگیمی ایلر حکایت گل لر اوسته ژاله لر
بو سزلیتمدن اشارت هر یانقلی ناله لر
داغلی سینمدن علامت سینه داغلی لاله لر
حسرت لعل لبیم لعل یمن قارداش حسین
دوشموشم قارداش ایله بیر درده یوخدور چاره سی
حالیمی ایلر بیان بو دل دوداقیم یاره سی
زینب مظلومه سالسون باشه قارداش قاره سی
یاسه باتسون چون فُسرده یاسمن قارداش حسین
بیر قرا سالسون بو گون اولسون عزالی زینبیم
اول قدر چکمز دوشر ئلدن آرالی زینبیم
اصلی یثربلی اولار کرب و بلالی زینبیم
یدی قارداشه بیچر اوردا کفن قارداش حسین
من بو گون ئولم جفا جو اشقیا یوخلار منی
باطل ایلر حقیقی ناهق بولر چوخلار منی
شرمسیزلر ظلمیله تابوته اوخلار منی
اوخلانار مسموم اولان یورقون بدن قارداش حسین

ایتدیلر مسموم مندن صبر و طاقت آلدیلار
 جسم و جانیم اود دوتوب یاندی یانار اود سالدیلار
 خرداجا سئیه اطفالیم آتاسیز قالدیلار
 اولدی عالم اونلارا بیت الحزن قارداش حسین
 قاسمین قلبی سنقدور قویما چوخ غمگین اولما
 گوگلون آل آغلار بولود تک گوزلری قویما دولما
 اولما راضی غم ویره یوز نوگل نازیم سولما
 چون آتاسیزدور آتالیق ایله سن قارداش حسین
 قاسمی سن سالما گوزدن آل هاشم آتماسون
 محنت ایام هجرانیم اونی آغلتماسون
 قیل محبت بیر گیجه عمرونده غمگین یاتماسون
 قویما ایتسون ناله اول شیرین سخن قارداش حسین
 اولمارام راضی یتیمیم محضروندن آیریلما
 خوش ترانه عندلیبیم گل لروندن آیریلما
 اکبروندن سئچمه قویما اکبروندن آیریلما
 بول ایکی جان دلی بیر پیرهن قارداش حسین

سن گتور قارداش اله مندن صورا دلخواهیمی
 توپراق آتدا قویما غم لسنون دل آگاهیمی
 چک هامی نازین بیوت شهزاده عبداللہیمی
 چون سنه قرباندی اول وجه الحسن قارداش حسین
 من نجه اولدوم حیاتیمنده حسین زار و نزار
 ها کذا اولام مماتیمدن صورا پوزقون مزار
 قبریمین پوزقونلوقی زواریمین حالین پوزار
 حسرت ایلر قبریمی هر بیر گورن قارداش حسین
 صبری تاراجه گیدر هر کیم ایشیتسه صبریمی
 یاد ایدر آغلار بولودلار گوزده دولموش ابریمی
 حالیمه آغلار گوره هر کیمسه پوزقون قبریمی
 من کیمی یوخدور بولر مظلوم ئولن قارداش حسین
 ایله نسکللی اولار قبریم قلوبه اود سالار
 سایبان اولماز مزاریم گون قباقینده قالار
 یل آسنده قبریم اوستون توز دوتار توپراق آلا
 نه اولار بیر سو سپن نه بیر سیلن قارداش حسین

قصد ایدر زوآریم اُپسون قبر حسرت باریمی
 شوق و ذوقیله گله لر چوخ اوزاق یولآریمی
 لیک قبریم اوسته قویمازلار یته زوآریمی
 بیر مسافتده قورالآر انجمن قارداش حسین
 نه تاپار فرصت جواریمده گلن لر قالماقا
 مدفنیم بوس و کنارین درک ایدوب فیض آلماقا
 نه قویالار قبریمه زوآریمی قول سالماقا
 نه اولار بیر کیمسه آغوشه چکن قارداش حسین
 قبریمه زوآر الی چاتماز که سیلسون گردینی
 بوینی چیگنینه یووار اشگیله روی زردینی
 خوف اعدادن دیر گیزلینجه گیزلین دردینی
 درد پنهانین دیه بولمز علن قارداش حسین
 من حسین مظلوم دورانم ولی نه سن کیمی
 سنده چوخ مظلوم اولارسان دهرده نه من کیمی
 تک منیم لعل لبیم اولدی گل سوسن کیمی
 سن اولارسان سربه سر گلگون کفن قارداش حسین

من سو ایچدیم بیر ایچیم اوز مرگیمه اولدی سبب
 جان ویررسن سو کنارینده ولی سن تشنه لب
 قتلوه سبقت ایدر جان اوسته اشرار عرب
 جسموه یاره وورار هر بیر یتن قارداش حسین
 ظلمیله ازبس وورالآر نیزه و خنجر سینه
 گل آچار جسمون یارئیله دُتر بیر گلشنه
 باشون اوستونده گلر بیر دسته بلبل شیونه
 اولماز اما زینیم تک داد ایدن قارداش حسین
 منده قیلآم عالم معناده عزم کربلا
 اله عمّامه گلر جدیم آتام شیر خدا
 هم آنام زهرا گلر زینبله اولسون همصدا
 او، اولار زینب سسینه سس ویرن قارداش حسین
 ایستدی بو شرحی تائبدن حمید نوحه خوان
 دفتر غمده یازیلسون بیله غملو داستان
 حشرده مأجور اولار هم یازدیران هم سوز یازان
 بیتینه بیر بیت جنتدور ثمن قارداش حسین

زبانحال امام حسن علیّه السلام خطاب به
حضرت زینب ۳ در حال مسمومی

بیر جرعه میل ایدوب سو دوتدوم شراره زینب
قویما حسینیم ایچسون ای ماه پاره زینب
ای زار و دلشکسته روحیم اولوبدی خسته
آل باشیمی دیز اوسته گئتمه کناره زینب



قرب وصاله ایلوب دعوت منی حبیبیم
من بیر مریض عشقم پیک اجل طبیبیم
بو زهر کینه اولموش یالقیز منیم نصیبیم
قسمت دگول حسینه ای ماه پاره زینب
حاکیدی گوزیاشیدمان برگ گل اوسته ژاله
دل ناله مه اشارت هر بیر سزیتلی ناله
داغ دلیم نشانی هر سینه داغلو لاله
یاد ایت منی سالاندا یول لاله زاره زینب

من بیر گلم بهاریم اولدی خزان چمنده
چوخ زخم خار گوردوم اگنیمده پیرهنده
اولدوم وطن غریبی ایل لر بویی وطنده
اوز شهریم اولدی غربت من دلفگاره زینب
قسمتدی بو حزینه زهر آتشیله یانماق
صدپاره لب لریله جانیه بیلده دایانماق
قسمتدی بو حسینه قانه سوسوز بویانماق
عطشان ئولر سو اوسته دلده شراره زینب
باشی بلالی اولدوم گرچه من ای وفالی
اما اولار حسینیم منندنه چوخ بلالی
جبراً چیخار وطندن ئلدن دوشر آرالی
گه چوللره سالار یول گه کوهساره زینب
من بیر گلم اگرچه دوشدوم چمندن آیری
سالموبلا لیک جبراً ئلدن وطندن آیری
اولموب منیم حسین تک باشیم بدنن آیری
دورت مینلریله یوخدور جسمیمده یاره زینب

هرچند اودلیو بدور بو قلبی آه برقی
 چولقار شرار آهیم یکباره غرب و شرقی
 منکن ولی حسینون چوخدور جهاندا فرقی
 محنت یتر بو سوزده ایتسم اشاره زینب
 درک ایلرم بو یرده من اوز آنام جوارین
 مسکن ایدر حسینیم اما بلا دیارین
 باد مخالف ایلر اوردا خزان بهارین
 هرگز الی یتیشمز بیرده بهاره زینب
 غربتده بو حسینیم آخر ئولر وطنسیز
 باشی جدالر اوسته هریان گزر بدنسیز
 توپراقلار اوسته عریان جسمی قالار کفنسیز
 جسمینده زخم کاری گلمز شماره زینب
 گرچه ایدر حسینی مظلوم فرقه شوم
 اهل جهانی ایلر مظلوم آدیله مغموم
 اما باجی منیم تک اولماز حسین مظلوم
 چاتماز حسین منیم تک بو اشتهاره زینب

منظر دی اهل عشقه قانه حسین باتان یر
 زهرا آنام او قانه گوز یاشینی قاتان یر
 طعنه وورار بهشت عدنه حسین یاتان یر
 زوآر ایدر زیارت قبرین هماره زینب
 مدفندی بو حسینه کرب و بلا دیاری
 چون عرش اولار یر اوسته ششگوشه بیر مزاری
 چولقار جهانی یکسر اول قبرین اشتھاری
 ملک عراق ایدر فخر اول اشتھاره زینب
 اوردا یاتار حسینیم یورقون یارالی خسته
 اوردا آلار بالاسین نازیله سینه اوسته
 اول مدفنه قویار یوز زوآر دسته دسته
 لایلائی دیهله جمعاً اول شیرخواره زینب
 بیر باادب جوان کیم جدیم رسوله بنزر
 هم اکبر آلدیدور هم وار اوندا شأن اکبر
 تا حشر ایاقی آلتین نازیله بستر ایلر
 هم قبر اولار جوانی اول شهریاره زینب

اوردا دوشر حسینون چوخ عالی بیر رواقی
 جلب ایلر اول مزاره زواری اشتیاقی
 بعضی گلر پیاده مجروح اولار ایاقی
 دردین دیر او یرده اول شهسواره زینب
 اما نجه پریشان اولدی بو روزگاریم
 ایله اولار پریشان پوزقون منیم مزاریم
 زواریمی پوزار چوخ اول قبر غصّه باریم
 درده گلر باخان اول پوزقون مزاره زینب
 ایله دوشر غریبه قبریم منیم وطنده
 مین درد و حسرت ایلر زواری هر گورنده
 گرد و غبار چولقار اول قبری یل آسنده
 دایم باتار مزاریم گرد و غباره زینب
 چوخ آز گلر گلنده زواری زار و خسته
 دشمنلریم ایده لرر ظلمیله دلشکسته
 قویمازلار بیر دوشنسون توزلی مزاریم اوسته
 کامینجه باری چکسون جان تک کناره زینب

بیر نکته وار دلیمه قویماز قرار منده
 ایستر گلنلر اُپسون بیر قبریمی یتنده
 زواریمی دُوگلر اول مدفنی اُپنده
 درده گلر ایدنده روحیم نظاره زینب
 آغلار غمیده چوخلار چوخ سوزش دیله
 نوحه یازار یازانلار شیرین گوزل دیلیله
 تائب یازاندا اودلار آفاقی نسکیله
 شرطی بودور ویره دل پروردگاره زینب
 یازسا سوزی یازاندا گر قربهً اِلَی اللّٰه
 چوخ سَرّی سوزدن ایلر پروردگاری آگاه
 یاخشی چیخار قلمدن شعری به رَغم بدخواه
 احسنت سویلرم اول نقش و نگاره زینب

زبان حال حضرت زینب علیها السلام در بالین امام حسن علیهما السلام

باجون زینبه دردون دی آندور آنام اوغلی
دوداقوندا دوزولموش نه قاندور آنام اوغلی



بو حالون پوزولوبدور نندن بیله حسن جان
اولوب لعل دوداقلار نندن قانیله الوان
باجون زینب او قانه باتان لبلره قربان
ایدن زینبی دلخون او قاندور آنام اوغلی
ندن زینبون ئولسون پریشان دل اولوبسان
بولود تک دوتولوبسان نندن بیله دولوبسان
گل سینه زهرا نندن بیله سولوبسان
ندن بیله بهارون خزان دور آنام اوغلی
دولار ابر بهاری گوزون تک ولی دولماز
گلستاندا سولار گل یوزون تک ولی سولماز
قالار بلبللی نالان ولی من کیمی اولماز
ایشیم ناله دی شغلیم فغان دور آنام اوغلی

سنی کیم آنام اوغلی بو احواله سالوبدور
ویروب زهر قرارون بیله الدن آلوبدور
الون بیله اورکده یانا یانه قالوبدور
گله جانیمه دردون دی آندور آنام اوغلی
گلوب عالمه سن تک نه بیر کس اولام مظلوم
حقوقیندن اولوبدور نه سن تک بیری محروم
نه سن تک ایلوبلر بیرین دهرده مسموم
یوزوندن اثر زهر عیاندور آنام اوغلی
او گلسن که گیدوبدور بهارون چمنینده
چوخ آثار خزان وار سنون پیره نونده
غریب وطن اولدون همیشه وطنونده
بو دردون منه چوخ چوخ گراندور آنام اوغلی
اوشاقلار یانور آغلور ایله پرسش احوال
بو عبدالله و بکره عنایتله نظر سال
بالان قاسمی دیندیر دانیشدور اورگین آل
اونی سالما گوزوندن اماندور آنام اوغلی

نجه حسرتیله گور یانا یانه باخولار
 سالوب آهیله آتش دل و جانہ باخولار
 قویوب چیگنینه بوینون یتیمانه باخولار
 جگر قانلاری گوزدن رواندور آنام اوغلی
 یاخوندور چیخا قاسم آنام اوغلی اوزوندن
 چاگیر لطفیله پاک ایت آخان اشگی گوزوندن
 آلوب گوگلونی بیر آپ اونون سولموش اوزوندن
 عیان ایت او که مهر نهاندور آنام اوغلی
 اولوب خانه عشق حسین گوز حَاقینون
 او عشقیله گوزتله گوزون نور دو عینون
 بو قلبون آز اوغوشدور گلر ایمدی حسینون
 آلان دردون او جان جهاندور آنام اوغلی
 گلوب گورسه حسینون یوزه اشگینی باغلار
 قویار یوز یوزه سنله یانان قلبینی داغلار
 او آغلار سنه اما بیر عالم اونا آغلار
 بابام ذکری او شرحه بیاندر آنام اوغلی

مدینه سنه مدفن اولار سینه یارالی
 منیم لیک حسینیم دوشر سندن آرالی
 یاتار کرب و بلاده اولار کرب و بلالی
 اونا مدفن او غملو مکاندور آنام اوغلی
 سولار گل لری اوردا اونون غنچه چاقیندا
 یاتار قبرده یورقون بالاسی قوجاقیندا
 اولار محشر اولونجا یارا گوز قاقاقیندا
 بالاموای اونا ورد زباندور آنام اوغلی
 گلر چوخلاری ایله بیزه نوحه کتابت
 ایدر تائب صادق ولی صدقیله خدمت
 اونا لطفیله دم ویر تاپا شعری حلاوت
 هامی گورسون او شیرین زباندور آنام اوغلی

میلاد امام حسین علیہ السلام

فارسی

بر گوش دلم پیک فرح بخش ندا کرد
با طرفه ندائی ز غم و غصه رها کرد
❖❖❖❖❖

کای دلشده برخیز و ببین قدرت یزدان
در گلشن توحید چه گل نشو و نما کرد
آن گل که خجل گشته گل از نشو و نمایش
آن گل که ز لعل لب او غنچه حیا کرد
آن گل که ز داغش شده پر خون دل لاله
آن گل که دل غنچه پر از مشگ ختا کرد
آن گل که بر او رشگ برد گلشن فردوس
از شبم او باغ جنان کسب صفا کرد
چون گل شه اقلیم وفا نام حسینش
عطرش همه آفاق پر از بوی وفا کرد
آن شاه که بُد خوابگش سینه زهرا
آن شه که نبی را به خودش مدح سرا کرد

آن پادشه عشق که در روز ولادت
مر فطرس پر سوخته را بال عطا کرد
مولود چه مولود که منذیل سرش را
حیّ ازلی زینت بر عرش خدا کرد
مولود چه مولود که در حین ولادت
بر خاک جبین سود و به حق حمد و ثنا کرد
مولود چه مولود که جبریل مر او را
گهواره بجنانده و خدمت به سزا کرد
مولود چه مولود شه ملک فتوت
در کرب و بلا رأیت دین شقه گشا کرد
آن عهد که در روز ازل بست به اخلاص
با صدق و صداقت به همان عهد وفا کرد
هفتاد و دو تن تشنه فدا داد به یکروز
قربانگه عشقش به جهان رشگ منا کرد
در قتلگش جبهه خونین به زمین سود
بر اهل عزا با لب خشگیده دعا کرد

در زیر دم خنجر بیداد بخندید
 شد سلم به تقدیر و رضایت به قضا کرد
 نقدینه جان در کف و در سوق محبت
 با حضرت معبود چنین بیع و شرا کرد
 جان داده و شد طالب کالای شفاعت
 بر اهل عزا کسب شفاعت به جزا کرد
 سر در ره دین داد به سر شور حسینی
 دلباخته تسخیر مقامات علا کرد
 اندر دل شب دست کرم داد به بجدل
 حاتم عرق شرم از این جود و سخا کرد
 انگشتر و انگشت به اهریمن بدخو
 اعطا به شب آن تشنه سلیمان بلا کرد
 با دادن انگشتر و انگشت به بخشش
 شد شهره آفاق و خود انگشت نما کرد
 تائب نکند واهمه در روز قیامت
 دل بسته هر آنکو به شه کرب و بلا کرد

ولادت امام حسین علیہ السلام

در منزل آقای حاج علی اکبر مارالانی نوحه خوان

سروده شده است.

حق پیمبر خاندانین نورباران ایلدی
 بیر اوغول ویردی حسین تک لطف شایان ایلدی



سطح غبرایه قدم قویجاق رئیس العاشقین
 تاپدی رفعت اول وجودیله سماواته زمین
 بو مقام و شأنه غبطه ایلدی عرش برین
 شأنینه عرش برینی فرش حیران ایلدی
 اولدی اول دم که شکفته نوگل باغ وفا
 گلشن توحید تاپدی واقعاً عالی صفا
 بو گلون وار عطری بو گلشنده تا روز جزا
 گل او گلدور دهری غرق روح و ریحان ایلدی

بو همان گلدور اُپردی دائم ایگلردی رسول
 بلبلی پیغمبرین ریحانه سی یعنی بتول
 وصفینه عاجزدی دل شأنینده حیراندور عقول
 ایله گلدور گل لَرین باغَرین قزلقان ایلدی
 بو گوهر دور بونا بطن بتول اولموش صدف
 پادشاه عشقدور فرقینده وار تاج شرف
 دوغمیوب دوغماز جهاندا بیر آنا بیله خَلَف
 هر آنایه فاطمه تحصیل رُحان ایلدی
 بو او گلدور شاخه سی اولموشدی آغوش بتول
 مرتضایه روح و جاندور شیرۀ جان رسول
 هر بلانی ایللیوب روز ازل دلدن قبول
 ابتلا طُغراسینی امضاء اذعان ایلدی
 اولمیوب آفاقده اولماز بو مولوده عدیل
 اوزگه بیر عزّت بو مولوده ویروب ربّ جلیل
 قابله لعیا اولوب گهواره جنبان جبرئیل
 فخر اوزیله خدمت اول سلطانه هر آن ایلدی

سویلوب ای آغلار قویان دنیانی لایلای آغلاما
 عشقینون عُشاق اولان حیرانی لایلای آغلاما
 آغلاما آغلار گوزون قربانی لایلای آغلاما
 حالتون اهل ولانی پوزدی گریان ایلدی
 آغلاما ای باغ توحیدین اولان نورس گلی
 آغلاما گلزار عشقین خوش ترانه بلبلی
 آغلاما ربّ جلیله ای وفالی سُوگلی
 حالتون مجموع دنیانی پریشان ایلدی
 آغلاما ای کوی عشقین تشنه قربانی حسین
 آغلاما ای باغ دینه سو ویرن قانی حسین
 آغلیاندا آغلادورسان فخر نسوانی حسین
 آغلاما نالن آنان زهرانی نالان ایلدی
 آغلاما ای ظلمیله جانندان دویان لایلای حسین
 آغلاما ای رختینی دشمن سویان لایلای حسین
 آغلاما ای شیعه نی آغلار قویان لایلای حسین
 باغریمی چون لاله حسرت داغلادی قان ایلدی

آغلاما قربانوام ای خامس آل عبا
 آغلاما ای کربلانی ایلین رشگ منا
 آغلاما واردور قابقدا ماجرای کربلا
 آغلا اوردا اونداک قان بحری طوفان ایلدی
 تک نه جبریل امین گلدی ملائک سربه سر
 اولدولار دیدار نور داوريله مُفتخر
 فطرس آزاد اولدی دردائیل تاپدی عزّ و فر
 قدرت مولوده باخ محزونی شادان ایلدی
 گلدی افواج ملک ویرسون رسوله تهنیت
 ویردیلر بو باره ده هم تهنیت هم تسلیت
 دوتدی پیغمبر حسینه ساقلیقیندا تعزیت
 بو ولادته شهادت سرّین اعلان ایلدی
 بیر حسینی که اونا ربّ جلیل اولموش دیه
 قصد ایدوب حین ولادته خدا ذکرین دیه
 صدقیله توپراقلار اوسته قویدی آنین سجديه
 توپراق اوسته آنی دلدن ذکر سبحان ایلدی

قُوزادی سَبّابه بارماقین گویه اول مُقتدا
 گوئیا ایتدی حضور قلبیله عرض ای خدا
 هر قضا ایتسن مُقدّر راضیم ویرم رضا
 ویردی دل دلدن وفای عهد و پیمان ایلدی
 سجده عشقه قویوب بیر بوردا اوز آنین او شاه
 بیرده دشت کربلا ده اول شه عالم پناه
 آنی اوخلی یوز یارالی آل یارالی آه آه
 امّته ذکرینده استیفای غفران ایلدی
 سوّم شعبانیدی بیر اکبر آدلی نوحه خوان
 ایتدی بیر عده عزاداری ایوینده میهمان
 اوردا طرح اولدی یازیلسون بو گوزل شرح و بیان
 تائب اوز طبع زرافشانین زرافشان ایلدی
 تائب عرض ایلر الهی حال رقت باریله
 عیددور بیر عید یانه لطف قیل حُضاریله
 کربلا یه عزم ایداخ بیزده گیداخ زواریله
 بیر بو حسرت سینه لردن صبری تالان ایلدی

زبان حال حضرت مسلم در کوفه به امام حسین عليه السلام

اهل کوفه ئولدوروللر ميهمانی یا حسین
گلمه آغلار قویما آل مصطفانی یا حسین



نامه ده گرچه پیمبر اوغلی یازدیم من ازل
اهل کوفه ایلدی بیعت منه بو شهره گل
لیک گلمه ایمدی واردی فعلده عکس عمل
ئولدوروللر مسلم بی خانمانی یا حسین
کوفه ایچره بیعتی سیندیردی اشرار زَمَن
نقض عهده چکدیلر قول فرقه پیمان شکن
اولدی دللرده اولان گزلین عداوتلر عَکَن
ایتدیلر ظاهر هامو کین نهانی یا حسین
انقلابه باشلادی بو کوفیان بی وفا
رحمسیزلر جسمیمه سانسیز ووروب زخم جفا
گلشن عمریم منیم مشکل تاپا بیرده صفا
نوبهار عمریمین یتدی خزانای یا حسین

دشمنه توش اولموشام هر سمته من یول سالموشام
یاره اوستوندن یارا بو خسته جانہ آلموشام
دادرس یوخ قان توکن جلّاد الینده قالموشام
اولموشام کثرتده وحدت همزبانی یا حسین
اولدولار اوّل مبارز بو هنرور شیریلہ
گوردولر فایق دگوللر روبرو شمشیریلہ
سالدیلار گوداله آخر حیلہ و تزویریلہ
صید ایدوب روباهلر شیر ژیانی یا حسین
بیر کسیم یوخ قاتل خونخواردور صاق و صولوم
تیغیمی الدن آلوبلار قطع اولوب چاره یولوم
آچدیلار جرأت الی ظلمیلہ باغلاندی قولوم
قوللاریمدا وار عداوت ریسمانی یا حسین
بیر غریبم، نچہ مین اشرار الینده قالموشام
آشنا یوخدور منه اغیار الینده قالموشام
بیر گل پژمرده ام مین خار الینده قالموشام
ای گل و گلزار دینین باغبانی یا حسین

نه بولوللر بو گروه كينه پرور ننگ نام
 نه ايدوللر رسم شرعيله قوناقه احترام
 نه باخوللار كه منم بير نايب خاص امام
 ئولدوروللر ظلميله بو باغريقاني ياحسين
 نه باخولار نسبتيم بطحايه وار بطحاليم
 نه باخولار سيدي من شهر عشقه واليم
 نه باخولار نايب پور على عاليم
 هي وورولار ياره اوستوندن ياراني ياحسين
 يوخ دين مسلمدي اي قوم لئام ئولدورميون
 بير غريون قتلينه ايتمون قيام ئولدورميون
 شرمسيزلر شرم ايدون نايب امام ئولدورميون
 قتليمي واجب بولور اعداي جاني ياحسين
 ئل اوزاق چاتمور اليم يوخدور سسيمه سس ويرن
 حاليمه نه بير يانان وار نه منه امداد ايدن
 ازدحاميله آلوب اطرافي سانسيز قان توكن
 قصد ايدوبلر بير نفر بي اقرباني ياحسين

دعوت اولموشدوم قوناق گرچه بو محنت خانيه
 دستگير اولدوم ولي بو يرده قوم جانيه
 باري سن گلمه اماندور كوفه ويرانيه
 ابتلايه سالما آل مصطفىاني ياحسين
 حيفدور شبه پيمبر اكبر تازه جوان
 روزوشب ليلا قويوب اول نوجوان اوستونده جان
 ئولدوره للر اكبر گلگون قباني كوفيان
 هجري مجنون ايلر اول مجنون نماني ياحسين
 بي حيا دور كوفيان ظلمينده چوخ طغيان ايدر
 قاسم سيمين عذاري قانينه غلطان ايدر
 قرمزي قاني حنا تك اللرين الوان ايدر
 نسكلي آغلار قويار پير و جواني ياحسين
 گلمه بو شهره سالالار چوخ بلايه باشوي
 قانيه ممزوج ايده للر نوفيان گوز ياشوي
 ئولدوره للر حضرت عباس تك قارداشوي
 قامت سروون اولار غمدن كماني ياحسين

گلمه گلشن سولدورالار گلشن پیغمبری
 تیريله سوددن آچالار شیرخواره اصغری
 سینه سی اوسته قالار بی کس ربابین اللری
 دائم آغلار اوخشار اول نجم سُهانی یاحسین
 ای شه دین وی اولان فوج ملائک موکبی
 گلمه بو شهره دانوب بو قوم دین و مذهبی
 گلشن اهل کوفه قارداشیز قویالار زینبی
 آغلادالار حضرت خیرالنسانی یاحسین
 گلمه بو شهره بو شهرین اهلی اطرافون آلار
 ئولدوره لر اهل بیتون باشینه قاره سالار
 سن شهید اولسان حیالی قزلارون باشیز قالار
 دستگیر ایلر عدو آل عبانی یاحسین
 بیر نچه احباب بیرده اکبر آدلی نوحه خوان
 جمعیدوخ باهم بیزی کاغذچی ایتدی میهمان
 اوردا یازدی بو کلامی تائب شیرین زبان
 قبریوه ایسته بو جمعیله یازانی یاحسین

احوال پسران مسلم عليه السلام

یاد آیدم از غم دو مظلوم قتیل
 یعنی دو گل گلشن فرزند عقیل
 پر خون شوم کاسه دل از حسرت
 جاری شود از چشم به رخسار چو سیل
 او ساعتی که جفائیله حارث جانی
 اسیر ایدوب یکی بی کس یتیم نالانی
 گوروبله قصدی بودور ئولدوره او شوم شریر
 اولوبلا قاتله آغلار گوزیله دامنگیر
 دیردیلر بیزی ئولدورمه واردی حرمتیمیز
 بو علته که پیمبرله واردی قُربتیمیز



مخمس

حارث سارالان رنگیمیزه بیر نظر ایله
ئولدورمه بیزی قهر خدان حذر ایله
گل ایتمه جفا، مهر و وفا رسمینی آتما
شرم ایت ایکی قارداش قانینی بیر بیره قاتما
ظالم بولوسن گلشن حیدر گلیوخ بیز
ظلمیله دوشن گلدن اوزاق بلبلیوخ بیز
مسلم که شهید اولدی اونا سُوگلیوخ بیز
اینجیتمه یتیموخ گوروسن غصّه نصیوخ
وورما وطن آواره سیوخ بوردا غریبوخ
بیز بلبلیدوخ بیر ایل اسیر قفس اولدوخ
زنداندا قالب بیکس و بی دادرس اولدوخ
دائم ایکی قارداش غمیله هم نفس اولدوخ
گوزیاشیمیزی بیریرینه هر گیچه قاتدوخ
قویدوخ اوز اوزه گوشه زندانده یاتدوخ

آغلار گوزوموز سینهد حسرت یارامیز وار
غربت زده یوخ گتماقا آیا هارامیز وار
یثربده گوزی یولدا قالان بیر آنامیز وار
حسرتله یوزه گوزیاشی دائم آخار آغلار
آغلار گوزیله یوللارا دائم باخار آغلار
بسدور بو بیر ایلهده چکوروق درد فراقی
مظلوم ایلمه گل بو ایکی ئلدن اوزاقی
ایو صاحبی سن شرم ایله ئولدورمه قوناقی
عالمده قوناق ساخلاماقین رسمین ایتیرمه
شرم ایت اوز ایوینده قوناقی قتله یتورمه
مظلومی گوروبسن گیده بیداد دالینجا
مقتولی گوروبسن گزه جلاّد دالینجا
نخجیری گوروبسن دوشه صیّاد دالینجا
بیز قاتل خونخواره قوناق غرق ملالوخ
صیّاد ستمکاره پناهنده غزالوخ

نه بيز کیمی مظلوم اولی نه سن کیمی بیداد
 نه بيز کیمی مقتول اولی نه سن کیمی جلّاد
 نه بيز کیمی نخجیر اولی نه سن کیمی صیّاد
 انصاف ايله ای شوم ستمگر سنی تاری
 صید ایلمه صیّاده پناهنده شکاری
 اولدوق سنه ای شوم پناهنده ایوینده
 ایتدون نه گوزل حرمت شاینده ایوینده
 بولدون قوناق ئولدورماقی زیبّنده
 دیوان جزا حاکمینی یاد ايله حارث
 ئولدورمه اماندور بیزی آزاد ايله حارث
 آزاد ايله سن یثره بیر باش گیدروخ بیز
 ویروخ ال اله دیدهده قانیاش گیدروخ بیز
 یول یولداشی اوللوخ ایکی قارداش گیدروخ بیز
 یتساق وطنه اوز آنامیز گوگلونی آلوخ
 قول نازلی خدیجه باجیمیز بوینونا سالوخ

آزاد ایلمورسن بیزی سال آللهی یاده
 غیظیله باخوب قتلیمیزه ایتمه اراده
 ئولدورمه بیزی زنده آپار ابن زیاده
 شاید بیزه اوز کفرینی بولدورمه حارث
 بو حالیمیزه رحم ایده ئولدورمه حارث
 اولموش سنه دنیا مالی معلومدی منظور
 اینجیتمه بیزی ایلمه دلخسته و رنجور
 هرچند که بیز هاشمیوخ دهرده مشهور
 کس زلفیمیزی ظالم آپار قول یرینه سات
 آل قیمتیمیز وار نقدر کام دله چات
 ظالم گوروروق گوزلریوی ايله دوتوب قان
 قان قان دیوسن متّصل ای دشمن قرآن
 اوز قانیمیزه ایلله جاقسان بیزی غلطان
 آماده سن ئولدورماقا باری ویر اجازه
 جانانیله بیز حاضر اولاق راز و نیازه

تا اذن صلوة اولدوی توکوبلر یوزه قانیاش
 مشغول نماز اولدولا باهم ایکی قارداش
 آندیردیلا کای ظالم و سردسته اوباش
 شرم ایله اوتان گور بو نمازیله نیازی
 مقتول ایلمز اهل نماز اهل نمازی
 قورتاردی نمازین ایکی آزاده نالان
 یوز دوتدولا درگاه حقه گوزلری گریان
 کای حکم قضا حاکمی وی داور دیوان
 گور ئولدوروری بو ایکی بی جرم و گناهی
 بو بارهده سن عدلیله حکم ایله الهی
 بو حالده حارث گتوروب ظلمین عیانه
 غلطان ایدوب اولده بیوک قارداشی قانه
 حسرتله باخوب خیرداجا قارداش یانا یانه
 بیردن اوزونی سالدی او باشسیز بدن اوسته
 بلبل تک ایدوب ناله او گل پیرهن اوسته

اوخشاردی بیوک قارداشینا خرداجا قارداش
 قارداشین آدی دلدی توکردی یوزه قانیاش
 سویلردی که ای غملریمه غم گونی یولداش
 خوش حاله قارداش ئولومون گورمدون ئولدون
 هر غصهده یولداش ئولومون گورمدون ئولدون
 قارداش ئولومی قارداشا مشکلی برادر
 بخصوص گوره کشته قاتلدی برادر
 آرتوق هامو نسکلدن او نسکلدی برادر
 من باخدیم او ظالم یره یخدی سنی قارداش
 کسدی باشوی آرخاسیز ایتدی منی قارداش
 بو شوم و ستمگر سنی مذبوح ایلینده
 یاندی اورگیم طاقت دل قالمادی منده
 یومدوم گوزومی خنجری حلقونده گورنده
 مین حسرتیله دانه اشگی یوزه دوزدوم
 الله اوزی عالمدی که دوزدوم نجه دوزدوم

هرچند باشون ظلميله آيريلدى بدنن
مشكلدى ولى مهر و وفا آيرىلا مندن
قويماز او محبت منى آيريلماقا سندن
بو سينه دن آيريلمارام اول قدر دايانام
سينونده يوزوم سن كيمى آلقانه بويانام
حارث گوروب اول بلبلى شيرين سخن اوسته
آيريلماز اوزون سالموش او گل پيرهن اوسته
كسدى داليدان باشين او باشسيز بدن اوسته
گل اوسته ايدوب بلبل شوريدىنى خاموش
يرده ايكى قارداش بدنى قالدى هم آغوش
حارث ستمين پايه سيني عرشه اوجاتدى
يرده ايكى قارداش قانينى بيريره قاتدى
هر تك تكينون نعشيني گوتدى سويآ آتدى
چون غنچه دل آب قزلقانييله دولدى
گلدى سو يوزونده ايكيسى قول بويون اولدى

ناگاه باخوب حارث بدفطرت و ناكس
گوردى سويآ باتدى ايكى مظلوم ايكى بى كس
بيردن سويون آلتيندا اولاردان اوجالوب سس
عالمسن الهى بيزه نيلوبدى بو گمراه
ديوان ايله بونلان آراميزدا اوزون آلله
حارث اله منظورينى ظاهرده گتوردى
بى فاصله بير جفت گوزل باشى گوتوردى
فرزند زياده اوزونى گلدى يتوردى
گل تك ايكى باشى او جنائت اطاقيندا
قويدى يره فرزند زيادين قاباقيندا

۱- در معالى السبطين - فى البحار - فَكَانَ بَدَنُ الْأَوَّلِ عَلَى وَجْهِ الْفُرَاتِ سَاعَةً
حَتَّى قَدَفَ الثَّانِي فَاقْبَلَ بَدَنُ الْأَوَّلِ رَاجِعًا يَشُقُّ الْمَاءَ شُقًّا حَتَّى التَّرَمَ بَدَنَ أَخِيهِ
وَمَضَى فِي الْمَاءِ وَ سَمِعَ هَذَا الْمَلْعُونُ صَوْتًا بَيْنَهُمَا فِي الْمَاءِ رَبِّ تَعْلَمُ وَ تَرَى
مَا فَعَلَ بَنَاهُ هَذَا الْمَلْعُونُ فَاسْتَوَفَ لَنَا حَقًّا مِنْهُ يَوْمَ الْقِيَامَةِ.

پاک ایلدیلر راس ایکی ماه جمالی
 گورجاق ایکی سولموش گل گلزار کمالی
 فرزند زیادین دگیشیلدی ایله حالی
 قلیبن او قساوتله مصیبت اوخی دلدی
 سس چکدی توکوب گوزیاشینی نالیه گلدی
 مجلسده اولانلار او گوزل باشلارا باخدی
 یاندیردی هامی دللری حسرت اودی یاخدی
 بیردن هاموسی آغلادی گوزیاشلاری آخدی
 آغلار گوزیله سس سسه ویردی او جماعت
 مجلسده قیام ایلدی اوضاع قیامت
 مرجانهنین اوغلی دیدی یوخ عاطفه سنده
 بو ایلدوقون ظلم توان قویمادی منده
 سالدون حرم آهولرینی هاردا کمنده
 سن هاردا شقاوت اودون افلاکه اوجاتدون
 هاردا ایکی قارداش قانینی بیربیره قاتدون

عرض ایتدی زیاد اوغلونا کای منکر قرآن
 اولموشدی پناهنده منه بو ایکی نالان
 رحم ایلمدیم ساخلامادیم حرمت مهمان
 دوتدوم ایکی آزاده قوناقتی گوز ایویمده
 دؤگدوم اولاری چوخ دل شبدی اوز ایویمده
 یالواردیلا ظالم گوروسن ئلدن اوزاقوخ
 چوخدان وطن آواره سی نالان فراقوخ
 رحم ایله ایوینده بیزی ئولدورمه قوناقوخ
 یا قیل بیزی آزاد اوزون آزاده لره قات
 یا سن بیزی بازاره آپار قول یرینه سات
 گاهی دیدیلر وورما گتورمه بیزی داده
 گاهی دیدیلر قتلیمیزه ایتمه اراده
 گاهی دیدیلر زنده آپار ابن زیاده
 چوخ سوز دیدیلر هیچ بیرسی اولمادی مقبول
 وقت آلدیلا آخرده نمازه ایکی مقتول

ویردیم او نمازه ایکی آزادیه مهلت
 قورتاردی نمازین او ایکی خسته حسرت
 یوز دوتدولا درگاه خداونده او ساعت
 عرض ایتدیه گوزیاشلی که ای قادر مَنان
 ایله آرامیزدا سن اوزون عدلیله دیوان
 چون چکدی سوزون بویره اول شوم ستمکار
 شوریه گلوب نالیه آغلاشدیلا خُضار
 همناله اولوب زاده مرجانه خونخوار
 یوز حارثه دوتدی دیدی ای ظالم گمراه
 بو بارهده باخ گور نجه حکم ایلیوب الله
 بیر مجلسینه باخدی او سردسته باطل
 کیمدور دیدی اولسون بو شقی قاتله قاتل
 فی الفور یریندن آیاقا دوردی مَقاتل
 حارث یخه سین دوتدی یانان دلدۀ شراره
 قول باغلی او مجلسدن اونی چکدی کناره

بیر طشته قویوب باشین ایکی ماه عذارین
 باشلار نجه باش تک تکیون رنگی انارین
 طشت الدۀ سالوب کوفهده بازاره گذارین
 حارث ایلین ظلمی بیان ایتدی مَقاتل
 تیر غمه هر قلبی نشان ایتدی مَقاتل
 الدۀ ایکی گل تک باش او دیندار مسلمان
 سویلردی بولار حارثه اولموشدولا مهمان
 کیم بیله قوناقی ایدر اوز قانینه غلطان
 باخموب بولارین وار گل اوزی غنچه دوداقی
 مقتول ایلیوب ظلمیله بیر بیله قوناقی
 بو رسمدی ساخلا لا گوز اوستونده قوناقی
 خاصه قوناق اولسون گل اوزی غنچه دوداقی
 حارث آتوب انصافی دوتوب بیله سیاقی
 هر قدر بونا عجز ایلیوب بو ایکی نالان
 مقتول ایلیوب ساخلامیوب حرمت مهمان

بیلہ ایشیدندہ دایانوب دوردی جماعت
 رقتله گوزون اشگیله دولدوردی جماعت
 آغلار گوزیله یوزلرینه ووردی جماعت
 ضجّه اوجالوب عرشه چیخوب نوحه صداسی
 بازارین ایچینه قورولوب ماتم اساسی
 ایتدیقجا نظر حارث ملعونه جماعت
 ایلردیله مین لر دلیله طعن و شماتت
 شویلردیله الله سنه ایلیه لعنت
 بس سن دیمدون بو ایکی آزاده قوناقدور
 ئولدورماقون انصاف و مروّتن اوزاقدور
 چوخ یرده او ملعونی دولاندیردی مقاتل
 ظلمین هامویه بولدوروب آندیردی مقاتل
 یاندی هامونون قلبینی یاندیردی مقاتل
 آخر یتوروبلر اورا که حارث مخذول
 ایتیمیشدی ستمله او ایکی قارداشی مقتول

بولدی که او یردور اولارین قانی آخان یر
 بیربیرلرینه هر ایکی مظلوم باخان یر
 قارداش قانینی قارداشی رخساره یاخان یر
 ازبسکه آخوبدور بوغازیندان اولارین قان
 توپراقلار اولوب قرمزی چون لعل بدخشان
 ناگاه مقاتل ایشیدوب ناله صداسی
 گوردی که بیر عورت اوتوروب دلد نواسی
 اوخشار دیه سن واردی جوان مُرده بالاسی
 کیفیت حالی او دم اوندان خبر آلدی
 ایتدیقجا بیان گوزده کی گوزیاشی چوخالدی
 عورت دیدی بو شوم و دنی دور منه داماد
 گلمز ولی دنیایه ایدن بیر بیلہ بیداد
 هرچه دیدیم ئولدورمه قوناقون. ایوی بر باد
 رحم ایتمدی ظالم بویادی ظلمیله قانه
 بو سوزده مقاتل دوتوب اود چکدی زبانه

خنجر آجیسین حارثه آن‌دیردی مقاتل

ئولدوردی اونی قانه بویاندیردی مقاتل

اودا بدن نحسینی یاندیردی مقاتل

دنیا‌نی آتوب دله رضای حق دوتدی

واقعه دل مسلم نالانی سووتدی

تائب سنه تأیید ایلدی حی قدیمی

بو رشتیه دوزدون بو گوزل درّ یتیمی

یاد ایتدون ایکی غصّه لی مظلوم یتیمی

دی دردییی چون باب حوائج‌دی بولار فاش

ایله نه دردون اولاد درمان ایکی قارداش

احوال‌ات حرّ ابن یزید دریا حی

التَّائِبُ مِنَ الذَّنْبِ كَمَنْ لَا ذَنْبَ لَهُ.

گلموش نگارشه گینه بو کلک خوش نگار

ایستر که توبه‌دن ایده بیر شمه‌ای نگار

گیته بشر نقدر خطا ایتسه معصیت

اولسون گرکدی عفو خدایه امیدوار

قطع ایتمیوب امیدینی یالوارسون آغلاسون

توفیقین ایلسون اونا تا ذات حق یار

توفیق تاپسا معصیتدن اولار خجل

اولسا خجل چکر اوزون عصیانندن کنار

هر کیمسه توبه ایلسه وار بیله بیر حدیث

گویا گناهی یوخدی تاپار ایله اعتبار

شاهد همین بو عرضیمه حالات حرّ‌دور

یار اولسا حق شرح اولی بر وجه اختصار

یول باغلادی ازله پیمبر عزیزینه

آخرده اولدی لیک پشیمان او خوش تبار

تهدید قیلدی عترت ختم رسالتی
 قورخوتدی خردا قزلارینی ایتدی اشگبار
 آزدی وفا یولون دوتوب اّمّا جفا یولون
 سیندیردی قلب زینب خاتونی آشکار
 سالدی بلایه پادشه کربلا باشین
 جبريله کربلا چولونه ایتدی رهسپار
 گونلر دولاندی عاشر شهر الحرام اولوب
 قتل حسینه باغلادی بئل قوم نابکار
 پیغمبر اوغلی هر دیلیله ایتدی احتجاج
 ایتموب قبول لشکر بی شرم و ننگ و عار
 حُرّه امام سوزلری ایتدی زبس اثر
 بیر حال انتباه اولونوب اوندا آشکار
 یوز دوتدی ابن سعه دیدی یوخسا ای لعین
 فکرون وار ایتماقا بو غریبيله کارزار
 ویردی جواب ایلم ايله مقاتله
 سهلی بودور که باشلار اولار جسمدن کنار

فرمایش ایتدی حُرّ که ای شوم بدنهاد
 ایتمون پیمبر اوغلونا دنیانی تنگ و تار
 آیا اولار که یول ویره سوز بو دیاردن
 اوز شهرینه گیده بو غریب دیار و دار
 خردا بالالیدور گوتوروب اوز بالالارین
 بیرده مدینه آپارا بو بزرگوار
 حُرّی ایدوب جوابده مایوس ابن سعد
 یعنی اولوب ازل کی مرامینه پایدار
 سعد اوغلونون بولوب ندی منظوری اول سعید
 حالی پوزولدی چکدی قوشوندان اوزون کنار
 بیر باخدی قوم حقّه طرف بیرده باطله
 گوردی مبارزه ایدوری اهل نور و نار
 واردور بویاندا رحمت و نعمت جزای خیر
 واردور اویاندا ذلّت و نِقْمَتْلَه عار و نار
 فکر ایلیوب سالا اوزونی باب رحمته
 بیر باش گلوب حضور شه دلدّه انکسار

چيگننده بويى اللرى باشدا شکسته حال
 ايتدى امامه مين دليله عرض اعتذار
 سالدی اوزون امام حسينون اياقينه
 اوپدی ادب يرین اوزونی ايتدی خاکسار
 عرض ايتدی سیدی بولورم ایتموشم خطا
 زهرا عزيزین ايلمیشم محنته دچار
 يول باغليوب يول اوسته سنه اهل بیتوه
 سیندیرموشام سنق اورگون ای بزرگوار
 قورخوتموشام حرم لریوی نازلو قزلارون
 آغلانتموشام سکینه وی ای سید کبار
 اینجیتموشم اورکدن او مظلومه زینبی
 بوللم که مندن اینجیوب اول معدن وقار
 اوز شهر یوه قیتماقوا مانع اولموشام
 دشت بلایه جبريله چکدیرموشم قطار
 باشدا مخالفین عراق اوزگه شور ایدوب
 صحرای نینوانی حجازی لره حصار

ای شاه عشق گلمزیدی بو خیالیمه
 امری چکر بو دایریه قوم کین شعار
 ایمدی که ایش بو دایریه چکدی آنلادیم
 من گیتیشم خطا عجب ای شاه تاجدار
 اوز ایتدیکیم خطانی بولوب انفعالیله
 یوز قویموشام بو بابیه سرافکنده شرمسار
 بوللم که باب رحمت حقدور سنون قاپون
 بو گلماقیندا لطفوه حرّین امیدي وار
 شاینده دور غلامدن البته هر خطا
 زیبنده دور امامدن اعطای بی شمار
 ال بوش سرشگ چشميله بو گوزلریم دولی
 اولام عطای لطفوی ای شاه خواستار
 اشگیم یازار بو صورته معنای توبه نی
 بولسون هامو که حرّ اولوب عالمده توبه کار
 احسان ایله غلاموی لطفاً گذشت قیل
 دامانوی دوتوبدی پشیمان ذلیل و خوار

ال بو غلام روسیهوندور آتک سنون
 یا کس الیمی یا ایلہ لطفونله کامکار
 فرمایش ایتدی شاه که تو بن قبول دور
 اولدون سعید تاپدون عجب شأن و اعتبار
 مایوس ایتمروق قاپوموزدان گئلری
 بخصوص سن کیمی اولا بیر مرد روزگار
 تا حَرّ حسّ ایدوب که قبول اولدی توبه سی
 یوز دوتدی شاهه عرض ایلدی اول وفاشعار
 شاها یتور سلامیمی مظلومه زینبه
 دلرنج اولوبدی مندن او زهرایه یادگار
 قیل التماسیمی او حلال ایلسون منی
 ایمن اولا بو باره ده بو زار و دلفگار
 زینب رضایتی اولی زهرا رضایتی
 زهرا رضایتینده ده اِلّله رضاسی وار
 بیرده بو علّته که ازل ایتموشم خطا
 ویر اذن اولوم ازلده رکابوندا جان نثار

بو جان نثار اولانلاریوا سبقت ایلوب
 بو نامیله قویوم باشیما تاج افتخار
 زهرا عزیزى رخصت میدان ویروب اونا
 شور جهاد باشد اولوب مرکبه سوار
 آلدی دعای خیر امام زماندن
 میدانہ گلدی باشلادی دشمنله کارزار
 انشاد ایدوب مبارزه حالینده بیر رَجَز
 ویردی نشان اوزون قوشونا حَرّ نامدار
 گه حمله ایتدی الده سنان قوم باطله
 گه قویدی فرق دشمنه شمشیر جانشکار
 هرکس گلوب قباقرینه برگشته بخت اولوب
 اولدی او شیر شَرزیه روباه تک شکار
 بیر نحو کارزار ایلدی حربگاهده
 دشمن گوزینده اولدی گونوز مثل لیل تار
 قلب و جناح لشکری طومار تک بوکوب
 باطل سپاهده نه یمین قویدی نه یسار

بیر اود سالوب شراره شمشیری لشکره
 صفلر پوزولدی برهم اولوب لشکر شرار
 بعضی یخیلدی توپراقا آتلار ایاقلادی
 خوفیندن ایتدی بعضی سی میداندن فرار
 بعضین یخوبدی ضربت سرنیزه بعضینه
 ایچدیردی مرگ شربتینی تیغ آبدار
 سرکرده لر ایتوردی اوزون اضطراریله
 تنگ اولدی بسکه صفحه میدان کارزار
 هر سمتدن گویه اوجالوب بانگ الحذر
 دوتدی هوانی ابر کیمی قوزانان غبار
 سالدی او چولده چوخلارینی خاک ذلّته
 دار جحیمه چوخلارینی ایتدی رهسپار
 اما او گیر و داریده پی لندی مرکبی
 قالدی پیاده دشمن ایچینده او شهسوار
 بی باک جنگ ایدردی پیاده او صف شکن
 ویردی بیر امتیاز اونا محبوب کردگار

گوندردی مرکب ایتدی او سرداری سرفراز
 اولدی سوار او جان به کف و مرد روزگار
 قصد ایلدی دوباره گله شه حضورینه
 یتدی ندای غیبی اونا کای وفاشعار
 قصدون ندور هارا گیدوسن ساکنان خلد
 گوزلور سنی تیکوبله یولا چشم انتظار
 تتر گل یولوندا چوخ اولاری قویما منتظر
 بو مژده ایلدی اونی بیحد شادکار
 یوز دوندروب او حالده سسلندی یاحسین
 جدّون حضورینه گیدورم یوزده گوزده ثار
 ویردی جواب حرّه امام زمان اودم
 گیت گوزله وار دالونجا گلن بیر بیوک قطار
 یعنی که منله بو هامو انصار تک به تک
 جدیم حضورینی ایدروخ سن تک اختیار
 باشد او شور شوقیله سرگرم جنگ اولوب
 بی حد یارا او سروره ووردی او اهل نار

آتدان دوشنده گلدی دیله ضعف حاليله
 درک ايله اوز غلاموی ای شاه تاجدار
 گلدی امام آلدی دیزی اوسته باشینی
 جان اوسته دی نه گوردی او سردار زخمدار
 مهر و محبتيله اونا التفات ایدوب
 دیندیردی خوش دلیلله اونی چشمی اشکبار
 پاک ایتدی آستینيله حُرّین یوزون گوزون
 رأفت الین چکوب باشینا دست کردگار
 حُرّین باشینا بیر ساری دسمال باغلادی
 تا حشر او باشد قالسون او دسمال یادگار
 بیر آیری لطفده ایلوب شاه نشأتین
 یعنی مقام و شأنینه ویردی گوزل عیار
 گویا دیدی آنان نه گوزل آد قویوب سنه
 آزادسان آدون کیمی ای جاننثار یار
 حرّ شهید آچدی او دم قانلو گوزلرین
 گوردی امام ایدوب باشینی زینت کنار

بیر باخدی شاه تشنه لبه گولدی شوقدن
 رأفته حالینی سوروشوب شاه تاجدار
 عرض ایتدی نوشدور منه بو حال سیدی
 شادم اولوب عجب منه عالمده بخت یار
 قانه بویانموشام بو همایون رکابده
 قانيله ایتموشم بو بیابانی لاله زار
 اما سروریم آرتار اولا گر رضایتون
 بولم رضایتونده خدانین رضاسی وار
 فرمایش ایتدی شه نگران اولما راضیم
 ای چین عشقده دوشن آهوی زخمدار
 شاد اولدی آخدی گوزلری قورتولدی سوزلری
 روح آیریلوب بدنن ایدوب جنتّه گذار
 جان اوسته هر شهید حسینی گوروب ولی
 گورموب حسین اوزی یخلاندا معین و یار
 دور و بره باخاندا گوروب قانلو قاتلی
 دلدن چکردی حسرتيله آه شعله بار

سویلردی بیر ایچیم منه ای قوم سو ویرون
 وار منده مُطلقا گوروسوز حال احتضار
 باخماز دیلار سوسوزدی ویرور اول یارالی جان
 ویرموبله سو ووروبلا اونا زخم بی شمار
 زینب الی باشیندا گلوب باشی اوستونه
 گوردی یخوبدی قارداشینی فرقه نقار^۱
 سعد اوغلی بیر طرفده دوروبدور غروریه
 اما یارالی قارداشینی هر یتن وورار
 دولدوردی گوزلرین اورگی گلدی رفته
 سعد اوغلونا خطاب ایدوب اول معدن وقار
 آیا روادی سن باخاسان بیله حالیه
 قارداشیمی قتیل ایده بو قوم نابکار
 تائب قلم اود آلدی بو اودلو کلامدن
 ال ساخلا یازما دفتر غم اود دوتار یانار
 ایسته همیشه حالوه خلاق ذوالکرم
 توفیق شامل ایلیه بر حق هشت و چار

۱- فرقه نقار: اهل آتش جهنم

الطاف معشوق به عاشق، اشاره به عشق امام حسین علیه السلام

بنا به پیشنهاد حاج حمید طاهباز نوحه خوان سروده شده است.

ایدنده عاشقه چشم محبتله نظر معشوق
 قیلار عشق عالمینده عاشقی شوریده سر معشوق
 سالار باشین محبت عالمینده اوزگه سودایه
 اونون عزتدن ال چکماقلیقین شایان بولر معشوق
 ایدر اوز خانمانیندن سالار کوه و بیابانه
 گورنده عاشقی چوللرده سرگردان سَور معشوق
 حجازی نغمه سی دیلده هوای نینوا باشد
 اونی ایلر قطار عشقیله شوریده سر معشوق
 مخالفلر سالان یرده حصاره آرتیروب شورین
 اونی دشت همایون عراق اوسته چکر معشوق
 نه یالقیز عاشقی بلکه هامو اهل و عیالینده
 سَور خوف و خطرلی بیر سفرده همسفر معشوق

سالار باشین بلایه کربلاده عاشقین اول
 بولر بو مُبتداده واردی بیر خونین خبر معشوق
 همین خونین خبر صدقینده قانه باتماقا گویا
 وفالی عاشقه باغلاتدیرار خونین کمر معشوق
 نه یالقیز قانینه غلطان اوزین ایستر گوره بلکه
 سوسوز قربانلار ایستر اونلا یتیمیش بیر نفر معشوق
 او یتیمیش بیر فدای دینی قربانگاه عشقینده
 تماماً قوچ قوزی قربان دوتار مَدّ نظر معشوق
 ویرنده عاشق اکبر تک جوان ماهرو قربان
 اونون فریقینده ایستر آیت شقّ القمر معشوق
 آلاندا ثانی نمرود اله تیر و کمان خوشلار
 گوره ماهی کیمی عاشق الینده سودامر معشوق
 بیچنده اول قوزی قربان بوغازین ظلم پیکانی
 اونون آغ اُنوگی قانه بویانسا خوش گورر معشوق
 سَپنده عاشق اوجوندا سپهره سودامر قانین
 او خون پاکيله دامان افلاکی بَزَر معشوق

بولر شمشاد قدّی خم اولار قارداش باشی اوسته
 بسان قدّ عاشق قامت چرخى اگر معشوق
 قویاندا ماه آل هاشمیه یوز یوزه خورشید
 بلالی زینبه ایلر قیامتدن خبر معشوق
 چکنده ناله هل من معین شائین بولوندورسون
 عنایتله دیر اول عاشقه لَبیکلر معشوق
 دولاندا قلبینون پیمانہ سی قانيله مالامال
 ایدر تقدیس او دلدۀ گورسه اوخدان نیشتَر معشوق
 دگنده قلبینه اوچ شعبه لی اوخ کوی دلداره
 آچار یول عاشقی ایلر یریندن باخبر معشوق
 دوشنده قتلگاه کربلاده قانینه غلطان
 اونا پیک پیامین لطف اوزیله گوندرر معشوق
 دیر غم ایلمه یوخدور سنون یار و هوادارون
 حبیبیم ناصر آختارما سنه نصرت ایدر معشوق
 باخاندا گوزلری حسرت فراته العطش گویان
 دیسم کوثر سویون باجادی قانه دوندرر معشوق

دیر باخما فراته ورد و ذکرون العطش ایتمه
 سنه جتته مخصوص ایلوبدور چشمه لر معشوق
 دیسه عاشق تَرَکْتُ الْخَلْقَ طَرّاً فی هَوَاک اوند
 تجلای جمال بی مثالین گوسترر معشوق
 دیسه اطفالیمی قویدوم جمالون عشقینه باشسیر
 اونا مرآت دلدۀ حُسنون ایلر جلوه گر معشوق
 گورنده شاهد غیبی یوزین بیخود دوشر عاشق
 ایدر منظور احساساتی عشقیندن اثر معشوق
 آچاندا گلشن جسمی یارائیلۀ قزل گل لر
 وفای عاشق جانبازینه احسن دیر معشوق
 گورنده ظاهراً دشمنلر ایلوب عاشقین مغلوب
 اونی باطنده ایلر صاحب فتح و ظفر معشوق
 عطشدن بیر ساری گل تک سولاندا عارض عاشق
 ایدر شمع جمالین سولموش اوزده شعله ور معشوق
 ایدنده نقد جانین عاشق شوریده ارزانی
 او بازار محبتده آغیر قیمت ویرر معشوق

سانار بیع و شرا بازاری نقد جان قبایلینده
 ایکی دنیانی بذل عاشق ایلر سربه سر معشوق
 او لب تشنه قتیل عشقی حیّ لایموت ایلر
 بیلۀ قربان عشقی ایستمز زنده مگر معشوق
 دیر قویمام قیام حشره تک دوشسون آدون دیلدن
 وفالی عاشقین هر ایل عزاسین تازه لر معشوق
 او مقتول جفانین قانینی قویماز قالا یرده
 آلاز بیر گون او قانی اوز الیلۀ دادگر معشوق
 گوگل آئینه سی اُمت خیالیلۀ کَدَر تاپسا
 او زنگ حسرتی دست عنایتله سیلر معشوق
 قوپاندا عرصه پر وحشت محشر او ساعته
 اونون اهل عزاسین خلق آراسیندان سچر معشوق
 قویار تاج شفاعت فرقینه لطف تمامیلۀ
 اونی ایلر او عالی افسریله مُفتخر معشوق
 حقیقی عاشق اول تائب حسینه دوت ره تقوی
 سنی تا اهل تقوائیلۀ ایتسون مُشتهر معشوق

احوالات وهب ابن عبدالله کلبی و شهادت ش

بو جام دل می غمله دولوبدی مالامال
ایدوبدی نشئه سی بی حدّ منی پریشان حال



بیر اهل دل بو جهاندا تاپانمادیم اوزومه
که محرم ایلیم اوز دلدہ کی نھان سوزومه
همین بو حسرتیله خاطریم گلوب درده
دوتوب یانان دلی خونابه پرده به پرده
اوزومی فکر ایدورم خلقدن کنار ایلیم
آتام بو کثرتی بیر وحدت اختیار ایلیم
چتین موحد اولار کثرت ایچره آسوده
چاتار موحد اولان وحدتیله مقصوده
بلی او که ایکی دنیاده اختارور عزّت
گرک همیشه آتا کثرتی دوتا وحدت
نجه که وادی کرب و بلاده شاه حجاز
آتوبدی کثرتی بیر بزم وحدت ایلدی ساز

اگرچه اول شه دین اختیار ایدوب وحدت
ولیک کثرتہ غالب اولوب تاپوب کثرت
حقیقت اوسته باتوب قانه کام دل آلدی
مجاز الینده ئولوب لیک آدی دیری قالدی
اولوبدی شوری مخالفلر ایچره عالمگیر
شکسته دللره ایتدی نوای دل تأثیر
دوشوب گوی آلتینا چون کیمیا اثر نظری
شه حجاز حصاره سالوب نچه نفری
متاع عشق حسینی چون اختاروب بازار
عراق دشتینه بو عشقیله چکیلدی قطار
اولار که مجلس عشقه او چولده تاپدیلار راه
بیر یسیده وهب اولدی آتاسی عبدالله
واریدی محضر سلطان عشقده او جوان
حسینه جرأت ایدن وقت لشکر عدوان
او نوجوانیله همراه بیر عیالیدی
آناسیدا واریدی لیک چوخ وفالیدی

ایندند هلهله میداندا لشکر اعدا
 یوزون دوتوب و هبه بيله سويلدی گویا
 نه دور موسان باخوسان ای جوان پاک ضمیر
 امامه عرصه نی تنگ ایلیوب بو قوم شریر
 بو گون بو عرصه ده ای نور دیده همت ايله
 کمکی آزدی کومکسيز امامه نصرت ايله
 گرک سن ایلپه سن دینه جانوی قربان
 هامو لباسلرون قانيله اولالوان
 نه یاخشیدور باتاسان قانوه او حاله باخام
 دوتوب او قانوی آشفته زلفه منده یاخام
 اوشاقلیقوندا سنه ویرمیشم وفا شیري
 غزالیم اولمیه صیاد نفس نخجیری
 سزا دگول بو بیوک فیضدن اوغول قالاسان
 بو گونده فرضدی قان ایچره ال ایاق چالاسان
 گیت اول شهید بو گون کسب امتیاز ايله
 ویر اوز باشون آناوی لیک سرفراز ايله

دیمم که نور دلیم طاقت و توانیمسن
 امیدسيز آنیم مایه گمانیمسن
 الیمی دامن وصلوندن ای اوغول اوزرم
 حقیقت عالمیدور درد هجروه دؤزرم
 اگرچه گلشن عمروده بیر گلیمسن اوغول
 حیات باغیمه بیر نخل حاصلیم سنسن
 بو گلشنیم گلونی اوزگه طرزيله دَرَم
 نگاره تحفه ویروب اوز یوزومی دوندَرَم
 بیر اوزگه دللریله اوز جوانینه دیدی دل
 اوز اوغلون ایلدی فیض شهادته مایل
 بالا قلج دمینه گئتماقا اولوب مایل
 آنا جوانینی ترک ایتماقا اولوب مایل
 او آیریلیقدا سرشگیله گوزلری دولدی
 آنائيله بالا آغلاشدی قول بویون اولدی
 آنا بالایه باخوب چکدی سینه دن بیر آه
 دیدی جوانیمی تاپشورموشام سنه الله

یستوردی قافلہ عشقی امتیاز آلدی
 دعای خیر ویروب اوغلونی یولا سالدی
 دالینجا اللری قوینوندا دوردی بیر باخدی
 قدم قدم بالا گتیدی قجا گوزیاشی آخدی
 باشیندا شور وہب گلدی قانلو میدانہ
 او کثرته اوزونی ووردی تک دلیرانہ
 نوای شوریلہ دشت عراقی دولدوردی
 رجز اوخودی مخالفلرہ قلعج ووردی
 دیدی اگر تانومورسوز منی بو صحرادہ
 سیزہ اوزومی نشان ویرم ایمدی ہیجادہ
 آدیم وہبدی جماعت آتامدی عبداللہ
 رموز عشقندن ایلوب منی حسین آگاہ
 ایدوب بو آینہ قلبی پاک نور حسین
 سالوبدی باشیمہ بو شور عشقی شور حسین
 نشان ویروبدی همان شور خط سیرینہ
 بو خط سیردہ واردی جزای خیر منہ

بو ازدحامی گوروب سانمیون کہ باک ایدرم
 بو زنگ تیغی سیزون قانوزیلہ پاک ایدرم
 سیزہ نشان ویرم ضرب و شستیمی گورہسوز
 بو چولده قوت ایمان و دستیمی گورہسوز
 بولرسوز اوندا کہ کیمدور بو جان بہ کف راکب
 ندور الیندہ کی بو تیغ تیز خون ساکب
 بو شمع ہمّہ پروانہ وار پر چاللام
 اوز انتقامیمی من سیزدن ئولمہ میش آلام
 توکر او قدر بو گون قان بو تیغ بُرانیم
 کہ قویمارام قالا یردہ من ئولمہ میش قانیم
 حقیقت اوستہ بو گون داخل جہادم من
 یتہ بو عرصہدہ ہر قدر غصہ شادم من
 سیزون چوخوزی بو صحرادہ قانوزا بویارام
 آنالاروزی سیہ پوش ایدوب مَلر قویارام
 پر آچدی عرصہدہ اول شاہباز اوج شرف
 گہی یمینہ ایدوب حملہ گہ یسارہ طرف

بیرینه تیغی کمردن ووروب ایدردی دونیم
 بیرینی شقه لیوب ذلته ایدردی ندیم
 ایله رشادتیه جنگ و کارزار ایلدی
 عدویه گوندوزی دوندردی لیل تار ایلدی
 بیر آز هلاک ایدوب اول قومدن او پاک جوان
 آناسی محضرینه بیرده ایتدی عطف عنان
 دیدی بویور گوروم اولدون آنا رضا مندن
 دیدی آنان اولی هاردان اوغول رضا سندن
 بویانمیوب قانوا گلموسن سلامت اوغول
 آنای فاطمه دن ایتموسن خجالت اوغول
 بو چولده قانه بویانماقوه رضا ویردیم
 عزیز فاطمیه من سنی فدا ویردیم
 آنان او وقت اولی راضی که قانوه باتاسان
 باتوب قزلقانا قان ایچره نازیه یاتاسان
 رضایتیم اولی بیر وقتده اوغول حاصل
 وورا جدا باشینا باشوی کسن قاتل

آنان رضا اولی بیر وقتده که قانون آخا
 همین او قانی دوتوب زلفینه آنان دایا خا
 آنان رضا اولی زهرانی گر رضا ایده سن
 حسینه جانوی یعنی بو گون فدا ایده سن
 بو گفتگونی عیالی گوروب گلوب درده
 گوزوندن اشگ ترین توکدی عارض زرده
 دیدی بو معرکه مرگه گل بو گون گیتمه
 بو یرده بو وطنیدن کناری ترک ایتمه
 بو گون سن ئولسن اگر بس ندور منه چاره
 جوانلقیمدا منی ایلمه گونی قاره
 اوزیوه بستر خونینی ایتمه بستر ناز
 بو زاری درد فراقیله ایلمه دمساز
 آناسی گوردی عیالی اولور اونا مانع
 او قدر قالموری ایتسون جوانینی قانع
 دیدی که بسدی یوبانما بو قدر ایتمه درنگ
 دایانما قیل گینه تعجیلله اراده جنگ

دایانما قافله عشقی گیت بو چولده يتور
 متاع جانوی بازار ایچون الینده گوتور
 قوروب بهشته بیر بزم خالق رحمت
 او مجلسه سنی ده ایلیوب بو گون دعوت
 نگار بزمینه چون دعوت اولموسان مهمان
 گیت اوز لباسلرون ایله قانيله الوان
 سن ایمدی که ایدوسن عزم مجلس یاره
 چوخ عزت آختاروسان چوخ گوتور اوغول یاره
 گیت اول امام حضورینده سن شهید بالا
 اوزیوی هم آنای ایله روسفید بالا
 او گونده کی قورولار عرصه قیامت اوغول
 او گونده سن تاپاسان چوخ بیوک سعادت اوغول
 وهب ایشیتدی باشیندا چوخالدی شور و شعف
 او شور باشد رجوع ایتدی کارزاره طرف
 دیردی اوز اوزونه اول جوان مُستحسن
 آنای او قوت ایمانوه اولاحسن

سنون کیمی آنادان معدن شهامت آنای
 اولار منیم کیمی فرزند باشجاعت آنای
 اوزون ووروب او گروه ستمگر شامه
 مُبدل ایلدی گوندوزلرین سیه شامه
 ایله قلیج ووروب اول قوم نار مشتاقه
 سالوب او دشته اون دوقوز آتلو توپراقه
 یازوبدی مُنتهی الآمال بیه بو خبری
 پیاده دنده ووروب یخدی اون ایکی نفری
 گهی دونوب صاقا گاهی صولا ایدوب دعوا
 ایدردی جرأتیله کارزار بی پروا
 آلوب او حالد اشرار صاقیله صولونی
 او نوجوانین اودم سالدیلار ایکی قولونی
 قالاندا قولسوز او اوج حقیقه شهباز
 آلوب کنارینی زاغ و زغن تک اهل مجاز
 بساط کینه او صحراده اشقیا قوردی
 او نوجوانه یتن ظلمیله یارا ووردی

و هب آناسی گورنده جوانینی قولسوز
 گلوبدی درده دلی چکدی ناله جانسوز
 عمود خیمه‌نی گوتدی یوزه توکوب قانیاش
 دلینده ناله قویوب حربگاهه یوز بیر باش
 گزردی حربگهی شوريله ایدردی ندا
 آتام آنام اولا قربان رشادتیه فدا
 مبارز اول نقدر قدرتون وار اعدایه
 حمایت ایله بوگون اهل بیت طاهایه
 و هب گوروب آناسین یوز ویروب اونا رقت
 خطاب ایدوب آناجان خیمه‌گاهه قیل رجعت
 خیامه رجعت ایله باشوه دولانیم آنایه
 باخوب فراته سوسوز قانیمه بویانوم آنایه
 بو چولده قانه بویانماقه وار هوس منده
 سزیلدا ویر هر اوغولسوز آنایه سس سنده
 دوتوب اوغول آتکیندن دیدی که بوشلامارام
 دیریلیقی داخی سنسیز جهاندا خوشلامورام
 بو شمع عشقه پروانه وار خوشدی یانام
 گرک سنون تک اوغول منده قانوه بویانام

امام گوردی آنایه دونموری جوانیندن
 جهانیه اود سالوری سوزش نهانیندن
 ولیک شرع مقدّسه صاحب اسلام
 جهادی ایلیوب عورتلره مدام حرام
 بویوردی محرم اسرارسیز نه غیر بیزه
 یتر قیامت اولاندا جزای خیر سیزه
 ولیک شرع مقدّسه صاحب اسلام
 جهادی ایلیوب عورتلره مدام حرام
 او بی‌قرارلیقین لطفی صبره دوندردی
 آناسینی وهبین خیمه‌گاهه گوندردی
 آنایه قیتدی خیامه غمیله هم آغوش
 قلج دمینه اوغول ایتدی مرگ شربتی نوش
 اوغول طریق وفائیله جان فدا اولدی
 آناسی عده ثکلایه همصدا اولدی
 یازوللا اوندا که باتدی و هب قزلقانه
 عیالی دؤزمدی یوز قویدی قانلو میدان
 گهی قاچوب یخلاردی دوراردی گه ایاقا
 اوچاردی مرغ دلی تا قونا او گل بوداقا

او شمع عشقی گوروب اذن و یردی گوز یاشینا
 دولاندی شوقیله پروانه تک اونون باشینا
 قرار و صبرینی الدن او منظره آلدی
 یارالی پیکره بی اختیار اوزون سالدی
 دوباره حسرت اوخی اودلی قلبینی اویدی
 یوزونی گیتدی او قانه باتان یوزه قویدی
 گورنده قانی ویروب دور بزرک او تازه گله
 بسان بلبل شیدا دل آچدی گلدی دیله
 گلوب اورکده کی گیزلین محبتی جوشه
 او قانلو پیکری بیر چکدی جان تک آغوشه
 بلی عزیز یاتاندا عزیزه سی او یادی
 گوروب دورانموری قانیله یوز گوزون بویادی
 اوغوشدوروب اورگین چشمی اشگبار اولدی
 سیزیلتی سیندان اونون کربلا چولی دولدی
 دیدی بو چولده گل عیش و عشرتیم سولدی
 گیدوب امیدیم الیمدن گونوم قرا اولدی

تمام دشمنه تأثیر ایدوب اونون حالی
 گوروب او حالتی هرکس پوزولدی احوالی
 باخوب او عالمه شمر ستمگر مغرور
 غلامین ایتدی او مظلومه قتلینه مأمور
 گوروب که دونمز او بلبل ورق ورق گلدن
 گل اوسته بلبلی قصد ایلدی سالا دلدن
 او ظلم پیشه بساط جفاسینی قوردی
 یازوللا یتدی باشیندان عمودیه ووردی
 او ضربتیه ایدوب شمع عمرینی خاموش
 گلیله بلبلی قان ایچره سالدی هم آغوش
 حبیب رنجبر اولدی بو مطلبه بانی
 یازوب بو طرزیه تائب بو غملو عنوانی
 گیجه گونوز که اولار غرق اشک حسرت دور
 اولارا عمده آمال بیر زیارت دور
 اولار که کرب و بلانین چکله حسرتینی
 خدا نصیب ایله باهم حسین زیارتینی

گلایه از آب فرات، در بسته شدن راه فرات

ای کاش فراتین سویی سن قانه دونیدون
خونابه چشمیم کیمی مرجانه دونیدون
شرم ایلمدون سن باش آلوب چوللره آخدون
حسرت اودونا یانندیروب آل اللهی یاخدون



گوردون که سوسوزلوق اودی هر بیر دلی یاخدی
دلرده سو گوز یاشلاری گل یوزلره آخدی
آخدون چوله سن تشنه اوشاقلار سنه یاخدی
اشگ تر زینب کیمی گلدون جریانه
دوندردون حسین قزلارینون باغیرینی قانه
ای قانه دونن سو نجه بی شرمیدون آیا
اولدی آدون آفاقده مهریه زهرا
ذریه زهرایه نصیب اولمادون اما
دلده نچه لب تشنه قزین سو سوزی قالدی
گوز یاشلاری آخدی یوزه سنده گوزی قالدی

باخدی سنه چوخ یاندی بیوکلر بالالاردان
سو ایستدی لب تشنه اوشاقلار آنالاردان
یاندی آنالار اولدی خجالت بالالاردان
چکدون نه خجالت سن او خجالت زده لردن
نه سودسوز آنادن نه سوسوز آج سودامردن
چون لاله سوسوزلار اورگه آلدی سو داغی
پژمرده سوسوزلوقدان اولوب فاطمه باغی
تاپموبلا سو هر قدر ایلوبلر سو سراغی
بیریرلرینه اولدی پناهنده سوسوزلار
بی طاقت اولوب یوز یوزه قویدی بالا قزلار
مخیمده سزیلتی سسی افلاکه دایاندی
خون دلیله هر ساری رخساره بویاندی
حسرت اودونا هر آنا یاندی بالا یاندی
گوز یاشلاری بیریرلره رشگ ایتدی آخشا
آلدی آنالار صبرینی اطفال باخیشدا

سودی او بیابان دا بولورسن که نه گل لر
یا سپدی نه شبنم او یرین خاکینه گل لر
آچماقدان ایدر شرم اولاردان گینه گل لر
عالمده اولاردان صورا نه گل نه گلستان
اولسون هامو گلزار اولاردان صورا ویران
بولدون قوناقون اولدی نجه نازلو قوناقلار
بولدون که نجه سودی سوسوز غنچه دوداقلار
بولدون نه قیامت ایلدی خرده اوشاقلار
جمع اولدولا اول وقت که اللرده سو جامی
دلرده سو دور ایتدیله گوزیاشلی خیامی
گوردی نه عطش عارضه سی جوهر جانلار
دلرده سو جان ویردی نه نورسته جوانلار
آخدی نجه توپراقدا سو تک قرمزی قانلار
چالیدی ال ایاق چوخلاری لب تشنه او قاندا
گلدون جریانه ولی آخدون سن او یاندا

بولدون سنون اوستونده نه عالم نه غم اولدی
یا اینکه نگون هانسی اوجا بیر علم اولدی
سیندی نجه بیر باش نجه قوللار قلم اولدی
قول صاحبی عباس علی صاحب غیرت
اولدی بالالاردان سنون اوستونده خجالت
آخدون چوله سن یاندیلا گل لر بودا قیندا
چوخ غنچه نی سولدوردی عطش غنچه چاقیندا
اصغر سارالوب سودی ربابین قوجا قیندا
آمدی قوریان لبرین آرامینی آلدی
گوردی بالاسی یاتموری بوش سینه سالدی
درک ایلموسن تائب عجب باب نجاتی
دوت صدقیله دامان شه حق صفاتی
یالوارگنه آل جنّت و فردوس براتی
زهرا بالاسی اوردا قورار بزم ضیافت
گیت سنده او مجلسده اونی ایله زیارت

خطبه امام حسین علیه السلام در شب عاشورا به اصحاب

اوزگه بیر عالم اولوب لیلۀ عاشور حسین
دوشدی یتیمیش ایکی شوریده باشا شور حسین



ایستدی لشکره شه آندیرا منظور ندور
دلده کی عشق ندور باشد اولان شور ندور
سرّ عاشور ندور لیلۀ عاشور ندور
ایتدی اعلان که بودور دلده کی منظور حسین
صبح آچیلسا باتا قانه لب عطشانيله
شرح عشقی یازا توپراقدا قزلقانیله
عشقبازی ایده قان ایچره سر و جانیله
حشره دین آدلانا بو قصّۀ مشهور حسین
منشی غم اله تا آلدی بلا خامه سینی
لفظ عاشوريله دولدوردی بلا چامه سینی
منده مهر ایتدیم اونون غصّۀ لی برنامه سینی
نشر اولار صبح او برنامه مهمور حسین

بو سوسوز دشته هر یانه سو تک قانلار آخار
باجیلار قارداشینون جسمینه قان ایچره یاخار
اوغلونون قانین آنا زلفینه شوريله یاخار
سَپیلر توپراقا چوخ لؤلؤ منشور حسین
عشق دریادی او دریاده کی دُرّ صدفم
عشق تیری گله هر یاندان او تیره هدفم
عالم عشقده باش فکرین آتان جان به کفم
ناصر دیندی حسین دین اوزی منصور حسین
من ازل گونده اولان نقش و نگار اختارورام
عالمی گوزدن آتوب وصل نگار اختارورام
جلوۀ نور جمیل رخ یار اختارورام
اونی قان ایچره تاپار نرگس مخمور حسین
منله هرکس قالا لازمدی که مردانه اولا
آشنا دینینه دنیالره بیگانه اولا
من کیمی عشق و وفا شمعینه پروانه اولا
گیتسون اول کیمسه که دوشموب دلینه نور حسین

منله هرکس قالا بو دشته قانه باتاجاق
 پیکرینده دوزولوب باش باشا اوخلار چاتاجاق
 جسمی یورقون یارالی قانلو قوم اوسته یاتاجاق
 قانه غلطان لیق اولوب لوحده مسطور حسین
 اولموشام من بو بیاباندا بلا همنفسی
 بو همین بیر گیجه دی عمر و مون آخر گیجه سی
 گیتسون اول کس که دوشوب باشینه دنیا هوسی
 جاه دنیا سون اشخاص دگول جور حسین
 ایتمین ترک سر و جان منه دمساز اولماز
 عندلیبان گل عشقه هم آواز اولماز
 خانه عشقه تاپوب یول منه همراز اولماز
 ایده بولمز که ایده شرکت پر شور حسین
 یومین قانیله بو نشئه ده اوز یوز گوزونی
 خانه خلوت عشق ایچره گورنمز اوزونی
 بولمین درس وفا مهر و محبت سوزونی
 بوله بولمز ندی کیفیت مستور حسین

گوتوروب بیعتی اول خسرو اقلیم بلا
 سئچیلوب اهل وفادن او گیجه اهل خطا
 شه حضورینده قالوب یتیمشه دین اهل وفا
 باشلاریندا اولارین چون واریدی شور حسین
 شه گوروب قالمادی اطرافده بیگانه عشق
 یعنی اغیار گیدوب خالی اولوب خانه عشق
 باشه یغدی دل شبده نچه پروانه عشق
 شمع تک جلوه لنوب چهره پرنور حسین
 پاخدی اصحاب وفادارینه شاه شهدا
 ایتدی فرمایش او مظلوم که ای اهل وفا
 سیز که خوشسوز ایده سوز جانوزی جانانه فدا
 وار جزاسینده سیزه مژده پُرسور حسین
 علم اعجاز امامتله او سلطان جهان
 رد ایدوب پرده نی اصحاب گوزوندن او زمان
 باغ جتته اولان یرلرینی ویردی نشان
 غصه لر گیتدی اولوب جمله سی مسرور حسین

گوردی اوز یرلرین اصحاب گوگل تاپدی صفا
 بوردا بیر نکته باریک دییر اهل وفا
 باخمادی اوز یرینی گورماقا عباس ابد
 سویلوب اول طاقت و صبر دل رنجور حسین
 ای آتام اوغلی ازل شرح نوشتیم سنسن
 عاشقم گول یوزیوه سر سرشتیم سنسن
 نیلورم باغ بهشتی که بهشتیم سنسن
 عالم عشقه عباسدی مقهور حسین
 باشدکی شوری او اصحاب وفا آتمادیلار
 آخرت سودینی دنیادن اوتور ساتمادیلار
 شوقدن صبح آچیلینجا او گیجه یاتمادیلار
 گوزلیوب صبحی او بیر عده سلحشور حسین
 کربلا ناله و فریادیه دولدی او گیجه
 باجی قارداشه باخوب گل کیمی سولدی او گیجه
 اوغولیه آنالار قول بویون اولدی او گیجه
 عالم محشر اولوب لیلۀ عاشور حسین

تاپدی هر غصه و غم یولداشی اوز یولداشینی
 جان کیمی باغرینا باسدی باجی اوز قارداشینی
 آلدی لیلا غمیله سینه اکبر باشینی
 دیندیروب اوز آناسین خوش دلیله پور حسین
 آناسی قاسمه باخدیقجا غمی جوش ایلوب
 گل باغ حسنی زینت آغوش ایلوب
 اوز الیه او گل اندامی کفن پوش ایلوب
 کفنین گرچه سویار دشمن منفور حسین
 زینب آغوشه آلوب جان کیمی اوغلانلارینی
 زینت ایلوب ویره قربان قوزی قربانلارینی
 شهدا قانینه قاتسونلا گوزل قانلارینی
 پربهادور او بولوب چون دم موتور حسین
 آلوب آغوشینه اصغر آناسی سودامرین
 گوزلیوب صبحه کیمی شام قیامت سحرین
 ایده قربان وفا غنچه نوخیز و ترین
 چون که یتیمشدی اونا عشقه دستور حسین

باشینه یغدی هدایت گونی اولدوزلارینی
آلدی اطفال اورگیندن غم جانسوزلارینی
گوردی اول شاه دویونجا بالاجا قزلارینی
چون بولوردی اولاجاق جمله سی مهجور حسین
گیجه قورتولدی یتوب صبح قیامت سحری
آچیلوب محشر کبرادن علامت سحری
نه سحر زینب کبرایه قیامت سحری
ایله بیر صبح اولوب لیلۀ دیجور حسین
ایلیوب تائبی ترغیب ایکی نیک سیر
تا دوزه رشته نظمه بیله بیر عالی گهر
بسدی زهرا بالاسی ایلسه منظور نظر
چون که منظور الهی اولی منظور حسین

زبان حال مادر حضرت علی اکبر علیہ السلام در حال وداع

باخما لیلا اولی مجنون کیمی دیوانه اوغول
گیت بویان بو لب دریاده سوسوز قانه اوغول



توکه گوزیاشوی رخساره فدا گوزیاشوا
گیت بویان قانه یتورمه علی جان خم قاشوا
قوی قزلقانیله بیر تاج شرافت باشوا
سنه زیبنده دی بو افسر شاهانه اوغول
خوشدی عشقون سالا گر کوه و بیابانه منی
قید زلفون چکه زنجیره چو دیوانه منی
سالا اوز آردیجا حیران چکه هریانه منی
قولی باغلی آپارا کوفه ده زندانه اوغول
دؤزرم دامن وصلوندن الیم گر اوزوله
زلف پر پیچ و خموندن یوزیوه قان سوزوله
قان آخوب آتوا چون دانه مرجان دوزوله
نقد جانیم اولا قربان ایله مرجانه اوغول

ای اولان چرخ محبته ایشیق ماهیم علی
 باخما گیتسن گونومی قاره ایدر آهیم علی
 دؤزرم هجروه شاهددی بیر اللّهم علی
 خوشدی یانسا اورگیم آتش هجرانه اوغول
 گورمیوئب سن کیمی گل دهر گلستان اولالی
 من کیمی بلبل شوریده بو دوران اولالی
 اورگیم فکر فراقونلا دولی قان اولالی
 آرتیروب حسرت دل لاله نعمانه اوغول
 سنیدون دلدۀ فرح، روح روان جانیمده
 صبر سینم گل امید گلستانیمده
 سرو قدون گر ایاقدان دوشه بستانیمده
 سیر سرو ایتماقا گیتیم داخی بُستانه اوغول
 دویمادیم من علی سندن قسم اول جانوه گیت
 باتماقا کوی محبته سوسوز قانوه گیت
 بیر دایان سُرمه چکوم دیدۀ گریانوه گیت
 دولاجاق قان بو ایکی دیدۀ گریانۀ اوغول

مین نیازیلۀ سنون چکدیم اوزوم نازون علی
 یاتمادیم یاتمادی تا نرگس غمازون علی
 بسلیم جان کیمی بو قامت طنّازون علی
 گوندَرم شوقیلۀ قربانگه جانانه اوغول
 گیت علی قتلگهون خوابگه ناز ایلۀ
 باشند ایت باشون اوزون عاشق جانباز ایلۀ
 آنای محضر زهراده سرافراز ایلۀ
 گرچه هجرونده دَور قامتی چوگانۀ اوغول
 گوزلریم عارض گلفاموۀ گه گه ساتاشور
 ایستگیم بحری وورور موج گوزوم جامی داشور
 آق کفن قامت شمشادیوه چوخ خوش یاراشور
 خوشدی گورسم بویانوب آغ کفنون قانۀ اوغول
 ایستورم بزم محبت بو بیاباندا قورام
 یعنی شهزادۀ حضورینده کنیزانۀ دورام
 بیر سالوب نظمۀ قرا تل لریوه شانۀ وورام
 بیردۀ بو تل لره مشکلدی گلۀ شانۀ اوغول

قانه اوز باغریمی من لاله صفت دوندروم
گل مقصودی می اوز شاخ گلودن دروم
سنی قربانگه جانانه سوسوز گوندروم
اله گلمور سو ویرم سن کیمی قربانه اوغول
بیله دولدورما سرشگیله بو شهلا گوزوی
هر سوزون واردی بیان ا یله ایتیرمه اوزوی
سالمارام دیلدن ئولونجه سنون آخر سوزوی
ایدِرم بیر او سوزون ورد یانایانه اوغول
من ازل مهر و وفا شربتی نی نوش ایلدیم
باشدان اوز فکریمی بالمره فراموش ایلدیم
اوز الیمله سنی بو چولده کفن پوش ایلدیم
دین یولوندا ویره سن باشوی مردانه اوغول
ویرموشم من علی پستان هنردن سنه شیر
بیشه همت آرا بسله میشم سن کیمی شیر
گیت نشان ویر هنرون دشمنه ای شیر دلیر
گوره لر بسله میشم من نجه شیرانه اوغول
گیت آنان همدی قوی آه شررپاش اولسون
بو اوغولسوزدا اوغولسوزلارا یولداش اولسون

ویر نشان عشقوی بولسون هامو سوز فاش اولسون
اولی من تک آنادان سن کیمی فرزانه اوغول
صبر ایدوب پیکر صدپاره وه باخسام من اگر
یاندیروب آهیله عالمری یاخسام من اگر
سن باتان قانی دوتوب زلفیمه یاخسام من اگر
گتورر دلدی کی منظوری می امکانه اوغول
بولورم لازمه دور آتش هجرانه یانیم
ایستگیم قویموری سندن ال اوزوب من دایانیم
گیتمه دور باشیوه پروانه صفت بیر دولانیم
نجه شمعین دولانار باشینه پروانه اوغول
قویما بو حسرتیله اللری قوینوندا قالوم
گل قولون بوینوما سال بوینوا قول منده سالوم
گل یوزون قوی یوزومه بیرده گوزل عطرون آلوم
او گوزل عطره فدا بو ایوی ویرانه اوغول
تائب دل دگی دل اولماسا گر نور حسین
دل پُر نور محبت اولی منظور حسین
ام لیلایه دیدیتدی بو سوزی شور حسین
گیت بو لایلا اولامجنون کیمی دیوانه اوغول

استغاثه از امام زمان (عج)

گریز به وداع حضرت علی اکبر (علیه السلام)

الامان و الامان ای سید کون و مکان
قیل ظهورن ایلمه تأخیر یا صاحب زمان



হারداسان ای ظلم الیله خانمانین ترک ایدن
হারداسان ای سینه سی داغلو امام ممتحن
হারداسان باشسیر قالوبدور شیعه لر یابن الحسن
قیل ظهور ای گوزلری دیدارینه حسرت قویان
হারداسان ای گل جماله اشگ حسرت باغلین
হারداسان ای جدینه شوريله سینه داغلین
হারداسان ای پرده غیبتده دائم آغلین
انتظاروندا داخی سلب اولدی دللردن توان

হারداسان پروردگارین آخرینجی حجتی
হারداسان نوری ایدن نوره مبدل ظلمتی
হারداسان محبوب حق ایجاد عالم علّتی
داده یت دوشدی ایاقدان زُمره اسلامیان
হারداسان ای منجی اسلام شاه محترم
হারداسان ای حجت قائم امام محتشم
হারداسان ای دادخواه شیعه یا غوث الامم
داده یت اهل ولانی قید غمدن قورتاران
হারداسان ای چرخ عزّنده اولان بیر آفتاب
باغریمز قانه دونوبدور ای شه والاجناب
منتظر قویما بیزی ايله ظهورینده شتاب
نوريله سال ظلمت آفاقه نور شمعان
پرده غیبتده گزمه ای حبیب لایزال
جدّوین دینی او قدری قالمور اولسون پایمال
پا رکاب توسنه قوی ای شه گردون جلال
قویما قالسون زُمره کقاردن نام و نشان

گلماقوندا ایتمه تأخیر آیت پروردگار
 عالم اسلامی اهل کفر ایلور تارومار
 قیل ظهور ای شهریار دین الوند ذوالفقار
 پرچم اسلامی آج قیل جدوین حقین عیان
 هاردا سان ای دست حق ای هادی دین خدا
 هاردا سان شمس الضحی سبطی امام الاصفیا
 هاردا سان خونخواه مظلومان دشت کربلا
 هاردا سان دیوان عدلی ای عدالتله قوران
 تا به کی یوللاردا قالسون شیعه نین آغلار گوزی
 درد حسرت سینه سینده شامه دونسون گوندوزی
 تا به کی شیعه محافله ایشیتسون بو سوزی
 کربلا ده ایتدی مظلوم آل یاسی کوفیان
 گل اوزون قیل چیده شاها بو ایشین دیوانینی
 تارورمار ایت تیغ تیزیله عدو ارکانینی
 گل اماندور قویما قالسون یرده اکبر قانینی
 قالماسون لیلا دلینده داغ حسرت جاودان

اولما راضی بوندان آرتوق لیلی نون قلبی یانا
 امر مشکلدور اوغول هجرین آنا آسان سانا
 گیتسه اکبر تک جوانی صبر ایدر هانسی آنا
 یانماسون دلدن نه نوعی لیلی بی خانمان
 یان دیروب لیلا کیمی درد فراق آیا کیمی
 کیم اونون تک دولدوروب گوز کاسه سین دریا کیمی
 دؤزدی هانسی بیر آنا مجنون نما لیلا کیمی
 هانسی خاتونین الیندن گیتدی اکبر تک جوان
 نوجوان اوغلون گوروب آماده دور جان ویرماقا
 بولدی لازم حکمینہ امضاء اذعان ویرماقا
 اولدی حاضر اوز جوانین دینه قربان ویرماقا
 اوز الیه بوینونا سالدی کفن اول باغریقان
 گوردی لیلا چوخ یاخوندور گلشن صبری سولا
 یعنی جان ویرماقلیقا ناکام اوغول دوشدی یولا
 سویلدی لیلا بو رعنا قدیوه قربان اول
 دور دولانیم باشوه گیتمه ایاق ساخلا دایان

ای اولان زیبا یوزی عزّ و شرف بُرجونده ماه
 گیتگیلن قوی گوندوزوم اولسون منیم شام سیاه
 مونسیم اولسون اوغولوی همدیم فریاد و آه
 گل آدون بلبل کیمی اولسون منه ورد زبان
 فاطمه اوغلون بو گون یالقیزلیوب اهل جفا
 قویما بی یاور او مظلومی شبیه مصطفی
 گیت او شاه عشقه عشقیله ایله جانون فدا
 روسفید اولسون آنان زهرا یانیندا اوز آنان
 سن که جان ویرماقلیقا آماده اولدون برملا
 صبر ایدوب منده دایاتام فرقتونده جابجا
 رسمدور باشه دولانماقلوق ایدر دفع بلا
 گل دولانیم باشوا گیت جسمیمه روح روان
 حسرتیله چوخ دولاندرما گوزون باخما منه
 یانما دلدن توکمه گوزدن دُر اشگون دامنه
 درده گللم من بو احوالیله باخدیقجا سنه
 بوستان عمر لیلاده اولان سرو روان
 گر شهادتدور سنه بو چولده عمده ایده آل
 گیت بویان اوز قانوه خنجر دمینده کامون آل

اوز آنالیق حقیمی منده سنه ایتدیم حلال
 ای گوزوم نوری دلیم یاراسی شمع بزم جان
 قتلوه حاضردی جلّاد ای جوان دلپسند
 گیت وجودون دوغراسونلار ایلسونلر بندهند
 ایلسون پامال جسمون سربه سر سم سمند
 اوخلار اولسون جسموه گونلر ایوینده سایبان
 ای جوانیم گیت بویان اوز قانوه قان ایچره یات
 باش و جان ویر راه جاناندا گوزل مقصوده چات
 وصل زهرايه یتیش لیلانی اما گوزدن آت
 قوی اولما مجنون غم بو لیلی بی خانمان
 منتظردور توکماقا قانون بو اشرار دنی
 قصد ایدوبلر قویماقا بو چولده اکبرسیز سنی
 ایلمه تأخیر گیت اللهه تاپشوردوم سنی
 حافظون اولسون اوغول پروردگار انس و جان
 تائباً محشر گونونده گر شفاعت ایسته سن
 چنگ وور دامن آل اللهه بو دنیاده سن
 نوحه یاز توک دُرچ چشموندن یوزه دُر عدن
 روز محشرده شفاعت ایلسون صاحب زمان

استمداد حضرت علی اکبر علیه السلام از امام مظلوم

درک ایله یخدی اکبرون اهل شقاوت ای بابا
جان ویرورم بدن یارا باشد جراحات ای بابا



باخموری اوچولار که من چین حرم غزالیم
سرو ریاض عزّتم باغ وفا نهالیم
دل دوداقیم یانور اوزوم تشنه جگر یارالیم
هر یتیشن وورور گینه کاری جراحات ای بابا
قیدیمه یوخدی بیر قالان قیدیمه لطف اوزیله قال
سایه رحمت خدا بیر باشیم اوسته سایه سال
گل یارالی غزالوی اوچولارین الیندن آل
گور نجه اوچولار ایدور صیدیمه سبقت ای بابا
من او مریض عشقوم عشق طیبی گوزلرم
جان دوداقیمدا مهربان یار و حبیبی گوزلرم
بیر وطن آیرسی اولان شاه غریبی گوزلرم
تا آلا اودلو سینه دن حسرت غربت ای بابا

ال تاپوب اوغلون اکبره قوم ستمگر ئولدورور
ظلمیله بیر یارالینی بیر نچه کافر ئولدورور
یاغی اولوب پیمبره شبه پیمبر ئولدورور
باخموری وار پیمبره منده شباهت ای بابا
قان آپارور منی آلوب یاره لر اختیاریمی
گوزلورم انتظار یله سن کیمی تاجداریمی
گوزده گورولله چوخ منیم لحظه انتظاریمی
گورماقا قورخورام سنی اولمیه فرصت ای بابا
باغ وفا و عشقه ای باشی بلالی باغبان
آسدی بهار باغوه گور نجه صرصر خزان
سودی گل اولدی ظلمیله صاحب باغ باغریقان
زاغ و زغن آچوب گله دست جسارت ای بابا
بولموری مهربان آنام من نجه حاله قالیشام
پیکریمه حسابسبز زخم عداوت آلمیشام
قان آپارور دوشوب خزان ییراقی تک سارالمیشام
گرچه ویروبدی سرخ قان بو یوزه زینت ای بابا

ایمدی یولا باخور آنام دیده اشگباریله
 دلدۀ علی علی منی گوزلوری انتظار یله
 گورسه نیدر جوانینی پیکر زخم داریله
 بیر ایله منظره ایدر صبرینی غارت ای بابا
 خیمه گل آپار آنام حالیمه باخسون آغلاسون
 آتش آهه یان دیروب عالمی یاخسون آغلاسون
 من بویانان قانی دوتوب زلفینه یاخسون آغلاسون
 تا دیسون احسن عشقینه اهل محبت ای بابا
 عمه لریم باجیلاریم ایمدی تیکوبله گوز یولا
 نازلی رقیه آغلوری اشگه گوزی دولا دولا
 قورخورام ایمدی غصه دن خردا باجیم هلاک اول
 اولنا منیم آرامدا وار آیری بیر الفت ای بابا
 خوشدی امیده یأسیمی سینه ده دوندرم ئولم
 عالم هجره یتمه میش وصل گلون درم ئولم
 بو دم احتضارده بیرده یوزون گورم ئولم
 آخر آندا ایلیم کسب سعادت ای بابا

دینیم اشارتاً دیدی رخت علایقی سویون
 منده قبول ایلدیم قویدوم او عشقیله بویون
 خوشدور آتا بالا اولاق صون نفسمده قول بویون
 گل اورگیمده قالماسون بیر بیله حسرت ای بابا
 دست اجل یاخونلاشوب رشته عمرومی اوزه
 قطره به قطره آنیما یعنی ئولوم تری دوزه
 صون نفسمدی گل قویاق بیرجه منیله یوز یوزه
 بیرده شمیموی آلوم بیر بیله ساعت ای بابا
 خوشدی وفای عشقیمی عالمه من نشان ویرم
 نکته عشقی رمز یله شرح ایلیم بیان ویرم
 بو یارالی باشیم ستون دیزلرون اوسته جان ویرم
 حشره کیمی بو باره ده خلق ایده صحبت ای بابا
 خوشدی که توپراقا قانیم اشگ تریم کیمی آخا
 قان گیده ال ایاق چالام حالیمه سن باخا باخا
 سن باخاسان منه منیم قانلو بو گوزلریم آخا
 هر دله منعکس اولو بیر بیله حالت ای بابا

خوشدی گوروب جمالوی گوزدن علایقی آتام
 خوشدی ایاقی آتدا اوز اوغلونا یر ویره آتام
 دفن اولوب اوردا نازيله تا دم حشر من یاتام
 ایلیه زایرون منی سنله زیارت ای بابا
 هامو بوله بابا سنه من نقدر مُقَرِّبم
 گون داليجا گزن آیام برج ادبده کوکیم
 بیرده او یرده یاتماقیم ثابت ایدر مُؤَدِّبم
 ایلموشم ادب یولون یاخشی رعایت ای بابا
 قبریمیزه باخان گوره بیر نجه دلربادیلر
 وار ایکی جان او قبرده جوهره وفادیلر
 بیربیرینه دیسون گورن بونلار آتا بالادیلر
 آلسون او قبره یوز قویان عطر محبت ای بابا
 شوق زیارتون سالار تائب نوحه گر دله
 ایسته گوزل مزاریه وقفه لرین بیرین گله
 اوردا همین بو نوحه نی ذکر ایده جمعیلن بیله
 درک ایله یخدی اکبرون اهل عداوت ای بابا

زبانحال امام مظلوم دربالین علی اکبر علیه السلام

بیله قوم اوسته قویوب یوزون یاتما نازيله نوجوان اوغول
 گوزون فداسی بیر آچ گوزون خواب نازدن دور اویان اوغول
 شبیه پیغمبریم علی گل دله دانش مهربان اوغول



گل گلستان احمدی وار نه علتی بیله سولموسان
 آچوبلا گلچین الی سنه خار تیر ظلمیله دولموسان
 یانوب سوسوزدان سارالموسان ظلم الیله پژمرده اولموسان
 نه تئز یتوبدور بهاریوه بو جوانلیقوندا خزان اوغول
 سن ای ادبلی جوان ندن بیله توپراق اوسته اوزانموسان
 نولوب بیله خسته دوشموسن یوخسا چوخ یارالی دولانموسان
 نقدر من سسلورم سنی نازيله یاتوبسان اویانموسان
 سرور سینم جواب ویر دیندیروور سنی اوز آتان اوغول
 او باغبانم بو دشته گلمیشم علی گل سراغینه
 صاق و صولی چوخ دولانموشام بیر وفالی همدل سراغینه
 سنون کیمی بیر گوزل بالا تار زلفی سنبل سراغینه
 منیم کیمی یوخ جهانده بیر گلی سولان باغبان اوغول

بو اوچیلار باخمیوبله سن چین ملک عزّت غزالیسان
 حسینه چشم چراغسن باغ مصطفانین نهالیسان
 ووروب سنه هر یتن یارا هیچ دیموبدیلر سن یارالیسان
 اوقدر یاره دگوب سنه گلموری شماره یاران اوغول
 ایدوب منی باغریقان علی ظلمیله سنون قانه باتماقون
 ایدوب منه گوندوزی گیجه گوزدن عالمی بیله آتماقون
 بو قلبیمه حسرت آرتورور قانوه باتوب بیله یاتماقون
 چکوبدی بیر قرمزی شفق گون جمالوه لخته قان اوغول
 یاران سنه شورش آرتورور یانیدیورور منیم قلبیمی یاخور
 قانون آخور سو کیمی چوله من باخوب سنه گوزیاشیم آخور
 یاپوش الیمدن علی گیداخ دور و برده دشمنلریم باخور
 شماتت ایلور بو بی کسه بی حیادی چوخ شامیان اوغول
 یتورم اوز شرح حالیمی اهل عالمه بیر سوز اوسته من
 سنی گوروب ذوالجناحدن توپراق اوسته دوشدوم یوز اوسته من
 گلنمدیم باشون اوستونه بیر قدر سوروندوم یوز اوسته من
 کناروه یتدیم اوزگه بیر حالتیله ای مهربان اوغول

نه حالیه نوجوان اوغول باشوی دیزیم اوسته آلمیشام
 باخوب بو سولموش جمالوه گور نجه سولوب من سارالمیشام
 فقط بیر اوغلی ئولن بولر من بو دم نه احواله قالمیشام
 قالوبدی قوینومدا اللریم وار گوزومده اشگ روان اوغول
 او باغبانم سولوب علی باد ظلمیله سن کیمی گلیم
 گلوم سولوب اودلانوب دلیم بار غصّه دن خم اولوب بئلیم
 خیامده گوز تیکوب یولا منتظردی بیر دسته بلبلیم
 خصوص گوزلور رقیه تک خوش بیان و شیرین زبان اوغول
 گلنده من خیمه گاهده اولموشیدی شور جزا عیان
 ووراردی باشه فغانیله نازلی قزلاریم سینه ده فغان
 اوزون ایتورموشدی غصّه دن دلدّه وای اوغول بینوا آنان
 اوقدر قالموردی جان ویره خیمه لرده آغلار آنان اوغول
 دیمه سو ویرموب غریب آتان ایلدی فدا تشنه لب سنی
 سو اوسته بو سرو قامتون یخدیلا سوسوز فرقه دنی
 غم ایتمه جدیم اوزی گلر اوز الیله سیراب ایدر سنی
 سن ایچماقا حاضر ایلوب ساخلیوبدی آب روان اوغول

دلیم یانوب خون دل منیم جام چشمیمی ایللیوب دولی
 من آغلارام دشمنیم گولر دولدوروب شماتت چی صاق صولی
 داخی جهاندا قالانمارام گللم ای اوغول سن گیدن یولی
 جهاندا سنسیز نجه یاشار بو غریب آتان ای جوان اوغول
 دم اولماسا تائبه اگر بیزدن ایلینمز یازا اوزی
 یازاندا بیز ایلروخ کمک دلنشین و شیرین گلر سوزی
 اودور اونون یازدیقی سوزی آغلدار مجالسده چوخ گوزی
 باخان گورر سوز دله یاتور واردی مطلقا سوزده جان اوغول

زبانحال مادر علی اکبر علی در سر نعلش فرزند

ای گل ناز گلشن پادشه حجاز اوغول
 آچ گوزون ایتمه بیر بیله آغلار آناهه ناز اوغول



روح روانیم آچ گوزون طاقت و تاب ویر منه
 بنده دوشوب دلیم دانوش نطق خطاب ویر منه
 من سنه دَرِدِ دل دیوم سنده جواب ویر منه
 بیرده قوراخ آنا بالا مجلس کشف راز اوغول
 ایله بیان گوروم ندن خسته دوشوب اوزانموسان
 یوخسا علی یورولموسان چوخ یارالی دولانموسان
 هر دیلیله که من سنی سسلورم اویانموسان
 بیرجه منیله ایتموسن باب مقال باز اوغول
 من دیمورم جهانده من آناوام عزیز یوم
 سن بالا شاهزاده سن فرض ایله بیر کنیزیوم
 عشق و علاقه آغلادور شوریه اشگریزیوم
 لطف ایله اوز کنیزیوه کسب ایده امتیاز اوغول

قاندی دوزولموش آنوا قطره به قطره یا عَرَق
 جسمدی یا کتاب غم بيله اولوب ورق ورق
 گورم عبادہ گوئیا قرمزی گلدی بیر طَبَق
 آغلار آنای ایلوب بلبل نغمه ساز اوغول
 اولماز علی ورق ورق گل بيله که سن اولموسان
 گل دیماقیم اولور خطا بیر دولی گلشن اولموسان
 گلدی بو قانلو یاره لر یاخشی مُزین اولموسان
 جمله صفالی گلشنه سنده وار امتیاز اوغول
 هانسی صفالی گلشنین بيله گوزل صفاسی وار
 گلشنین هاردا سینه ده بیر بيله گل یاراسی وار
 هانسی گلون منیم کیمی بلبل خوش نواسی وار
 هانسی بیر عندلیب ایدر من کیمی سوز و ساز اوغول
 حسرت اوخیله سینه سین گور نه اوغول دگر آنان
 عارضه گوزدن ابر تک گوز یاشینی آلر آنان
 اولیوب اوچولار سنی بيله قالوب مَلر آنان
 رَشگ غزال دشت چین سبط شه حجاز اوغول

باخمیوب اوچولار که سن چین حرم غزاليسان
 میوه قلب شاه دین باغ وفا نهاليسان
 هر یتیشن ووروب یارا هیچ دیمیوب یاراليسان
 شرم ایلوب حقیقتاً طایفه مجاز اوغول
 نه اولوری که جسمدن رخت علایقی سویام
 نه بدنونده صاف یر واردی دوداقیمی قویام
 بیر اویم ایگلیم آلام عطریوی آغلیم دویام
 آیریلوب عضو عضودن ای گل باغ ناز اوغول
 سن بولوسن بیر عمر اولوب منده نیاز نازیوه
 ایل گیجه لر دایانموشام زحمت جانگدازیوه
 خیمه دن ایستدیم گَلَم ایمدی ده پیشوازیوه
 اولمادی قدرتیم ولی ایتماقا پیشواز اوغول
 گوزلریوه فدا نندن عالمی گوزدن آتموسان
 عالمه ویرموسن صدا یوخسا مرامه چاتموسان
 ناز ایدوسن بو بی کسه نازیله بيله یاتموسان
 سنده نقدر ناز اولامنده ده وار نیاز اوغول

بو نه روادی یان دیروب آهیله کونی یاخماسام
 دله آدون گوزوم یاشین اوز باشینا بوراخماسام
 بو نه وفادی قانوی زلفیمه منده یاخماسام
 اوغلی ئولن لر ایچره گر تاپماسام امتیاز اوغول
 سولدی سارالدی گل یوزون گلشن عزتیم سولار
 قانیله دولدی بو گوزون اشگیله گوزلریم دولار
 سن بولوسن علی اوزون سنسیز آنان اسیر اولار
 هودج عزتی اولار ناقه بی جهاز اوغول
 گل دیله بیر دانش گوروم بیرده گوزل بیانوی
 بیرده قولاقیمه آلم صحبت دلستانوی
 چوخ بو غریب آنان سور خاصه سنون اذانوی
 عصردی باشلا ویر اذان قیلسون آتان نماز اوغول
 سن بولوسن که رشته الفته پای بستهام
 فرقه آغلاماق منی بیله یوروبدی خستهام
 بیر آنایام امیدسیز غصه لی دلشکستهام
 آل بو شکسته گوگلولمی لطفیله دلنواز اوغول

گرچه ستمله کشته فرقه سفله ساز سن
 لیک منای عشقده فدیة عشقباز سن
 ایلدون اوز آنان ایکی نشاده سرفراز سن
 ایلیه نشاتینده حق سنی سرفراز اوغول
 سهلدور اوخشیوب یانار ایمدی غریب آنان سنه
 ایل لر یله عزا دوتار پیر اولایا جوان سنه
 نوحه دلشین یازوب تائب نوحه خوان سنه
 ایسته اونا حق ایلسون باب نجات باز اوغول

زبان حال امام حسین علیہ السلام
هنگام وداع حضرت ابو الفضل علیہ السلام

گل اولما بو دشت پر خطرده سن عازم رزمگاه ابو الفضل
رحم ایله کمکسيزم اماندور قويما منی بی پناه ابو الفضل



بیر سن قالوسان حسینیه یاور گل گیتمه بو گون جداله قارداش
گیتسن یتورور بو شامون اهلی عمرون گونونی زواله قارداش
قان عارض بدره چکسه پرده گون قدی دونر هلاله قارداش
بو آرخاسیزین اولار گوزونده گوندوز گیجه تک سیاه ابو الفضل
آگهسن اوزون دلیمده قویموب اکبر ئولومی دؤزوم وفالی
مطلق اوزولوب الیم ئلیمدن بیر سنده دی بو گوزوم وفالی
گور بیر بيله سخت ساعتیمده سندن نجه ال اوزوم وفالی
یوخ دادرسیم بو قانلو چولده سنسن منه دادخواه ابو الفضل

ای غم گونی یار غمگساریم وی سریمه محرمیم برادر
ای سرسپه وفاشعاریم دل دردیله همدیم برادر
وارسان نقدر اسر یخیلماز بو بیرق و پرچم برادر
گیتسن قوشونوم سینار بو چولده پرگاریم اولار تباه ابو الفضل
تا واردی سنون علم الونده ای کان وفا و شیرصوت
امنیتیمین وار اعتباری امنیله یاشار بنات عصمت
یاتسا علمون اوزون یخلسان بو لشکر کین تاپار جسارت
بی شرم رعیتین الینده مقهور اولی پادشاه ابو الفضل
سنسیز منی ئولدورلله قارداش ظلمیله اولار عزالی زینب
اوز زلفی کیمی قالار سیه پوش بیر عمر باشی بلالی زینب
قول باغلی اسیر اولار عیاندور شام اهلینه کهریلالی زینب
افسوس اونون او حالتیندن صدحیف هزار آه ابو الفضل
سن گیتسن اگر سموم غمله گلشنده کی گللریم سولالار
بلبل لریم آه و ناله ایلر اشگیله بولود کیمی دولالار
سنسیز منه ال تاپار بو لشکر اهل حریم اسیر اولالار
تالانه گیدر جفا ایله شاهانه جلال و جاه ابو الفضل

سن گپش کتیبه سن حسینیه گوزدن سنی بیر زمان آتانماز
 ئولسن یتیشر مرامه دشمن مقصودینه قزلاریم چاتانماز
 امنیتیم اولماز اولماسان سن آسوده حرم لیریم یاتانماز
 تاپمازلا بو اهلیت عصمت عالمده داخی رفاه ابو الفضل
 سن گیتسن اگر حرم غزالین صیّاد جفا سالار کمنده
 سو اوسته یخالا سرو قدّون خم قدّ اولارام غمونده منه
 گوز یولدا آدون دیلینده دائم گوزلر یولوی آنان وطنده
 ایلر ره دشت نینوایه آغلار گوزیله نگاه ابو الفضل
 قویماز بیله سخت گونده یالقیز قارداشین ییچ وفالی گیتمز
 ایستکلی وفالی آشناسین بیگانه لر ایچره ترک ایتمز
 دامان وصالوه عیان دور گیتسن بو الیم دوباره یتمز
 سندن نجه آریلار بو ساعت شاهنشیه بی سپاه ابو الفضل
 گل غنچه لیریم یانوب سوسوزدان بو اودلی مکاندا سولسا سولسون
 گر شور و نوای العطشیدن بو دشت عراق دولسا دولسون
 شیرین دل او شاقلا ریم دیوب سولب تشنه هلاک اولسا اولسون
 سن گیتمه بو قانلو رزمگاهه ای چرخ وفاده ماه ابو الفضل

واردی هله اللرون بدنده ای حیدره وارث شجاعت
 گل یوزلی بالالارا ویروب یوز گور بیر نه هراس و خوف و وحشت
 بیر بیر لرینه دگوب حرملر برپادی خیامده قیامت
 معناده باخاندا خیمه گاهیم محشردی نه خیمه گاه ابو الفضل
 مظلوم ایلیوب منی رعیت باخمازلا که ملک عشقه شاهم
 دشمنلر ایچینه قالمیشام تک بی یار و معین و دادخواهم
 بو گونده سنی پناه بوللم گرچه اوزوم عالمه پناهم
 هم من همی قزلاریم گتوردوخ بو چولده سنه پناه ابو الفضل
 گیتسن بولورم بو اتفاقیم تبدیل اولی حال افتراقه
 هجرونده دؤزنمرم بولورسن سالما منی محنت فراقه
 بسکه سنه چوخ علاقه مندم آیریلماقا قوپموری علاقه
 بو عشق و علاقه یوزومده بو گوزیاشیدور گواه ابو الفضل
 بیر میرزارسول بیرده گلچین اولاد رسول نوحه خوانی
 تائب یازا بیله شعر شیرین ترغیب ایلیوب اولوبلا بانی
 هر فردی ووروب امید چنگین دامانوه مهر و جود کانی
 بو معتصمنی ایتمه مایوس ایله صله گاه گاه ابو الفضل

سعی حضرت ابو الفضل عليه السلام برای حفظ مشك آب

ایدردی سیر او علمدار دین وفا یولونی
سالوب جفائیله بیر ظلم پیشه صاق قولونی



اولوب قلم قولی قانی سو تک اونون آخدی
دولان دیروب گوزونی حسرتیله بیر باخدی
صاق الیمی دیدی سالدوز جماعت کینه
بو صول الیله بو گون خدمت ایلرم دینه
حقیقت عاشقیم دُئمرم یقینیمدن
نقدر وار نفسیم حامیم بو دینیمدن
گیدنده صاق الی پوزموبدی لیک تدبیرون
او شیر شرزه آلوب صول الینه شمشیرین
سو مشگی کتفده اما صول الده شمشیری
قدم قدم اوجالاردی صدای تکبیری
چکنده نعره تکبیر او شیر بیشه جنگ
دوشردی وحشته اول اشقیای بی فرهنگ

دولان دوراردی او سردار تیغ قهرآمیز
اولاردی خرمن عمر عدویه آتشریز
گاهی ووراردی قلیج صول طرفه گاه صاقا
گوروب او صولتی دوشموشدی اشقیا قاچاقا
او گیره دارده بیر بدنهاد کفر شیم
او صاحب علمین ایتدی صول قولوندا قلم
قالاندا قولسوز او سقای دشت کرب وبلا
دیسیم غلط دگو واحسرتا دیدی زهرا
گینه او حاليله تغییر ویرمدی ایشینه
نه گوردولر که آلوب تیغ تیزی نی دیشینه
او ساعتی که اونون قوللارین عدو سالدی
تعجبیم دیشینه تیغینی نجه آلدی
بیر اوزگه نکته باریک وار گلور نظره
سو مشگینی نجه حمل ایلوردی خیمه لره
و حال آنکه یولی ایلیمیشدی دشمن سدّ
کماندان اوخلانی پی در پی ایلوردیله ردّ

همین او حالده اول شیر بیشه صولت
 سو مشگین ایتماقا حفظ ایلوردی جدیت
 دیردی اوز اوزونه مشگی خیمیه یتوروم
 سوسوزلارا سو ویروم گوگلونی اله گتوروم
 قویوب او یرده عدو اوخلاری کمان اوسته
 یاغاردی تیر چو باران او باغریقان اوسته
 کماندن قوتولوب سسلنردی هر پیکان
 یارالی سینه عباس اونا اولاردی نشان
 بولار دیردی که ظاهرده گرچه پیکاندور
 ولیک هر بیری باطنده پیک جاناندور
 نقدر اوخ دگه مشگ اوسته متتی یوخدور
 بو مشگ جانانان عزیزیمدی قیمتی چوخدور
 گهی دیردی عدویه او تشنه لب سقا
 گلور خیالوزه هر ظلم ایتمیون اجرا
 دیمم که وورمیون اوخ بو یارالی پیکره چوخ
 وورون بو پیکریمه وورمیون سو مشگیمه اوخ

امان ویرون منه بیر مشگ باری سو آپاروم
 حسین حضورینه بیر آبرولی رو آپاروم
 سوسوزلارا سو ویرم عمده آرزودی منه
 بو امر هر ایکی دنیاده آبرودی منه
 ره فراته باخور خیمهده سوسوز گوزلر
 سو مشگیمین بالالار خیمهده یولون گوزلر
 نقدر یاره دگه جسمیمه گوگول اولی شاد
 اولار بو مشگیمه اوخ دگسه زحمتیم برباد
 نقدر مشگینه اوخ دگمه میشدی اول سقا
 خیامه گیتماقا تعجیل ایدردی بی پروا
 گلوب سو مشکینه بیر اوخ دگوب سویی گیتدی
 امید حضرت عباسی محض یأس ایتدی
 گوز آچدی حال ابولفضله باخدی آغلادی مشگ
 باخوب او مشگه ابوالفضل توکدی گوزلری اشک
 سو مشگدن یره آخدیقجا ایلدی افسوس
 امیددی قطع اولوب ایتدی حیاتدن میوس

گوروب كه نخله امیدی ویردی یأس ثمر
دوباره خیمیه گیتماقدان ایتدی صرفنظر
او دُمده بار بلا سروتک قدین آگدی
دوباره گلدی بیر اوخ سجده گاهینه دگدی
نه ظلم اولوب دیمورم اول وفالی سرداره
بو قدر واریره گلدی او جسم صدپاره
خسوفه دوشدی او قان ایچره تا او مه پاره
گونوز گوزونده دُئوب زینبون شب تاره
مواظب اول سوزوه تائبا آزارسان اوزون
ایتیرمه مطلبی حق اوسته یاز همیشه سوزون
جهاندا حضرت عباس دامنن اله سال
نه دردون اولسا اونا عرض قیل دواسینی آل

زبان حال حضرت قمر بنی هاشم خطاب به لشکر

ره خیامی باغلیوب بساط ظلمی قورمیون
خدنگی سینه مه وورون ولیک مشگه وورمیون



کسوب قباقی دورمیون بو نوع ازدحامیله
جفازی ایتمیون عیان بو چولده کین تامیله
سکینه انتظار دور سویا غم تمامیله
خدنگی سینه مه وورون ولیک مشگه وورمیون
بو قدر جور و ظلموزی گتورمیون عیانه سیز
شزاره سالمیون بیله جفائیله جهانیه سیز
خدنگ ظلمه ایتمیون سو مشگیمی نشانه سیز
خدنگی سینه مه وورون ولیک مشگه وورمیون
سوسوز قالانلار عترت پیمبر کرام دور
گر اولماسا سو گیتماقیم خیامه ننگ نامدور
نقدر سینه مه دگه خدنگ عین کامدور
خدنگی سینه مه وورون ولیک مشگه وورمیون

شه حجاز گلشنی زبس سوسوز قالوب سولوب
گل اوزلی قزلاری باخوب فراته باغریقان اولوب
قولاق و یرون بیر العطش سسیله خیمه لر دولوب
خدنگی سینه مه وورون ولیک مشگه وورمیون
کمال اهتمامیله بو گون شریعه آلمیشام
سو ایچمیوب حسین سیز دله شراره سالمشام
آتوب هامو خیالیمی سو فکر تینده قالمشام
خدنگی سینه مه وورون ولیک مشگه وورمیون
دیمم که ظلمیله بو گون اولوب قلم ایکی آلیم
قویون و یروم سوسوزلارا سو مشگینی گینه گلیم
تمام سعیم اوردادی بوش اولماسون سودان الیم
خدنگی سینه مه وورون ولیک مشگه وورمیون
بو پیکریم اگرچه چوخ منیم جریحه داردور
نقدر یاره قان ویره بو قلب کامکاردور
سو آخسا مشگدن ولی چتیندی ناگوار دور
خدنگی سینه مه وورون ولیک مشگه وورمیون

او دم که خیمه گاهدن فراته قویموشام قدم
آلوب سو وعده سی سالوب یولا بنات محترم
روا دگول بو عرصه دن خیامه من سوسوز گیدم
خدنگی سینه مه وورون ولیک مشگه وورمیون
بسان غنچه سولدوروب سوسوز لوق اصغرین یوزون
گوزون آناسی دلدوروب یانور ایتیموش اوز اوزون
دولی سو مشگی گوزلوری تیکوب یولا دولی گوزون
خدنگی سینه مه وورون ولیک مشگه وورمیون
گلنده گورموشم اوزوم سولان سوسوز دوداقلاری
آلاندا مشگی ایتیموش امیدوار اوشاقلاری
سو انتظارینی چکر سکینه نین قوناقلاری
خدنگی سینه مه وورون ولیک مشگه وورمیون
سو مشگین او خلا ماقد سیز بو قدر همت ایتمیون
امانت سکینه دور اونا خیانت ایتمیون
بنات تشنه کامدن منی خجالت ایتمیون
خدنگی سینه مه وورون ولیک مشگه وورمیون

سوسوز بناته ساقیم بولورسوز ای گروه پست
 حیاتی نیلرم داخی سو جامیم اولسا گر شکست
 بیر اوخ اوتورسا مشگیمه مین اوخ ایدر دله نشست
 خدنگی سینه مه وورون ولیک مشگه وورمیون
 بیر عمر آغلا تائب سن اول جهاندا دیده تر
 یانقلی قلبون ایتگلن خدنگ محنته سپر
 دوباره یاز بو مصرعی بو سوزده واردی چوخ اثر
 خدنگی سینه مه وورون ولیک مشگه وورمیون

استمداد قمر بنی هاشم علیه السلام «فارسی»

داد از دمی که گشت علمدار غرق خون
 گردید بر مراد عدو چرخ بی ستون
 دست از بدن جدا و ز کف تیغ جانشکار
 در روی خاک و خون علمش گشت واژگون
 مأیوس شد به مشگ چو تیر جفا نشست
 از مشگ آب و از دل عباس رفت خون
 افتاد از عقاب سپهدار شاه عشق
 از کین گرفت دور و برش لشکر جبون
 آنگه خطاب کرد به سلطان نشأتین
 افکند از عقاب مرا اشقیای دون
 بی دادخواه مانده ام ای دادخواه دین
 آدرک اخاک ای سبب خلق کاف و نون
 بر خاک راه شاه بپاشند آب لیک
 پاشم من از طریق وفا جای آب، خون
 تائب بخواهد از تو برات زیارتی
 یا ایها الشهید و یا باکی العیون

استمداد حضرت ابوالفضل علیه السلام از امام مظلوم

هارداسان محبوب حیّ لم یزل قارداش حسین
یخدیلا قارداشوی امداده گل قارداش حسین



سالما گوزدن قارداشون قربانیم آغلار گوزون
گوزلریمی قان دوتوب گل سیل گوزوم قانین اوزون
عین منظوریمدی جان اوسته گوزم بیرده یوزون
باشیم اوسته گلمه میش پیک اجل قارداش حسین
آیریلاندا من سوسوز قزلار دوزولدی صاق صولا
آغلادیم یاندیم ویروب سو وعده سی دوشدیم یولا
اولمادی سو حیف قزلار دردینه درمان اولا
دل لرینده قالدی حسرتلو امل قارداش حسین
مشگیمه سو دولدوراندا گوگلومه یتدی شعف
خیمه گاهی قصد قیلدیم تا ایدم کسب شرف
حیف اولا اوخلاندی سو مشگیم سوئی اولدی تلف
ویردی آمالیم نشان عکس الامل قارداش حسین

مشگیم اوسته ایلیوب تیره نشان چوخلار منی
هر گلن پیکان یتوب بیر دیندیروب یوخلار منی
چوخ ایدوب مایوس مشگیمدن دگن اوخلار منی
اوخ آتان اللر اولیدی کاش شل قارداش حسین
اوندا که ایتدی منی تیره نشان قوم عدو
پاره لندی مشگ اشگیم تک یر اوسته آخدی سو
گیتدی صبریم سینه دن قالدی اورکده آرزو
تشنه لب قزلاردان اولدوم مُنفعَل قارداش حسین
یونس عشقم وفا بحرینده قارداش اوزموشم
اوز حیاتیمدن کسوب امیدی می ال اوزموشم
جسمیمه سانسیز یارانای ايله گل گل دوزموشم
پیکریم اولموش گلستاندان گوزل قارداش حسین
بیر گلم فصل بهاریمده خزانای گوزلرم
باشیم اوسته عندلیب نغمه خوانی گوزلرم
خار الینده دستگیرم باغبانی گوزلرم
قویما خوار اولسون گلون خار ایچره گل قارداش حسین

قیدیمه یو خودور قالان گل قیدیمه سن قال اوزون
 دیزلریم اوسته یارالی باشیمی بیر آل اوزون
 قوللارون آچ صون نفس ده بوینوما بیر سال اوزون
 بوینوا گرچه سالام یوخ منده ال قارداش حسین
 آز قالور روحیم علاقه خسته جانیمدن اوزه
 آنیما دست اجل قان قطره سیندن تر دوزه
 گل جمال الله مظهر قوی منیله یوز یوزه
 بیر آلوم عطرون حبیب لم یزل قارداش حسین
 ال تا پانمازدی گروه اشقیا اول منه
 قوللاریم دوشدی بو لشکر تاپدی آخر ال منه
 گوردی قولسوز بیر جسارت ایلدی نوفل منه
 مرکب اوستوندن یخلدیم ماحصل قارداش حسین
 دادخواهیم یوخ دوتوب اطرافیمی قوم دنی
 جان دودا قیدمه آدون دلدۀ گوزوم گوزلر سنی
 لطف قیل گل قانلو قاتل لر الیندن آل منی
 آز قالور باشیم دولانسون آل به ال قارداش حسین

شیریدیم روبه صفتلر پنجه می قارداش سالوب
 گوزلریم اشگیمده شمشیریم الیم یرده قالوب
 دوشموشم یورقون یارالی دورهمی دشمن آلوب
 صید اولوب روبه لره لیث البطل قارداش حسین
 قاتموشام باخمازلا قانه گوزده کی گوزباشیمی
 گوزلرم جان اوسته سن تک مهربان قارداشیمی
 نچه ال خنجر چکوب کسسون بلالی باشیمی
 بیر باش اوسته واردی مین جنگ و جدل قارداش حسین
 سن شه دنیا و دین سن ای شه ملک حَجِیز
 من غلام خانه زادون هم آنام دور بیر کنیز
 قیل تواضع گل غلامون لطفویله دوت عزیز
 عزتیم اولسون منیم ضرب المثل قارداش حسین
 جمعیدی مهدی چرندائی کسائی رحمتی
 مطرح اولدی نظم ایده تائب بو شرح محنتی
 اولدی ثبیتنده عزیزی نوحه خوانین شرکتی
 مرحمت قیل اولماسونلار مُبتذل قارداش حسین

امام حسین علیه السلام در بالین برادر

ای آتام اوغلی دیزیمده طاقتم قارداش اویان
دور بئلم سیندی بوکودی قامتم قارداش اویان



آچ گوزون گوزدن کمکسیز قارداشون آتما بيله
آشناوی، آشنا بیگانه قاتما بيله
دور بو قانلو توپراق اوسته نازيله یاتما بيله
ای قتیل قوم ذلت عزتیم قارداش اویان
ای منیم آرхам ئلیم، پشت و پناهیم یوخ منیم
ناامیدم بی کسم امیدگاهیم یوخ منیم
دادخواهیم، قالموشام تک دادخواهیم یوخ منیم
ای زمان وحدتیمده کثرتیم قارداش اویان
ای دوتان آی تک جمالون ابرسا خونین شفق
وی ایدن بو گوزلریمده گوندوزی لیل غسق
لؤلؤ تردور جیینونده و یا قانلو عرق
قان بولوتدا مُستَر مه طلعتیم قارداش اویان

پیکرون باشندان ایاقه یاره دور یوخدور سانی
کربلانی جویبار عشق ایدوب زخمون قانی
قامت سروون یخوبلار قول بوداقون بس هانی
قالموش آغلار قمریان عصمتیم قارداش اویان
ظاهراً جسمونده هر اوخ یاره سی بیر گل آچوب
باطناً اما هر اوخ بو سینه مه بیر اوخ ساچوب
سینه داغلی گلموشم من قانلو قاتل لر قاچوب
گل دله ای خوش بیان خوش صحبتیم قارداش اویان
ای سپهر هاشمی ده صورتی بدر تمام
باشون اوسته گوندوزی اولموش گونون لیل ظلام
خیمه لرده ایمدی یکسر گوزده اشگ اللرده جام
سو یولون گوزلّه عطشان عترتیم قارداش اویان
سن دگولدون صولتون سالمیشدی خوفه دشمنی
سن دگولدون من بو صحرا ده رجا بولدوم سنی
بس ندن دشمن لر ایچره بيله تک قویدون منی
ای شجاع تلی غضنفر صولتیم قارداش اویان

دور آتام اوغلی بو چولده شورش و غوغانی گور
 دولدوروب نالم نجه بو غمفزا صحرانی گور
 صاق صولودما ازدحام لشکر اعدانی گور
 کثرت دشمنله واردور و حدتیم قارداش اویان
 من حسینم چوخ منه ناز ایتمه آچ قانلو گوزون
 گل دیله ایله بیان وار دلده هر گیزلین سوزون
 قوی دیزیم اوسته باشون بیله یره سوتمه یوزون
 قویما آرتسون دلده درد حسرتیم قارداش اویان
 سن بو گون قانه باتوب عالی مرامه چاتموسان
 ای یارالار یورقونی قان ایچره یورقون یاتموسان
 یاتموسان بی کس حسینون بختینی یوخلاتموسان
 ای وفاپرور شریک محنتیم قارداش اویان
 گرچه واردور ای یارالی جسموین چوخ یاره سی
 یوخ سانی نه اون نه یوز وار حددن آرتوخ یاره سی
 باغیریمی قان ایتدی اما آنوین اوخ یاره سی
 آسگیلوب دلدن توان و طاقتیم قارداش اویان

غملو گوگلو لم لحظه ده مین جام خون دل ایچر
 قالموشام نه حاله قارداشی ئولن اولسا سچر
 هانسی شاهنشہ سنون تک سرسپاهیندن گیچر
 ای سپه سالار صاحب سطوتیم قارداش اویان
 بو بلالی چولده بیر سنسن منیم آرхам ئلیم
 گیتدون الدن یاندی نار درد و حسرتله دلیم
 ناامید اولدوم حیاتیمن داخی سیندی بئلیم
 طاقتیم روح روانیم قدرتیم قارداش اویان
 سن شهید اولدون یتیشدی اهل کوفه ایمنه
 من وحید اولدوم آچیلدی فتح بابی دشمنه
 سن یخلدون من یخلدیم دشمن ال تاپدی منه
 تاپدی جرأت دشمن بی جرأتیم قارداش اویان
 سن شهید اولدون لب عطشان ای علمداؤ دلیر
 اول قدر گیچمز بو صحرا ده قالار باشسیز امیر
 نازنین اطفالیمی اهل جفا ایلر اسیر
 ای رشادتمند صاحب غیرتیم قارداش اویان
 سن یخلدون بیرده مقصوده چاتانماز قزلاریم
 بو سوسوزلوق حسرتین دلدن آتانماز قزلاریم

سن که یادتون بیرده آسوده یاتانماز قزلاریم
دل پریشان اولدولار جمعیتیم قارداش اویان
سن یخلدون کامه اونلار که چاتانمازدی چاتار
فکر سهم و صولتون دلدن آتانمازدی آتار
قورخودان هانسی گوز آسوده یاتانمازدی یاتار
کامه یتدی دشمن بدفطرتیم قارداش اویان
سن دگولدون بو کمکسیز شهریاره دادخواه
من پناه عالم گتدیم سنه بو گون پناه
دور آلوب اطرافیمی ایمدی بو سنگین دل سپاه
ای منیم امید فتح و نصرتیم قارداش اویان
صبریمی بیر منظره الدن آتام اوغلی آلوب
اللرون ای شیرپنجه فرقه روبه سالوب
دور منیمده اللریم حسرتله قوینومدا قالبوب
بار محنتدن خم اولموش قامتیم قارداش حسین
تائبا اولسان مؤید سوز اولار جاری اوزی
سوز مؤید دلدن آخسا آغلادار هر بیر گوزی
دفتر غمده حسینون قولوجا یاز بو سوزی
ای آتام اوغلی دیزیمده طاقتیم قارداش اویان

زبانحال حضرت رباب به علی اصغر علیه السلام

سودامر سوسوز بالام یات بیر آز استراحت ایله
نه سو وار نه سود آناندا آنان آز خجالت ایله
توکوب اشگوی عذاره دله وورما چوخ شراره
بالا ایلیوم نه چاره منی آز خجالت ایله



اُوز اُوزون بو قدر یورما بالا ایتمه بیله خسته
نه علاجی وار نه ایتسون بو بلالی دلشکسته
نه بشیکده یوخلیورسن یاتوسان نه سینم اوسته
بیله آغلما بیر آز یات بالا خواب راحت ایله
بالا حسرتیله سن آز بالا گوزلرون دولاندور
بو شرار آهیله آز بو غریب آناوی یاندور
بیله دل دوداقون آممه منه آز ملالون آندور
بو یارالی سینه دن آز بالا سلب طاقت ایله

اولوری غمیم زیاده غموه شریک اولاندا
 سولورم گل امیدیم سارالوب یوزون سولاندا
 دولوری گوزوم بولود تک بيله گوزلرون دولاندا
 آنان آز بو حسرتيله بالا غرق حسرت ايله
 گهی رمزيله او گیزلین غمی دلدۀ فاش ایدورسن
 گهی حسّ سیز دوشورسن بالاگه تلاش ایدورسن
 گهی ال ایاق چالورسان گه اوزون خراش ایدورسن
 اوزیوی آنان یوروب آز بالا خسته حالت ايله
 بيله بیر اسفلی حالی بالا سنده من گورنده
 گیدور اختیار قالمور داخی اختیار منده
 بیر علاوه درده گللم قوری لبلرون اَمَندۀ
 دوداقون اَموب سوسوزدان منۀ آز شکایت ايله
 گورورم عطش الوندن آلوب اختیار و تابیی
 چکیلوبدی رنگ آلون یوزون اولموش آفتابی
 گتورور بو حال درده بالا بو آنان ربایی
 آنان آز بو چولده غرق یم و بحر محنت ايله

نجه قویموب سوسوزلوق بالا صبر و تاب سنده
 ايله یانموشام شرار عطشه بو چولده منده
 آنان ئولسون ایتمه ناله نه علاج واردی منده
 بالا یاندیم آز سزیلدا یاتوب استراحت ايله
 گهی تیر حسرتيله بو یانان دلی اویورسان
 دوتولور گهی بوغازون گهی آغلیوب دویورسان
 بو سوسوز دوداقلارا گه بالا اللرون قویورسان
 آلوی قویوب دوداقه منۀ آز اشارت ايله
 یانورام او شمع آهون دل ایوونده یانديراندا
 چوخالور اورکده دردیمن منۀ دردون آندیراندا
 سولورام سولان دوداقه دلوی دولانديراندا
 داخی بسدی سینه دن آز بالا صبری غارت ايله
 چیخا بولمورم کناره من اوغول ادب سوزوندن
 گر اوتانماسام بی بوندن اُوپرَم سولان یوزوندن
 اوپرَم گهی یوزوندن گهی بو گوزل گوزوندن
 ادبیم دیور حیا قیل ادبی رعایت ايله

پوزوسان رباب حالین ایله حالته قالورسان
 یانا یانه گه باخورسان هامی صبریمی آلورسان
 قوری سینه مه اوزون گه بالا هولدن سالورسان
 بو آنان دوشونده صود یوخ آنان آز خجالت ایله
 گیدوسن گهی اوزوندن نفیسون دوشور شماره
 گه اوزون سن ایستدورسن آلورام سنی کناره
 گوروسن دوشومده صود یوخ چکوسن اوزون کناره
 منه آز اشارتیه غموی حکایت ایله
 اولا تائب ایستوسن گر سوزوین چوخ آب و تابی
 سوزوی یازاندا آغلا توک اوزه سرشگ نابی
 یارالی سوزیله دولدور هامی صفحه کتابی
 باخ او یازدوقون کتابه صورا شکر نعمت ایله

زبانحال مادر حضرت علی اصغر علیہ السلام

چوخ آغلاما گلمه دیله یاندیم بالا لایلیای
 یاندورما آنان بیر بیله یاندیم بالا لایلیای



سو یوللارینی باغلادی بو فرقه کافر
 گلزار پیمرده سارالدی هامو گل لر
 مطلق قورولوب خیمه ده بیر عالم محشر
 عطشانندی هامو قافله یاندیم بالا لایلیای
 یات ایلمه چوخ ناله منیم روح و روانیم
 آرام دوت آرام دلیم صبر و توانیم
 نیلوم بالا بیر قطره سویا یوخدی گمانیم
 دوشدوم من عجب مشکله یاندیم بالا لایلیای
 گورم سنی سالموش عطشون سوزی بو حاله
 دلسیز بالا دل یوخ گله سن نطق مقاله
 بسدور بیله یاندیرما منی ایلمه ناله
 بی کس آنان ای کاش ثوله یاندیم بالا لایلیای

حسرتله دولانديرما بيله چشم خُماری
 حسرت باخيشون اودلوری بو زار و فگاری
 لایلای بو یانان قلبیمین ای صبر و قراری
 گلمه بيله نی تک دیله یانديم بالا لایلای
 صبریم ایوین آز سیل سرشگیله خراب ایت
 بیر بيله خراش ایتمه عذارون بالا خواب ایت
 اوز لبرون آز آم من نالانی کباب ایت
 گلمز بیر ایچیم سو اله یانديم بالا لایلای
 یوخسا دگو شَطین سویی مهریه زهرا
 بس نولدی حرام ایتدی سنه فرقه اعدا
 سن سودا میریم نسل پیمبر دگوسن یا
 رحم ایتموری قوم دَکه یانديم بالا لایلای
 ای غنچه گَلم سولما که گل غنچه سی سولماز
 دوشموش بالا بیر درده آنان چاره سی اولماز
 تشنه آنالار سینه سی هرگز سوده دولماز
 مشهوردی بو مسئله یانديم بالا لایلای
 بوللم سنی سوز عطشون یانديروری چوخ
 نیلوم آنان ئولسون بالا بو خیمه ده سو یوخ

صبر ايله که حاضر ایدوب اوچ شعبه لی بیر اوخ
 سیراب ایده جاق حرمله یانديم بالا لایلای
 سینم گلی گَلمه بو قدر ناله و زاره
 بو سینه می دیرنا قویله ایلمه یاره
 یو خودور بیر ایچیم سو آنان ئولسون ندی چاره
 فریاد ایلمه بیر بيله یانديم بالا لایلای
 یات گلشن امیدیمین ای ذوق و صفاسی
 سو ایسته آغلار گوزومون نور و ضیاسی
 قویما قالا باشوندا علی جان سو هراسی
 پیکان گتورر حاصله یانديم بالا لایلای
 عطشان بالا بیر بيله تلاش ایتمه اوساندون
 یوردون اوزیوی خسته اولوب جانہ دایاندون
 ئولسون بو آنان اولمادی بیر جرعه سو یاندون
 واردور یری ایتسن گله یانديم بالا لایلای
 تائب بیزه بیر عمر بالا نوحه سرادی
 گوزیاشی نثار ایلر ایشی داد و بکادی
 خوشدور سوزونون اولی ذکر اولسا سزادی
 چوخ آغلاما گلمه دیله یانديم بالا لایلای

زبان حال حضرت علی اصغر علیه السلام
در روی دست پدر در مقابل لشکر

منی گتوردی شور عشق آلوده میدانه بابا
او شوريله اولام فدا رواج قرآنه بابا
سُوب خدا آتا بالا
سوسوز باتاق قانه بابا



نواى عاشقانه وه وجوديم اولدى سَمعِ عشق
بو خاطر پریشیمی بو چولده ایتدی جمع عشق
دُوزنمدیم که تک قالا بو جلوه گهده شمع عشق
بو حاليله گلدیم اولام او شمع پروانه بابا
بشیکده آلدیم سسوی ایدنمدیم من دایانام
کناره آتدیم اوزومی مرامیمی سچدی آنام
اودور ال اوسته یولادی سوسوز قانیله بویانام
گله او منظور دلیم بو گونه امکانه بابا

آنام ال اوزدی یوللادی وفامی اعلان ایلیم
نگار بزمینه گیدوب اوزومی مهمان ایلیم
بویوندا آغ اَنوگومی قانیله الوان ایلیم
کچیک اوشاق طالب اولار لباس الوانه بابا
محبت اهلی یول تاپوب بو چولده بزم وحدته
منی ده حق دعوت ایدوب او مجلس ضیافته
ولیک واردی حاجتیم اگینده سرخ خلعت
اودور که گلدیم بویانا لباسیم آلقانه بابا
باخوب منه پوزولما چوخ قراریمی آلما بیله
منی صغیر فرض ایدوب خیالیمه قالما بیله
گوزوندن اشک چشم تک بو اصغرون سالما بیله
منی ده قیل فدا قانیم آخا بو دامانه بابا
اگرچه من ایاق دوتوب ایدنمدیم خرام عشق
الونده گلدیم ایلیم بو دشته قیام عشق
ایچیرده ساقی اجل شراب لعل فام عشق
همین شرابه بو سوسوز بوغازدی پیمانه بابا

او غنچه‌ام که گلمیشم گله حمایت ایلیم
 بو عرصه عشقه من بو گون قیامت ایلیم
 کتاب عشقه آدیمی جهاندا زینت ایلیم
 وَفَامَه تقدیس ایلیه باخان او عنوانه بابا
 او اولدوزام که گلمیشم گون اللری اوسته آخام
 آخا آخا حسرتیله بابام جمالینه باخام
 آتام الیله قانیمی بو قاره تل لره یاخام
 ولو غریب آنام منیم قالار یانا یانه بابا
 نجه اولار که منده بو قیامه شرکت اولماسون
 آنام اوغولسوزلارینان شریک محنت اولماسون
 منی دولاندیر باشوا آنام خجالت اولماسون
 اجازه ویر ایدوم فدا بو جانی جانانه بابا
 نه عشقدور آغ اُنوگوم قانیله قرمز اولماسا
 نه عشقدور منیم یوزوم بو غنچه وقتی سولماسا
 نه عشقدور که قونداقیم قزلقانیله دولماسا
 فداالرونله گلمه سم مناده من سانه بابا

دیمه یوباندی دینوین فدای شیرخواره‌سی
 وار علّتی تأخّره دوشوب بو ماه پاره‌سی
 هامی ستاره‌دن صورا گلر سحر ستاره‌سی
 همان سحر اولدوزیم سپهر ایمانه بابا
 زبس سیخوبدی آشیان بو طایر روانیمی
 هوسلنور ترک ایلیه بو جسم ناتوانیمی
 سه شعبه بیر اوخ ایستوری اوچوردا مرغ جانیمی
 او فکریله منتظرم سه شعبه پیکانه بابا
 غریبه واردی تائباً بو نوحه‌نین ملاحتی
 دله یاتاندی دولدورور گوزه سرشگ حسرتی
 دی آغلا یاز وار سوزوین حسین یانیندا قیمتی
 دیر بالاسی ویر صله بیله نواخوانه بابا

زبانحال امام مظلوم در شهادت علی اصغر علیه السلام

وفا ایستدیم او عهده او پیمانہ الہی
ایلم اوستہ بویاندی بالام قانہ الہی



قالوردی چمنیمدہ بو بیر غنچہ شاداب
سوسوزلوق ایلمیشدی بو گل غنچہنی بی تاب
بیر اوج شعبہلی پیکان ایدوب قانیلہ سیراب
بویاندیردی الیمدہ قزلقانه الہی
بوغازدان یارالاندی دوداقی دوداقیمدا
گل تر کیمی سولدی بو غنچہم بوداقیمدا
آخوب بوینی بالامون یاتوبدور قوجاقیمدا
بو صحرانی دولانام یانا یانہ الہی
یتر صاحیینہ غم خزان اولسا گلستان
چتیندور اولاما الیندہ گلی خندان
بو گل غنچہ خندان ایدوب باغریمی آلقان
آخور اشگ ملالیم بو دامانہ الہی

بو بیر غنچہ قالوردی گلستان و گلیمدن
بودا سولدی الیمدہ قرار آلدی دلیمدن
تاپولمور آلا بیر کس بو قونداقی الیمدن
بو نسکل سالوری اود دل و جانہ الہی
بو بیر غنچہدی ساندان گلستاندا گنجوبدور
بو بیر غنچہدی حلقین جفا تیری بیچوبدور
بو بیر غنچہدی عطشان سو تک قانین ایچوبدور
ویروب قانی بَزک بو بیابانہ الہی
باخوب حلقینہ گاهی شرار غمہ یانام
گهی صاق صولا نالان بو میدانی دولانام
گزوب واله و حیران دوروب گاہ دایانام
گوزومدن سَپرَم سو بو میدانہ الہی
گیوب پیرهن سرخ بو گل غنچہ خندان
بو بوینوندا آغ آنوک اولوب قانیلہ الوان
ویروب خلعت الوان بونا عزت شایان
اولوب لایق درگہ بو دُردانہ الہی
چمنلردہ الہی بیلہ غنچہ گل اولماز
بونون عطری کیمی بیر چمن عطریلہ دولماز

سولار غنچه گل تر بالام تک ولی سولماز
 بیله قانی سَپیلمز گلستانه الهی
 دگوب اوخ بوغازیندان قانی سو کیمی آخدی
 گوزون دیسگنوب آجدی بالام بیر منه باخدی
 قاچوب لبلیری گولدی گوزل گوزلری آخدی
 فدا ایلدی جانین بو جانانه الهی
 کسوب خیمه قباقرین یولون گوزلر آناسی
 نه حاليله گوره تا گلور نازلی بالاسی
 ولی بولموری واردی بوغازینده یاراسی
 ایچیردوبله سو تک قان بو عطشانه الهی
 او احواله باخاندا آخار اشگ گوزومدن
 بو عالم ایلوبدور خجالت اوز اوزومدن
 گیدم بیرده خیامه منیم گلمور اوزومدن
 بالاسین نجه ویرم او نالانه الهی
 اولوب کاظم خادم همین بو سوزه بانی
 یازوب بو سوزی تائب آخوب اشگ روانی
 نصیب ایله مزار شه کرب و بلانی
 همی سوز یازانا هم نواخوانه الهی

آمدن تسلیت از طرف ربّ الارباب به
 امام حسین علیه السلام در شهادت طفل شیرخوارش
 در میدان عشق کربلا

قوی یره بو اوخلی قربانی حبیبی یاحسین
 آز دولاندور قانلو میدانی حبیبی یاحسین



چکمه آه شعله بارون بیله یانما آغلاما
 شیرخوارون جان ویرور جانان اوسانما آغلاما
 صاق صولا میدانی سرگردان دولانما آغلاما
 شوريله دولدورما میدانی حبیبی یاحسین
 ایلینمور اوخلانان حلقین نشان ویرسون بالان
 صورت حالین سنه شرح و بیان ویرسون بالان
 قوی قوجاقوندان یره آسوده جان ویرسون بالان
 کشف قیلسون حال معنای حبیبی یاحسین

ای وجود نازنینی یرده رحمت سایه سی
 ایلین شرمندَه وی ایوبی صبرون پایه سی
 وار بهشت عدنده بو شیرخوارین دایه سی
 گوزلوری بو طفل عطشانی حبیبی یاحسین
 باخما دشمنلر لوای ظلمی بو چولده ساچوب
 بیر سولی پیکان دمیله اصغرون سوددن آچوب
 قان گیدوب افسرده گل تک رنگ رخساری قاچوب
 اشگیله ایسلاتما دامانی حبیبی یاحسین
 نچه گوندور خواب ناز ایتمزدی بو آی پاره سی
 تر پدوب لایلای دیدی یوخلاتدی پیکان یاره سی
 وار بونون باغ جناندا نوردن گهواره سی
 حوردور گهواره جُنبنانی حبیبی یاحسین
 باخما گوزلور خیمه ده بی کس رباب اصغر یولون
 دور ایدور حسرتله بوش گهواره نین صاق وصولون
 باغ جتّده آچوب ایمدی آن زهرا قولون
 آلسون آغوشه بو نالانی حبیبی یاحسین

اوخلانوبدور باخما آهو بچه تک بو سودامر
 گیزلنوب خونین شفقه عارض قرص قمر
 چون ستاره چرخ حُسنه دُوزمه گوزدن اشگ تر
 آغلاما آغلاتما زهرانی حبیبی یاحسین
 ای گلستان محبّته بلالی باغبان
 ایلدون چیده بو چولده بیر صفالی گلستان
 گورمیوب بیله صفالی گلستان چشم جهان
 یاد ایدر جنّات و رضوانی حبیبی یاحسین
 اکبر و قاسم بو گلزارین گل رعناسیدور
 سروی عبّاسین قد سرو چمن آراسیدور
 اصغرون بیر تّوشکفته غنچه زیهباسیدور
 آرتیروب زیب گلستانی حبیبی یاحسین
 قانینی سَپدون گویه سالدون گویه شیون سسی
 قویمادوخ بیز بازگشت اولسون اونون بیر قطره سی
 ایلدوخ رنگین او قانیله سپهر اطلسی
 وار بو امرین سر پنهانی حبیبی یاحسین

سن آتان قاندان قیتسیدی یره بیر قطره گر
 یر یوزون ایلردی طوفان بلا زیر و زبر
 قورتولانمازدی او طوفان بلادن بیر نفر
 محو ایدردی کون و امکانی حبیبی یاحسین
 اوندکی میداندا محو عشقیدی بو شیرخوار
 انبیا ایلردی حیرتله او اوضاعه نظار
 نقد جانین گوردولر جانانینه ایتدی نثار
 قالدیلار بو عشق حیرانی حبیبی یاحسین
 اوخ دگنده دست حقین مرغ دست آموزینه
 بیر قانادلاندی عدونین ناوک دلدوزینه
 قان سپلیدی قرص مه تک چهر چرخ افروزینه
 آخدی دینین نجم رخشانی حبیبی یاحسین
 اللرونده آخدی ای خورشید دین عشق اولدوزی
 چوخ گوزل پیرایه تاپدی گل کیمی سولموش یوزی
 آنوگی قونداقی قانیله اولوبدور قرمزی
 ویر بیزه بو قانه غلطانی حبیبی یاحسین

گرچه اوخلاندی لون اوستونده بیر طفل صغیر
 عالم معناده اما خدمتی اولدی کبیر
 الله الله دلده اود نازک بوغازدا زخم تیر
 ایتدی احیا حکم قرآنی حبیبی یاحسین
 سانما بو طفل صغیرین چوخ محقر خدمتین
 خدمتی احیا ایدوب جدی پیمبر خدمتین
 ایلدی تکمیل دین اوسته ئولن لر خدمتین
 قالمادی بیر جای نقصانی حبیبی یاحسین
 مکتب گهوارهده قورتاردی تحصیلاتینی
 آلدی اوز تصدیقینی گوستردی معلوماتینی
 پوزدی معلوماتی آل هند تشکیلاتینی
 وار بونون تحسین شایانی حبیبی یاحسین
 ناجیانيله غلام شاه ملک ارتضا
 تائبه یازدیردیلار بیله کلام غمفزا
 چوخ سؤلر کربلاده قورماقا بزم عزا
 دعوت ایت بیر وقفه قربانی حبیبی یاحسین

زبانحال امام حسین علیه السلام خطاب به خواهر

در مصیبت علی اصغر علیه السلام

گل باجی گل اصغریم اوخلاندی گل
آتش حسرتله قلیم یاندی گل
قاین ایچوب سیراب اولوب عطشان بالام
لعل یمن تک قاینه غلطانندی گل



ایله حسرتله منه باخدی بالام
باخدی یاندوردی منی یاخدی بالام
بیر آخان اولدوز کیمی آخدی بالام
حالینه آغلار گوزوم گریانندی گل
بیر آسفلای حالیه ئولدی بالام
سَر عشقی حسّ ایدوب بولدی بالام
لبلری قاچدی باخوب گولدی بالام
گولدی اصغر اودلی دل اودلاندی گل

گیتدی میدانه لب عطشانیه
ویردیلر سو بیر سولی پیکانیه
اوخلانوب قونداقی دولدی قانیه
قانیه زلفی یوزی الواندی گل
گل دوداقلاری دوداقیمده منیم
سولدی گل غنچم بوداقیمده منیم
قالدی قونداقی قوجاقیمده منیم
طاقت و صبر دلیم تالاندی گل
قرمزی رنگی اوشاقلار چوخ سُر
گوگلونی گتدی اله تیر سه پر
قرمزی ایتدی گباسین سربه سر
گل بالام کامه چاتوب خندانندی گل
قانه باتدی گوهر غلطان کیمی
وجه گلدی گوزیاشیم عمّان کیمی
باغریما باسدیم بالامی جان کیمی
تازه قانیه الیم ایسلاندی گل

دشمنین بیر منظره صبرین آلوب
 گیتیمیشم هر سمتہ من ردیم قالبوب
 من دولاندیقجا چولی قان ایز سالوب
 گزدیقیم یرلر سراسر قاندی گل
 قالمیوب بی کس آناسیندا دؤزوم
 اصغرین گوزلر باجی بوللم اوزوم
 خیمه گاهه گلماقا گلمور یوزوم
 قارداشون چوللرده سرگرداندی گل
 سو یرینه ایچدی قان غنچه گلوم
 لال اولوب دوشدی نفسدن بلبلوم
 ویردی جان بیر حالتیله سؤگولوم
 شرحینه بو گوزیاشیم میزاندی گل
 ووردی بیر اوخ حلقینه قوم عدو
 سالدی ایله حالته زخم گلو
 ایسته مز اصغر اولونجا حشر سو
 سو سوزون بو شیرخواره داندی گل

گورسه نیلر مادر بیچاره سی
 اوخلانوبدور تشنه لب دل پاره سی
 وار سوسوز حلقینه پیکان یاره سی
 سسله اوغلون قانینه غلطاندی گل
 تیر حسرت زینبون قلبون دلوب
 آلدی سسلندی رباب اصغر گلوب
 چوخ یورولموشدی یاتوبدور دینجلوب
 یوخلادان اما سولی پیکاندی گل
 دورما گل آل اصغر عطشانوی
 اوخلانان تشنه قوزی قربانوی
 جان کیمی باس باغریوا جانانوی
 دینه قربان بو قوزی قرباندی گل
 تائبایار اولدی رضوانی سنه
 بیله یازدیردی بو عنوانی سنه
 لطف ایدهلر باغ رضوانی سنه
 اوردا دی رضوانیه رضواندی گل

زبان حال حضرت زینب به برادر در مصیبت علی اصغر

او خلی قربانون ال اوسته گز مه بو میدانی قارداش
آغلما زینب او آغلار گوزلرون قربانی قارداش



اوز قوزی قربانوه چوخ حسرتیله باخما یاخما
صاق صولا میدانی قارداش بیله سرگردان دولانما
آه آتشبار دلدۀ دوروبـرده دالـدالانـما
یاندیروب حسرتله یاخما بو دل سوزانی قارداش
سن دولاندیقجا بلالی بو بلالی چولده حیران
سس چکوب ناله ایدنده غنچه تک باغیریم اولور قان
غرق اولور کشتی صبریم گوزیاشون ایتدیقجا طوفان
ایلوری موج سرشگون مُنْغِل دریانی قارداش
بو بلالی ساعتونده قیدیوه سانما قالان یوخ
دوشموسن ئلدن آرالی بیر نفر یاده سالان یوخ
قالموسان یالقیز الوندن قانلو قونداقی آلان یوخ
من اوزوم آلام الوندن بو قوزی قربانی قارداش

زینبون صبرین بیر اودلی منظره الدن آلودی
گیتموسن آغلار گوزیله هر یانا ردّون قالوبدی
بیر یارالی او کیمی گزدیقجا سن قان ریز سالوبدی
دوندر و بسن لاله زاره دامن صحرانی قارداش
حالوی سچدیم حسینیم من سنون آغلار گوزوندن
چوخ سنون پوزقوندی حالون اولموسان مایوس اوزوندن
خجلتون وار خیمه گاهه گلماقا گلمور یوزوندن
اول خجالت جانه قربان بو بلاکش جانی قارداش
حال یأسیله امیدیم صاق صولا حسرتله باخما
آه آتشبار ویله عالمی یاندورما یاخما
گه دوتوب قانیق بالاوین عارض گلفامه یاخما
گه دوتوب سمت سپهره سِپمه الده قانی قارداش
گوزلرون دولدی بوغازدان اصغیرین قانی آخاندا
منده اودلاندیم بالاوه سن دولی گوزلی باخاندا
گل یوزه ای قلب عالم سُوگلون قانین یاخاندا
سُرُخ رو ئولماقه ویردون عالمه اعلانی قارداش

عارضون قائلو گورنده سانما قارداش سهل ساٹام
 محنتیم آرتار اورکده آتش حسرتله یاٹام
 سن یاخان قانی یاخوب اوز زلفیمه قانه بویاٹام
 تار زلفیم تک پریشان ایلرم دنیانی قارداش
 ای مصیبت مبتلاسی چاره سیزلر مُرتجاسی
 پوزقون احوالونلا ایتمه زینبون غم آشناسی
 سن بو اندازه پوزولسان نیلسون اصغر آناسی
 ایمدی گوزلر یول سپهره اوج ایدر افغانی قارداش
 اصغرین آغلار آناسی حالینی سانما سئچوبدور
 منتظردور خیمه لرده فکر ایدور بس سو ایچوبدور
 بولموری نازک بوغازین ناوک پیکان بیچوبدور
 قانیله سیراب ایدوبدور حرمله پیکانی قارداش
 اصغرین فکری ربابین بسکه آرامین آلوبدی
 حالینی ایلوب دگرگون اوزگه بیر حاله سالوبدی
 اللری قوینوندا حسرت گوزلری یولدا قالوبدی
 گوزلوری گوزیاشلو ایمدی اصغر عطشانی قارداش

گرچه اوز مقصودینه بو سودامر نائل اولوبدور
 بولموری اما آناسی غنچه وقتینده سولوبدور
 اوخلانوب حلقی آخوب قان قونداقینه قان دولوبدور
 نیلر ایمدی گورسه سولموش غنچه خندانی قارداش
 چوخ گوزی یوللاردا قویما سن اونون آغلار آناسین
 بیرده ویر آلسون قوجاقه اوخلانان عطشان بالاسین
 باغلاسون اول سینه داغلو اوز الیه اوخ یاراسین
 قالماسون داغلو اورکده حسرت پنهانی قارداش
 گور نجه ناله اوجالموش خیمه دن عرش برینه
 گل کیمی سولموش سارالموش غصه دن نازلو سکینه
 گاهواره دورین آلموش عترت شاه مدینه
 چون صدف گوزدن توکه للر لؤلؤ مرجانی قارداش
 تائباً باب الحوائج آدلانوب بو شیرخواره
 قیل توسل دردیوی دی بی شک ایلر یاخشی چاره
 مطلع سوز خوش گلوبدور مقطوعینده یاز دوباره
 اوخلی قربانون ال اوسته گرمه بو میدانی قارداش

زبان حال امام حسین علیه السلام

در حال وداع به خواهر

ایله سرمستم بو چولده جام وحدتدن باجی
مایلم چوخ تنز کسم اُلفت بو کثرتدن باجی



من گرک راه محبّته لب عطشان جان ویرم
عشقمی عُشاقه بو آفاقدہ اعلان ویرم
گلستان شرع و دینه سو یرینه قان ویرم
تا ایدم حالی مجاز اهلین حقیقتدن باجی
نور وحدتدن منیم تخمیردور آب و گلیم
اولیندن عشقیله مشتاق وحدتدور دلیم
باخمارام گیتسم قالار بو دشته باشیز ئلیم
ال گوتورم کوی حقدہ آل و عترتدن باجی

من او گون کی ئولماقا دین اوسته پیمان ویرمیشم
بو شهادت امرینه امضاء اذعان ویرمیشم
رغبتیله نفسیمی جانانه قربان ویرمیشم
ایلرم ایفا او عهده میل رغبتدن باجی
من گرک بو گون طریق عشقده قانه باتام
ماسواللهی مقام قُربده گوزدن آتام
قان ایچینه پیکر مجروحیله عریان یاتام
ایلم بیدار خلقی خواب غفلتدن باجی
تیر عشق حق دل مجروحیمی ازبس دگر
شوقدن غربال چشمیم بیله خون دل آکر
باخمارام آهو کیمی اطفالیم آردیمجا مَلَر
ایتمرم هرگز تعلل بو عزیمتدن باجی
یار و انصاریم ایچوب صهبای مرگی تک به تک
قالمیشام بو کثرت اشار ایچینه بیله تک
نه سسیمه سس ویرن نه دادرس نه بیر کمک
داد یالقیزلیق الیندن داد وحدتدن باجی

خوشدی قان ایچره دوشم بیر زخم‌دار آهو کیمی
 مرگ دامینده چالام من ال ایاق تیهو کیمی
 بو سوسوز چولده رضایم قانیم آخسون سو کیمی
 وار رضای کردگاریم بو رضایتدن باجی
 بو وجودیم‌دور منیم نخل وفانین هسته‌سی
 حاش لله من اولام زخم جفانین خسته‌سی
 سینم‌اوسته اوخلاری سانام قزل گل دسته‌سی
 قویمارام هرگز بیری دوشسون طراوتدن باجی
 نه اولار عالمده بیر قارداش بلالی من کیمی
 نه گلر دنیا‌یه بیر باجی وفالی سن کیمی
 هر اوخا من سینه‌ده ویرم مکان مخزن کیمی
 سنده دول‌دور سینه‌وی تیر شماتندن باجی
 هر مصیبت ویرسه یوز صبر ایله دوندرمه یوزون
 اهل بیتیمدن گوتورمه ای باجی بیر آن گوزون
 تا منیم نازلی رقیّم یاتمیوب یاتما اوزون
 اول مواظب من کیمی اول کان عفتدن باجی

سن بو شیرین دل قزا هر لحظه لطفون شامل ایت
 رأفتیله گوگلون آل دردین اورکدن زایل ایت
 قولآرون اهل جفا قمچی ووراندا حایل ایت
 ضرب قمچی گورمه‌سون اهل عداوتدن باجی
 آز قالور قان ایلسونلر گوزده کی گوز یاشوی
 ئولدوروب قارداشون ایتسونلر قرالی باشوی
 گل دیونجا گور دوباره گورمه‌سن قارداشوی
 توشه اخذ ایت عالم هجرانه وصلتن باجی
 ایلیوب بیله مُقرّر کردگار لم یزل
 شمع مرگ اولسون گرک هر خانماندا مشتعل
 بیریریندن آیری سالسون جمله احبابی اجل
 ماسوا مُلّزمدی نوش ایتسون بو شربتدن باجی
 سال خیاله ای باجی گور نولدی جدیم مصطفا
 قیل مُجسم گورگیلن نولدی آتام شیرخدا
 نولدی قارداشون حسن نولدی آنام خیرالنسا
 تک‌به‌تک کوچ ایلیوبلر دار محنتدن باجی

ماسوا مهماندی دنیاده بویورموش بوتراب
 حاصلی یعنی لدوا للموت وَابْنُوا لِلْخَرَابِ
 قیل حسینونده بو صحراده ئولنلردن حساب
 یا دوغولموب فرض ایله خاتون عصمتدن باجی
 خلق اولوبدور ئولماقا بدو جهانندان کاینات
 لازم و ملزوم دور خلقه حیاتیله ممات
 کُل شَیْئٍ هَالِكٌ مدرکدی باقی وجه ذات
 درک ایله صغرا و کبرانی عبارتدن باجی
 اولدولار بانی حسینیه غلام نوحه خوان
 ویردی تائب بو سوزه بو طرزیه شرح و بیان
 قبریمین ایله جمعا آرزوسین هر زمان
 ایسترم قالماز اولار فیض زیارتدن باجی

زبانحال حضرت زینب علیه السلام

در هنگام وداع امام حسین علیه السلام

ایتموسن عزم شهادت بر ملا قارداش حسین
 گیت بو سن بو قانلو میدان بلا قارداش حسین



صبره امر ایتدون منی ای خسرو ملک حجاز
 امثال ایتماق او امره فرضدور نه احتراز
 صبر ایدوب صبر عالمینده آلام عالی امتیاز
 ای اوزی ایوب میدان بلا قارداش حسین
 باشوین قانی آخوب گلگون ایدوب گوزقاشوی
 دؤندروب مرجانه یوزده دوزدوقون گوزیاشوی
 بیر دایان دور باغلاسون زینب یارالی باشوی
 بو یارالی باشوه زینب فدا قارداش حسین

خوش دگول بو آیریلیقدا بيله حسرتله قالوم
 بیر دایان دور قولآریمی بوینوا بیرده سالوم
 بیر اوپوم گل تک دو یونجا ایگلیوم عطرون آلم
 عطروه قربان بو درده مبتلا قارداش حسین
 گلمه سن بیرده عیاندور کشف رازوندان سنون
 اودلنار دل نار هجر جانگدازوندن سنون
 گل آپوم بو آیریلان دَمدِه بوغازوندان سنون
 توصیه ایلوب آنام خیرالتسا قارداش حسین
 عزم ایدوبسن اولماقا شمع وفا پروانه سی
 گیت اولا عالمده بو زینب بلا همخانه سی
 چوللره دوشسون آدین قویسون حسین دیوانه سی
 چولده اوز عمرون گونون ویرسون باشا قارداش حسین
 رسم عالمدر جہاندا ای عزیز بوترا ب
 ایتسه هر کیمسه سفر اهلی سپر آردینجا آب
 یوخد ی سو آردونجا قزلارون سپر گوزدن گلاب
 اولماسون حسرت سنه بو ماجرا قارداش حسین

گرچه یالقیزلیق دچار انکسار ایلر سنی
 یوخ رکابوندان دوتان حسرت فگار ایلر سنی
 ذوالجناحه غم یمه زینب سوار ایلر سنی
 احترامیله سالار ایمدی یولا قارداش حسین
 هانسی بیر شه عزّت و شوکتده فایقدور سنه
 بیر شه نشه سن غلام در خلایقدور سنه
 کهنه کوینک زیننون ئولسون نه لایقدور سنه
 آگونه گیدون دله ووردون یارا قارداش حسین
 سن که گیدون آگونه ای شاه کهنه پیرهن
 وار باشیما نه بلا بولدوم بو قانلو چولده من
 قزلارین ایلر لپاسین غارت اشرار زمن
 ساتره محتاج اولار اهل کسا قارداش حسین
 هیچ مسافر اُفتین رختین سویوب گیتمز بيله
 سُوگلی ایستکلی قزلاردان دویوب گیتمز بيله
 اهل بیتین آردیجا آغلار قویوب گیتمز بيله
 ای امید و ملجأ آل عبا قارداش حسین

ایله بیر وضعیله سن رخت علایق سویموسان
 عالمی اوز حالوه مبهوت و حیران قویموسان
 گوئیا قارداش گل اوزلی قزلاروندان دویموسان
 هیچ بیرینه ایلمورسن اعتنا قارداش حسین
 سن بولورسن قزلارون سندن اوتور دیوانه دور
 دل ویروب هر فردی شمع عشقوه پروانه دور
 گوئیا ایمدی سنه هر تک تکی بیگانه دور
 سانما بیگانه بیزی ای آشنا قارداش حسین
 صبریوی بوللم سنون شوق لقای یار آلوب
 ماسواللهی گوزوندن ای شه عالم سالوب
 باخماسان بو نازپرور قزلارون آغلار قالوب
 سن اولورسان اوزگه حاليله جدا قارداش حسین
 لطف ایله اما نجه گور قزلارون گلموش دیله
 غم گلوگیر ایلوب خوناب دل آلموش دله
 غصه سیندن آز قالور بو خرداجا قزلار ئوله
 تازه دم ویر ای مسیح کربلا قارداش حسین

باشوا ای شمس دین یغدیم وفا اولدوزلارین
 گور دو یونجا آل اورکلردن غم جانسوزلارین
 لطفیله دیندیر یوزوندن اوپ عزیزه قزلارین
 چکمه سینلر دلدن آه جانگزا قارداش حسین
 هر بالا قز که دولی گوزلی باخور یانه یانا
 زینبه غم آرتورور مطلق سالور آتش جانا
 لیک او قزلار بیر یانا نازلی رقیه بیر یانا
 غصه ایلور هامودان چوخ بو بالا قارداش حسین
 رأفتیله باخ بو جام عشقندن مدهوشوه
 بو او قزدور گه آلاردون سینه وه گه دوشوه
 قلبینی سیندیرما آل بیرده اونی آغوشوه
 آز قالور روحی بدندن آیرلا قارداش حسین
 من وفا رسمین آنام اوغلی جهاندا آتمارام
 اوز حقیقی عشقیمی هرگز مجازه ساتمارام
 بو رقیین نازیله یوخلاتمیونجه یاتمارام
 منتین آلام بو جانه برملا قارداش حسین

عمه لیک حقون بنون حقینده شامل ایلرم
 گوگلون آلام دلدہ وار هر دردی زایل ایلرم
 قولاریمی شمر قمچی وورسا حایل ایلرم
 قویمارام دوگسون اونی اهل جفا قارداش حسین
 گرچه دشمنلر بولور لازم قولونی باغلاسون
 سینه سین من تک اونوندا نار حسرت داغلاسون
 قویمارام اما بو ایستکلی قزون چوخ آغلاسون
 سوگلودور بو عقیفه دلربا قارداش حسین
 تائبین وار سینه سینده بیر ساغالماز یاره سی
 چون دل غنچه دونوب قانه دل صدپاره سی
 دردینون اولماز اونون اوزگه الیه چاره سی
 ایسته حقدن دردینه ایتسون دوا قارداش حسین

زبانحال امام حسین علیہ السلام درحال وداع

سالما بو قدر تأخیره منی
 من گتملیم میدانہ باجی
 عهد ایلموشم اوز جانیمی من
 قربان ایلیم جانانه باجی
 ❖❖❖❖❖
 یازموش آدیما منشی قضا
 اولده منیم هر درد و بلا
 من ویردیم او گون صدقیله رضا
 مکتوب اولونان عنوانه باجی
 بو گونه گرک من قانه باتام
 مجروح دوشوب قان ایچره یاتام
 ترک سر ایدم مقصوده چاتام
 باشیم اوجالا مردانه باجی
 من جام وفا مستانه سیم
 شمع شرفین پروانه سیم
 من عشق خدا دیوانه سیم
 بولمز اوزونی دیوانه باجی

اوز عشقیمی بو چولده باجی جان
 لازمدی ویرم عشاقه نشان
 دین اوسته ایدم ترک سر و جان
 تشنه بویانام آلقانه باجی
 ویر باجی خبر نازلی بالالار
 دور و بریمی یکسر آلالار
 قالمور او قدر باشسین قالالار
 گریان قاچالار میدان باجی
 آز حسرتیله باخ قارداشوا
 تخفیف باجی ویر گوزیاشوا
 اهل حرمی جمع ایت باشوا
 قویما گله لر افغانه باجی
 ئولدورسه عدو گر قارداشوی
 توکمه یوزوه چوخ گوزیاشوی
 زهرا قزیسان آچما باشوی
 گنز ادبه دُرْدانه باجی

سن شمع وفا پروانه سی سن
 صهبای صفا مستانه سی سن
 مندن صورا غم همخانه سی سن
 صبر ایله غم دورانه باجی
 هجر آتشین من وورام آتک
 ایمدی گیدورم تعجیلله تک
 بیر جمع باشا یغ قاره لچک
 آرديمجا دولان هر یانه باجی
 واردور باجی جان داغ جگریم
 آفاقه اثر ایلر کدریم
 عباسیم ئولوب گلمز کمریم
 یانام بو غم سوزانه باجی
 طرح اولموش ازل گون محتیمیز
 هر عزتیمیز هر ذلتیمیز
 قارداش باجیوخ وار شرکتیمیز
 دل ویردیمیز پیمانه باجی

بو عالمی من گوزدن آتارام
دین اوسته بو گون قانه باتارام
قان ایچره دوشوب یورقون یاتارام

منت بولرم بو جانہ باجی
مندن صورا ویر هر غمده توان
هجریمده منیم صبر ایله دایان
قول باغلو دوشوب آردیمجا دولان

گیتسه بو باشیم هریانه باجی
گل بیرده گوروم ای باجی سنی
گور سنده من محنت زده نی
بیرده گوره سن هیهات منی

وصلیم دولانور هجرانه باجی
تائب سنه لطف ایتموش حق اوزی
شیرین دیلیله گوز یاشلو گوزی
یاز دفتریوه بیرده بو سوزی

من گتملیم میدانہ باجی

احتجاج امام حسین علیہ السلام

دوروب مقابل لشکرده شهریار حجاز
فصاحتیله بیاناتین ایلدی آغاز
من حسینم آل بوسفیانه بیعت ایتمرم
عزت آل عبایم میل ذلت ایتمرم
❖❖❖❖❖

اوز دیلیندن بیر غذا ویرموش منه خیرالانام
نخله دلده اونون محصولیدور ناموس نام
من او اصل اوستونده بوگون ایتموشم خونین قیام
ذره جه اوز خدمتیمده نقص همت ایتمرم
تا نفس وار جسمدن عزت لباسین سویمارام
داغ دیدده سینهمی ذلت اوخیله اویمارام
گیتسه باشیمده بدنن بیعتی قول قویمارام
ئولماقیله بیعت آلام لیک بیعت ایتمرم
قالموشام حسرت اگرچه اوغلوما قارداشیمه
لیک ساتام سهل هرگز خم یتیشمز قاشیمه
نوشدور دین اوسته گلسه هر مصیبت باشیمه
عین منظوریمدی من اصلاً شکایت ایتمرم

آتش عشقیم زبس دولموش کوکل کانونینه
 عشقیمین ویرم بیان هر نکته مکنونینه
 قویمارام بدعت قویولسون جدیمون قانونینه
 ئولماقیدمان قوخمارام بیر ذره وحشت ایتمرم
 ای جماعت من مسلمانم، مسلمان اوغلیام
 اهل قرآنم اوزوم معنای قرآن اوغلیام
 حجت اللّهم یر اوزره شیر یزدان اوغلیام
 جوهر ذاتیمدی دینیمدن برأت ایتمرم
 ای جماعت دانمیون قرآنی گمراه اولمیون
 زاده سفیانه خاطرخواه و دلخواه اولمیون
 دوتمیون دنیانی بیله طالب جاه اولمیون
 جز رضای حق سیزه باللّٰه نصیحت ایتمرم
 ای جماعت ایتمیون جرأت یداللّٰه اوغلونا
 سیز رعیت زاده سیز، ال آچمیون شاه اوغلونا
 اولمیون تابع یزید شوم و گمراه اوغلونا
 من سیزی ناحق یولا هرگز هدایت ایتمرم
 قلبوزون آئینه سین ازبس دوتوب کفریله زنگ
 سولدوروبسوز باغ دینی فرقه بی نام و ننگ

بیر گلم قانیه ویرم باغ دینه آب و رنگ
 آخماسا قانیم سو تک کسب طراوت ایتمرم
 کفر کانونی اولوب اندازه سیز آتش نشان
 جسمدن سو تک آخان قانیم اولار آتش نشان
 باخمارام هر سمتدن دشمن ایدر تیره نشان
 سونمه سه بو اود خیال آل و عترت ایتمرم
 من گلستان شریعتده صفالی بیر گلم
 باغبان تعریفی^۱ قیلام خوش ترانه بلبلم
 نه روا ظالم یزیدی نفسمه اولی بولم
 من اولوالامر او نادانه اطاعت ایتمرم
 من گل باغ بهشت جاودانم سولمارام
 دولسا خاریله وجودیم درده دلدن دولمارام
 عارضیم دوشمز صفادن تابع خار اولمارام
 حاکم گل خار اولا هرگز رضایت ایتمرم
 خلق ایدن خلّاق مشمول نُعوت ایتموش منی
 هم جمال اللّٰه مرآت ثبوت ایتموش منی

۱- یعنی اشهد ان لا اله الا الله و انّ جدی رسول الله.

تا قیام حشر حی لا یموت^۱ ایتموش منی
 ئولرم ئولسمده گر درک هلاکت ایتمرم
 بو دلیم بسی دعوی شرف اثباتیمه
 جدیم احمد دور تا پوب اونلان رسالت خاتم
 نور عین مرتضایم هم آنامدور فاطمه
 یوخسا من بیهوده دعوی شرافت ایتمرم
 من بو گون عباس و قاسم تک جواندان گچمیشم
 اکبر یمن اصغر غنچه دهاندان گچمیشم
 دین و قرآن اوسته بو باشیله جانندان گچمیشم
 خدمت اسلامده بیر ذره غفلت ایتمرم
 من حسینم ای وفاسیز لر وفا قربانیم
 فخر اولاد خلیل کربلا قربانیم
 بو منای عشقه دین خدا قربانیم
 تشنه قربان اولماسام درک سعادت ایتمرم

۱- آیه لا تحسبن الذين قُتلوا في سبيل الله امواتاً بل احياء عند ربهم يُرزقون.

قدرت اللّهم جهاندا ای گروه اشقیا
 ایسته سم کون و مکانی ایلرم یکسر فنا
 تازه دن عالمده قیلام آیری بیر عالم بنا
 وار بو قدرت منده لیک اظهار قدرت ایتمرم
 قتلوزه ایستسم اراده فرقه بی دادگر
 باشوز اوسته آنمه میش بو قان توکن تیغ دوسر
 خاکپای ذوالجناحه باشلاروز سجده ایدر
 سرّی واردور من بیله بیر امره بیعت ایتمرم
 صبریمی الدن زبس شوق لقای یار آلوب
 سیر ایدوب جانندان گوزومدن ماسواللهی سالوب
 باخمارام من نازپرور قزلاریم باشسیز قالوب
 عشقه تسلیم خیال آل و عترت ایتمرم
 من نه پابندم بو عالمده ریاست قیدینه
 نه جلال و جاه دنیا نه کیاست قیدینه
 قالموشام احکام قرآن و شریعت قیدینه
 باش مجازه اگرم ترک حقیقت ایتمرم

من شهنشاه حجازم ای گروه سفلہ باز
 ویرماقا باش ایلمز هرگز حجازی شاه ناز
 وار نه باشد! نینوا فکرم نه سودای حجاز
 من به جز شور حسینی اوزگه صحبت ایتم
 شوق وصل یاریله من ایتمم فکر فراق
 سانمارام آغلار قالدهشتاده دین عورت اوشاق
 واحسینیلہ دولار دشت همایون عراق
 بو شکسته دلدن اظهار شکایت ایتم
 تائبم آل عبا یه خادم صدقاً اوزوم
 ورد و ذکریم واحسیندور دائماً آغلار گوزوم
 شور گوزیاشیم آخور گوزدن اولور شیرین سوزوم
 یوخسا بیلہ دل یاران ذکر مصیبت ایتم
 افتخاریم وار ایدوب عشقیم حسین دیوانه سی
 اولموشام دائم اونا شمع عزا پروانه سی
 آغلاماق نعمدی واردور چوخ بیوک شکرانه سی
 حمد اولاللهیمه کفران نعمت ایتم

شهادت امام حسین علیه السلام و راز و نیاز

آن مظلوم دردم واپسین

او دم که قانینه غلطان شه حجاز اولدی
 حقیقت اوسته جری فرقه مجاز اولدی



گوزل یوزی یارا دگدیقجا اولدی گلناری
 نه اوف دیدی و نه پابند احتراز اولدی
 نه اولدی بیر سسینه سس ویرن نه گوگلون آلان
 گلن خدنگ اونی دیندیردی دلنواز اولدی
 دگوب یاراندا سه شعبه خدنگ سینه سینی
 اورک گوزونه اونون باب عشق باز اولدی
 باخاندا یاره لرینده جمال یاری گوروب
 مقام قربی تاپوب محو او عشقباز اولدی
 گلن دایاندی دوران ووردی هر یتن ووردی
 یارا سزیلدادی اول شهده سوز و ساز اولدی

یارا یتیشدی زبس عشق بی نیاز اوسته
 دولانندی گل بدنی گلستان ناز اولدی
 یخلدی آتدان او مظلوم کربلا یرینه
 اوجالدی کرب وبلا صاحب اعتزاز اولدی
 گورنده شیرخدا اوغلی دوشدی مرکبدن
 هجوم ایدن اونا هر روبه و گراز اولدی
 یتیشدی چوخلی یارا گل کیمی وجوده گینه
 ووروب دیردیله کاری یاراسی آز اولدی
 گون ایسی سینده سوسوزدان کباب اولوب جگری
 آلان او سوز دلین زخم جانگداز اولدی
 او قدر یاره وورولدی عزیز زهرایه
 او چولده چشمه خون پیکرینده باز اولدی
 او قدر قانی گیدوب قان ایچینده ضعف ایلدی
 قوا وجودده بالمره ترک و تاز اولدی
 گلنده حاله او شه آچدی قان دولان گوزونی
 صاقا صولا نگران چشم مست و ناز اولدی

یانا یانا دیدی حسرتله العطش یا قوم
 ویرن سو خنجریله قوم سفله ساز اولدی
 گوروب که آخر ساعات عمر عاریه دی
 نماز قیلماقا حاضر شه حجاز اولدی
 تاپولمادی سو آلوب دستماز قانیه
 نماز اهلینه حسرت او دستماز اولدی
 دورانمادی ایاق اوسته، نمازینه مشغول
 او حالتیه همین صاحب نماز اولدی
 ایدوبدی قتلگهین سجده گه جیینیندن
 آخان قانی دوشنوب یرده جانماز اولدی
 یارالی آنسی تواب اوسته، بی نیازیه
 او ضعف حالیه مشغول کشف راز اولدی
 ایدردی عرض خدا گچ عصات امتدن
 او نازلی سوگلیه لطف بی نیاز اولدی
 خطاب یتدی کیمی ایسته سن گذشت ایدرم
 بو لطف خاصه او ممتازه امتیاز اولدی

دیدى خدا بو شهادت منه گوارادى

بو باب لطف كه سندن منه فراز اولدى

همين او حالده كى سجده ديدى شه آنى

باشينى كسماقا بير قانلو ال دراز اولدى

وجودى يرده قالب گئچدى نيزيه باشى

دلينده كلمه تكبير سرفراز اولدى

آلوب كناره خانم قزلارين خانم زينب

چو خور يره يخلان پيكره فراز اولدى

رقيه گلدی دوشندی آتا جنازه سینه

چو عندليب گل اوستونده نغمه ساز اولدى

نه خوف تائبه محشرده آل محموده

او قدر خدمت ايدوب عاقبت اياز اولدى

راز و نیاز حضرت امام حسین علیه السلام

شاهد اول یارب وفای عهد و پیمان ایلدیم

اوز وفای عهدیمه عشاقی حیران ایلدیم



تا یازیلמוש گوردوم اول گون بلا برنامه سین

ایلدیم گوزده مجسم کربلا هنگامه سین

اگنیمه بیچدیردیم اوردا بو شهادت جامه سین

من همان برنامه طوعیله اذعان ایلدیم

عشقیمی عهد ایلیمیشدیم کونه اعلان ایلیم

عشقیمین اعلانیله دنیانی حیران ایلیم

شوره زار کربلانی بیر گلستان ایلیم

نچه گل یوزلی جوان ویردیم گلستان ایلدیم

من دیموشدوم اکبریم اوز قانینه غلطان اول

پیکری توپراقلار اوسته گل کیمی خندان اول

بو منای عشقه دینه سوسوز قربان اول

ال گو توردوم سو یانیندا تشنه قربان ایلدیم

من دیمیشدیم دوغراسونلار اکبرین اعضاسینی
 هجری مجنون ایلسون مجنون نما لیلاسینی
 اکبرین قان ایچره گوردوم قامت رعناسینی
 اوند اوجنویت لیلانی اعلان ایلدیم
 من دیمیشدیم حشره قالسون طوی اساسی قاسمون
 قانه باتسون الده اولسون طوی حناسی قاسمون
 باشینه سالسون قرا آغلار آناسی قاسمون
 قاره سالدی حالیمی منده پریشان ایلدیم
 من دیمیشدیم قاسمیم اولسون بوگون گلگون کفن
 یاره سیندن قان آخوب ایتسون اونی گل پیرهن
 اولدی خندان گل کیمی آخرده اول سمین بدن
 اوز یرین آلدی او سوز که اول عنوان ایلدیم
 من دیمیشدیم قارداشیم قانه باتا یارب باتوب
 سینه سینده باش باشا اوخلار چاتا یارب چاتوب
 قان ایچینده شیر تک یورقون یاتا یارب یاتوب
 گلشن جسمینده سیر خار پیکان ایلدیم

من دیمیشدیم جان ویره تشنه وفالی یاوریم
 سو کنارینده دوشه قولسوز امیر لشکریم
 دوشدی قولسوز قارداشیم قالدی بئلمده اللریم
 قدیمی بوکدی وفا دوتماقد اچوگان ایلدیم
 من دیمیشدیم اصغیریم سوز عطشیدن اودلانا
 اللریم اوسته سوسوز ظلمیله ناحق اوخلانا
 قان ایچه سو تک شرار نسکله قلبی یانا
 اللریمده پیشواز تیر پران ایلدیم
 من دیمیشدیم اصغیریم بیر غنچه گل تک سولا
 خوش ترانه بلبلیم سوز عطشیدن لال اول
 اوخلانا حلقی قزلقانیله قونداقهبی دولا
 قونداقی قانیله دولدی باغیریمی قان ایلدیم
 من دیمیشدیم بیچسون اوخ نازک بوغازین اصغیرین
 گون الی اوسته باتیرسون چرخ عشقین اخترین
 قانی ایتسون ارغوانی هم یوزون هم تل لرین
 آنوگون زلفون یوزون قانیله الوان ایلدیم

من دیمیشدیم قان آپارسون شیرخواره اصغری
 قانینه باتموش آناسی گورسون اول غنچه تری
 وای بالام وای دلدہ قالسون سینه سینده اللری
 مقصدہ چاتدیم وفای عهد و پیمان ایلدیم
 من دیمیشدیم دین خزانین نوبهاره دوندَرَم
 شاخ گلدن کربلا دشتینده بیر غنچه دَرَم
 افتخاریلہ اونسی بَزَم نگاره گوندَرَم
 غنچه گل تک اصغری تقدیم جانان ایلدیم
 من دیمیشدیم سو کیمی قانیم آخا یارب آخور
 سوز آهیم یاندوروب کونی یاخا یارب یاخور
 حسرتیلہ گوزلریم نہرہ باخا یارب یاخور
 آهیمی سوز عطشدن آتش افشان ایلدیم
 من دیمیشدیم قزلاریم آغلار قالا یارب قالوب
 کربلا صحراسینہ شیون سالا یارب سالوب
 دورہمی قاتل لریم صف صف آلا یارب آلوب
 یارہ ہر ظالم ووراندا حَظّ شایان ایلدیم

من دیمیشدیم عشقیمین دریاسی بیر طوفان ایدہ
 خانہ کفری یخوب سیلاب خون ویران ایدہ
 دین اسلام عالمین آباد ایدہ عمران ایدہ
 دین ایوین آباد کاخ کُفری ویران ایلدیم
 من دیمیشدیم اود دوتوب قلبیم کباب اولسون اولوب
 قتلیمیلہ اہل کوفہ کامیاب اولسون اولوب
 گون لحافیم بستیریم قانلو تُراب اولسون اولوب
 چشمہ خورشیدی اوز آہیملہ سوزان ایلدیم
 من دیمیشدیم جان شیریندن دویمام دویدوم بو گون
 ہر علایق رختینی تندن سویام سویدوم بو گون
 سجدہ عشقہ یارالی باش قویام قویدوم بو گون
 یوز یارا آنیم یارالی ذکر سبحان ایلدیم
 وعدہ ویرمیشدیم بو گون قانیلہ آلدیم دستماز
 آخر عمریمدہ قیلدیم قتلگہدہ بیر نماز
 بو نمازیم ایلدی اہل نمازی سرفراز
 وقت آز اولدی سجدہنی تک رکن ارکان ایلدیم

من نشان ویردیم او اوّل عهدیمین پایانی
 عشق قربانگاهی قیلدیم کربلا میدانینی
 ایسترم اهل عزامین وعده غفرانی
 وعده ویر اهل عزا غفرانین احسان ایلدیم
 بارگاه قدسدن یتدی حسینه بو ندا
 ای وفالی سُوگلیم سن عهدیوه ایتدون وفا
 اولسا هر بیر خواهشون لطفاً اوزوم قیلام عطا
 امتین هر مشکلین محشرده آسان ایلدیم
 سن منیم سن، من سنون ای خلقتی احمد سرشت
 منتون مروه نیدور پیر و جوان و خوب و زشت
 ماملک چرخ فلک حور و ملک نار و بهشت
 هم سنی دنیایه هم عقبایه سلطان ایلدیم
 کارگاه خلقتیمده وار نه خشک و تر سنون
 عرش و فرشیم برّ و بحریم ماسوا یکسر سنون
 باخما حسرتله فراته چشمه کوثر سنون
 من سنی خضره دلیل آب حیوان ایلدیم
 چون اولوب عشقیمله اولدن سروکارون سنون
 دین حق اوسته آخوبدور چشمه تک ثارون سنون

منده قویمام حشرده یانسون عزادارون سنون
 ساخلاسا هرکس عزاوی اهل رضوان ایلدیم
 دوز عزادارون که هر یرده قورار بزم عزا
 بزمده تجدید اولار عاشور دشت کربلا
 آد سنون اما دیه لرلر اوردا احکام خدا
 دوز عزادارون سنه محشرده مهمان ایلدیم
 اوندا که شور قیامت باشلانا محشر قوپار
 بیر بیرین اهل عزا بیر ایله موقوفه تاپار
 دوت الیندن اوز قوناقلارون هارا گیتسن آپار
 دوز عزاداره اودور تحسین شایان ایلدیم
 چون یتیشدی بوندا سلطان گل پیراهنه
 یول سالوب اشگ محبت گوزلریندن دامنه
 عرض ایدوب یارب ثلوم ایمدی گوارا دوز منه
 شکر قیلام باش و جان قربان قرآن ایلدیم
 درگهونده ای خدا عبد ذلیم روسیاه
 مستمند عاجزم مستغرق بحر گناه
 گلمیشم اغلار گوزیله معصیتدن روسیاه
 تائبم گرچه سنه بیر عمر عصیان ایلدیم

زبان حال امام حسین علیه السلام به خواهر هنگام شهادت

باشیم اوسته آغلاما ایتمه پریشان مو باجی
گیت خیامه ایمدی سسلور قزلاریم یا هو باجی



پوزما حالون آغلاما گلمه فغان و شیونه
دُرچ چشmondن بو قدری توکمه گوهر دامنه
قاتل خونخواره عجز ایتمه امان ویرمز منه
قتلیمی واجب بولور بو قان توکن بدخو باجی
بو بلالی چولده محو عشق جانانم سوسوز
گوهر غلطان کیمی آلقانه غلطانم سوسوز
سو یانیندا دیلده سو جانانه قربانم سوسوز
خوشدلم خنجر دمیندن ویرسه قاتل سو باجی
آز اورکلن حسرتیله باخما چوخ قارداشوه
آغلاما قاتما اورک قانون آخان گوزیاشوه
گیت حریم عصمتی یغ خیمه لرده باشوه
قویما نازلی قزلارا غم غصّه ویرسون رو باجی

باخما قاتلر قاتوبدور قانه اشگ آیمی
ایلمه آشفته زلفون تک پریشان حالیمی
گیت خیامه باشه یغ باشسیز قالان اطفالیمی
قآچماسونلار چوللره چون بیر سوری آهو باجی
ابر نیسان تک جگر قانیله دولدورما گوزون
ژاله تک اشگون توکوب ایسلاتما بیله گل یوزون
گیت اسارت جامه سین اطفالیمه گیدیر اوزون
ای آنام زهرا کیمی هر خصلتی نیکو باجی
خیمه گاهه یوز قویاندا فرقه بی ننگ و عار
چوللره قویما داغیلسونلار بنات گلغذار
قزلاری بیربیر سویوندور ای بتوله ییادگار
قزلارا ال آچماسونلار قوم غارت جو باجی
یانما یاندرما منی چوخ چکمه آه آتشین
آماسون اطرافوی غم موجی چون نقش نگین
اوندا که اولدی منیم کشتی عمریم گل نشین
شمع آهون اوندا یاندور اول پریشان مو باجی

من او خورشیدم منه نوک سنان اوج فلک
 واردی باشیمده بیر آی نچه ستاره تک به تک
 سنده باشه جمع قیل هشتاده دین قاره لچک
 سایه تک آردیمجا دوش گیت گلسه هر بیر سو باجی
 اهل بیت عصمته مندن صورا اول غمگسار
 نازپرور قزلاری قویما باجی گوزدن کنار
 کوچ ایدنده ناویه بیریر اوزون ایله سوار
 قویما دوشسون وحشته اطفال سیمین رو باجی
 رختیمی یکسر سویار ظلمیله قوم اشقیا
 کهنه کوینکده منیم اگنیمده قویمازلار قالا
 پیکریم عریان دوشر توپراقلار اوسته برملا
 یاندورار قلبون یاخار بو قصه تودرتو باجی
 تائبین وار حاجتی تیکموش بو درباره گوزون
 باب امیده سالوبدور التجائیه اوزون
 رمزیله اظهار ایدر دله اولان گزلین سوزون
 مشکلاتین حل ایدر حتماً بو قارداش بو باجی

زبان حال حضرت زینب علیها السلام
 در غارت خیام خطاب به برادر

گل داده حسین عترت طاهانی سویوللار
 زهرا قزی صدیقه صغرانی سویوللار



نه جور و جفادن دایانولار نه دوروللار
 اهل حرمون سویماقا تشکیل قوروللار
 اطفاله گهی قمچی گهی سیلی ووروللار
 بی نظم قوشون جمع پریشانی سویوللار
 ایتدیقجا بو اشرار عرب هلله قارداش
 وحشت یتوشور عترت خونین دله قارداش
 مین وحشت و هولیله قاجوللار چوله قارداش
 چوللرده دوتوب عترت زهرانی سویوللار

بو چولده گلوب یوم جزا شوری عیانه
 دامانی دوتوب اود گلوری بعضی فغانه
 ناچار قاچار آت قباقیندا یانا یانه
 جبراً دوتوب اول دامنی سوزانی سویوللار
 صحرای بلانی بوریوب بانگ هیاهو
 بی پرده قاچور چوللره اطفال پریرو
 اطرافی دوتوب نچه مین اهریمن بدخو
 بلقیس صفت آل سلیمانی سویوللار
 خوفیندن اولوبدور بیرینون پاره دوداقی
 اولموش بیرینون آبله قاچماقدان ایاقی
 ظلمیله اولوبدور بیرینون یاره قولاقی
 هر بیر یارالی دیده سی گریانی سویوللار
 بیر یاندا خانم قزلاریوی آتلار ایاقلار
 بیر سمتده آواره قالبوب خردا اوشاقلار
 هر قز یتشوب بیر قزی هولیله قوجاقلار
 اول حالیه گل چهره صبیانی سویوللار

یورقون بالالار ناله و فریاده گلولر
 غربال کیمی گوزیاشی رخساره آلولر
 آهوی رمیده کیمی چوللرده ملولر
 مین اوچی بیر آهوی گریزانی سویوللار
 اسلامی آتوب دعوی اسلام ایلینلر
 اللّهی دانوب کلمه تکبیر دینلر
 قرآنی ساتوب درهمه قرآن اوخینلر
 اهل حرم ناطق قرآنی سویوللار
 گل بلبله نه نوع ویرر یر بوداقیندا
 ایله بالاسین هر آنا دوتموش قوجاقیندا
 میداندا قاچور صاق صولا آتلار ایاقیندا
 خردا بالانی مادر نالانی سویوللار
 اولسون او گوزوندن ایراق ای خسرو خوبان
 مین غارت ایدن بیر سویولاندور سنه قربان
 غارت نجه غارت آنام اوغلی نجه تالان
 قوی فاش دیوم زینب کبرانی سویوللار

سانمازلا بالان خسته و بیمار دی قارداش
 تاب و تبه بو چولده گرفتاردی قارداش
 غارتچی جماعت ایله بیعاردی قارداش
 بو خسته و رنجور بلایانی سویوللار
 بیر یاندا آلوب شمر اله خنجر خونخوار
 سجاده سجادی ایدر غارت او بی عار
 بو حالی گوروب خرده اوشاقلار ایله قورخار
 قزلار مَلشور عابد نالانی سویوللار
 سجاده وی آپمیشدی رقیه یره تازه
 گوزلردی سنی گونده کی عادتله نمازه
 ناگاه دوشوب نقشه سیلی رُخ تازه
 سسلور باباجان گل سنه جانانی سویوللار
 بیر عطف نظر سمت خیامه ایله قارداش
 اکبر آناسی گور نه گلوبدور دله قارداش
 امر ایله علی اکبره داده گله قارداش
 گورسون آناسی غمزده لیلانی سویوللار

مقهوردی بو دشته ناکسلره کسلر
 ازبس قاجوب اطفال دوشوب تنگه نفسلر
 کلثوم علمداریوی امدادینه سسلر
 امر ایله گله خواهر سقانی سویوللار
 باخمازلا ربابین گلی سولموش بوداقیندا
 خندان ایلوب دست اجل غنچه چاقیندا
 صبری تالانوبدور یری بوشدور قوجاقیندا
 رحم ایتمیوب اول طاقتی تالانی سویوللار
 تائب قلمه گتدون عجب صحبت غارت
 یازدون آدی غارت ایلدون لیک قیامت
 مقطعه دوباره بو سوزی ایله کتابت
 گل داده حسین عترت طاهانی سویوللار

زبان حال حضرت زینب علیها السلام در سر نعلش برادر

رأس شه لب تشنه جدا اوسته اوجالدی
گونلر قاباقیندا یارالی پیکری قالدی
قان رنگی دوتان قانلو تراب اولدی سریری
سایه سالانی اوستونه خورشید حریری



گلدی باجیسی تاپدی او مقتول جفانی
گوردی بزیوب مصرعینی قرمزی قانی
عطری بوریبوب قتلگه کرب و بلانی
مدهوش اولوب اوز قارداشینین عطرینی آلدی
مرآت دله عکس رخ یارینی سالدی
تا گوزلری اول پیکر مجروحه ساتاشدی
دریا کیمی موج ایتدی اونون ایستکی داشدی
وای قارداشیم ایوای دیدی اوز قولارین آشدی
قاچدی اوزونی اول یارالی پیکره سالدی
الله اوزی عالمدی که نه حالتہ قالدی

زلفین دوشیوب نعلشه فغان ایلدی زینب
ایوای یارالی ورد زبان ایلدی زینب
پیمانه قلبین دولی قان ایلدی زینب
خون دیله گوزلری هی دولدی بوشالدی
اشگ تری آخدیقجا یوزه شوری چوخالدی
عرض ایلدی زینب نجه باتماز غمه سنسبز
غربتده غریب ئولدون آنام اوغلی وطنسبز
گونلر قاباقیندا بدنون قالدی کفنسبز
عالمده حسین سن کیمی مظلوم ئولن اولماز
بیله سو کنارینده سوسوز جان ویرن اولماز
هانسی یارالی شاه حسینیم سنه بنزر
جسمی یارائیلہ گل آچان گلشنه بنزر
قارداشی ئولن بیر باجی هاردا منه بنزر
گل یاره دولی گلشن سیننده یارالی
سنده آنام اوغلی یارالی منده یارالی

بو مصرع پاکوندی قزلقانیله دولموش
 یا باغ صفادور گل خندانیه دولموش
 باشند ایاقا نکهت و ریحانیله دولموش
 بو قتلگهون مشگ فشاندور آنام اوغلی
 یوخ یوخ بو گلن عطر جناندور آنام اوغلی
 مشگ اولسا اگر جسم حسین سنه اونا جانسان
 جان بخش اولان عطرلره جوهر جانسان
 قوی فاش دیوم سن گل گلزار جنانسان
 ای طینت اصلیه سی نوریه سرشته
 هر یرده سن اولسان دونر البتّه بهشته
 ای قانه باتان پیکر مجروحی حسینیم
 وی نی ده اوجالموش سر مذوحی حسینیم
 دل صبریم آنام فاطمه نون روحی حسینیم
 بو چولده آخان قانوی توپراقه قاتوبسان
 مکبوب آنام اوغلی دوشوب بیله یاتوبسان

سن معرکه عشقده تاج شهادسن
 ثارالله^۱ اوزون هم پسر ثار خداسن
 شهرل شهی سن پادشه کرب وبلاسن
 شهرل سنه قربان اولا شهرل بیله یاتماز
 مکبوب دوشوب قانینی توپراقلارا قاتماز
 ای ملک جلالته سلیمان زمانه
 وی جود و سخاوتده آتان فرد و یگانه
 وارگل بدنوندن نه علامت نه نشانه
 شرم ایتمیوب اهریمن آتان حیدره خاطر
 قطع ایللیوب انگشتوی انگشتره خاطر
 ای یوسف گل پیرهن مصر محبت
 وی عالم اولان بیرجه سر مویوه قیمت
 صدچاک ایللیوب جسموی گرگان شقاوت
 قویموبلا قالا کوینگوی باری بدنده
 یعقوبوه سوغات آپارام الدهه گیدنده

ای قامت دلجو سی اولان شور قیامت
 گور وار نجه بیر عالم محشردن علامت
 دور قزلاریوا ایله بو صحرا ده حمایت
 وحشتدن اولوب پاره سولان غنچه دوداقلار
 تیتزلله خزان یپراقی تک خر دا اوشاقلار
 گوزدن بو گوزل مصرعی مشکل آتا زینب
 یا قتلگهون باغ جنا نه ساتا زینب
 وار عشقی جواروندا یارالی یاتا زینب
 بو مدفن پاکوندا همیشه قالا قارداش
 تا روز قیامت گوزل عطرون آلا قارداش
 ایستکلی باجی قارداشوخ ای خسرو بطحا
 پرورده ایدوبدور بیزی بیر سینه ده زهرا
 سندن دویا زینب دونه یا آیریللا حاشا
 غم بلبلون افسوس چمن دن آیروللار
 جبراً سنی مندن، منی سندن آیروللار

سن گیدون اگر آگنیوه پیراهن عشقی
 منده باخوب آلدیم یارالی سندن او مشقی
 باشون دالیجا سیر ایدرم شام دمشقی
 گوسترم او بیر سیرده بیر حال وفاخیز
 بولسونله گورنلر نجه قارداش باجیوخ بیز
 هرچند اسیرم یارالی اهل عناده
 شاماته چکه لر منی محزون و فتاده
 گیتسمده بو روحیم قالوری کرب و بلا ده
 بیر گون اولی پایانه یتر دور اسارت
 گللم ایدرم قبریوی بو یرده زیارت
 تائب سنی سوز صاحبی ایلوب اوزی تأیید
 تأیید اولونوبدور سنی یوخ ذره جه تردید
 اشعارون اودور قابل تعریفدی تمجید
 شکرانه سین ایت آرتورا تأییدیوی الله
 تا آرتوق اولو عشق حسیندن دلون آگاه

زبان حال حضرت زینب علیہا السلام در سر نعش برادر

نازیله یاتما قارداش یارالی بلالی
اولموش نندن بو گل بدن خندان یارالی
ئولسون بو زینب ای کاش عزالی بلالی
اولموش نندن بو گل بدن خندان یارالی



حسین حسین اویاندور آز بو فگاری یاندور
زینب یارالی جسموه قربان یارالی
بو پیکر شریفون سراسر برادر
باشدان باشا نیزه یاراسی زخم اوخدور
زخم ستمله دولموش بو پیکر برادر
گلمز یاراسی سانه ازبس زخمی چو خودور
اوراق ایدوبدی زخم مکرر برادر
بوسه یری بو زینب نالانه یو خودور
ئولسون بو زینب ای کاش عزالی بلالی
اولموش نندن بو گل بدن خندان یارالی

من بو یارالی جسمون فداسی یاراسی
گل تک گولر بیر باغده بیله گل اولماز
وار هانسی گلشنون بو صفاسی هواسی
اوخلار چاتوب باش باشه بیله سنبل اولماز
غم یاغدیروور بو گلشن هواسی فزاسی
زینب کیمی خونین جگر بیر بلبل اولماز
ئولسون بو زینب ای کاش عزالی بلالی
اولموش نندن بو گل بدن خندان یارالی
جسمونده یاره لر گل آچوبلار سولوبلار
بو پیکرون بنزر پوزولموش گلستانه
اطفال زلف سنبل آچوبلار یولوبلار
بلبل کیمی گل اوسته ایلر ترانه
تک تک بیان نسکل آچوبلار دولوبلار
چون ابر اشگی یاغدیرولا یانه یانه
ئولسون بو زینب ای کاش عزالی بلالی
اولموش نندن بو گل بدن خندان یارالی

قانه جفائله سن باتوبسان یاتوبسان
 نازيله بو قان ایچره ای عالم پناهی
 عین مرامه دلن چاتوبسان یاتوبسان
 وحشت ایدر باشسیز عیالون دلد آهی
 اطفالوی نظردن آتوبسان یاتوبسان
 هیچ سانموسان اطفالوین یوخ دادخواهی
 ئولسون بو زینب ایکاش عزالی بلالی
 اولموش ندن بو گل بدن خندان یارالی
 قمچی وورار بو قوم ستمکار جفاکار
 ظلمیله قارداش بو بنات مه جماله
 دگدوقجا قمچی نازلی بالالار سزیدلار
 بو کربلانی دولدوروب فریاد و ناله
 اطفالوه نه وار بیر پرستار نه غمخوار
 ویرسون سسینه سس بو چولده لامحاله
 ئولسون بو زینب ایکاش عزالی بلالی
 اولموش ندن بو گل بدن خندان یارالی

اولماز بو قدر زخم عداوت جراحت
 قانه باتوب خندان اولان بیر گل بدنده
 ایلر بو وضع جسمون بو حالت حکایت
 قارداش حسین نه چکموسن سن جان ویرنده
 نه آغلاماقه واردور فراغت نه فرصت
 قویمور عدو بیر اوخشیام کامیمجه منده
 ئولسون بو زینب ایکاش عزالی بلالی
 اولموش ندن بو گل بدن خندان یارالی
 ویرسه امان بو اهل عداوت شقاوت
 بو قتلگهده تا وارانم بیر عمر قالام
 ازبس سینه واریمدور محبت شفقت
 ترک ایتمرم هر دم کناره جسمون آلام
 ای تاجدار آل رسالت طهارت
 مرهم بو سانسیز یاره وه اشگیله سالام
 ئولسون بو زینب ایکاش عزالی بلالی
 اولموش ندن بو گل بدن خندان یارالی

بیر نوحه خوان صاحب دیانت شرافت
 پیر جوان دل اولدی بو اشعاره بانی
 ایستدون کتابه تائب کتابت حقیقت
 شرح و بیان قتلگاه کربلانی
 ایلر حسین روز قیامت شفاعت
 یاز دفتره آخرده اول کی بیانی
 ئولسون بو زینب ایکاش عزالی بلالی
 اولموش ندن بو گل بدن خندان یارالی
 حسین حسین اویاندور آز بو فکاری یاندور
 زینب یارالی جسموه قربان یارالی

زبان حال حضرت رقیه در قتلگاه کربلا
 خطاب به حضرت زینب علیها السلام

صدپاره اولوب گور نجه بو گل بدن عمّه
 یوخ صاف یری بو بدنین بس ندن عمّه



از بس یتیشوب یاره دوشو بدور بيله خسته
 نازيله یاتو بدور بو سنق نیزه لر اوسته
 جسمینده آچوب قرمزی گل دسته به دسته
 بو دشتی ایدوب طرفه صفالی چمن عمّه
 گلمز یاراسی سانه زبس یاره سی چو خودور
 زخمیله دولو بدور بدنی صاف یری یو خودور
 ای وای منه باشند باشا بو گل بدن او خودور
 باش باشه چاتوب مثل گل یاسمن عمّه

شام اهلی جفادن دیمه ای عمّه دویوبلار
 گونلر قباقیندا بابامی عور قویوبلار
 شاهانه لباسین ایلّه وضعیله سویوبلار
 قویوموبلا اقلّا قالا بیر پیرهن عمّه
 ایوای منه یو خودور بابامون باشی بدنّه
 درده گلورم اوز بابامی بیله گورنده
 باخ گوزدن آخان اشگیمه سس ویر منه سنده
 هم ناله اولار منله منی هر سُون عمّه
 اوز ظلمونی بو اهل جفا ایلیوب اظهار
 یوخ قیلیرینده اولارین رحمدن آثار
 گل عمّه ایداخ بیز گینه بو دشمنه اصرار
 قویسونلا ایداخ بو بدنّه بیر کفن عمّه
 وار بو یارالی جسمده بیر شرح مفصل
 تفسیر اولونور مین غمی بر صورت مُجمل
 ای عمّه نه باش وار بو بدنّه نه قالور ال
 معلوم اولونان ظلم ایلیوب هر یِتَن عمّه

عمّه یوخوموش بس بو جماعتده مروّت
 بیر جسمه ووروبلار بو قدر کاری جراحت
 بو قتلگه عشقی اولوب گلشن حسرت
 بنزر گل خندانّه بو باشسبز بدن عمّه
 گلزار وجودی نجه باخ گور گل آچوبدور
 اوخلار ساچیلوب باش دیه سن سنبل آچوبدور
 سانسبز یارا جسمینده سزیلدار دیل آچوبدور
 سویلر ستم اهل جفانی عِلَن عمّه
 بو جسمدن عمّه بابامون عطرینی آلام
 عطرین آلام حالینه باخدیقجا سارالام
 بیر شور حسیّی بو بلا دشتینه سپالام
 شوریه سراسر دولا دشت و دَمَن عمّه
 گر اولسا امان قتلگهینده قالارام من
 بو پیکر صدچاکی کناره آلام من
 زلف سیهیله بونا سایه سالارام من
 محفوظ اولونا، تابش خورشیددن عمّه

صدپاره دوشوب جسمی قزلقانه باتوبدور
 قان ایچره گوزوندن هامی دنیانی آتوبدور
 دوشموش یارالار یورقونی نازیله یاتوبدور
 خوش دینجلوری بو شه گلگون کفن عمّه
 من سُوگلیم ئل بولوری شاه حجازه
 عادت ویروب اوز سینه سی اوسته منی نازه
 سالام اوزومی سینه سینه ویرسن اجازه
 درد دلیمه دل آچارام بیرده من عمّه
 کامیمجه ایدوب ناله و شیون دویارام من
 صدرینده یوزوم زلفیمی قانه بویارام من
 شیرین دلیمه دشمنی حیران قویارام من
 گورسونله که یوخ من کیمی شیرین سخن عمّه
 بو رسمدی بلبل خوش اوخور گل بوداقیندا
 قمری گلی داده یخلان سرو ایاقیندا
 منده قوی ایدوم ناله بابامین قوجاقیندا
 بلکه منی بیر دیندیره شاه زمن عمّه

ایستکلی قزام خوش دلیمه گوگلومی آلسون
 آلسون باشیمی سینه سینه باشیم اوجالسون
 اوز ساقلوقی تک قولارینی بوینوما سالسون
 ایستسون منی آزاده قید محن عمّه
 تائب که یازار نوحه دلیمجه یانار آغلار
 پروانه شمع غم اولوب قلبینی داغلار
 دیباجه محنت بابامین نامینه باغلار
 هر بیتینه بیر بیت جناندور ثمن عمّه
 تائب بو قزین دردی دله چوخ اثر ایلر
 آرام آلی دلدن هامونی دیده تر ایلر
 بیگانه نی بیر ذکر غمی خونجگر ایلر
 یاندی نقدر گور اونا دردین بولن عمّه

زبان حال حضرت رقیه علیها السلام در سرنعش پدر
در قتلگاه کربلا هنگام کوچ از کربلا

بابا سُوگلون رقیه یتشوبدی جانه سنسیز
ووروری بو ساربانلار منه تازیانه سنسیز
بو جماعته اسیرم قولی باغلی دستگیرم
آپارولاً دست بسته منی یانه یانه سنسیز



دوشَنده شیونیه بابا گل جنازن اوسته
بو باشی بلالی اولموش ستمیله دلشکسته
اوقدر منی ووروبلار یوروب ایلویبله خسته
داخی خسته جفایم گلورم فغانه سنسیز
سُورم سنون کنارون اوزومه مکان ایدوم من
ولی قالماقا امان یوخ نه علاج وار نیدوم من
گون ایوینده گل جنازون نه ترک ایدوب گیدوم من
نجه من اولوم بو حسرت اوخونا نشانه سنسیز

گورورم سنون واروندور گون ایوینده سوز و سازون
بولورم بو قلبی اودلار غم هجر جانگدازون
سالارام بو بوینوا قول اوپریم کسیک بوغازون
ایدرم بیر اخذ توشه اولارام روانه سنسیز
بولور اشقیا رقیه بابا طاقت دلوندور
او صفالی گلشنونده سارالوب سولان گلوندور
دُوزه بولمه سن دوگولسه او وفالی سُوگلوندور
گینه شرمسیز وورالار منه تازیانه سنسیز
منی گر بو قتلگهده قویالار همیشه قالام
اوپرم یارالاروندان بدنون کناره آلام
بالا تل لَریملَه سایه بو جنازن اوسته سالام
ال اوزوب کناره گیتیم بابا، یانه یانه سنسیز
گورورم که گل وجودون باشباش دوتوب جراحت
یارالاردا وار طبابت ایدنه نیاز و حاجت
سالوب اوز اَلیملَه مرهم اوزوم ایلرَم طبابت
یارالار بیتینجه گیتیم بابا اوزگه یانه سنسیز

نجه پاره پاره دور گور بابا قور خودان دودا قیم
 قووب آت دوشونده دشمن اولوب آبله ایاقیم
 آلنوبدی گوشوارم یارادور منیم قولاقیم
 بو یوزوم گوزوم قولاقیم بویانوبدی قانه سنسیز
 من او بلبلم آلاردون باباجان او گل بوداقه
 اوزولور آلیم گلیمدن دوشورم غم فراقه
 دور ایاقه ساقلقون تک منی بیرده آل قوجاقه
 اولاجاق خرابه منزل منه آشیانه سنسیز
 بو رقیه اورگشوبدور بابا بو جهاندا نازه
 چکه جاقدی نازیمی کیم دل آچاندا کشف رازه
 دیری قالسام ئولمه سم کیم آلا جاق لباس تازه
 ویره جاقدی کیم تسلی دل ناتوانه سنسیز
 بابا اگنیمه گیوم من نجه جامه اسارت
 که عزیزیدم نه نوعی ایلیوم قبول ذلت
 منی گورسه خردا قزلار اگر ایتسه لر شمات
 یانا جاق بو غنچه گوگولوم دونه جاقدی قانه سنسیز

نجه عمر گلستانون بابا ظلمیله سولوبدی
 ایله سولموشام بو اودلی اورگیم غمه دولوبدی
 سنون عمروین بهاری دولانوب خزان اولوبدی
 منیم عیشیمون بهاری دونه جاق خزانه سنسیز
 سن او غملو باغبانسان چمنونده بیر گل من
 آچیلای بو غنچه دل داخی چوخ چتین گول من
 بابا وار چوخ احتمالی که خرابه ده ئولم من
 ایده عمم اوردا مدفون منی چون خزانه سنسیز
 یازوب عشق اوزیله تائب بیله دل یاران مقالی
 ایدر آرزو مزارون یوزه باغلار اشگ آلی
 اونی ایسته قبرون اوسته دیه بو زیبانحالی
 بابا سولگون رقیه یتیشوبدی جانه سنسیز

دفن شهدای کربلا با حضور امام سجاد علیه السلام

کربلایه کوفه دن سجاد رجعت ایلدی
شاه عطشان دفینه اقدام او حضرت ایلدی



گوردی میدان بلا بیر عشق میدانگاهیدور
هر مریض درد عشقه عشق درمانگاهیدور
قوچ قوزی قربان دوشوبدور عشق قربانگاهیدور
هر یارالی جسم اونا بیر غم حکایت ایلدی
تا او اجسام لطیف اوسته گلور باد صبا
دولدورور کرب و بلا صحراسینی بوی وفا
بیر صفا وار رشگ باغ جنت اولموش کربلا
اول شه استشمام عطر باغ جنت ایلدی
آختاروب اول امام نشأتینون نعشینی
روح زهرا مرتضایه نور عینون نعشینی
تاپدی آخر بیر چوخور یرده حسینون نعشینی
بیر دولاندی باشینه اول زیارت ایلدی

چاره مشتاقی تا پاندا چاره سیزلر چاره سین
باغرینا باسدی حسینون پیکر صدپاره سین
ایگلدی اوپدی لطیف اعضاسینین گل یاره سین
بلبلی مدهوش او گل اوستونده نکهت ایلدی
گوزلری دولدی بولود تک اشگی آخدی آغلادی
شعله آهی دلین یاندوردی یاخدی آغلادی
بیر قبیله اهلینه حسرتله باخدی آغلادی
بیر مزارین حفرینه گویا اشارت ایلدی
دوشدوقی یرده قازیلدی قبر شاه ممتحن
اوز آتاسین ایستدی قبره قویا اول مؤتمن
بولمورم سلطان عشقه تاپدی بیر آیری کفن
بیر حصیره یا که ناچاراً قناعت ایلدی
قویدی قبره شاه عطشانین یارالی پیکرین
تاپدی گندی خرده بارماقین کسيلموش اللرین
لاحق ایتدی جسمینه توکدی یوزه اشگ ترین
حلقینه قویدی یوزون ذکر مصیبت ایلدی

عرض قیلدی ای جلالتده سلیمان فر بابا
 هانسی بیر مظلوم ئولن سلطان سنه بنزر بابا
 نه بیلکده ال قالور نه پیکرونده سر بابا
 بيله مظلوم اوز امامین هانسی امت ایلدی
 گوردی لایقدور که بلبل گل بوداقینده یاتا
 برگ گل اوسته قویوب یوز دل اطاقینده یاتا
 یعنی اصغر شاه عطشانین قوجاقینده یاتا
 دوندروب بو حالدہ معنای صورت ایلدی
 قویمادی یالقیز او مدفنده بلا سلطانی
 گیتدی گزدی تاپدی نعل اصغر عطشانینی
 گندی قویدی سینه سی اوسته قوزی قربانی
 شه قوجاقینده اونا یر ویردی راحت ایلدی
 گرچه خوشدور شاهزاده شه قوجاقینده اولا
 شاخ گل اوستونده هر گل غنچه چاقینده اولا
 چوخ چتیندور لیک یاره گوز قباقینده اولا
 گوز ایوینده یاره لی اصغر اقامت ایلدی

اوخلی قربانه باخوب سلطان دین ایوای دیر
 بيله بوللم ایندیده آغلار سزیلدار وای دیر
 باشد سودای شفاعت اصغر لایلای دیر
 چون اونی قربانی راه شفاعت ایلدی
 ایستدی مهر امامت ماهدن آیریلماسون
 روح ثارالله، ثاراللهن آیریلماسون
 یعنی اکبر خاکپای شاهن آیریلماسون
 شه ایاقی آتدا دفن ایتماقه همت ایلدی
 ایتدی پائین پای شهده دفن تا کامه چاتا
 یاره لر یورقون سالوبدی دینجله راحت یاتا
 یاتدی لار بیر قبرده مظلوم اوغول مظلوم آتا
 آیریلان گل باغبانیه قرابت ایلدی
 زینت عرش خدانی چکدی آغوشه او یر
 سنبل عشقه جوانین ایلدی خوشه او یر
 آلدی سینه اوستونه بیر قبر ششگوشه او یر
 مغبط عرش اولدی تحصیل شرافت ایلدی

خاکریز ایتدی آتاسی قبرین اول قدرت الی
 بارماقیله یازدی قبری اوسته با خط جلی
 بو مزار پاکدور قبر حسین ابن علی
 بیر حسینی که سوسوز درک شهادت ایلدی
 دفن اولوندی وارث اعجاز عیسای مسیح
 تاپدی جان جاودان اول تربت پاک و ملیح
 هر یره فخر ایتدی عزتده او توپراق بالصّریح
 باش اوجاتدی عرشه کسب اوج رفعت ایلدی
 ایستدی کونه حبیبون عزّتی اعلان اول
 خدمتی شایان اولوبدور اجریده شایان اول
 آستان شهده دفن ایتدی اونا دربان اول
 خوابگه شه آستانین تا قیامت ایلدی
 بیریریندن سالمادی آیری حسین احبایی
 قازدیروب بیر گود توکدی گوزدن اشگ نابینی
 ایلدی بیر یرده مدفون باوفا اصحابینی
 جمعی بیر مدفنده یاتدی استراحت ایلدی

هر گورن بولسون او مدّفندور محبّت خانه سی
 دفن اولوبدور اوردا بیر دسته وفا دیوانه سی
 سوزلری بیر جمعی بیر شمعین اولوب پروانه سی
 جمعی جان قربان بیر شمع محبّت ایلدی
 دفن اجساد قوتاردی خاطر ناشادیله
 مصرع عبّاسه یوز قویدی فغان و دادیله
 تاپدی قان ایچره یخیلموش قامت شمشادیله
 باخدی بیر باخماقدا مینلر درد حسرت ایلدی
 گوردی بیر یاندا ایکی قانه بلّشمیش ال دوشوب
 عشقینه هر تک تکی بیر شاهد اعدل دوشوب
 پیکری بیر یاندا اولموش زینت مقتل دوشوب
 بیر بدننده یوزلریله یاره رؤیت ایلدی
 اوزگه بیر حالیه گل تک پیکری مجروح دور
 هر نظرده مُجملاً مین باب غم مشروح دور
 حمل اعضاسی دگول ممکن ایله مجروح دور
 مین جفا شرحی اونا هر بیر جراحت ایلدی

دولدوروب ابر بهاران تک سرشگیله گوزون
 اول وجود پاره پاره اوستونه سالدی اوزون
 باسدی جان تک باغرینا جسم جریح و گوز گوزون
 اوپدی گل تک ایگلدی دل دردی شدت ایلدی
 ایتدی فرمایش سلام اولسون آتام قارداشینه
 آرخاسی پشت پناهی درد و غم یولداشینه
 نائل ایتسون رحمتیله حق گوزل پاداشینه
 دین اسلامه عموم چوخ یاخشی خدمت ایلدی
 ماه چرخ هاشمی دور بو جوان ماهرو
 شرح تقوی دور یازیلמוש جسمی عیناً موبه مو
 هر بلا تیرین باسوب اوز باغرینا چون آرزو
 جان ویرینجه دین و قراندان حمایت ایلدی
 گورمیوب گورمز عموم مثلین داخی دنیا گوزی
 هر شهید راه عشقیندور بو مه سیمما گوزی
 حالینه دلدن یانار آغلار آنام زهرا گوزی
 عشقینه تحسین بونون خاتون عصمت ایلدی

خدمتینده امتیاز آلموش بو سردار رشید
 چوخ بیوک عزت عطا ایتیش بونا حی مجید
 غبطه ایلر حالینه دنیا بویی هر بیر شهید
 هانسی عاشق بیر بیله کسب جلالت ایلدی
 بو عموم تک کیمدی خدمت گوستروب ساندان گچه
 ال تاپا آب حیاته آب حیوان گچه
 قول ویروب جانان یولوندا تشنه لب جانان گچه
 کیم عموم تک کونه اعلان صداقت ایلدی
 هانسی عاشقدور بیله اوز عشقینی اعلان ویره
 هانسی سقادر عموم تک ایچمیوب سو جان ویره
 قارداشا کیمدور بیله اوز نفسینی قربان ویره
 هانسی قارداش قارداشا بیله اخوت ایلدی
 قازدیروب بیر خرده مدفن بدر کامل اوغلونا
 حضرت ام البنینون مه شمایل اوغلونا
 یعنی عباس علی حلال مشکل اوغلونا
 خرده بیر قبری منام اول سرو قامت ایلدی

دفن ایدوب اول قبرده خندان اولان گل پیکرین
 نه گل خندان نه پیکر جان عشقین جوهرین
 گتدی قویدی سینه سی اوسته کیلمیش اللرین
 ایله بیر اللر که قربان شریعت ایلدی
 بیله ذکر غمده قالسون سینه ده طاقت نجه
 آخماسون گوزدن یوزه اشگ تر حسرت نجه
 یاتدی خرده قبرده ایله اوجا قامت نجه
 ای قلم یازما آچوخ ایما کفایت ایلدی
 من دیمم تاپدی نه حالیه حسین غم یولداشین
 من دیمم جسمین گوروب صدپاره توکدی گوزیاشین
 وار بو قدری دوشدوقی یرده قویوب اوز یولداشین
 خیمه گاهه اللری قوینوندا رجعت ایلدی
 تائباً واردور سنون بوینوندا بیر عشقی کمند
 اول کمند ایلوب سنی عشق حسینه پای بند
 سعی ایله تا یازدیقون اشعار اولا زهراپسند
 یوخ غمون زهرا دیسه یاخشی کتابت ایلدی

احوال و ورود اهل بیت به کوفه

کوفیه وارد اولاندا اهل بیت بوتراب
 وضع کوفه ایلمیشدی اوزگه عالم اکتساب



ازدحام ایتمیشدی ازبس کوفیان بی تمیز
 کوفه ده بی نفخ صور اولموشدی شور رستخیز
 دست بسته دختران و بانوان ماهوش
 حالی پوزقون خسته یورقون چون اسیران حبش
 حضرت سجّاد دل مغموم چون شیر نزار
 شیر یزدان اوغلی زنجیر یله بویینی زخم دار
 ایتمرم باور نه سوزدور بو دیور اهل مقال
 که جفائیه اولار مغلول دست ذوالجلال
 آیت حق سلسله جنبان امر کاف و نون
 قید زنجیر اسارتله نجه اولموش زبون
 بیر الی که یوخ اونون هرگز الی اوستونده ال
 قید ظلمیله نجه باغلار اونی قوم دَغَل

دستگیر ایلر رعیت لر نجه شاه اوغلونی
 گذریر هر یرده قول باغلی یدالله اوغلونی
 چون رضای دوست اولموشدی اونا زنجیر و دام
 مسکنی گه دست بسته کوفه اولدی گاه شام
 اولماسیدی گردنینه گر او شاهین قید عشق
 باغلینمزدی قولون ظلمیله اشرار دمشق
 مطلقاً مأموریدی سجاد زین العابدین
 گیتسون ایتسون شامده مسجدده تبلیغات دین
 خامه مین سیل مدادی سبک سرحدین یخار
 آشهب طبعیم اودور اوز خط سیریندن چیخار
 قویمارام اوز خط سیریندن ولی چیخسون قلم
 کوفه شرحین ایلرم محنت کتاینده رقم
 چرخ هودجده پریشان حالیدی مه پاره لر
 صفحه ماهه دوزولموش اشگیله سیاره لر
 بیر قطار درد و غم همراه آل اللهیله
 چتر آچوب شهزاده لر باش اوسته دود آهیله

دلده شیون قارداشی اوغلی ئولن پوزقون قطار
 قافله سالار زینب بانوی مهد وقار
 نیزه لر باشینده گل تک باشلار ایلردی گذار
 آردیجا بلبل کیمی اطفال نالان زار زار
 نیزه باشینده قباقدار هر جوان باشی گیدر
 آردیجا محملده سرگردان آناسی عزم ایدر
 هر اوغول باشی مقابل اولدی بیر ثکلائیه
 روبرو اکبر باشی اوغلی ئولن لیلائیه
 دل ویروب جادوی عشق اکبره مفتونیدی
 ظاهراً لیلی ولی باطنده بیر مجنونیدی
 رأس قاسم نیزه ده مثل گل تازه بهار
 ناقه ده بلبل کیمی بی کس آناسی بی قرار
 مه جمالین زلف مشگینی دوتاندا ابرسا
 قالب بی روح ایلردی آناسین برملا
 ایلینده زلفینی باد صبا یوزدن کنار
 جلوه حسنی آناسین ایلدی دیوانه وار

سسلدی بو آتش حسرتله یانام من اوغول
 یوخ علاجیم باشون آردینجا دولانام من اوغول
 ویردی آیری منظره تشکیل علی اصغر باشی
 گوردی هرکس گوزلرینده دوندی قانه گوزیاشی
 صاق و صولدان طرّه مشگینه دگدیقجا یل
 عارضه افشان اولاردی قانلو زلفی تل به تل
 گرچه اولدوزدور اوزی اما یوزی چون قرص ماه
 ایلوب بیر باغری قانین گوندوزون لیل سیاه
 گوزلرینده اشگ پوزقون حاليله سینه کباب
 مو پریشان دیده گریان زار و سرگردان رباب
 سینه سینده اللری هر دم دیردی وای اوغول
 گه دیردی شوريله ایوای اوغول ایوای اوغول
 ای اوغول نار فراقه یاخشی یاندوردون منی
 باشون آردینجا سالوب حیران دولاندوردون منی
 مین لريله گل آچیلسا بو یوزوم مشگل گوله
 گیترم گلزاره سنسبز باخمارام غنچه گله

کورکورانه تماشا ایلوب اشرار عرب
 دیلده قرآن نیزه ده رأس حسین تشنه لب
 جان فدا بیر شاهه باشدا لخته قاندان تاجی وار
 نیزه لر باشی بُراقی قرب حق معراجی وار
 جان فدای پای اول شاهنشاه بیدار کهف
 باش بدن آیری لبلر ذکر ایدر آیات صحف
 جان فدا بیر تاجداره لعلی گوهرریزیدی
 صوت قرآنی اونون دلچسب و روح انگیزیدی
 ناطقی که شُبّه سیز قرآن ناطقدور اوزی
 یوخ عجب سویلر کسیک باشی کلام الله سوزی
 باش ویروب جانان یولوندا جانینه آلهدی بلا
 سالدی هر یرده کسیک باشی اودور صیت و صلا
 بو همان باشدور جهانی شوری پرشور ایلدی
 نوريله نوک جدائی نخله طور ایلدی
 بو همان باشدور که گون تک چیخدی سیره نیزه ده
 آشنالیق نورینی گوستردی غیره نیزه ده

بو همان باشدور جدالرده دولاندى ال به ال
 سالى هر يرده شعاع نوري نور لم يزل
 بو او باشدور گون کیمی حقی نمایان ایلدی
 آیت اعجازینه افکاری حیران ایلدی
 بو او باشدور حق یولوندا عالمی گوزدن آتوب
 گه جدالرده گزوب گه کوللر اوستونده یاتوب
 بو او باشدور عالمه دنیا بویی افغان سالوب
 آردیجا هشتاده دین قول باغلی سرگردان سالوب
 گه جدا اوسته دولاندىردی او باشی نیزه دار
 گه آغاجدان آسدى ظلميله گروه نابکار
 نقل ایدر ابن وُکیده بوردا بیر مبکی خبر
 سنگ خارا اولسا دللر بو خبر ایلر اثر
 کوفه شهرینده دیر گوردوم که بیر عدّه اوشاق
 دولدوروب دامانه داش یکسر ایدوبلر اتفاق
 ایلوللر هر طرفدن بیر درختی سنگسار
 سنگسار ایلردیلر اما دگولدی میوه دار

ویردی یوز حال تعجب سویلديم نه سَرى وار
 میوه سیز نخلی نندن اطفال ایدوللر سنگسار
 ایلديم دقت نه گوردوم اشقیای تیره بخت
 ایلوبلر بیر یارالی باشی آویز درخت
 من دیم نه نوع آسمیشدی او باشی کوفیان
 گلسه شرح ایلر او موضوعی حسین قانین آلان
 باش نه باش ساطعدی رخسارینده لمعه لمعه نور
 باش نه باش ایلوب او نخلی رشگ نخل دشت طور
 باش نه باش مین لر کلیمی ایلین شوریده سر
 نخلی نخل طور ایدوب اتی انالله ذکر ایدر
 باش نه باش شورى هامی عالملى تسخیر ایدر
 باش نه باش کن ترانی لفظینی تفسیر ایدر
 باش نه باش بیر دلستان سرگشته و حیرانیدور
 عاشق جانباز جانان عشق سرگردانیدور
 باش نه باش باشینده بی اندازه وار باش یاره سی
 گوزلرین قان دولدوروب آنیندا وار داش یاره سی

مه یوزونده واردی قاندان ثابت و سیّاره‌سی
 یوخدی بیر سالم یری وار سانه گلمز یاره‌سی
 باش نه باش خاکستره مرآت رخساری باتوب
 کثرت شور محبتدن کول اوستونده یاتوب
 باش نه باش شور محبت هانسی بیر قلبه سالور
 جلب ایدور روحین اونون آرامینی الدن آلور
 باش نه باش گویا آسوبلار بیر قزل گل دسته‌سی
 هر گورن آنلار که وار چوخ بلبل دلبسته‌سی
 باش نه باش قانلو گوزی حسرتله اطرافه باخور
 قطره شبّیم کیمی قان گل جمالیندن آخور
 یاندی حارث سینه‌دن، آخدی گوزوندن گوزیاشی
 فکر ایدوب گلسه گیجه گللم آپارام بو باشی
 ناطق قرآن او دم درج دهانین باز ایدوب
 گلدی گفتاره فصاحتله سخن آغاز ایدوب
 سویلدی یابن وکیده گچ بو فکر خامدن
 ال گوتور صرفنظر قیل بیله بیر اقدامدن

یوخ یولون بو امره قوی اوز حالیميله من قالوم
 نور وجه‌اللهيله جلوه حجاباته سالوم
 سرسری بولمه منیم اسراریمی یابن وکیده
 سَری وار کفّار ایدوب عنقای قاف عشقی صید
 عاشقم اوّل گونون وابسته پیمانیم
 ویرموشم معشوقیمه دل عشق سرگردانیم
 عشق سرگردانی باخماز ملک عزّت شاهیدور
 عزم ایدر هر یر که اوز مطلوبینون دلخواهیدور
 عشق سرگردانیم بیر گلدی باشدا هر یارا
 ارمغانیم دور او گل لر عزم ایدم هاردان هارا
 عشق سرگردانی قویماز فرق خارپيله گله
 رنگینه تغیر ویرمز گل یوزون قویسا کوله
 عشق سرگردانیم دنیانی گوزدن آتموشام
 شاه اقلیم وفایم کول لر اوسته یاتموشام
 عشق سرگردانی بولمز جان ندور یا باش ندور
 ماسواللهدن گیچر بولمز اوغول قارداش ندور

عشق سرگردانیم من باشندان ایتدیم باشیمی
 عشقیمه ویردیم فدا اوز اوغلومی قارداشیمی
 عشق سرگردانی عشقین عالمه اعلان ایدر
 اوز دالینجا بیر نچه دلداده سرگردان ایدر
 عشق سرگردانیم رمزاً بیان ایلر دیلیم
 دائماً آرديمجا سرگرداندی اوز باشیسز ئلیم
 عشق سرگردانی دوتماز یوز بلایادن کنار
 گه چکه لر داره گه باشین ایده لر سنگسار
 عشق سرگردانیم ترک ایتموشم جان و تنی
 شوریم آرتار سنگسار ایتدیقجا دشمنلر منی
 عشق سرگردانیم درد و بلا مشتاقیم
 ویرسه یوز هر بیر بلالی ماجرا مشتاقیم
 عشق سرگردانیم چو خودور بلالی باشیمون
 یتیموب باشه بلالی ماجراسی باشیمون

عشق سرگردانیم قان قاتموشام گوز یاشیمه
 خوشدی دشمن یاغدیرا سنگ عداوت باشیمه
 عشق سرگردانیم هر سمته من اولام روان
 وار باشیم آردینجا سرگردان قالان بیر کاروان
 عشق سرگردانیم عشقی آلوب جان ویرموشم
 سو یرینه گلشن دینه قزلقان ویرموشم
 عشق سرگردانیم نوش ایتموشم صهباسینی
 آلموشام سوق محبتده بلا کالاسینی
 عشق سرگردانیم عشق اهلی آنلار رازیمی
 خاکسار عشق قیلدیم قامت طنازیمی
 عشق سرگردانیم عشاقی حیران ایتیمیشم
 شوره زار کربلانی بیر گلستان ایتموشم
 عشق سرگردانیم قرآن تلاوت ایلرم
 اهل کفری دین اسلامه هدایت ایلرم

عشق سرگردانیم خویش و نلیمدن گچموشم
 گلستانیمدن گلومدن بلبلیمدن گچموشم
 عشق سرگردانیم عشقیله دمساز اولموشام
 ویرموشم عشقین یولوندا باش سرافراز اولموشام
 عشق سرگردانیم غوغایه اوز عشقیم سالوب
 سهل سانام نازپرور قزلاریم باشسیز قالبوب
 عشق سرگردانیم گلزاریمی سولدورموشام
 هر دیاری من شمیم عشقیله دولدورموشام
 عشق سرگردانیم لازمدی سرگردان اولام
 نیزه لر باشینده دائم حامی قرآن اولام
 عشق سرگردانیم گون تک گرک سیره گیدم
 راهبی اسلامه دعوت ایتماقا دیره گیدم
 اهل انجیله یتوزم معنی قرآنی من
 چرخ چارمدن گتورم دیرینه عیسانی من

من گرک باشه ویرم مهر و وفا برنامه سین
 تا سالام هر شهرده شور جزا هنگامه سین
 بو باشیمدور هر دیاره شورش اعظم سالوب
 قتلگاه کربلاده پیکریم باشسیز قالبوب
 خدمتیم ناقص قالار گر شهر شامه گیتمه سم
 ایتماقا تبلیغ قرآن بزم عامه گیتمه سم
 خدمتیم ناقصدی ظلم اشقیانی گورمه سم
 بو یارالی لبده چوب خیزرانی گورمه سم
 چیخموشام بو یولدا من ترویج دین و مذهبه
 نیزه باشینده یول اوسته رههنمایم زینبه
 تابا ال ساخلا یازما بوردا قیل قطع کلام
 چوخ گوزل طرزیه ویردون بو سوزه نظم و نظام
 اعتصام ایله بوراخما سن حسین دامانینی
 یالوار اول مظلومدن آل دردیوین درمانینی

زبان حال حضرت زینب علیها السلام خطاب به

سر مقدس برادرش در کوفه

قیل تلاوت نیزه ده قرآنی سن قارداش حسین
ناقه ده تبلیغ ایدوم اسلامی من قارداش حسین
سس ویر بلالی زینبه، یاسلی عزالی زینبه
حقّی ایداخ قارداش باجی گون تک علن قارداش



سن کلام اللّهی باشلا لحن شورانگیزیله
منده تبلیغات ایدوم بیر نطق آتش بیزیله
کوفه شهرین دولدور اخ بیر شور نهضت خیزیله
تحت تأثیره گله اهل فتن قارداش حسین
گل ویراخ سن نیزه ده من ناقه اوسته ال اله
قویمیاخ ییتسون خلل حکم کلام مُنزله
بولدور اخ خلقه ندور هر یرده اصل مسئله
قالماسون ناحق و حقّی بولمین قارداش حسین

بیر ایشیقلی گوندی باشون نیزه لر باشی فلک
قائلو باشلار دوره ده اولدوزدی آیدی تک به تک
واردی باشیمده منیمده قرخا دین قاره لچک
سایه تک آردونجا گللم شامه من قارداش حسین
کوفیه بولدون گلور بو زینب بی خانمان
پیشواز ایتدون کسیک باشیله ای جان جهان
زینبون ئولسون ندور گل عارضونده تازه قان
اولدی باغیریم قان بو خون تازه دن قارداش حسین
نه روادور گر یولوندا عمریمی قورتارماسام
نه وفادور سنله همرنگ اولماقی آختارماسام
نه محبتدور سنون تک باشیمی من یارماسام
گزلین عشقی ایتمه سم بو گون علن قارداش حسین
اوز وفامی من بو گون دنیا یه اعلان ایلرم
باشیمی محملده یارام خلقی حیران ایلرم
بو آغارموش زلفیمی قانیله الوان ایلرم
تا سنه همرنگ گورسون هر گورن قارداش حسین

جمع ایدوبسن باشوا سن باطراوت گل لری
 آلموشام منده کناره خوشنوا بلبل لری
 حالی پوزقون خسته یورقون سینه ده نسکل لری
 یاخشی ایلوب بلبل و گل انجمن قارداش حسین
 هر یارالی باش اولوبدور بیر آنانین منظری
 چوخ پوزار بو عالم اما لیلی غم پروری
 دائما اکبر یوزونده قالموش آغلار گوزلری
 آغلادور دنیانی بو اوغلی ئولن قارداش حسین
 بیر گوزل گوز که هامی جادوسینه مفتون اولا
 هر تماشاسینده دللر لاله تک پر خون اولا
 حقّی وار اوغلی ئولن لیلا اگر مجنون اولا
 مسکنی دائم اولا دشت و دمن قارداش حسین
 عارض قاسم ایدر جلوه بهاری گل کیمی
 طرّه شبرنگی اطرافین دوتوب سنبل کیمی
 وار یری گلسه آناسی نالیه بلبل کیمی
 گورسه هر یرده گل و سرو و سمن قارداش حسین

حالینه آغلار آناسی چوخ باخار آغلار یانار
 یاندیروب آفاقی حسرتله یاخار آغلار یانار
 بوینی چگنینه یوزه اشگی آخار آغلار یانار
 حسرت قلبی اولوبدور مُرتَهَن قارداش حسین
 درک ایدر گوز قرص مه تک بیر ایشیقی اختری
 عارضه افشان اولوب قانه بویانموش تل لری
 باغریقان ایلر تماشاسی رباب مضطری
 چون صدف گوزدن توکر دُرّ عدن قارداش حسین
 تیر حسرت داغدیده سینه سین ازبس دگر
 دمبدم خون جگر غربال چشمیندن آلر
 بیر بالاسی اولاتان آهو کیمی دائم مَلَر
 گورمیوب اصغر کیمی آهو خُتن قارداش حسین
 شاد اولوب گولمز داخی گر مینلریله گل گوله
 مین بهار اولسا یقین ایتمز نظر گل سنبله
 نه یوزیله بیرده اصغرسیز باخار غنچه گله
 هاردا وار اصغر کیمی غنچه دهن قارداش حسین

وار یری خون دله گر قاتسا زینب گوزیاشین
 باوفا عباس تک قویمازدی هرگز قارداشین
 گورمورم علت ندور قارداش علمدارین باشین
 آیریلوب اول باوفا سندن ندن قارداش حسین
 ای هدایت نیّری رخشنده ماهون هاردادی
 دائماً آرخان ئلون پشت و پناهون هاردادی
 لشگری مغلوب اولان شه سرسپاهون هاردادی
 وای منه هاردا قالب اول مُمتحن قارداش حسین
 من دیمم بیر گوز دولاندور زینب بی یاره باخ
 نه منیم احوالیمه نه عترت اطهاره باخ
 گردنینه غل جامع عابد بیماره باخ
 گور نه احواله قالب اول خسته تن قارداش حسین
 بو رعیت گور نه مظلوم ایلیوب شاه اوغلونی
 دست بسته ساخلیوب محزون یدالله اوغلونی
 ایلسونلر شاد هندیّن شوم و گمراه اوغلونی
 یوخ بيله بیر ملت پیمان شکن قارداش حسین

نه روادور بیر مریض خسته تبار و ضعیف
 ناقه سی عریان و بدرفتار اولا چوخ چوخ نحیف
 گون قباقی سایبان یوخ جسم اوزی گلدن لطیف
 یوخدی بو بیماره بیر رحم ایلین قارداش حسین
 من دیمم لازمدی ایتسونلر طبابت ناخوشا
 من دیمم اولسون فراهم استراحت ناخوشا
 ایتمه سونلر لامحاله چوخ شماتت ناخوشا
 باغریقان اولدی بو رنجور محن قارداش حسین
 بو صغیره قز گلوبدور گور نجه نی تک دیله
 سنده دور دائم گوزی اشگی آخار بی فاصله
 بیر دانیشدور گوگلون آل بو باغریقانه لطف ایله
 تلخکام غمدی بو شیرین سخن قارداش حسین
 سهل دور اشگون حسینیم گوزده قانه قاتموسان
 خطّ و خالون اشگ خون آلودیله ایسلامتوسان
 وای منه یوخسا باجون ئولسون کول اوسته یاتموسان
 کول لره باتموش بيله وجه الحسن قارداش حسین

ای اولان مهر و وفا چرخینده بدر کاملیم
 عارضون دوتقون گورنده دلدۀ آرتار نسکلیم
 نه یتور بو ال کولی گل تک جمالوندان سیلیم
 وار نه بیر مرآت رخسارون سیلن قارداش حسین
 اولدی همدم تائبه بیر نوحه خوان آدی کریم
 رشته نظمه دوزولدی بیله بیر درّ یتیم
 آرزو ایلله قبرون ای کریم اوغلی کریم
 ایسته باهم قبریوه بیر وقفه سن قارداش حسین

احوال اهل بیت عصمت و طهارت در راه شام

اولوب چون آل علی دستگیر لشکر شام
 مخدراته ایشیق گوندوز اولدی لیل ظلام



دمشقه سرعتیله کاروان روان اولدی
 یول اوسته گوز یاشی گوزلرده دوندی قان اولدی
 دایاندی قافله شامین یولوندا بیر یرده
 سپاه شام اوزونه قوردولار سراپرده
 چادردا دالالانوب اشقیای بدکردار
 ولیک گون قاباقیندا قالبوب خانم قزلار
 اولار چادردا گیدوب راحت اولدی نازیله
 گون ایستی سینده بولار قالدی سوز و سازیله
 اولار تمامیمی مشغول عیش و نوش اولدی
 بولار قالبوب گون ایوینده گل اوزلری سولدی
 اولار ایچوب سو اولوبلار تمامیمی سیراب
 بولار اولوبلا سوسوزدان گون ایستی سینده کباب

ویرردی سو اولارا الده جام سقّاسی
 بولاردا حسرتیله یاد ایدردی عبّاسی
 دیردیلر بالالار دلدّه آه دردآمیز
 نه یاخشی دور یانیمیزدا اولیدی سقّامیز
 گوریدی حالیمیزی ایلیدی امر صواب
 ویریدی سو بیزیده ایلیدی بیر سیراب
 هزار حیف او وفالی بیزی نظردن آتوب
 سالوب یولا اوزی لب‌تشنه سو یانیندا یاتوب
 اولار ایچوب قالانین سَپدی آت ایاقینه
 بولار باخوب سویا قویدی الین دوداقینه
 گون ایستی سینده بیرری گر قالّا سوسوز چولده
 بولر نه چکدیلّه آل‌عبا سوسوز چولده
 گلور خیاله خانملار نه حالتّه قالدی
 سو ایسلادان یرّه اطفال اوزلرین سالدی
 کناردن بیرری باخدی حیاتدن دویدی
 بیررسی سینه‌سینی سو آخان یرّه قویدی

چادرلار ایچره گیدوب راحت اولدی شوم سپاه
 بولار گتوردی ولی ناقه سایه‌سینه پناه
 او شهریار که عالم‌ره پناه اولدی
 اوزونه سایه ناقه پناهگاه اولدی
 مریض امامون او گون امری بیر یرّه دایانوب
 که ناقه سایه‌سینه گون ایوینده دال‌الانوب
 نجه روادی امام امری بیر یرّه دایانا
 که ناقه سایه‌سینه گون ایوینده دال‌الانا
 ندن‌دی اولمادی ویرانه عالم ایجاد
 دوشنده ضعیفه اول قطب عالم ایجاد
 اولار که گُللر* اولاردان اولاردی شهرمنده
 اولوبلا سایه خارّه او گون پناهنده
 نجه روادی خدا خار کامکار اولسون
 بتول گُللرینون پاسبانی خار اولسون
 غرض او قافله سوی دمشقّه باغلادی بار
 سوار اولوب هامو یوللاندی شام شومه قطار

او چولده بیر بالا دنیانی گوزدن آتموشدی
 بولنمورم که ایدوب ضعف هاردا یاتموشدی
 گلنده هوشه او عفت نهالینین ثمری
 نه گوردی کوچ ایلوبلر گیدوبله عمه لری
 نه چاتدی زینبه ال نه باجیسی فاطمیه
 نه آیری بیر کسه چوخ دوشدی خوف و واهمیه
 او دشته اوزونه ئولمه میش عزا قوردی
 سرشگ حسرتیله گوزلرینی دولدوردی
 ایاقه وحشتیله دوردی گوزلری گریان
 او قورخولی چولی بیر قدر گزدی سرگردان
 برهنه پائیله چولده گیدردی صاق و صولا
 قویوب الین باشینا دمبدم باخاردی یولا
 دیدردی گیتمه دایان عمه اولدی باغیریم قان
 ایدوم نه چاره که قالدیم بو چولده سرگردان
 بو شام یولارینی ماه پاره سیز گیتمه
 بو چولده قویما منی بیله چاره سیز گیتمه

او قافله یانیجا گون گیدور قمر گیدوری
 دوشوب ستاره قالوبدور ستاره سیز گیتمه
 بتول گلشنینون گلرین کناره آلوب
 اماندی عمه بو خسته هزاره سیز گیتمه
 بو سؤگلون نجه گل گور دوشوبدی قاره گونه
 چیخانماز آغ گونه بو بخت قاره سیز گیتمه
 او گلشنی که سنیه گیدور دگول گلسیز
 نجه روادی اولا خوش ترانه بلبل سیز
 بو مبتلای غمین کسمه راه چاره سینی
 یتور او قافلیه گلرین هزاره سینی
 گوزلدی عمه مصاحب گل اولسا بلبلیه
 ویره نفس نفس بلبل حزین گلیله
 نولی وصال گله رشته فراقی کسه
 یتیم باجیلاریمایا بیر ویراخ نفس نفس
 بو اودلانان اورگیم اودلانور بو بیر سوزدن
 مگر یتیمه قزی عمه سی سالار گوزدن

منیم بو قورخولی صحرا ده وحشتیم چوخدور
 دولانورام سسیمه کیمسه سس ویرن یوخدور
 مگر یتیمه قزا بیر نفس ویرن اولماز
 سسینه ناله ایدن دمه سس ویرن اولماز
 مگر یتیمه اولاندا بیری بو دنیاده
 گیدوب سالالا اونی هولناک صحرا ده
 بابام گیدنده ایدوبدور منی سپرده سنه
 نددنی اولموسان ای عمّه کم علاقه منه
 بو چولده بس دیموسن خسته دل قالان قز وار
 هرایینه یتن اولماز صغیره دور قورخار
 رسوم مهر و وفانی غریبه ترک ایتدون
 منی بو قورخولی صحرا ده ترک ایدوب گیتدون
 او قدر قالمور ایده غصّه زهره چاک عمّه
 یاخونلا شوبدی اولام قورخودان هلاک عمّه
 بو نابلد چول اوزی قورخولی صغیره اوشاق
 ایدوم نه چاره دوشوب تل اوزاق قبیله اوزاق

امیدیم ایمدی بو صحرا ده بیر یره گیتمز
 او کاروان غمه بیرده بو الیم یتمز
 غریبه قافله عشق دن اوزولدی الیم
 تانومورام یولی آردوزجا پایاده گلیم
 دولانموشام دیمورم پایاده زار و فگار
 بورولموشام اوزوم اولموش ایقلاریمدا قبار
 اگر یولی تانیسام سانما آنی دینج لرم
 یتونجه قافلیه مستقیم یول گلرم
 الیم یته سیزه گر بیرده مهربان عمّه
 داخی ئولونجه من آیریلما رام بیر آن عمّه
 عزیزیدیم عجب علامده خوار و زار اولدوم
 حسینه بیر گلیدیم من اسیر خار اولدوم
 دولاندی گون قاباقیندا گهی او سینه ده آه
 گتوردی خار مغیلانه گه او چولده پناه
 بویاندا بو بالانون دوندی قانه گوزیاشی
 او سمتده دایانوب نیزه ده حسین باشی

ویرنمیوب حرکت نیزیه گروه دنی
 آغیرلاشوب سر سبط شهنشہ مدنی
 دونوب او قانلو گوزیلہ باخوب دالی طرفہ
 اشارہ ایلدی بیر ماجرای پُراسفہ
 کہ یعنی صبریمی بیر غملو ماجرا آلوری
 دوشوب یول اوستہ منیم بیر گوزل بالام قالوری
 محبت عالمینون ترکیں ایتتم هرگز
 بالام تاپولماسا بو چولده گیتتم هرگز
 او حالده متوجہ اولوب خانم زینب
 بو سَرَدن ایدوب احساس واردی بیر مطلب
 یانوب اورکدن او دم جام چشمی قان ویردی
 اسیرہ قزلارا بیر بیر یول اوستہ سان ویردی
 گوروب تمامیسی حاضردی غملری چوخدور
 حسین یتیمہ لریندن ولی بیر یوخدور
 بولوب یول اوستہ دوشوبدور دیلینده دادووغان
 او نازنین بالا چولده قالوبدی سرگردان

پوزولدی حالی وقاریله دختر زهرا
 او حالده ایلدی ساربانہ بیلہ ندا
 قطاری ساخلا گونوز گوزلریمده تار اولدی
 کسیلدی طاقت دل سلب اختیار اولدی
 قطاری ساخلا حسین باشی نیزہده دایانوب
 دونوب یولا نگران شاه تاجدار اولدی
 او بیر باخیشدا بیان ایلوری دوشوب بیر قز
 قالوبدی چولده یقین تیرہ روزگار اولدی
 تاپولماسا او بالام گیتتم بو صحرادن
 گرک تاپام گورم هاردا غمہ دچار اولدی
 الی اوزولدی ئلیندن کمال حسرتیلہ
 بو چولده قافلہ عشقدن کنار اولدی
 برهنہ پائیلہ ایمدی صاقا صولا گیتدی
 لطیف ایاقلارینون آلتی زخمدار اولدی
 ایاقلاریندان آخوب قان قدم گوتوردوقجا
 بیویاندی دامنه دشت لاله زار اولدی

بولنمورم که قالبوب هانسی خاره دالالانوب
 خزان او نوگل نوخیز نوبهار اولدی
 هزاره چمنیدی حسینیمون او بالا
 گوروم هایاندا دوشوب لال اول هزار اولدی
 بولنمورم که او آهو باخیشلی کبک خرام
 هایاندا دوشدی اجل دامینه شکار اولدی
 صاقا صولا دولانوب ایمدی عمه جان سسلر
 کیم اول یتیمه قزا یار و غمگسار اولدی
 دینده عمه اونون گلمیوب سوزونه جواب
 نجه دوتولدی نه اندازه بیقرار اولدی
 یقین که قلبینه قان دامدی خوف و وحشتدن
 بسان لاله دل زاری داغدار اولدی
 حسین عزیزه سی یالقیز وسیع بیر صحرا
 هارا دایاندی ایشی هاردا خوار و زار اولدی
 اوقدر ایاقلارینون قانی گوزیاشی یرده
 آخوب گیدوب او سوسوز دشت چشمه سار اولدی

گونون حرارتی چول ایسی آه آتشبار
 کباب ایمدی سوسوزدان او گلغزار اولدی
 او بیر بالادی حسین گلستانینه گلیدی
 چمندن آیری دوشوب هم نشین خار اولدی
 حجاز عزیزه سی آیریلدی اوز قطاریندن
 عراق دشتی او شوریدیه حصار اولدی
 دیوب بلالی خانم بسکه دلنشین سوزلر
 ایدوبدی خلقه اثر اشگیله دولوب گوزلر
 همین او حالده سردار لشکر منفور
 تاپا او خرده قزی زجری ایلدی مأمور
 دیر که راوی تانوردوم او سست ایمانی
 بولوردوم اینجیده جاق گر تاپا او نالانی
 او ظلمی بولمدیم اول طفل زاره زیبنده
 گیدنده گیتدیم او ملعونیلن معاً منده
 همین گلن یولا ایتدوق دوباره دن رجعت
 او قزی تاپماقا ایتدوق او چولده جدیت

او نازنین بالائی تاپدوق اوزگه حاليله
 يوموشدى عارض گلفامين اشگ آيله
 فُسرده خاطریدی حالی چوخ شکسته ئیدی
 زبس دولانموشیدی یورقونودی خسته ئیدی
 دوتولموش ابر تک آغلار قالان گوزی واریدی
 بیان ایدیدی اگر دیلده چوخ سوزی واریدی
 بوغاز بیچیلدی زبسکه واریدی شرم و حیا
 اورکده ساخلادی دردین دینمندی آبداء
 بیزی گورنده باخوب چشم اشگباریله
 سلام ویردی ازده بیزه وقاریله
 که یعنی منده بولون اهل دین و قرآنم
 حجاب اهلیم عصمتلیم مسلمانم
 جفا بساطینی زجر ایستدی اودم قورسون
 شقاوتیله او بیکس قالان قزی وورسون
 دیدیم بساط جفا بیله قورما ای ظالم
 اوتان یتیمه دی بو طفلی وورما ای ظالم

یتیمه دور آتاسیز دور بونون غمی چوخ دور
 ایله یارالیدی قلبی که مرهمی یوخ دور
 گورنده رأفتی مندن او چرخ عفته ماه
 جفای زجر شقیدن منه گتوردی پناه
 پناه گتدی سخیلدی رکاییمه او بالا
 مباد زجر ووروب طاقتین الیندن آلا
 دیدیم هراس ایلمه قویمارام سنی وورسون
 گل جمالوی باد ستمله سولدورسون
 سنی گوز تلوری هم عمه هم باجون هم آنان
 تیکوبله یولآرا گوز انتظار یله نگران
 یورولموسان سنی گل ترکیمه سوار ایلیوم
 قبیله وه یتوروب کسب افتخار ایلیوم
 بویوردی من گل گلزار عصمت یاشیخ
 جهاندا صاحب ناموس و عفتم یاشیخ
 آتام حسیندی جدّه مدی حضرت زهرا
 بابام علی ولی جدّ اطهریم طاها

عفیفه پرده ناموسدن کنار اولماز
 یول اوسته ترکیته نامحرمین سوار اولماز
 محال دامن نامحرمه اوزانسون الیم
 سیز آت سورون سیزون آردوزجا من پیاده گلیم
 خیال ایلمیون بیر دقیقه دینجکرم
 پیاده منده سورونم سیز یله یول گلرم
 او باخدی دولدی بیزه، بیز باخوب اونا دولدوخ
 سوار حالیه بیر قدر رهسپار اولدوخ
 او قزدا پای پیاده بیز یله یول گلدی
 یول اوسته نه دایانوب نه دوروب نه دینجلدی
 شکسته دل سورونوردی او نازپرورده
 گلنمدی اوتوروب قالدی لیک بیر یرده
 دونوب باخاندا نه گوردوم که گوزیاشی آخوری
 دولان گوز یله ایاقی یاراسینا باخوری
 اسیرلیق غمی جانہ زبس اونی یتوروب
 ایاقلاری الی تتر ایلہ اوزون ایتوروب

باشیندان آچدی او دم معجرین او بیچاره
 الینده پاره لیوب ایلدی ایکی پاره
 باخوب ایاقلارینا اذن ویردی گوزیاشینا
 بیرین ایاقلارینا باغلادی بیرین باشینا
 ایاقه دوردی یریندن او نازدانه بالا
 او حالتیله گینه پایاده دوشدی یولا
 شکسته حالیه اشگین عذاره باغلاردی
 یتونجه قافلیه یول گلردی آغلاردی
 سوروندی گلدی بیز یله اودا او یول اوسته
 یتیشدی قافلیه خسته حال و دلخسته
 دولی گوز یله او عصمت مأب دُر دانه
 دونوب آتا باشینا باخدی بیر یتیمانه
 یانا یانا او زمان اذن ویردی گوزیاشینا
 خطاب ایدوب بو دلیلہ آتاسنین باشینا
 نه ظلم ایدوب بابا گور سنگدل سپاه منه
 که روز روشن اولوب لیله سیاه منه

آلولا معجر گلدوزیمی جفائیله
 آچاندا غارت الین قوم دین تباه منه
 گورنده ظلمیله گلدوز معجریم آلوب
 ویروبدی قمچی ووران معجر سیاه منه
 ایدوبله ناقة عریانه گه سوار منی
 اولوبدی توشه ره یولدا رنج راه منه
 ووروب یخوبلا گهی چولده قالموشام یالقیز
 تاپولمیوب اولا بیر کیمسه دادخواه منه
 ایاق یالین دولانوب چولده دوشموشم دلسیز
 کنار خار مغیلان اولوب پناه منه
 قبابر ایاقلاریمون قانی قانلو گوزیاشیم
 نشان ویروبدی عیان قانلو بیر میاه منه
 دولانموشام چولی چوخ صاق صولاسز یلداموشام
 ویروب صدا او سز یلتیمدا گل گیاه منه
 نقدر آغلاموشام من سز یلیدیوب ایاقیم
 گوزوم یاشی ایاقیم قانیدور گواه منه

گل جمالیم ایله کهربا کیمی سارالوب
 که رشگ ایدر یوزومی گورسه رنگ کاه منه
 بویور خانم بی بیمه سالماسون منی گوزدن
 نظارت ایلسون اول فاطمی نگاه منه
 بیر آن غفلت ایده گر خانم بی بیم مندن
 آچار جسارت الین سنگدل سپاه منه
 یقین وورالار او قدر ئولدوروله یولدا منی
 ترخّم ایلمز اشرار کینه خواه منه
 نقدر دردییم اولا سینه ده گینه آزالار
 او قانلو گوزلر اگر باخسا گاه گاه منه
 محبتون آزالوب دور نقدر یالوار پورام
 آچوب رؤف گوزون ایتموسن نگاه منه
 گوزومی اشگ دوتوب یا منیم گوزوم گورمور
 بولنمورم ویروب اوز حال اشتباه منه
 باشون فداسی ندن یوز گوزون کوله بلشوب
 باخاندا آرتوروری دلده سوز آه منه

وفا سپهرینه بیر اولدوزام یارالی باشون
گونوز گونومدی قرانلوق گجمده ماه منه
ئولونجه بو یارالی باشدان آیریلان دگولم
ولو خرابه شام اولسا خوابگاه منه
پیاده یول گیدرم بیر دقیقه اینجیمرم
به شرط رهبر اولایولدا رأس شاه منه
گورن بو حالیمی ذلتده بولسه قوی بولسون
بو خط سیرده وار عمده عز و جاه منه
یازاندا بو سوزی تائب تشکريله دیدی
بو خوش بیانی ویروب مقتدر اله منه
بو بیر خبردی که نظمه دوزولدی عنوانی
وار اوزگه بیر خبر اولدار تمام دنیانی
بو طرزیه که بیان ایلورم بو غملو سوزی
همین بو طرزیه خسروشی بو یورموش اوزی
علاوه ذکر ایلوب سید شهاب الدین
همین بو واقعه درد و غمفا شرحین

علاوه بوندان یکی عالمین دین سوزودی
کتابه ابن شکوئی یازان سوزون اوزودی
همین کتاب آدی مصباح دور او شیخ کبار
صحیفه اوچ یوز و دوخسان بشینده بیله یازار
شکسته حالیه اطفال شهریار نجف
گیدردی شام یولوندا دیار شامه طرف
حسین یتیمه لریندن بیری چوخ آغلاردی
اسارته دؤزه بولمزدی سینه داغلاردی
او دمده زجر دیدی آز منی کباب ایله
یتیمه بسدی داخی ناله ایتمه بیر بیله
اورگی درده گلوب تازه دن او نازلی بالا
یوزون جدایه دوتوب عرض قیلدی یا اَبَتَا
بو بس دگول که سو ویرموبله ئولدورنده سنه
یول اوسته مانع اولور زجر آغلینده منه
دیر ووراق سیزی بیز ئولدوراخ سیز آغلامیون
دانشمیون دیمیون بلکه سینه داغلامیون

بو سوزده زجر شقاوتده حدّدن چيخدی
 او نازنين بالانی ووردی ناقةدن یخدی
 او ساعتی که اونی زجر ناقةدن سالدی
 دوشوب او دشته بی هوش او نازنين قالدی
 حسین تشنه لب تشنه لب جگر گوشه
 بیر آز صورا آییلوب ضعفدن گلوب هوشه
 گوروب قبیله گیدوب وار نه عمه لر نه آنا
 دوروب ایاقه قاچوب بیر قدر اویان بویانا
 حیاتدن داخی اول نازنين الین اوزدی
 یول اوسته گل یوزونه اشگ دانه سین دوزدی
 قاچاردی صاق صولا سسلردی عمه جان گیتمه
 اماندی ساخلا ایاق باغیریم اولدی قان گیتمه
 اماندی ناله سسیم چرخ اطلسه چيخدی
 ستمله زجر منی ووردی ناقةدن یخدی
 دلینده ناله زبس که دولاندی خار اوسته
 او گلعدار یورولدی داخی اولوب خسته

جواب گلمدی اولدی جوابدن مأیوس
 دگیشدی طرز بیانین او محنته مأنوس
 دلینده و آبّا دم بدم گلوب داده
 دیردی چولده یخلدیم بابا یتیش داده
 ندن رسوم وفانی بو چولده ترک ایدوسن
 قالوب یتیمه قزون ای بابا هارا گیدوسن
 ایدنده بو دلیل ناله گوزده گوزیاشی
 جداده دوردی داخی گیتمدی حسین باشی
 گلوب یتوردیله سجّاد امامه احوالی
 اولاندا سیّد سجّاد او حالدن حالی
 بویوردی زینب نالانه عابد نالان
 بابام باشی دایانوب آیری سر ایدور اعلان
 یتیمه قزلارا سن ویر بو یرده سان عمه
 دوشوب یول اوسته یقین واردی بیر قالان عمه
 گچوب او حالدّه گوزیاشی زینبون قاندان
 گچیتدی قزلاری یول اوسته بیر به بیر ساندان

چاغوردی قزلاری بیریر آدیله اول بی کس
 جواب ویردی هامی لیک ویرمدی بیر سس
 بولوب دوشوبدی یول اوستونده بیر یتیمه قالوب
 بو قصه زینبن الدن قرار و صبرین آلوب
 اورک یانوب گوزونی گوزیاشیله دولدوردی
 گلوب نوایه ایکی اللی باشینه ووردی
 اوزونی ناهقه دن آتدی یره او کان ادب
 مباشر اولدی اونی تاپماقا خانم زینب
 گلن یولا قییدوب دیده پر آبیه
 سراغ ایدردی او شیرین دلی شتایله
 گوزونده اشگ دلینده نوا او کان حیا
 گزردی چوله ایدردی بو دل لریله ندا
 هایاندا قالموسان سینه مین قراری بالا
 سسیمه سس ویر حسینون گل بهاری بالا
 بو دشته شور سالوب هاردا دوشموسن دیلسیز
 حجاز گلشنینون خوشنوا هزاری بالا

دولانورام چولی هر یردن عطریوی آلورام
 دوتوبدی عطرون عجب دشت و کوهساری بالا
 دولانموسان چولی بوللم چوخ عمه سسلموسن
 یورولموسان کسیلوب سینون اختیاری بالا
 پیاده قاچموسان ازبس بو چوله صاق و صولا
 ایاقوین بولورم واردی چوخ قاباری بالا
 قابر ایاقلاریوین آلتینا باتوبدور خار
 یتوب ایاقلاریوا چوخلی زخم کاری بالا
 ایاقلارون قانی صحرانی قرمزی بویوب
 ویور بو دشت نشان صحن لاله زاری بالا
 سخیملوسان دی گوهروم هانسی خار سایه سینه
 حسین تشنه لبون طفل گلعذاری بالا
 گل اوزلی غنچه دهن دوشدون آیری گلشدن
 هایاندا اولدی خزان عمریوین بهاری بالا
 بولنمورم که سن آهو باخشلی کبک خرام
 هایاندا اولدون اجل دامینون شکاری بالا

اوزون دوشوب بو بیاباندا قالموسان یالقیز
یول اوسته ساخلاموسان بیر بلوک قطاری بالا
قالوب آنان نگران وای بالام دیر آغلار
ایدوب سرشگی گل آلوده رهگذاری بالا
یول ایسلانوبدی زبس گل نشین اولوب ناقه
دوشه قطار یولا یوخدی اقتداری بالا
حیالی فاطمه هی سسلنور باجیم قالدی
دوتوبدی کوه و بیابانی آه و زاری بالا
اودور بو قافله نین ماهی سنده اولدوزیسان
سنون یولوندا قالوب چشم اشگباری بالا
گوزتلوری یولوی آغلوری آنان لیلا
علی اکبرین ای نازلی یادگاری بالا
بابان باشی دایانوب نیزه ده داخی گتمز
باخور گلن یولوا چشم انتظاری بالا
حسیندن خجل اولام آپارماسام سنی من
گوزتلوری منی اول عشق تاجداری بالا

دلینده وای بالا حیران گزردی صحرانی
او چولده بلکه سلامت تاپا او نالانی
یاناردی دلدن او خاتون او حال پُر آسفه
علاقه سی اونی هر دم چکردی بیر طرفه
یتنده بیر یره گوردی او معدن عصمت
کنارده اوتوروب بیر سیاهپوش عورت
آلوب همین بالانین باشینی دیزی اوسته
محبّتیله اونی ساخلیوب گوزی اوسته
زبس او قز یورولوب عالمی نظردن آتوب
او عورتون دیزی اوستونده دنجلوبدی یاتوب
چاتوبدی عین همراه او سوز و سازه
جهانه ناز ایدوری یوخلیوبدی نازيله
بو یوردی زینب مظلومیه او حورسیر
یتیمه نی بیله ساخلالا بو جهاندا مگر
یتیمدار اولان نازيله گيجه یاتماز
یتیم اوشاقلاری گوزدن دقیقه ای آتماز

آلوب کنارینه هر درد و غصّه دمسازین
 چکه ئولونجه گرک هر یتیمه نین نازین
 علاوه سنسن حسین شهید قیّومی
 گوز اوسته ساخلاگیلن بو صغیره مظلومی
 سنه نقدر قزیم ناز قیلسا نازيله
 تمام نازینی چک سنده مین نیازيله
 بو سوز جهانده مشهور دور مسلم دور
 یتیمه گوگلونی آماق ثواب اعظم دور
 نقدر زحمتی چوخ اولسا آز حساب ايله
 یتیمه دور بو بالا گوگلون آل ثواب ايله
 بو نازدانه نی سن جان کیمی کنار یوه آل
 اورک یارالارینا خوش دلیلہ مرهم سال
 یانوبدی نچه زمان دور آتا فراقینده
 بونون خزان اثری واردی گل دوداقینده
 یاخونلاشوب گوروسن عمر گلشنی سولسون
 او قدر قالموری عالمده غصّه مرگ اولسون

اماندی مهر و وفا رسمینی ایتیرمه قزیم
 یتونجه شامه بو قزدان گوزون گوتورمه قزیم
 خرابه یرده حسینون باشی قوجاقینده
 غمیلہ جان ویره جاق دور دوداق دوداقینده
 بو سوزده زینب مظلومه اودلانوب دلدن
 خطاب قیلدی بیان ایت منه گوروم کیمسن
 مگر عزایه باتوبسان نه غم لباسیدی بو
 گیوبسن اگنیوه آیا کیمین قراسیدی بو
 اوزیوی ایلموسن هانسی شمعہ پروانه
 بو ساچلارون بویانوب هاردا قرمزی قانه
 ندن بیله پوزولوبسان دچار محنتسن
 ندور دلیلی که بیله خمیده قامتسن
 توکورسن اوغلی ئولن لر تک اشگ خون گوزدن
 بو قان کیمین قانیدور زلفوه یاخوبسان سن
 بلالی زینبون اود سالدون اودلی سینه سینه
 سسون چوخ اوخشیوری فاطمه آنام سسینه

منیم آنامدا بيله خوش بیان و صحبتیدی
 اودا سنون کیمی عیناً خیمده قامتیدی
 خمیده قدلوقوندان بتول منظر سن
 بیانده دانیشقدا آنامه بنزر سن
 جواب ویردی خانم زینبه او حور شیم
 بلا خزینه سی پهلو شکسته فاطمه یم
 او گون که ثانی ایاقدان منی ستمله سالوب
 سینوب قابرقالاریم قامتیم خمیده قالوب
 مدینه دن چیخالی بو خمیده قامتیه
 الیم بئلیمده دولانام بنات عصمتیه
 بو قاره که گوروسن درد و غم لباسیدی بو
 عزالی بیر آنیام اوغلومون قراسیدی بو
 شهید اولوبدی بالام قالموشام یانا یانه
 بو ساچلاریم بویانوب قتلگاهده قانه
 دیوم صریح همین قان حسین نشانه سیدور
 اولونجا حشر منه آغلاماق بهانه سیدور

سزیدلارام دیرم نور هر دو عینیم وای
 دؤزن بلالره مظلوم ئولن حسینیم وای
 دیمه که عترتیمی بیر دقیقه ترک ایدرم
 بالالاریم گیده هر سمته آردیجا گیدرم
 حسین یتیمه لریندن گوتورمرم گوزومی
 بیر آن چکرم اطفالدن کنار اوزومی
 سینوب قابورقالاریم گرچه ناتوانم من
 یتیمه قزلاریمایک پاسبانم من
 گیدنده هوشدن هر بیر یتیم دلخسته
 محبتیه باشین آلموشام دیزیم اوسته
 آلوب او خسته آلامی جان تک آغوشه
 گتورموشم اونى مین رأفتیه من هوشه
 دوشنده خوفه بیرى آلمیشام اورک سوزونی
 حسینیمون یرینه اوپموشم گوزل یوزونی
 ایدنده ناله قزیم سن فغان و شیونیه
 اوزومده اولموشام هر یرده همصدا سنیه

سنیله هریره باهم گلوب دولانام من
 سسوه سس ویررم غملریوه یانام من
 غرض او نوگل نوخیزی حضرت زهرا
 او باغبان غمه ویردی دیلده شور و نوا
 او گلعداری خانم اوز قوجاقینه گوتوروب
 یوزون اوپه اوپه محنت قطارینه یتوروب
 ایدوبسن ایمدی که تائب قبول خدمت شاه
 یازاندا یاز سوزوی خاطراً لِوَجْهِ اللَّهِ
 اولار که دیدۀ تحقیریله باخور سوزوه
 اولوبلا منکر معصوم نه سنون اوزیوه
 تنور خولیه فریادیله گلن زهرا
 تاپار یول اوسته بالاسین بدون چون چرا
 او حالیه گوره گر زینب فرشته مآب
 او یازدوقون تک اولار مطلقاً سئوال و جواب

احوالات ورود اهل بیت به شام

وارد ایدنده شامه حجازین قطارینی
 اهل عراق دوتوموشودی رهگذارینی
 ❖❖❖❖❖
 اسلام ماتمیدی ولی ملت دمشق
 ایتمیشدی عید عام او گون کاروبارینی
 دوتوموشدی بام و برزنی عیش و سروریله
 آتموشدی باشدن هاموسی ننگ و عارینی
 اهل دمشق گاه دیوب گه گولردیلر
 دوتوموشدی هایهولری شامین دیارینی
 اما حجاز عزیزه لری چوخ شکسته دل
 ایلوب نوا یخاردی مخالف حصارینی
 شامین او گون کی گون واریدی اوزگه عالمی
 شرحی آلور تمام گوگل اصطبارینی
 اهل حرم قولوندا رسن سینهنده نوا
 گوزده گورردی شام سیه روزگارینی

صاق صول شماتت اهلی ایدوب طعن کف چالان
 آلموشدی اهل بیت رسالت کنارینی
 گه کول سَپوبله عترت اطهار باشینه
 گه اود آتوب آلوبلا گوگولر قرارینی
 گاهی یانوب عمامه سجّاد عابدین
 الدن آلاردی صبر دل بی قرارینی
 اما امام باقر آناسی شکسته حال
 آغوشینه آلوب او گوزل شیرخوارینی
 ایستردی ساخلیا قوجاقیندا بالاسینی
 مشکل اولوردی حفظ ایده باشدا خمارینی
 رخسارینی دوتاندا او ناموس معدنی
 ممکن دگولدی ساخلیا اوز طفل زارینی
 گوردی بو حالی حضرت سجّاد عابدین
 آرتوردی دلدّه آتش حسرت شرارینی
 سویلوب منی ازلده آنام دوغمیدی کاش
 من گورمه میش بو نوع بو دوران مدارینی

دنیا به باخ امام دویوبدور حیاتدن
 ازبس گوروبدی دور فلک انزجارینی
 قرآن او خوردی نیزه باشیندا حسین باشی
 باطل ایدردی اهل دمشقین شعارینی
 اثبات ایدردی حقینی اول قوم باطله
 هم بولدورردی آل علی اعتبارینی
 مشغول ایدردی اهل تماشانی دوره ده
 تا قزلارینا سالمیا دشمن نظارینی
 زینب دوشوب او باش دالیجا قولدا قید ظلم
 منظر ایدردی رأس شه تاجدارینی
 ایما ایدردی خلق او باشا زینبه او باش
 سالمزدی آنی گوزدن او غم لر دچارینی
 یعنی که سندن ای باجی من گوز گوتورمرم
 سالماز گوزوندن اهل وفا غمگسارینی
 من نیزه ده کسیک باشیله ناقه اوسته سن
 سیر ایلایاق بو شهرین هامو رهگذارینی

من باشه جمع ایدوم نچه گل یوزلی مه جبین
 سن آل کناره نچه مصیبت هزارینی
 سن باخ منه جداده باخوم من سنه باجی
 اعلان ایداخ محبت و عشقین عیارینی
 بیرده گوزون گوتورمه بو نازلی رقیه دن
 آل رأفتیله درد و غم بی شمارینی
 ناز ایتسه مین نیازیله چک سنده نازینی
 قویما سولا او گلشنیمین گلعذارینی
 قویما چوخ آغلاسون آتاسیزدور یتیمه دور
 یکسان ایدوبدی غصه سی لیل و نهارینی
 دؤز زحمتینده زحمتی آزدور یاخین زمان
 باد اجل خزان ایده جاقدر بهارینی
 لایلا ایدردی منظر علی اکبرین باشین
 سالمزدی گوزدن آنی او سیمین عذارینی
 چیگنینه بوینی اللری قوینوندا دلغمین
 اودلاردی سوز آهی دل پُر شرارینی

گوزدن توکردی دامینه شور گوزیاشین
 شهزاده نین گورنده او چشم خمارینی
 آهسته نرم نرم سزیلداری بی صدا
 پنهان ایدردی درد و غم بی شمارینی
 رمزاً دیردی لیلی مجنون نمایه باخ
 گور داغلی سینه سینده اولان استنارینی
 مجنون عشقدور بو آنان تار عشقوه
 وابسته ایلیوب دل شوریده تارینی
 باشون دالینجا هر یره گیتسن گلر علی
 آسان سانار یولون هامو رنج و فشارینی
 قاسم باشین آناسی گورنده چکدری آه
 بی صبر ایدردی سینه زار و فگارینی
 باخدیقجا لاله رنگ اوزونه دلدن اودلانوب
 هر دم اوغوشدوراردی دل داغدارینی
 مژگانینی قلم ایلیوب گوزیاشین مداد
 یوزده یازاردی شرح غم بی شمارینی

یعنی که سنسيز ای بالا هیهات اوزوم گوله
 من باغلیام گرک یوزه گوز جویبارینی
 سنسيز باخار نجه بو آنان سُنبله گله
 گلشن لره سالار نجه بیرده گذارینی
 هر دم دیردی بیر نولی باشین اگه بالام
 بیر باغریما باسام او سر زخم دارینی
 بلکه درون دلدی کی حسرتلر آسکیله
 تا سوندورم بو سینه پُر نار نارینی
 آغوشه چوخلی عورت آلوب اوز اوشاقلارین
 گلموشدی گورماقا اُسرانین قطارینی
 گورجاق بو حالی اصغر آناسی خانم رباب
 حسرت ایدردی تیره اونون روزگارینی
 دلدن دولاردی درده باخاردی جدالره
 مدّنظر ایدردی سر شیرخوارینی
 ایلوب گوزردی جلوه سی قرص قمر کیمی
 شامین ایشیق او عالم تاریک و تارینی

هاله مثال رشگ قمر عارضه توکوب
 قانه باتان او زلف تر و مشگبارینی
 باد صبا دگنده وورور صاقدن صولا
 زلف سیاه خم به خم و تابدارینی
 آسدیقجا اصغرین عربی تل لری باخوب
 تیتَرردی آسدیرردی دل بی قرارینی
 بیردن دامارلاندی اونون اودلی سینه سی
 قلبینده آرتوراردی اولان استنارینی
 قلبین اوغوشدوروب دولوب ابر بهار تک
 گریان ایدردی چشم تر و اشگبارینی
 سویلردی سودا مَر بالا ایکاش ئوله آنان
 تا گورمیه بو نوع جهان گیر و دارینی
 باشون جدا باشیندا الیم یتموری سیلم
 اول قاره تل لرین بالا گرد و غبارینی
 افشان ایدنده گل یوزوه قانلو تل لرون
 بو اودلی سینه نین آلسان اختیارینی

بیرجه نولور باشون ویره لر باغریما باسام
 خاموش ایدم گوگولده کی حسرت شرارینی
 بیرده اُوپم سوسوز بوغازون اوخ یاراسینی
 زایل ایدم بو دلده کی حسرت شرارینی
 آغلاردی آغلاداردی تماشا ایدن لری
 نوحه سرا ایدردی کبار و صغارینی
 هر کیم باخوب گورردی علمدار باشینی
 تصدیق ایدردی شاه بلا جان نثارینی
 بیریرلرینه خلق او باشی نشان ویروب
 سویلردیلر گوررون بو وفا پایدارینی
 عباس نامدار حسینون وزیری دور
 ترک ایتموبدی شاه شهیدان کنارینی
 روز ازله خدمت شاهه ویروبدی دل
 قویموبدی تک جداده سر شهریارینی
 هر یان گیدر حسین باشی آردینجا عزم ایدر
 ماه وفادی سیر ایدر عشقین مدارینی

تعظیم اوزیله باش آگوری شاهه گاه گاه
 شاهین رعایت ایلوری شأن و وقارینی
 حیدر باخشی گوزلره قان پرده سی چکوب
 وار علتی که آچموری چشم خمارینی
 معلوم اولان سوسوزلاری سیراب ایدنمیوب
 شرمنده دی سوسوزلارا سالسون نظارینی
 عرض ایتمورم قباقدانندی نه لر دیدی
 اهل ادب سؤر بو سوزون استارینی
 قوم یهود دوتدولا هر بام و برزنی
 یاندریماقا رسول دل داغدارینی
 قرآن اوخورد جداده حسین باشی گوپردولر
 احیا ایدر شریعت جد کبارینی
 ظلم آیه سین تلاوت ایدور یعنی آندورور
 ظالم گورر جزا گونی پاداش کارینی
 قوم یهوده مدنظر اولدی ماسلف
 آرتوردولار اورکده عداوت شرارینی

بیر ظلم ایدوب حسین باشینا بیر عجزه‌ای
گفتاردن سالوب او لب لعل‌بارینی
تازه یارا وورولدی گینه آخدی تازه قان
آچدی بالالاری یوزه گوز آبشارینی
شاماتی شام اولونجا دولاندی او قافله
ویرانیه چکوبله اُسارا قطارینی
یول یورقونی تمامیمی غم غصه خسته‌سی
ایلوب نزول آچوبلا غم و غصه‌بارینی
ویرانیه سَپیلدیلَه دُرّ یتیم‌لر
آرتورماقا خرابه یرین اعتبارینی
باش غم دیزینده بعضی سزیلداری زار زار
بعضی قویاردی توپراق سولموش عذارینی
رومی دلینجه بیریره مأمورلر دیدی
بولمور اسیرلر گله‌جاق روزگارینی
اولسا سحر یقیندور ئولدوتدورر یزید
آل‌اللّهین تمام کبار و صغارینی

بیمار تا ایشیتدی اولاردان بو صحبتی
گتدی علاوه درده دل غصه‌بارینی
ظلمات غمده روشن ایدوب شمع آهینی
بولم نجه سحر ایلدی شام تارینی
ایکاش آچیلیمیدی سحر سالمیدیلر
مأمورلر خرابه شامه گذارینی
سوز طول گیتدی مطلع ثانی گرک یازام
تکرارین ایلیم من ازل اعتذارینی
ویردی سحر یزید جفا انتشارینی
احضار قیلدی مجلسه عصمت قطارینی
مأمورلر گلوبدیلَه الدهه طنبایلر
غیظیلَه دوتدولار اسرانین کنارینی
بیر رشتیه دوزوبله کمال نظامیله
گنجینه حیا دُرر شاهوارینی
امانه حاليله رَبقونا دیوب امام
اول حاليله چکوبله اسارا قطارینی

مشکل اولار کچیک بیوکیله ایاقلاشا
 بخصوص بوینونا وورالار ظلم تارینی
 هانسی دالی قالاردی ستمله ووراردیلار
 الدن آلاردیلار اولارین اختیارینی
 پیچیده بیریرینه اولاردی طنابلر
 بو حال آرتوراردی اُسارا فشارینی
 بیریرلر اوستونه یخیلاردی بیوک کچیک
 تنگه سالاردی قید نفسلر شمارینی
 اطفالدن بیرری خفه لندی ایشتیقیم
 ئولدی قوتاردی هم و غم روزگارینی
 بزم یزیده وارد ایدوبلر او حالیه
 سالدی یزید دون اُسرایه نظارینی
 بیریر سوروشدی آدلارینی شرح ویردیلر
 آرتوردی سینه سینده اولان کینه نارینی
 هر تک تکین دانشدیروب ایتدی شکسته حال
 ایتموب رعایت آل علی انکسارینی

فرمایش ایتدی سید سجّاد یا یزید
 گور بیر حسین بالالارینون حال زارینی
 جدیم محمد عربی بیله حالیه
 گورسه اسیر عترت والاتبارینی
 علّت سوروشسا اوندا جوابون ندور اونا
 ای دوندَرَن خزانه شریعت بهارینی
 بو سوزلری یزید ایشیدوب گلدی رقتّه
 آچدیردی آل حبل متین قید و تارینی
 آرتاردی کبر و نخوتی لیکن او کافرین
 هر دم یخاردی کینیه عدلین حصارینی
 گه زینبی دانشدیروب ایلردی دلغمین
 داغلاردی طعن اوزیله دل داغدارینی
 گه حکم ایدردی سید سجّاد قتلتیه
 الدن آلاردی عمّه سی صبر و قرارینی
 زهرا قزینا بیر گون او ظالم دیدی دانش
 سندیرموب اول محجّه اصلا وقارینی

سويلوب امام عسردى اولادانىشماقا
 سجاد آچدى لعل لب لعل بارينى
 فرمايش ايتدى كبر و غرور ايتمه يا يزيد
 پيغمبرين كيچيتمه عيال طهارينى
 اينجيتمه آل حيدري هر قدر اينجياق
 حاشا آتاق بيز عزت نفس اعتبارينى
 بو فكره دوشمه بيز سنه اكرام ايليلاق
 بيز سُموروق زمانه نين اهل شرارينى
 سفيانيانه دهرده بيز مايل اولماروق
 سُموزله چون اولار آتاميز دوستدارينى
 سويلوب يزيد دوزدى سوزون بابن فاطمه
 آرتوردون اوز صداقتوين اعتبارينى
 دوشدى آتان وليك خلافت خياليينه
 ويردى جهانپانه قيام انتشارينى
 فرمانروا اولوب آدينا سگه ووردورا
 اقطار عالمه سالا اوز اشتهارينى

حمد ايلرم خدايه نفسدن اونى سالوب
 چيگنيمدن آلدى فكر و خيالات بارينى
 آشوب و فتنه ياتدى جماعت اولوب خلاص
 درديم نه ياخشى نخله آمال بارينى
 ويردى جواب سيد سجاد يا يزيد
 اتباعون ئولدوروب او بلا شهر يارينى
 لعن خدا گله آتامى ئولدورن لره
 ملعوندى ئولدورن توكن الله ثارينى
 حقيدى ادعاى خلافت ايده آتام
 داندوز او گوندن آيدين حق آشكارينى
 توكدوز عناد اويزيله او مظلوم قانينى
 قان ايچره سالدوز عرش خدا گوشوارينى
 طول اولماسون يزيدى ايله ايلدى مجاب
 آرتوردى سينه سينده عداوت شرارينى
 غيظيله بير غلامه ديدى باغده آپار
 ئولدور بو هاشمىنى قاز اوردا مزارينى

تاپشور دل ترابه همین یرده مطلقا
 دُرَج امامتین گهر شاهوارینی
 مجلسدن ایستدی او امامی ایده کنلر
 دللردن آلدی اهل حرم اختیارینی
 بیردن هاموسی دوردی یریندن مُخدرات
 آچدی بیوک کچیک یوزه گوز چشمه سارینی
 بیمارین عمه لر باجیلار آلدی دوره سین
 اولدوز آلا نه نوع که ماهین کنارینی
 قولارینی آچوب بیری بوینون قوجاقلادی
 باسدی بیرسی باغرینا جسم نزارینی
 بعضی سی حسرتیله اوپردی یوزون گوزون
 بعضی ایاقلارینا قویاردی عذارینی
 اهل حرم او بزمده چوخ چوخ چالشدیلار
 جلاد الیندن آماقا دین شهریارینی
 اما آیردیلار اُسرادن او سروری
 ئولدورماقا آپاردیلا اول غم دچارینی

بیر کس تاپولمادی که اونا التماس ایدوب
 صیّاد الیندن آلسون او ناخوش شکارینی
 سجاد گیتدی قالدی خانملار یانا یانا
 آردینجا آچدیلار یوزه گوز آبشارینی
 آغلار گوزیله باخدیلا آردینجا اهل بیت
 مایوس ایدوب هامی دل امیدوارینی
 جلاد گتدی باغه گل باغ عزتی
 تا سولدورا ستمله اونون گُلعدارینی
 مشغول اولوب ازله اونا قبر قازماقا
 مقتول ایدوب او قبره قویا جسم زارینی
 قیلدی مریض امام ایکی رکعت نماز او دم
 داده چاغیردی حضرت پروردگارینی
 عرض ایتدی ای خدا منی حفظ ایت بو شردن
 ناکام قیل اوزون بو جفا کامکارینی
 جلاد چکدی تیغ او مظلومی ئولدوره
 بالعکس آلوب نتیجه انجام کارینی

بیر آل اولوندی ظاهر او ساعتده غیبیدن
 پوزدی او لوح دلدہ کی نقش و نگارینی
 یاندوردی عمر خرمینی برق مرگیله
 سالدی یرہ اونون بدن نحس و خوارینی
 ویردی یزیدون اوغلی یزیدہ او دم خبر
 آرتوردی دلدہ واهمہ جانشارینی
 امر ایلدی یزید او قبری کہ حفر اولوب
 اوردا ایدوبله دفن او جفا جان نثارینی
 قیتردیله او مجلسہ چوخ احترامیلہ
 بیماری یعنی اهل حرم غمگسارینی
 وارد اولاندا مجلسہ سجاد اہلیت
 بیریرلرینہ ویردی نوید اختبارینی
 گوزلر سرشگ وجدیلہ دولدی سروردن
 گورجاق قطار درد و غمین سرقطارینی
 زینب یوگوردی باغرینا باسدی او وقتدہ
 جان تک یارالی قارداشینون یادگارینی

مہریلہ اوپدی یوز گوزونی گل تک ایگلدی
 مدہوش قیلدی عطری او غم ہوشیارینی
 بو حالی گورجاق اهل حرم اولدی قول بویون
 توکدی سرشک چشم تر و اشگبارینی
 مجلسدہ سالدیلار ایلہ بیر شور و ولولہ
 الدن آلوبلا مجلسیان اختیارینی
 دلدن پوزولدی مجلسیان گلدی رقتہ
 گورجاق بنات فاطمہنین آہ و زارینی
 آغلاشدی اہلیت او حضار آغلادی
 پوزدی یزید شومین او باطل شعارینی
 تائب بو سوزدہ قیافیہ تکراری گورسنوب
 آخردہ قیل ازل تک اونون اعتذارینی
 تکرار عیب دور ولی استاد فن شعر
 مضمون بطن شعرہ سالار اوز نظارینی
 ختم ایت سوزی کلاموہ سن طول ویرمہ چوخ
 ترجیح ویر مٹولینہ اختصارینی

احوال مجلس یزید

یزید ظلمیله قلب بتولی قان ایلدی
او گون که قلبده کی کینه سین عیان ایلدی



حسین حرم لرینی چکدی مجلس شُربه
خدنگ محنته زینب دِلین نشان ایلدی
یتیمه قزلاری آغلالتدی غصّه لندیردی
پلید نفسینی مسرور و شادمان ایلدی
ایچوب شراب اولوب می زده آزوب سوزونی
اوزون ایتوردی ضمیرینده کین عیان ایلدی
مریض امامی ایاق اوسته ساخلادی مغلول
اوزونه بو ایشی عنوان عزّ و شان ایلدی
خلیفه الله ایاق اوسته لیک او بی انصاف
اوزونی تخت خلافتده حکمران ایلدی
دولاندیروب گوزونی باخدی زینب زاره
او غمکشیده نی مجروح باللسان ایلدی

نه لر دیدی دیمورم شرحینه حیا ایدورم
بو قدر وار که او نالانی باغریقان ایلدی
دُزَنمدی داخی زهرا عزیزه سی زینب
گلوب تکلمه حق سوزلرین بیان ایلدی
سایوب فضایح سفیانانی بی پرده
بنی امیه نی رسوا او خوش بیان ایلدی
یزید غیظه گلوب قتل زینبه احضار
همین او مجلسه جلّاد جانستان ایلدی
یتیمه قزلار ایدوب درک بیریره دگدی
آلوب آرایه خانم زینبی فغان ایلدی
بیری قوجاقلادی بوینون بیری دوتوب آتگین
یزیددن بیرسی التماس او آن ایلدی
گوروب حسین باشی مظلومه زینبی مقهور
او حاله حسرت او سلطان انس و جان ایلدی

او بی پناهه هوادار اولوب او مجلسده
 حمایت اول شه اقلیم انس و جان ایلدی
 فصیح لحنیله مجلسده باشلادی قرآن
 او اهل باطله حق دینینی عیان ایلدی
 یارالی باشدا گورنده بیر ایله اعجازی
 تعجب آورد اولان پیریله جوان ایلدی
 بو باش دیوبله یقین حجت خدا باشیدور
 که لعل لبلی حق گوهری روان ایلدی
 اولوندی کشف حسین باشیدور او خور قرآن
 یزید اگرچه او باش معجزین نهان ایلدی
 تشنج اولدی او مجلسده قیل و قال او جالوب
 یزید شومی ملامت او جمع اولان ایلدی
 یزید گوردی که وار انقلاب مجلسده
 بیر اوزگه ظلم او جفا پیشه جهان ایلدی

باخا باخا بالاجا قزلاری حسینون او دم
 اشاره لبلیینه چوب خیزران ایلدی
 دولاندی نچه صدف اولدی دانه مرجان
 او گنج علم الهی گهرفشان ایلدی
 یارالی لبلیره دگدیقجا خیزران آغاجی
 بالالاری یوزه گوزیاشلارین روان ایلدی
 بیری قویوب گوزونه اللرین، بیری یوزونه
 بیرسی آغلادی فریاد والامان ایلدی
 اوشاقلارین بیری عرض ایتدی عمه چاره ندور
 بابام دوداقلارینی یاره خیژران ایلدی
 بویور او لبلیره آز چوب خیزران وورسون
 بو ماجرا من نالانی باغریقان ایلدی
 بو شرح محنتی ختم ایله تائبایازما
 الونده ناله چو نی کلک خوش زبان ایلدی

زبان حال حضرت زینب علیها السلام در خرابه شام به رقیه علیها السلام

تو کمه رخساره جگر قانی رقیم آغلاما
اودلاما بو قلب سوزانی رقیم آغلاما



گوزلرون قربانی زینب بیله دولدورما گوزون
عمه وه ایله بیان وار دلد هر گزین سوزون
قان اولور باغیریم گورنده گل کیمی سولموش یوزون
من بو سولموش رنگ قربانی رقیم آغلاما
ای گلستان وفانین باطراوت نوگلی
آغلادان بیر عده پربسته نوالی بلبلی
سن منیم روح روانیمسن حسینه سوغلی
ای بلالی زینبون جانی رقیم آغلاما
رسمدور گل قدرین عالیده گله همد بولر
شکوه خار ایتماقا گل بلبلی محرم بولر
عمه لر قارداش بالاسین چوخ سور عالم بولر
ایتمه دلخون بو شکیبانی رقیم آغلاما

اولسون آغلار گوزلرون قربانی بو آغلار گوزوم
سن بیله بی صبر اولاندا قالموری منده دوزوم
دردیوی قیلسان بیان درد دلون آلام اوزوم
کشف قیل هر درد پنهانی رقیم آغلاما
عارضون سولموش گله بنزر اونا من بلبلیم
بیر نولار کشف ایله سن دلد اولان دردون بولم
بیر دانش بیر گل کیمی گول تا باخوب منده گولم
ای حسینون مرغ خوشخوانی رقیم آغلاما
سن ملول اولسان بی بون زینب ملول اولسون گرک
گوزلرون دولسا گوزوم خوناییله دولسون گرک
گورسه سولموش گل یوزون گلزار و گل سولسون گرک
ای آدی غم لر گلستانی رقیم آغلاما
گوزلرون دولدورما مثل ابر گریان ایلمه
بیله سوز آهویله باغیریمی قان ایلمه
حالی آشفته زلفیم تک پریشان ایلمه
پوزما بو جمع پریشانی رقیم آغلاما

عارض گلفاموه توکمه بيله گوزياشوی
 گه باباوی سسلمه گه مهربان قارداشوی
 یاتما یرده قوی دیزیم اوسته بلالی باشوی
 سرفراز ایله بو نالانی رقیّم آغلما
 گوزلرون غربالی نولموش بيله خون دل آلر
 ای مصیبت یورقونی صبر ایله قلبون دینجه لر
 انتظاريله یولا باخما بابان آخر گلر
 وصل ایدر ایام هجرانی رقیّم آغلما
 حالتون معلوم اولور بو رنگ زردوندن سنون
 آنلاشور سوز دلون بو آه سردوندن سنون
 خاطریم درده گلور حسرتلی دردوندن سنون
 ای اولان درد فراوانی رقیّم آغلما
 نه یوزون تک سولدی بیر عارض گل سوسن کیمی
 نه اولار بیر گلستاندا بیر سولان گل سن کیمی
 نه گلر دنیا یه بیر شوریده بلبل من کیمی
 صبری اولسون غصّه تالانی رقیّم آغلما

گرچه سن قول باغلوسان اما قزیم آزاده سن
 باطناً چوخ عزتون وار ظاهراً افتاده سن
 بسترون باخما قوری یردور گینه شهزاده سن
 سنده وار جاه سلیمانی رقیّم آغلما
 ای گل اوزلی بيله باخما حسرتيله صاق صولا
 انتظاريله بو آغلار گوزلرون تیکمه یولا
 درد و غملر یورقونی عمّون سنه قربان اول
 اشگیله ایسلاتما دامانی رقیّم آغلما
 بو شکسته حالتون باعثدی جنب و جوشیمه
 واردی هر گزین سوزون آهسته سویله گوشیمه
 یرده گر گلمور یوخون دور گل قزیم آغوشیمه
 یوخلا آغوشیمده بیر آنی رقیّم آغلما
 سن رقیّه آدلو بیر قزسان حسینّه مُنتسب
 بیر سنق نی تک سزیدورسان گل اوزلی روز و شب
 گیزلدورسن درد یوی کشف ایتماقا قویمور ادب
 ای محبتلی وفاکانی رقیّم آغلما

نه گورو بدور نه گورر آفاقدہ چشم جهان
 سن کیمی قارداش بالاسی من تک عمہ مہربان
 سن گلندہ نالیہ ای نازنین شیرین زبان
 اودلوسان بو قلب سوزانی رقیم آغلما
 بیر بنفشہ گل کیمی اولما بلالی سربہ دوش
 گلہ فریادہ بو قدری ایلمہ جوش و خروش
 حالوہ آغلار بو بیر عدہ عزالی قارہ پوش
 آغلادان ای آل طاہانی رقیم آغلما
 ایلوسن بو ظلمت ایودہ ماہ پارہ صحبتی
 قونداقی قانیلہ دولموش شیرخوارہ صحبتی
 سن ایدندہ شیرخوارہ گاہوارہ صحبتی
 بو ربابین آرتار افغانی رقیم آغلما
 سن دیندہ شیرخوارہ قارداش ای عصمت مآب
 داغدیدہ اہل بیتون قلبین ایلورسن کباب
 غصہ سیندن اوز اوزون ایمدی ہلاک ایلر رباب
 آز قالور چیخسون آنان جانی رقیم آغلما

باخما کھنہ جامہ وہ بیر بیلہ اولما اشگریز
 چکمہ اودلی سینہ دن حسرتلہ آہ شعلہ خیز
 سن خانم قزسان سنہ شہزادہ قزلاردور کنیز
 عالمی ای دولدوران شانی رقیم آغلما
 ای اولان گنجینہ عصمتدہ بیر عالی گھر
 بیر خانم قزسان اولار شانون جہاندا مُشْتَهَر
 چوخ اوزاق یولدان مزارون اوستہ زوآرون گلر
 ای ایدن آباد ویرانی رقیم آغلما
 سن یاتان یر ای بلا دیدہ زیارتگاہ اولار
 بو خرابہ گوشہ سی دربار عالی جاہ اولار
 خاکبوس آستانون ہر گدا و شام اولار
 شہرتون چولقار بو دنیانی رقیم آغلما
 تائبی ترغیب قیلدی صادری محمود نام
 روضہ سلطان ہشتمدہ یازیلسون بو کلام
 تاپدی بیر جمعیں حضوریندہ بو نوحہ اختتام
 دلنشین گلدی سوز عنوانی رقیم آغلما

آختارار بیر اهل دل هرکس دچار اولسا غمه
 ناز ایدر هر دلشکسته بیر وفالی محرمه
 ناز قیلام منده سن تک مهربان بیر عمّه مه
 یوخ منیم سن تک اولان بیر مهربانیم عمّه جان
 گوزلریم عمّه نجه آغلار بولود تک دولماسون
 غنچه گل تک منیم باغریم نجه قان اولماسون
 گل یوزوم آفت زده گل تک نه نوعی سولماسون
 نه قدر اولسون غمه تاب و توانیم عمّه جان
 شه قزی یاتسا قوری یرده ملول اولماز مگر
 گوزلری آغلار بولود تک اشگیله دولماز مگر
 عارضی آفت زده گل لر کیمی سولماز مگر
 سولموشام چون که سولوبدور گلستانیم عمّه جان
 من گلستان وفاده بیر طراوتلی گلم
 غنچه تک باغریم دونوب قانه اودور خونین دلم
 غصه لی گوگولوم آچیلیمور بیر دیوب گل تک گولم
 آز قالور یتسون بهاریمده خزانیم عمّه جان

زبان حال حضرت رقیہ علیہا السلام
 خطاب به حضرت زینب علیہا السلام

آغلارام وار سینده سوز نهانیم عمّه جان
 قانه دونموش گوزده کی اشگ روانیم عمّه جان



هانسی قز گیتسه الیندن عز و جاهی آغلاماز
 هانسی شهزاده تالانسا بارگاهی آغلاماز
 هانسی قز اولسا خرابه جایگاهی آغلاماز
 شه قزیدیم اولدی ویرانه مکانیم عمّه جان
 دلته دؤزسون نجه بیر عزته آماده قز
 صبر قیلسون بو اسارته نجه آزاده قز
 گوشه ویرانه ده یاتسون نجه شهزاده قز
 ای امیدیم دادخواهیم دلستانیم عمّه جان

سن بولورسن عمّه من بیر مونس جان گوزلرم
 جان دودا قیلمده گوزوم یوللاردا جانان گوزلرم
 دائماً آغلار گوزیله شاه عطشان گوزلرم
 گلموری علّت ندور شاه جهانیم عمّه جان
 اولموشام غم یورقونی غربال چشمیم اشک آلر
 سویلوسن یورقون قزیم صبر ایله قلبون دینجَلر
 آغلما صبر ایت بابان دیداریوه بیر گون گلر
 بس هاچان باشه یتر فرقت زمانیم عمّه جان
 گر منیم ساقدور بابام ای چاره سیزلر چاره سی
 بس ندن بیز اولموشوخ بیله وطن آواره سی
 طعن ایدر هر بیر یتن ظالم وورور دیل یاره سی
 صبر ایدوب نه نوع بو درده دایانیم عمّه جان
 گر بابام ساقدور منیم بیر فکریمه قالمور ندن
 قالموشام ویرانه یرده یادینه سالمور ندن
 گلموری نازلی قزین آغوشینه آلمور ندن
 بولموری اوج ایلر عرشه الامانیم عمّه جان

گر بابام ساقدور ندن شوریه آغلارسان اوزون
 آه آتش بارویه سینه داغلارسان اوزون
 گوز یاشون رخساریوه گزلینجه باغلارسان اوزون
 گیزلدورسن مندن امیدیم گمانیم عمّه جان
 گر بابام ساقدور ندن غمدن بیر آیریلیمور باشون
 آغلوسان گیزلینجه گوز یاشون اولوبدور یولد اشون
 من باخاندا لیک گوزدن تنز سیلورسن گوز یاشون
 حالیمه ای غملو ساعتده یانانیم عمّه جان
 بیر قزام دائم قوجاقینده یاتیرداری آتام
 من او عزّت فکرینی مشکلدی باشیمدن آتام
 نیلیوم توپراقلار اویتونده یوخوم گلمور پاتام
 وار یری عرشه چیخا داد و فغانیم عمّه جان
 شاهزادیدیم منیم عزّت اطاقیدی یریم
 عندلیب نازیدیم گل لر بوداقیدی یریم
 گه عموم گه قارداشیم اکبر قوجاقیدی یریم
 ذلّه تبدیل اولوبدور عزّ و شأنیم عمّه جان

بیر قزام شهزاده مشهورم رقیه منتخب
 مسکنیم ایمدی اولوب ویرانه کنجی روز و شب
 دلدۀ دردی چو خدی اما کشف ایدم قویمور ادب
 عالمی اودلار منیم سوز نهانیم عمه جان
 بیر قزام غربت ولایتده وطنسیز قالموشام
 عندلیب باغبانیم یوخ چمن سیز قالموشام
 گلشنه چاتمور الیم سرو و سمنسیز قالموشام
 وار نه گل نه گلشنیم نه باغبانیم عمه جان
 ایلورم بو ظلمت ایوده ماه پاره صحبتی
 اصغر آدلی غنچه لب بیر شیرخواره صحبتی
 تا و ارام دوشمز دلیمدن گاهواره صحبتی
 دائماً اصغر اولار ورد زبانیم عمه جان
 درد هجر اصغریم باعثدی جنب و جوشیمه
 گر قالور بیرده ویرون قارداشیمی آغوشیمه
 من دیوم لایلای اونون گلسون صداسی گوشیمه
 اصغریمدور جسمده روح روانیم عمه جان

گر قالور اصغر سسی یتیمور قولاقیمه ندن
 قونموری اول عندلیبیم گل بوداقیمه ندن
 نازلی قارداشیم منیم گلمور قوجاقیمه ندن
 هاردادی صبر دلیم آرام جانیم عمه جان
 ساقدی گر اوخلانمیوب اول نازپرور سودامر
 بس آنام نولموش یوزه غربال گوزدن اشک آلر
 اللری قوینوندا بیر آهو کیمی دائم مَلَر
 اصغره لایلای دیر اول خوش بیانیم عمه جان
 من غریب ئولم بو یرده قسمتیم اولماز وطن
 خوابگاهیمدور همین بو گوشه بیت الحزن
 سن منه اگنیمده کی پیراهنی ایله کفن
 اودلاسون آفاقی اودلی داستانیم عمه جان
 یاز مزاریم داشینه بو قز توکوب گوزیاشینی
 سالدی بو ویرانه ده غوغای عشقه باشینی
 دائماً گوزلردی ابر تک، گوزل قارداشینی
 فاش اولاهل وفایه امتحانیم عمه جان

بوردا من توپراق اسیری اولسام ای عمّه اگر
 قیل بیان غربت ولایتده منی کیم یاد ایدر
 ئل قبیلیم یوخ یانیمدا قبریم اوسته کیم گلر
 کیم اولار بوردا منیم یاده سالانیم عمّه جان
 شامدن بیر لاله در ای سینه داغلی باغبان
 یثر به گیتسن رقیندن آپار بیر ارمغان
 سویله اول دال داغلیدان بو لاله نی گتدیم نشان
 حالیمی ایلر بیان داغلو نشانیم عمّه جان
 چوخ سؤر تائب گلن زواره شرکت ایلسون
 جمعیله گلسون بو قبری بیر زیارت ایلسون
 ایسترم الله اونا بیر وقفه قسمت ایلسون
 قبریم اوسته او خشاسون اول نوحه خوانیم عمّه جان

احوالات و مصائب حضرت رقیه علیها السلام
 وار تحال او در خرابه شام

یاده دوشنده مهر و وفاسی رقیه نین
 شور آرتیورور باشیمدا هواسی رقیه نون



گورموب ایله وفالی اوشاق چشم روزگار
 گلمز بیانه مهر و وفاسی رقیه نین
 آلموشدی درس سلم و رضانی حسیندن
 هر بیر قضایه اولدی رضاسی رقیه نین
 گاهی دوگولدی گیه سویولوب دست ظلمیله
 گیتدی الیندن عز و اثاثی رقیه نین
 شامه چکوب ولی آتا عشق و محبتی
 اولدی او عشق راهنماسی رقیه نین
 گه ناقه دن دوشردی گیدردی پیاده یول
 دله نوا ایاقدا یاراسی رقیه نین

شامه کیمی گیدوب قولی باغلو او نازنین
 ویرانه منزل اولدی سراسی رقیه‌نین
 ویرانه‌ده یاتوب قوری یرلرده هر گیجه
 نی تک شکسته دلدہ نواسی رقیه‌نین
 قولدا طنابی چوخ گیجه‌لر یاتدی اینجیدی
 تحلیلہ گیتدی تاب و قواسی رقیه‌نین
 زر تک آریندی بوته غم ایتدی زرد رنگ
 گیتدی وجودی قالدی نماسی رقیه‌نین
 باد مخالف اَسدی گلستان عمرینه
 گل تک سارالدی گیتدی صفاسی رقیه‌نین
 توپراق‌لار اوستی بستی گون تابشی لحاف
 قانلو سرشگ اولدی غذاسی رقیه‌نین
 چوخ وقت آغلیوب گیجه‌نی صبحه تک تمام
 حلقی دوتولدی باتدی صداسی رقیه‌نین
 اودلیدی بسکه قلبی پیمبر عیالینی
 یاندوردی یاخدی سوز خفاسی رقیه‌نین

یرده یاتانمازیدی آلاردی قوجاقینه
 گه مهربان بی‌بی گه آناسی رقیه‌نین
 اولدی اورکده چوخ سوزی اما دینمندی
 مانع اولوب بیانه حیاسی رقیه‌نین
 هر دردی بیر یانا ولی بیر دردی بیر یانا
 اولموب همین بو درده دواسی رقیه‌نین
 سالمازدی دلدن آنی علی‌اصغرین آدین
 یاده دوشردی غنچه یاسی رقیه‌نین
 سویلردی شیرخواره علی‌اصغریم هانی
 یوخدور ندن او ماه‌لقاسی رقیه‌نین
 ساق‌دور اگر ویزون اونی بیرده قوچاقیمه
 جسمینده روح‌دور او اخاسی رقیه‌نین
 ازبسکه اول یتیمه بالا چکدی درد و غم
 گوزده بیر اولدی صبح و مَساسی رقیه‌نین
 بسکه آتاسینا واریدی چوخ علاقه‌سی
 دوشموب ئولونجه دیلدن آتاسی رقیه‌نین

ہر دم دیردی عمّہ بابام گلموری نندن
 بولمور باشیندا وار نہ بلاسی رقیہ نین
 من اوز باباما سؤگلیم چوخ سؤر منی
 نولمور باشیندا یوخدی هواسی رقیہ نین
 سویلردیلر ایدوبدی بابان کعبیہ سفر
 بیر گون گلر او شاه ولاسی رقیہ نین
 رؤیا ایدوب باباسینی رؤیادہ بیر گیجہ
 تاراجہ گیتدی تاب و قواسی رقیہ نین
 دوردی اوتوردی آغلادی لحن حجازیلہ
 دیلدن اوجالدی داد و بکاسی رقیہ نین
 آلدی سسین آنا باجی عمّہ او یاندیلار
 جمع اولدی باشہ آل عباسی رقیہ نین
 سسلندی گوردوم عمّہ بابامی خرابہ دہ
 بوردایدی شاه کرب و بلاسی رقیہ نین
 دور دوت الیمی بیر دولاناق عمّہ جان تاپاق
 گیتدی ہارا او میر ہداسی رقیہ نین

بازار عشقی گرم گوروب بو خرابہ دہ
 عشقیلہ واردی بیع و شراسی رقیہ نین
 نازلی رقیہ آغلادی آل اللہ آغلادی
 اولدیلا ہمصدای صداسی رقیہ نین
 شیون سسین یزید ایشیدوب اولدی باخبر
 یادہ دوشوب غریب باباسی رقیہ نین
 ارسال ایدوب خرابیہ سلطان دین باشین
 آز اولسون آہ و نالہ بناسی رقیہ نین
 امر یزیدیلہ دل شبیدہ خرابیہ
 گلدی ایشیقلی ماہ لقاسی رقیہ نین
 گورجاق او ظلمت ایودہ او بدر تملمینی
 آغلار گوزوندہ آرتدی ضیاسی رقیہ نین
 آغلار گوزیلہ سسلدی گلدون گل ای بابا
 گور وار نہ حال ضد رجاسی رقیہ نین
 درک ایتماقا حضوریوی چوخ ایتموشم دعا
 یتموش اجابتہ او دعاسی رقیہ نین

ایتدیم نه یاخشی وقتده درک حضور یار
ای چرخ مهره شمس ضحاسی رقیه نین
چو خداندی سوزلریم اورگیمده قالور بابا
ایمدی اولوبدی وقت اداسی رقیه نین
ایله مُجاز عرض ایلوم شرح حالیمی
واردور باشیندا گور نه بلاسی رقیه نین
سندن صورا نقدر بابا یوز ویروب بلا
اولموب دلینده کلمه لاسی رقیه نین
گاهی ووروب دوگردیله سانمازدیلار بابا
هرگز دگول بو ظلم سزاسی رقیه نین
قان ایلوبدی باغریمی دشمن شماتتی
شاهدی ربّ ارض و سماسی رقیه نین
دُزدی دایاندی عشقوه ویرموشدی چونکه دل
اولموب بیرینده چون و چراسی رقیه نین
گورموشدی قانلو توپراقین اوستونده یاتماقون
ای شهریار ملک ولاسی رقیه نین

ویرانه یرده یاتماقینی واجب ایلدی
رسم وفایه اولدی وقاسی رقیه نین
گلدی خرابه شامده ویرانه ده یاتا
ویرانه منزل اولدی سراسی رقیه نین
ویرانه شامده او قدر اینجیدوبدیلر
یاددان چیخوبدی کرب وبلاسی رقیه نین
یوخ طاقتیم دیلیمده دیم بیربه بیر بابا
واردی نه حال غصّه فزاسی رقیه نین
شاهانه عزّتی گیدوب الدن اولوب اسیر
اگنینده واردی کهنه لباسی رقیه نین
غارت اولوبدی ظلمیله گلدوز معجریم
واردور باشیندا ایمدی قراسی رقیه نین
بابا مریض عشقویدیم چوخ زمانیدی
ویرانه اولدی دار شفاسی رقیه نین
نچه دقیقه اول منیله بوردا هم نفس
گلدی بقاسی گیتدی فناسی رقیه نین

فکریم بودور یوزونده گوزوم جان ویرم بابا
 دلده بودور بیر عمدہ مُناسی رقیہ نین
 قال عزتیلہ نعشیمی یردن اوزون گوتور
 یوخدور بو یرده اوزگہ رجاسی رقیہ نین
 بیرده بو کهنہ کوینگیملی قیل کفن منه
 آرتوب بو کوینگیله بهاسی رقیہ نین
 ای بی کفن بابا گر اولا کوینگیملی کفن
 دلدن اولار خدایہ ثناسی رقیہ نین
 هرکس ایشته بی کفن ئولماقیمی دیر
 چوخ عشقی وار حسینه بالاسی رقیہ نین
 گل تک باباسی باشینی بیر اوپدی ایگلدی
 اولدی او امر عُقده گشاسی رقیہ نین
 آلدی متاع وصلی ثمن نقد جان ویروب
 بسکه چوخودی جود و سخاسی رقیہ نین
 بلبل کیمی او قدر گل اوسته ایدوب نوا
 باتدی نفس کسیلدی صداسی رقیہ نین

خاموش اولوب او بلبل شوریده گل کیمی
 یکسر سارال دیلار قُرَباسی رقیہ نین
 غسلین نجه ویروب نجه یردن گوتوردولر
 عالمدی لایزال خداسی رقیہ نین
 واردی بوقدر حالینه غساله آغلادی
 گوردی بدنده واردی یاراسی رقیہ نین
 سسلندی ئولمیوبدی بونی ئولدوروبدولر
 بی حد اولوبدی رنج و عناسی رقیہ نین
 دللرده ناله حلقه ماتم قوروبدولار
 باشلانندی اول خرابه ده یاسی رقیہ نین
 عمه آنا باجی هاموسی ویردی سس پسه
 آغلاشدی اولدی نوحه سراسی رقیہ نین
 ایله عزا دوتوب بی بی سی قویدی یادگار
 وار ایمدی ده هر ایوده عزاسی رقیہ نین
 بو شرح حالی تائبه یازدیردی احمدی
 لطف ایلر اجر و مزد خداسی رقیہ نین

اربعین امام حسین علیہ السلام

او گون که دوندی گل و گلشنیم خزانه حسینیم
یانقلی باغیریمی دوندردی غصّه قانه حسینیم



قولودما بند رَسَن دلده حسرتیم گوزی یاشلی
دوشوب باشون داليجا گیتدیم هر مکانه حسینیم
دولاندیم ایلدیم آخرده خطّ سیریمی اتمام
خرابه مسکن اولوندی بو کاروانه حسینیم
نجه خرابه واریدی نه فرش و ظرف چراغی
بنات طاهره گلدی او یرده جانه حسینیم
زبسکه درده گلوب سُوگولون رقیّه او یرده
یاتانمادی گیجه لر گلدی الامانه حسینیم
بابا بابا دیوب ازبس واریدی وصلوه عشقی
یارالی باشوی تاپدی گیدوب امانه حسینیم
نجه گورنده گل تر گلر ترانیه بلبل
گوروب باشون او بالا باشلادی ترانه حسینیم

باسوب یارالی باشون باغیرینا وفالی رقیّه
اوچوبدی روحی قالوب خالی آشیانه حسینیم
او نازنین بالاجان ویردی سن کیمی قوری یرده
ثبوت قیلدی وفاسین جهانیه حسینیم
خرابه یرده اودا سن کیمی قالوبدی کفنسیز
کفن تاپولمادی اول طفل ناتوانه حسینیم
اولوبدی کوینگی آخر کفن او طفل صغیره
اولوندی دفن او دُرْدانه یگانه حسینیم
بدنده نیلی یرین قبرینه نشانه آپاردی
زبسکه وورموشودی شمر تازیانه حسینیم
واریدی میلی اودا منله اربعینه گیلیدی
بو دشته شور سالدی او نازدانه حسینیم
باشیم بلاسی تمامه یتیشدی دوره دولاندی
نصیب اولدی مزارون بو ناتوانه حسینیم
دولوب غمیه بو اودلی دلیم یارالی بیر ایلده
گتوردی درد فراقون باجوی جانه حسینیم

گورموشم اوز الیمده شکایت ایتماقا عنوان
 بو قائلو کوینگوی شامدن نشانه حسینیم
 بو قائلو پیرهنون مایه مصیبت و غمدور
 باخوب بو کوینگه گللم اودور فغانه حسینیم
 باسوب بو پیرهنی باغریما من عطروی آلام
 حسین دیوب چکرم آه عاشقانه حسینیم
 مدینهده یتیشوب شورش جزا قورارام من
 او یرده شیون ایدوب گللم الامانه حسینیم
 دوشتم اوردا آنام فاطمه مزارینون اوسته
 سنون غمون ایدرم شرح یانه یانه حسینیم
 دوتوب بو کوینگوی اله سویلرم آناجان دور
 اولوبدی توش نه گور ظلم کوفیانه حسینیم
 عیاندی گر آناجان سن بو قائلو کوینگه باخسان
 نقدر تیغ و خدنگه اولوب نشانه حسینیم
 دوتوب امیدله تائب سنون گوزل اتگونندن
 شفاعت ایله جزاده او نوحه خوانه حسینیم

زبان حال حضرت زینب علیها السلام

درسر قبر برادر در روز اربعین

گیتیمش شاماته قارداش حالی پوزقون گلیمش
 ای یارالار یورقونی دور منده یورقون گلیمش



رسمدور خسته دوشر زخم عداوت یورقونی
 سن حسینیم اولموسان بی حد جراحت یورقونی
 اولموشام شاماته منده شماتت یورقونی
 داغدیده قلبیله چون غنچه دلخون گلیمش
 سن او یوسفسن الیمدن چیخدی وصلت دامنون
 جان مشامینده ثولونجه قالدی خوش عطرون سنون
 یادگاروندور الیمده قائلو بو پیراهنون
 قبرون اوسته سالماقا اوز یادگارون گلیمش

سن آلان گوندن کناره مظهر پیغمبری
 ایللیوب مجنون نما لیلی نشیمن چوللری
 هجر اکبر ایللیوب مجنون او زار و مضطری
 منده لیلا تک سنون هجرونده مجنون گلیمش
 من گیدنده داد و شیون یانه یانه ایتمدیم
 گل جنازون اوسته بلبل تک ترانه ایتمدیم
 بو سنق دلدن نوای عاشقانه ایتمدیم
 ایمدی جبران ایتماقای غرقه در خون گلیمش
 آلموسان سن سینون اوسته شیرخواره اصغری
 حسرتیله سینه ده قالموش ربابین اللری
 وای اوغول دلدی او توکدوقجا یوزه اشگ تری
 چشمه چشمیم اولویدور رشگ جیحون گلیمش
 صفحه دلدی لوای صبری قارداش وورموشام
 گوهر غمله گوگل گنجینه سین دولدورموشام
 اشقیا نه ظلم ایدوب صبر عالمینده دورموشام
 هر جفایه دوزموشم دلشاد و ممنون گلیمش

اوندا که باتدون حسینیم ظلم الیه قانه سن
 قوزادیم احیای دین اوسته علم مردانه من
 ایلدیم اسلامه تبلیغات بر وجه حسن
 بیرق کفری ایدوب نطقیمله وارون گلیمش
 چون شهامت درسینی اولده سندن آلمیشام
 ویرموشم بیر امتحان دنیا به غوغایه سالمیشام
 قبردن دور گور ولی قارداش نه حاله قالمیشام
 بار محنتدن خم اولموش قد موزون گلیمش
 کوفه ده گوسترموشم شور نهان و فاشیمی
 تازه قان گورجاق یوزونده توکموشم گوزیاشیمی
 فرط احساساتدن مین یارموشام اوز باشیمی
 گزمیشم باشیم یارالی کوه و هامون گلیمش
 گیتیمیشم شامه نچه باشدا قرا همراهیله
 اولموشام هر یرده مونس ناله جانکاهیله
 ایتموشم شام فراقون صبح شمع آهیله
 نیمه جان پروانه تک حالیم دگرگون گلیمش

گون کیمی گون لر ایوینده قالدی آل بوتراب
 یان دیورور گل یوزلرین گوردوم شعاع آفتاب
 سایبان شهزاده قزلار باشی اوسته چون سحاب
 دود آهیمله آچوب چتر همایون گلیمیشم
 باشلادیم سندن صورا قارداش مقدس بیر قیام
 ایلدیم شام و سحر هر یرده تعقیب مرام
 مسکنیم گاهی اولوبدور کوفه گاهی شهر شام
 ایلوب جان منت عشقونده مرهون گلیمیشم
 من دیمم ای تشنه لب دریا کنارینده شهید
 بو سفرده زینبه نه ظلم ایدوب قوم عنید
 وار بو قدری قولاریم نیلی اولوب زلفیم سفید
 تاپموش آلتی آیدا قدیم شکل عرجون گلیمیشم
 گیتیمیشم چوخ شهره باشدا بیر بلوک یاسلی ئلیم
 گوزده اشگ حسرتیم گوگلوده مین لر نسکلیم
 اولدی ویران شامده ویرانه مسجد منزلیم
 سینم اولموش آتش آلامه کانون گلیمیشم

ایلدی ویرانه نی مسکن بو یورقون قافله
 دمبدم نازلی رقیه نی کیمی گلدی دیله
 سولدی گل تک حسرت آرتوردی من خونین دله
 دردی می درد رقیه ایلوب افزون گلیمیشم
 من دیمم غمدن بیر آن بو خاطریم دینجلمدی
 مین لر یله درد و محنت شرحی بو بیر کلمه دی
 مندن آیریلدی یورولموشدی رقیه گلمدی
 قالدی روحیم جسم بی روحیله محزون گلیمیشم
 مرغ بی پر تک سخیلدی غمفزا کاشانه ده
 آشناده حالینه یاندی اونون بیگانه ده
 حسرتیله توپراق اوسته ویردی جان ویرانه ده
 ایلوب دُر یتیمون اوردا مدفون گلیمیشم
 تائب درمانده ام ای امته باب نجات
 گوگلوام ایستور قبروی ایسته منه قیل التفات
 آستان قدسوه فکریمه تحصیل برات
 دُرچ چشمیم گوهر اشگیله مشحون گلیمیشم

اربعین

اولدی بیر امر اسارت زینبین عنوانی قارداش
امتحانین ویردی کامل قالمادی نقصانی قارداش



پرچمون قارداش یاتان گون دینی گوردوم قدی خم من
قُوزادیم احیای دینه استقامتله علم من
عالم تبلیغه قویدوم چوخ شهامتله قدم من
بیربه بیر خلقه یتوردوم معنی قرآنی قارداش
گوردوم ایستور تقویت بو عالم دین و شریعت
لازمه بولدوم وورولسون بوینوما قید اسارت
ناقه اوسته هر مکاندا ایلدیم سنلن شراکت
سن کیمی باشه یتوردوم باغلانان پیمانی قارداش
ایستدیم نقصان عهدون قالماسون یتسون تمامه
ایلدیم اقدام سن تک منده تعقیب مرامه
نیزهده سن ناقهده من عازم اولدوخ سوی شامه
باجی قارداش ایتدوق اعلان خلقه بیر عنوانی قارداش

هر جفا یتدی طریق عشقده من سهل ساندیم
قوت قلبیله قارداش هر مصیبتده دایاندیم
دست بسته هر دیاری باشون آردینجا دولاندیم
نوش جان ایتدیم جفای قوم بی ایمانی قارداش
کوفهده بعضی گورنلر حالیمی گوردی پوزولدی
نالیه گلدی جماعت یوزلره سیلی وورولدی
گورسنوب بیر اوزگه عالم شیونیه کوفه دولدی
ضجّه دولدوردی سراسر صفحه غبرانی قارداش
ازدحام ایتدی جماعت شهر کوفه دولدی سسدن
اُسکتوا لفظیله سالدیم کوفه نین اهلین نفسدن
ناقه لر دوردی دایاندی قطع اولوندی سس جرّسدن
استماعه حاضر ایتدیم عالی و آدنانی قارداش
سس کسیلدی هر طرفدن منتظر دوردی جماعت
باشلادیم شوریه من بیر خطبه ای شاه ولایت
مرتضی لحنینده ایتدیم خلقه تبلیغ شریعت
تحت قرآنه گتوردوم قوم نافرمانی قارداش

آتشین بیر خُطبه ئیله ای شهنشاه لب عطشان
حقّی باطلدن آیردیم ایلدیم نُظاری حیران
صفحه تاریخ قوم کفره ووردوم خطّ بطلان
ایلدیم رسوای عالم آل بوسفیانی قارداش
دلنشین نطقیمله مشغول ایلیمیشدیم جمع ناسی
تا ندور بولسون جماعت حقّیله کفرین اساسی
ناگهان قارداش اوجالدی باشوین قرآن صداسی
من اورکلردیم ایشیتجاق نغمه قرآنی قارداش
نیزه باشیندا گورنده باشون ای عطشان یارالی
مه یوزون گوردوم کول ایلوب ابر تک پنهان یارالی
اوندا بولدوم سن کول اوسته اولموسان مهمان یارالی
خون و خاکستر دو توبدور کثیر تابانی قارداش
جام چشمه حسرتیله اشگ دولدوردوم حسین جان
حالتیم ایله پوزولدی نطقدن دوردوم حسین جان
شوره گلدیم محمله اوز باشیمی ووردوم حسین جان
سن کیمی قانه بویاندیم آخدی باشیم قانی قارداش

رأس پاکون چیخدی سیره گون کیمی نوک جداده
سایه تک آردینجا دوشدوم سینه ده آهیم فتاده
عازم اولدون هر بلاده ایلدیم منده اراده
شامه تک گیتدیم آپاردیم جمع سرگردانی قارداش
جانه دویدی ظلم الیندن عترت شاه مدینه
گاه ووردی گاه دوگدی قزلارون اشرار کینه
گه دوشوب چولده رقیه آغلادی نازلی سکینه
یاندیروب یاخدی مصیبت بو دل سوزانی قارداش
هر یری گزدوق دولاندوق گوزلر آغلار دله حسرت
صبر ایدوب دؤزدوق دایاندوق ویردی یوز هر بیر مصیبت
اولدی آل مصطفایه شامده بی حد شماتت
خارجی فرض ایتدی اعدا عترت طاهانی قارداش
آه او ساعتدن عیالون بیر خرابه یرده قالدی
خردا قزلار گلدی داده گویلره شیون اوجالدی
سؤگلون نازلی رقیه گل کیمی سولدی سارالدی
نسکلی درده گتوردی عترت زهرانی قارداش
عاقبت پایانه یتدی ظلم اولاد اُمیه
قورتولوب گلدی سلامت اهل بیت هاشمیه

گلمدی بو اربعینه حیف شیرین دل رقیه
 قالدی غربتده یوخیدی گلماقا امکانی قارداش
 سن رقیه قالماقیندان ایلمه مندن گلایه
 نیلیوم محکومیدیم من امر و تقدیر قضایه
 چوخ سُوردیم من او شیرین دل گلیدی کربلایه
 بو گلستانین اولیدی بلبل خوشخوانی قارداش
 سانما بی علت رقیه گلمیوب ای تاجداریم
 من دیدیم نازیله یاتما دور گیداخ ای گلغذاریم
 سویلدی معذورم عمه وار ایاقمیده قاباریم
 ایتدی اول دُر یتیمون خوابگه ویرانی قارداش
 گل آدون ورد ایتدی دلدن دوشدی بلبل تک چمنسیز
 جان قوری توپراقلار اوسته ویردی مین حسرتله سنسیز
 اولمادی آل عبادده بیر کفن قالدی کفنسیز
 قویدوم اوز پیراهنیه قبره اول نالانی قارداش
 وار نه مدتدور اورکده تائبون بو آرزوسی
 جمعیله ایتسون زیارت مرقد سلطان طوسی
 قسمت اولسون کربلاده بیرده اکبر پایبوسی
 ایسته جمعا قبروه بو وقفه قربانی قارداش

زبانحال حضرت زینب علیه السلام
 در سر قبر برادر در روز اربعین

عجب زینبه اولدی سعادت آنام اوغلی
 گلوب ایلدی قبرون زیارت آنام اوغلی



دیردیم اولاه مهلت اجلدن بو فگار
 نصیبیم اولاه بیرده سالام یول بو دیاره
 گلوب بیر دوشنم من بو ششگوشه مزاره
 او منظور الله گلدی بو ساعت آنام اوغلی
 بو داغلی دلی قارداش عجب کامه یتوردوم
 بو ششگوشه مزاره گلوب توشه گوتوردوم
 بو پیراهنون الدهه بو قبر اوسته گتوردوم
 ایدم تا سنه رد امانت آنام اوغلی

بو کونک منه سندن قالب بیرجه نشانه
 اولار ایتماقا ناله بیر عمر الده بهانه
 باسوب باغریما گللم نوايه یانا یانه
 منه ناله دن اولماز فراغت آنام اوغلی
 چو پروانه وجودی وفا شمعینه چالام
 بو کونکدن ئولونجه گوزل عطریوی آلام
 آلوب عطریوی سانسیز یاران یادیمه سالام
 گلر درده دل پُر جراحت آنام اوغلی
 اگر اولسا نصیبیم آنام مدفنی قارداش
 آخار ایسلادار اشگ تریم دامنی قارداش
 آنام قبرینه سالام بو پیراهنی قارداش
 او مظلومیه قیللام شکایت آنام اوغلی
 بو کونکدی که قالموش دیلمده آدی قارداش
 نه من بلکه آنامین گوزی اوندادی قارداش
 بو کونکدی که دائم اونی آغلادی قارداش
 باخار آغلار اونا تا قیامت آنام اوغلی

بو کونکدی که دلر غبارین سیله جاقدور
 ندور قیمتی امت جزاده بوله جاقدور
 آنام محشره الده بو کونک گله جاقدور
 عصاته ایده جاقدور شفاعت آنام اوغلی
 بو کونکدی اولوبدور حسین قانیله الوان
 بو کونکدی که قویموش آنام بوندان اوتور جان
 بو کونکدی جهاندا اولان ناشر قرآن
 ایدن حکم خدائی کتابت آنام اوغلی
 حسین اوندا که سندن ستمله آرالاندیم
 باشون آردیجا دوشدوم شرار غمه یاندیم
 گهی کوفه دیاریق گهی شامی دولاندیم
 گتوردوم بو سفردن حکایت آنام اوغلی
 گزوب خرداجا قزلار قولی باغلی منیله
 یتوب گونلری قارداش باشا مین محنیله
 گلوبلر بورا درد دل ایتماقه سنیله
 هامی خسته طعن و شماتت آنام اوغلی

اوزون گلدی بالالار بو قبر اوستونه سالدی
 دیدی آغلادی دوییدی هامی کام دل آلدی
 ولی نازلی رقیّه یاتوب شامده قالدی
 منی ایلدی سندن خجالت آنام اوغلی
 اگر قادر اولیدی او دلخسته گلردی
 دُوزنمزدی گلنده بو بیر دسته گلردی
 بلالی بی بی سیله بو قبر اوسته گلردی
 اجل قویمادی ایتسون او رجعت آنام اوغلی
 دلین یاندوروب ازبس بلا ناری یاخاردی
 گوزوندن یوزه اشگی ملالیه آخاردی
 قویوب چیگینه بوینون یتیمانه باخاردی
 ایدردی منی دلخون او حسرت آنام اوغلی
 گهی ناله ایدردی گه آغلاردی دویاردی
 گهی حسرت اوخیله یانان قلبین او یاردی
 قوری توپراق سولموش یوزون گاه قویاردی
 لطیف اوز قوری توپراق نه نسبت آنام اوغلی

گهی بحر ملاله او دُرْدانه باتاردی
 آخان اشگینه یوزده جگر قانی قاتاردی
 یوراردی اونی غصّه قوری یرده یاتاردی
 پوزاردی منی چوخ بی نهایت آنام اوغلی
 نه بیر گوگلی آچیلدی نه شاد اولدی نه گولدی
 ایشیق گوندوزی دائم قرانلوق گیجه بولدی
 نه دردیله یارالی بالان بولمدیم ئولدی
 بیوک نسکل اولوبدور او حالت آنام اوغلی
 تَنه جامه شادی گینمزدی رقیّه
 غذا حاضر اولاندا یینمزدی رقیّه
 سالاردی دلّه دژدین دینمزدی رقیّه
 زبس واریدی اوندا نجابت آنام اوغلی
 یاتیرداردیم اونی من همیشه قوجاقیمدا
 ایدردیم اونا رأفت دوداقی دوداقیمدا
 یاناردیم او دینده قابار وار ایاقیمدا
 یارار سینه می بو سوز او صحبت آنام اوغلی

سزیداردی یاناردی یوزومده یوزی قارداش
 باخاردی منه حسرت او آغلار گوزی قارداش
 قولاقمیده قالب چوخ یانقلی سوزی قارداش
 بو سوز دل او سوزدن اشارت آنام اوغلی
 تاپوب باشوی دلدہ سونوب نار فراقی
 اونون تتردی وصلہ یتندہ ال ایاقی
 ویروب جان گوزی سندہ دوداقوندا دوداقی
 واریدی سنہ ازبس محبت آنام اوغلی
 او حالیلہ ویروب جان غریبانہ وطنسیز
 اولوب بلبل شیدا کیمی باغ و چمنسیز
 سنون تک اودا قالدی قوری یردہ کفنسیز
 واریدی سنہ چوخ شباہت آنام اوغلی
 او بیر گلدی کہ سولدی ربابین چمنیندہ
 گوروب نقش جسارت اونون پیرهنیندہ
 اونون قمچی یاراسی واریدی بدنیندہ
 ویروب جان بدنیندہ جراحت آنام اوغلی

دونوب قانہ بو گوگلوم حسین واردی دلیلی
 اوزوم گوردوم اوزونده اونون نقشہ سیلی
 گینمیشدی آنام تک اودا جامہ نیلی
 نشان ویردی نہ عالی وراثت آنام اوغلی
 او ساعتدہ کہ خاموش او شیرین سخن اولدی
 خرابہ یری دوندی سرای محن اولدی
 اوز اگنینه کی کونک بالاولہ کفن اولدی
 او گل جسمہ نہ لایق او خلعت آنام اوغلی
 بیلہ سانما کہ مهر و وفا رسمینی آزدیم
 یوزہ اشگ تریلہ وفا لفظینی یازدیم
 ثلیم اولمادی گلسون اوزوم قبرینی قازدیم
 نشان ویردیم او یردہ شہامت آنام اوغلی
 گوزل آنینی اوپدوم اونون دفن ایلیندہ
 دیدیم واردی قزیم چوخ علاقه سنہ مندہ
 یاتوب عمہوی گوزلہ بو مأوای محندہ
 اوزوم گلدیم او ایتدی اقامت آنام اوغلی

دیدیم سانما که سنسبز وطنده دؤزه بولم
 سنون آیریلقوندا اولوب شاد نه گولم
 گوزوم وار بالا سنده بو شامه گینه گللم
 منی جلب ایده جاقدر او اُلفت آنام اوغلی
 اوزون ایستدوب ازبس بو رنجور و فگارہ
 دوشر دللری یاده وورار قلبیمه یارہ
 گرک اوندان اوتور من گیدم شامه دوبارہ
 ایدم خرداجا قبرین زیارت آنام اوغلی
 دوشوب ئلدن آرالی آلام اوردا کنارین
 باسام باغریما جان تک اونون خدا مزارین
 آغارموش ساچیمیلہ سیلم گرد و غبارین
 سَپوب اشگ ایلیم من نظافت آنام اوغلی
 دوشوب باشوه تائب سنون شوق زیارت
 یاز آغلا سنی ایتسون حسین جمعیله دعوت
 حضورینده اوخی بو سوزی ایله قیامت
 عجب زینبه اولدی سعادت آنام اوغلی
 گلوب ایلدی قبرون زیارت آنام اوغلی

زیانحال حضرت زینب علیہا السلام

روزاربعین در سر قبر برادر

دور قبردن ای تشنه فرات اوسته ویرن جان
 زینب اولا بو مرقد ششگوشه وه قربان
 گلدیم یووام اشگیملہ بو ششگوشه مزاری
 زلفیملہ سیلوب پاک ایلیم گرد و غباری
 ❖❖❖❖❖

مقتول اولونان وقتده سن دشمنه قارداش
 باخدون سویا یاندون اثر ایتدی منه قارداش
 دور کاسه چشمیمده سو گتدیم سنه قارداش
 سو حسرتی لعل لب عطشانوه قربان
 جانیم اولاقارداش یارالی جئانوه قربان
 سن مندن اوتور بوردا سوروندون سنه قربان
 ایستردیم عوض ایلیم ای خسرو خوبان
 منده سورونوب ایلرم ایمدی اونا جبران
 جبران اولار اولماز من اگر ایمدی سورونسَم
 بو مرقد ششگوشه غباریله بورونسَم

صد شکر امان اولدی اجلدن بو فگارہ
 بو جمع پریشانی گتوردوم بو دیارہ
 زلفیم کیمی آشفته تماماً گونی قارہ
 گون قارہ اورک یارہ هامی باشی بلالی
 قارداشی ئولن اوغلی ئولن یاسلی عزالی
 بیر عدہ گلوب منلہ گونی قارہ لروندن
 غربت زده لردن وطن آوارہ لروندن
 شاماتده باتدی بیری مہ پارہ لروندن
 چرخ ادبین مہ درخشانی رقیہ
 آباد ایلین شامده ویرانی رقیہ
 نازلی بالاولا بسکہ هجوم محن اولدی
 چون ابر بہاران او گوزل گوزلری دولدی
 گل عارضی آخر سارالوب گل کیمی سولدی
 گاهی منہ گاهی صاقا گاهی صولا باخدی
 دیلده گل آدون گوزلری دائم یولا باخدی

اولداردی دلین ہجرون اودی بسکہ یاخاردی
 خون جگری صفحہ رخسارہ آخاردی
 اغلار گوزیلہ ایلہ یتیمانہ باخاردی
 ایلردی گوزوم یاشینی قان اشگی آخشا
 اولداردی یانان قلبی یتیمانہ باخشا
 باخدی او منہ دولدی باخوب من اونا دولدوم
 دولدوردی گوزون آغلادی من دیدہ تر اولدوم
 گل تک سارالوب سولدی باخوب من اونا سولدوم
 گیزلندی گتورموب اوز اورک دردین عیانہ
 آندیرمادی دردین منہ قالدیم یانا یانہ
 ہجر اولدادی سرگرم مقال اولدی رقیہ
 مین شوقیلہ قربان وصال اولدی رقیہ
 آغوشہ آلوب باشوی لال اولدی رقیہ
 یانمودی زبس نار فراقوندا یارالی
 جان ویردی دوداقلاری دوداقوندا یارالی

ویرانه او غربت کشفه دائم وطن اولدی
 مرگی منه سرمایۀ درد و محن اولدی
 اوز کوینگی شهزاده وه آخر کفن اولدی
 بیر عالم اولار بیر او کفن صحبتی قارداش
 ذکرینده دوشر یاده هامی حسرتی قارداش
 من سانما حسین مهر و وفا رسمینی آزدیم
 دل صفحہ سینه بلکه وفا لفظینی یازدیم
 ال چاتمادی بیر یانه اوزوم قبرینی قازدیم
 قویدوم اوز الیمله اونی غربتده مزاره
 بو حسرتی نسکلدی ئولونجه بو نزاره
 واردی اورگیم یانماقینون عمده دلیلی
 گوردوم او لطیف اوزده اوزوم نقشه سیلی
 گیمیشدی آنام فاطمه تک جامه نیلی
 آلموشدی آنام فاطمه دن عشقه مشقین
 ویرانه ده گوستردی وفا اهلینه عشقین

شیرین دلون ازبس منه قارداش دیدی خوش دیل
 ایستدی اوزون چوخ اوزونه ایلدی مایل
 چوخ واردی علاقم گلوری فرقتی مشکل
 دؤزمز اورگیم غم لرینی یادیمه سالام
 بیرده گیدرم شامه اونون دردینی آلام
 سوز ویردیم اونا شامی ایدوب ترک گلنده
 واردور بالا بی حد علاقه سنه منده
 سنسبز دایانا بولمزم البته وطنده
 دیلده نه وطن صحبتی اوندان نه سوزوم وار
 بیرده گلرم شامه قزیم سنده گوزوم وار
 ویرانه اولوب مدقن او شیرین دیله قارداش
 آفاقی دوتار شهرتی بیر گون ایله قارداش
 هر یرده دوشر صحبتی دیلدن دیله قارداش
 جمعیله اوزاقدان او مزار اوسته گله لر
 شام ایچره زیارت اونی شوقیله ایده لر

دوزدور غمی هر خاطری ناشاد ایده جاقدر
ویرانه‌نی امّا ایله آباد ایده جاقدر
واقعه جنان روضه‌سینی یاد ایده جاقدر
جنت بوله جاق روضه‌سین عالمده گورن‌لر
آیریلماقی سَومَز او مزار اوسته گلن‌لر
تائب شه عشقه ایدوسن نوحه کتابت
یاز نوحه یازان وقتده از روی صداقت
بالیده‌کُتوب ایلمه اظهار مَنیت
سوز صاحبی مطلق سَنه ایلر اوزی تلقین
نظمیله چیخار سوز قلموندن اولی شیرین

وفات حضرت زینب علیہا السلام

باشه يتوردي عمريني باشي بلالي زينبون
گل آنام اوغلي جان ويروور ياسلي عزالي زينبون
❖❖❖❖❖❖
عشق مريضيدور باجون همدمي دل نواسيدور
شربتي اشگ چشم تر خون جگر دواسيدور
يوخدي يانيندا خويش و ئل ناله سي اقرباسيدور
سن کيمي جان ويروور غريب ئلدن آرالي زينبون
سن بولوسن حسين اوزون من نقدر وفاليم
آيريلقوندا بير گوني قاره باشي قراليم
روز و شب آغلارام سنه گولمز اوزوم عزاليم
گل بو زماندا قويما تک باشي قرالي زينبون
رسمدي جان ويرن زمان باجي باخار صافا صولا
قارداشا منتظر قالوب گوزلريني تیکر يولا
خاصه منيم کيمي باجي قارداشا مهربان اول
گل گوزي يولدا قويما چوخ وقت رحالي زينبون
سندن اوتور من ايتموشم قان بو گوزومده ياشيمي
عالمه ويرموشم نشان شور نهان وفاشيمي

شوریلہ یازموشام آدون دلدہ بلالی باشیمی
 کوفہدہ ہر باخان گوروب باشی حنالی زینبون
 سندن اوتور ووروب یتن بیر دلیلہ یارا منہ
 خارجی آد قویوبدیلار فرقہ اشقیا منہ
 قمچی ووروب جفائیلہ طایفہ جفا منہ
 قارداش اولوبدی سن کیمی جسمی یارالی زینبون
 مہر و محبتون منی سالدی یارالی داغ داشا
 چوللری گزدیم آغلادیم جام غمیم داشا داشا
 دیلدہ گوزل آدون سنون عمریمی ویرموشم باشا
 دلدہ او مہر گون کیمی یتدی زوالی زینبون
 سندن اوتور بو باشیمی درد و بلایہ سالمیشام
 سندن اوتور خرابہدہ من قوری یردہ قالموشام
 سوغلی قزلارون غمین بو قوری جانہ آلموشام
 راہ وفادہ طی ایدوب حد کمالی زینبون
 سولدوروب آفت خزان اوردا گل بہاریوی
 اوردا مزارہ قویموشام بیر دُر شاہواریوی
 من یانا یانہ ترک ایدوب گیتدیم او گلغزاریوی
 آز قالوب ایتسون آیریلوق فکری خیالی زینبون

دؤزمدم ایتدی زبس گوگولوم او نازدانہنی
 ایتگیم آرتدی گوزیاشیم ایلدی تر بو دامن
 شامہ دوبارہ جلب ایدوب چکدی علاقہسی منی
 گتدی مدینہدن بورا شور و نوالی زینبون
 غربت ایویندہ گورماقا گلدیم او زار و بی کسی
 قالموشیدی قولاقده بسکہ یانقلی نالہسی
 فرض ایلدیم گلور گینہ سوغلون آغلاماق سسی
 آخدی غمیلہ عارضہ اشگ زلالی زینبون
 یوخ بالان تل قبیلہسی بوردا ایدہ مراقبت
 توزلی مزارینی سیلوب ہم ایلہ مواظبت
 خرداجا قبرینہ قالوب قیلّام اوزوم مجاورت
 دائم آلا کنارینی واردی خیالی زینبون
 بسکہ چوخ ایتدوب اوزون عمہ سینہ او خوش سخن
 علت اودور کہ دویمارام قارداش حسین رقیہدن
 خوشدی قویام مزارہ باش تا دم حشر بوردا من
 یاتمیہ تک بو شامدہ ماہ جمالی زینبون

جان ویرورم اولوب دلیم پرده به پرده قان کیمی
 سینه مه قانلو کونگون آموشام ایمدی جان کیمی
 جامه نیلی گیمیشم اگنیمه اوز آنان کیمی
 درسین آلوب بتولدن اولدی مثالی زینبون
 یوخ باشیم اوسته آغلیان گل بوگون آغلا سن اوزون
 قلبینی یوخدی داغلیان سینه یی داغلا سن بو اوزون
 گوزلرینی ویرنده جان لطفیله باغلا سن اوزون
 آسگیله بلکه سینه دن درد و ملالی زینبون
 زینبون ای یارالی گل جان یتشوب دوداقینه
 خویش و ئل آختارور باخور گه صاقا گاه صاقینه
 باری اوزون جنازه سین حمل ایله قبر ایاقینه
 تاپشور اوزون مزاره بو باشی بلالی زینبون
 بیز ایکی عندلیبیدوخ عشقلی بیر بوداقده
 بسلدی فاطمه آنام نازیله بیر قوجاقده
 حیف اولاد دوشدی مدفنیم سندن اوزاق اوزاقده
 قالمالی اولدی شامده کرب و بلالی زینبون

کرب و بلانی ایلدون قارداش حسین مزار سن
 شامده ایلرم بنا غصّلی بیر مزار من
 عطر وفا آلاز منیم قبریمون اوستونه گلن
 نه باجی دور بولر سینه مهر و وفالی زینبون
 سندن اگرچه ظلمیله سالدیلار زینبون اوزاق
 وصله چاتانمادی اولوب مدفنی خانه فراق
 نازلی رقیه ساخلادی شامده عمه سین قوناق
 حشره کیمی قوناقیدور یاسلی عزالی زینبون
 ساخلادی شامده منی حرمتیله بو سوغولوم
 کرب و بلاده قالدیلار لیک ایکی سولان گلوم
 اوردا قوناقدور سینه هر ایکی خسته بلبلوم
 ساخلا عزیز ای شه ملک جلالی زینبون
 وار آنام اوغلی تائبین چون بیزه چوخ ارادتی
 ایسته خداسی لطف ایده سود و قوموز فصاحتی
 سوزلری دلنشین گله آرتوق اولاد حلاوتی
 ثبت اولاد دفترینده خوش شرح مقالی زینبون

احوال امام صادق علیه السلام

حضرت صادق اولوب مسموم رحلت ایلدی
جعفری مذهبلری غرق مصیبت ایلدی

مسموم رحلت ایلدی



بیر وجودی که وجود پاکی سراللهیدی
علم کان و مایکوندان سربه سر آگاهیدی
سایه قدسی صراط المستقیمه راهیدی
منطقیله دوز یولا خلقی هدایت ایلدی
بیر وجودی که یوزی آیینئه ایمانیدی
هیكل توحید یزدان ناشر قرآنیدی
چرخ حکمتده جمالی نیر تابانیدی
باتدی احبابین گوزونده کونی ظلمت ایلدی
بو امامین دین اسلامه چوخ اولدی خدمتی
قویمادی قالسون پریشان دین حق جمعیتی
ایلدی تعلیم اهل دینه فقه و حکمتی
محضریندن چوخلاری تحصیل حکمت ایلدی

گوردی منصور ایلوری دین کسب نور اول هوردن
اول سیه دل قصد ایدوب سالسون او هوری نوردن
چکمدی ال سرور مظلوم و دل رنجوردن
ظلمیله هر لحظه اظهار عداوت ایلدی
باخمادی ظالم سینار قلب پیمبر شیشه سی
دمبدم اولدی امامین قتلینه اندیشه سی
حجّت الله اذیت ویرماق اولدی پیشه سی
نچه دفعه حجّت الله جسارت ایلدی
بیر گیجه احضار قیلدی ماسوا مولاسینی
ئولدوروب دنیا یه سالسون شیعه واویلا سینی
ایلدی اوچ دفعه عریان تیغ خون پالاسینی
غیظیله اول شهریار دینه جرأت ایلدی
گوردی چوخ محزون مقابله دوروب خیرالبشر
حالی پوزقون ایلوری منصوره غیظیله نظر
سویلوری ال چک بالامدان ای لعین بدگهر
تیتردی اعضاسی ازبس خوف و وحشت ایلدی

ایتمدی جرأت ایده ظاهر نهان تدبیرینی
 بولدی مشکلدور دگیشسون بنده حق تقدیرینی
 اول شقی قویدی غلافه تازه دن شمشیرینی
 دوتدی یوز اول شاهه اظهار محبت ایلدی
 بوردا رفتار ایتدی گرچه شاه دل رنجوریله
 فکر قتلیندیدی اما کینه مستوریله
 ایلدی مسموم آخر زهردار انگوریله
 زهر کین اول شاهدن تاراج طاقت ایلدی
 زهر کین سالدی ایاقدان شامه دؤندی گوندوزی
 بیر خدا بولدی امامین حالینی بیرده اوزی
 یتدی آفت گل کیمی سولدی سارالدی گل یوزی
 گلشن عمرین اجل گلچینی غارت ایلدی
 گوزلرین یومدی او دم که جومدی بحر رحمته
 اوغلی موسی ویردی غسلون یاندی نار حسرته
 شأنینه لایق کفن ایتدی او صاحب عزّته
 عزّتیه اوز آتاسین صاحب عزّت ایلدی

بو کفن بو دفن بو ذکر مصیبتدن خدا
 یاده دوشدی دفن و کفن خامس آل عبا
 گلدی سمت کوفه دن بیمار دشت کربلا
 شاه عطشان دفینه اقدام او حضرت ایلدی
 گوردی میدان بلا بیر عشق میدانگاهیدور
 هر مریض درد عشقه عشق درمانگاهیدور
 قوچ قوزی قربان دوشوبدور عشق قربانگاهیدور
 هر یارالی جسم اونا بیر غم حکایت ایلدی
 تائب پابند دستور امام صادق اول
 بو حنیفه خصلته دل ویرمه صاف اول صادق اول
 شیوه هُشامی دوت تحصیل علم ایت ناطق اول
 تاپ شرافت او نجه کسب شرافت ایلدی

راز و نیاز حضرت موسیٰ ابن جعفر علیہ السلام

یارب نقدر سینه ده تاب محن اولسون
ذکریم نقدر غربت آرا وا وطن اولسون
عرشه اوجالور ناله شبگیریم الهی
مونسی منه کنده و زنجیریم الهی



عالمسن اوزون سینه ده مین لر محنیم وار
غربت زده ام باشدا خیال وطنیم وار
نه یاد ایده نیم نه گلنیم نه گیدنیم وار
ئل طایفه یو خدور که منی یادینه سالسون
غصم ندی بو دلدی کی دردیمن ندی آلسون
بیر صاحب باغم ولی محجور چمندن
هر دم ایدرم یاد گل و سرو و سمندن
جبراً آیرو بلار منی اولاد و وطندن
بلبل کیمی دائم چمن آواره سیم من
مدتدی غریم وطن آواره سیم من

ال چاتمور ئله طایفه دوشموش اوزاقیمدا
بو گوشه زنداندی یریم پیر چاقیمدا
زحمت ویروری کنده و زنجیر ایاقیمدا
هر شب سحریم ناله شبگیریلن اولموش
ألفت منه بو کنده و زنجیریلن اولموش
فکریم آزالار فکریمه یارب قالان اولسا
گوگلوام آچیلار گر منی یاده سالان اولسا
قلیم بوشالار دردیمنی دلدن آان اولسا
صد حیف که زندانیده یاده سالانیم یوخ
درد دل ایدوب دردیمنی دلدن آانیم یوخ
ازبسکه سیخوبدور منی بو کنده و زنجیر
جسمیم آریوبدور و یروب احوالیمه تغیر
هر کیم باخا زنداندا گورر بیر قوری تصویر
تصویر نه تصویر که مقرونندی فنایه
بیر عطردی گویا دوشوب آغوش صباه

ایل لر بویی منزلدی منه محبس ظلمت
 قلام گيجه آی اولدوزا گوندوز گونه حسرت
 نه من اولاری نه اولار ایلر منی رؤیت
 یوخ فرق قرانلیق گنجمیله گونوزومده
 بیردور گئجه گوندوز منیم الله بو گونومده
 یکاش بو یرده منه بیر محرم اولیدی
 منله اودا بو یرده شریک غم اولیدی
 صحبت ایلیدوخ دانیشوب همدم اولیدی
 گزلین سوزومی تا اونا من فاش ایلیدیم
 دردیم ندی غصم ندی بی پرده دیدیم
 غربتده خدا حال غریبی بولن اولماز
 بولم قالارام بوردا منی یاد ایدن اولماز
 غربت زده ئولم منه قسمت وطن اولماز
 قالموش وطنیمده اورگیم اوندا گوزوم وار
 اهل وطنه چوخ دئمه لی دیلده سوزوم وار

گتدی وطنیم حسرتی یارب منی درده
 قان باغلادی داغلی اورگیم پرده به پرده
 تابوتیمی کاشکی قویالار بیر اوجا یرده
 تا باد صبا عطریمی آغوشه گتورسون
 اهل وطنه مندن آلان عطری یتورسون
 منظوردی اولاد و وطن چشم تریمده
 نازلی بالالار جلوه ایده لر نظریمده
 یکاش اولیدی هاموسی دوروبریمده
 هر تک تکینون بیر دلیلہ دردین آلیدیم
 قول بوینونا مین رأفت و مهریله سالیدیم
 نازلی بالالار بوردا نجه یاده دوشنده
 صبریم آزالور طاقت دل قالموری منده
 ایله منی گوزلور بالالار ایمدی وطنده
 بولم اولارین یولدا قالان گوزلری واردی
 دلر دولودی چوخ دئمه لی سوزلری واردی

اطفالیمی بوللم که نه احواله قالوبلار
 هجریمده سولان گل کیمی تک تک سارالوبلار
 گورسم که منیم دورهمی قزلاریم آلوبلار
 هر تک تکینون بوینونا قولاریمی سالام
 دیندیرم اوزوم دلدہ اولان دردینی آلام
 معصومه قزیم کاش گلوب بوردا قالیدی
 بو باشیمی جان اوسته دیزی اوسته آلیدی
 اوز قولارینی بوینوما رأفتله سالیدی
 بو گوزلریمی باغلاماقا همت ایدیدی
 بو سینهدہ رفع کدر حسرت ایدیدی
 اولموش نگران یولارا چشم نگرانیم
 گوزلور گله سینمده اولان تاب و توانیم
 جسمیمده اولان روح رضا آدلی جوانیم
 ایتسون باشیم اوستونده تلاوت منه قرآن
 منده ایلیوم جانیمی جانانیمه قربان

حسرتله گوزوم نوگل رضوانیمی گوزلر
 باغیمده اولان بلبل خوشخوانیمی گوزلر
 جان اوسته باخوب صاق صولا جانانیمی گوزلر
 اوز آدی علی هر نه قضا گلسه رضادی
 مندن صورا مشهور غریب الغربادی
 زنداندا هامی عالمی گوزدن آتارام من
 بغدادده بو توپراقین آتدا یاتارام من
 توپراقلارینا عطر مدینه قاتارام من
 اما او بالام طوسده گون تک باتاجاقدور
 غربتده وطن آیرسی یالقیز یاتاجاقدور
 تائب ایلدون سن نه گوزل یاد غریبی
 مسموم جفا کشته بیداد غریبی
 بول باب حوائجدی بو بغداد غریبی
 هر حاجتون اولسا دی روا ایتسون او مظلوم
 دردون ندی کشف ایله دوا ایتسون او مظلوم

زبان حال حضرت علی ابن موسی الرضا علیه السلام

گل اوغول دیار طوسه ئولورم عیادت ایله
باشیمی بیر آل دیز اوسته منه مهر و رأفت ایله
نه عیادته گلن وار نه بو حالیمی بولن وار
گل اوزون بو صون نفسده غمیمه شراکت ایله



ایله زهر کین دشمن دلیمه شرر سالوبدی
کسیلوب قرار و صبریم داخی صبریمی آلودی
یانارام اورک باشیندا ایکی اللریم قالوبدی
باباؤون بو حال زارین گل اوزون رعایت ایله
گل اوغول دیمه دلیمه غم هجروه دؤزوم وار
او گلن یولوندا آخر بولوسن اوزون گوزوم وار
اورگیم دولوب سنه چوخ دئمه لی اورک سوزوم وار
بو یانان گوگولده رفع غم و درد حسرت ایله

نچه وقتدور که سندن بالا دوشموشم اوزاقه
آلیشوب یانوبدی قلبیم داخی آتش فراقه
گل آتا بالا قویاق بیر ای اوغول دوداق دوداقه
سنه من ایدوم محبت منه سن محبت ایله
او بلالی باغبانم اوزاق اولموشام گلیمدن
او غریب باغریقانم اوزولوب الیم ئلیمدن
باشیم اوسته مهربان یوخ آلا دردیمی دلیمدن
گل اوزون بو دردیمه یت غمیمه شراکت ایله
اورگیم بو قدر یانماز غمیمه یانانیم اولسا
آزالار غمیم گوگولده غمیمی آلانیم اولسا
باشیم اوسته یعنی سن تک بیر عزیز جانیم اولسا
گل اوغول بو صون نفسده آتاویله صحبت ایله
بولوسن سنقدی گوگولوم بو شکسته گوگولومی آل
داخی قیدیمه قالان یوخ باری قیدیمه اوزون قال
همی آل منی کناره همی بوینوما قولون سال
ای عزیز مهربانیم آتاوا شفقت ایله

گل اوغول بو قامتیمدن بو لباس حسرتی سوی
 بو غریبیله بو آخر نفسینده یوز یوزه قوی
 منی اوپ دویونجا ایگله آتان عطرنی آلب دوی
 داخی یوخ امید دیدون بو زمانی فرصت ایله
 گل اوغول بو حسرتیله بیله قویما چوخ قالوم من
 اوز اوزه قویوب سنیه قول او بوینوا سالوم من
 اوپوم ایگیلوم دویونجا گوزل عطریوی آلوم من
 گوزل عطرویه طوسی منه رشگ جنت ایله
 او مریض عشقوم وار اورگیمده درد هجران
 ایلوبدی داغ هجرون اورگیمی لاله تک قان
 تاپار ایله درد عشقون دم وصلویه پایان
 منه ای طبیب حاذق گل اوزون طبابت ایله
 گل گلستان عمروم بو بلالی جانان
 یتیشوب اجل یاخوندور من غم زده ویرم جان
 بو غریب دلفگاری بیله قویما دل پریشان
 بو شکسته دلده کسر غم و درد و محنت ایله

بولورم من ای جوانیم که سنون بلاغتون وار
 نجه بیر لسان شیرین نه گوزل فصاحتون وار
 نه گوزل بیان قرآن نه گوزل قرائتون وار
 او قرائتیله قرآن منه گل تلاوت ایله
 ازل انتظاریدیم من که منیم باجیم گلیدی
 سوروشیدی غربتیمدن هامی دردیمی بولیدی
 بو گوگولده کی غبار غم و حسرتی سیلیدی
 او گلنمدی اوزون گل بی بوه نیابت ایله
 بولورم اونون علاقم هامی اختیارین آلدی
 آیروب اونی وطندن چوله اول علاقه سالدی
 یولی گلدی مندن اوتری ولی شهر قمدای قالدی
 او اولوب او یرده مدفون گیت اونی زیارت ایله
 ئولوم اولماسیدی حایل او مگر دؤزه بولردی
 دؤزه بولمزیدی عشقیم اوخی سینه سین دلردی
 بو دیار غربت ایچره منی گورماقا گلردی
 باجی قارداشوخ دیردی باجوا عنایت ایله

بولورم که شهر قُمدَا دیرلیق بهاری سولدی
 بولورم آدیم دلینده گوزی مثل ابر دولدی
 سینه سینده نامم ئولدی او اسیر توپراق اولدی
 بی بی وون بیلَه وفاسین هامویه دی صحبت ایلَه
 فلک وفاهمهیدی او وفا یولوندا باتدی
 بی بیمیز وفالی زینب کیمی بیر علم اوجاتدی
 منی انتظار قویدی اوزی شهر قُمدَا یاتدی
 دیدی انتظاره قارداش سن ئولونجه عادت ایلَه
 باجیم اولدی اوز بی بیم تک بالا تار عشقه بسته
 او قالوبدی قانلو کوینک اورک اوسته دلشکسته
 بودا جان ویروبدی نامم یانان اودلی سینه اوسته
 باخ ایکی بی بونده سیر مثل و شباهت ایلَه
 باجیم ئولدی اولدی مدفون او جلال و عزتیه
 ولی عمری ویردی زینب باشا درد غربتیه
 ئل اوزاق سپرده اولدی دل قبره حسرتیه
 سن او حسرتی خیال ایت یان اوزونده حسرت ایلَه

گل لاله دَر بو یردن بو دیاری ترک ایدنده
 آپار ارمغان الونده بالا یثر به گیدنده
 بیری حالیمی سوروشسا آلا گر خبر وطنده
 ویر اونی نشان بو حالی هامویه حکایت ایلَه
 مارالانی اکبر اولدی بو زبان حاله بانی
 بیلَه چکدی نظمه تائب بو کلام غم فزانی
 ای امام مهرپیشه یازانیله نوحه خوانی
 گلوب ایتماقا زیارت او مزاره دعوت ایلَه

امام جواد علیه السلام در بالین پدر

آز حسرتیه باخ یولا گلدیم بابا گلدیم
 جانیم سنه قربان اولا گلدیم بابا گلدیم



سانما که کسون یوخ سنه غمخوار و کس اولام
 یوخ دادرسون سس ویررم دادرس اولام
 آخر نفسونده سنیه همنفس اولام
 صون دم سنه یار اولماقا گلدیم بابا گلدیم

یوخ فکرون ایدن صون دم اوزوم قیدیوه قالام
 دردون نَدی دلدن یانارام دردیوی آلام
 مین رافتیله قولآریمی بوینوا سالام
 قویما دلوه غم دولا گلدیم بابا گلدیم
 آز شعله آهیله دل زاریوی یاندور
 آز ناله جانکاهیوی افلاکه دایاندور
 آز گوزلرون اطرافوه حسرتله دولاندور
 باخما بو قدر صاق صولا گلدیم بابا گلدیم
 یثربده او ساعت که بابا من سسون آلدیم
 اولدوم نگران سولدوم او ساعتده سارالدیم
 الله اوزی عالمدی که نه حالته قالدیم
 اول حالیه دوشدوم یولا گلدیم بابا گلدیم
 بو داغلی دلی حسرت اوخیله او یارام من
 یانام غموه یوز یوزه سنله قویارام من
 کامیمجه گوزل عطریوی آلام دویارام من
 جان عطریوه قربان اولا گلدیم بابا گلدیم

دوندَرمه بو اندازهده گوزیاشوی سیله
 آز ذکر یوی بو غربت آرا وا وطن ایله
 سورتمه اورگون باشینی توپراقلارا بیله
 میل ایلمه صاقدان صولا گلدیم بابا گلدیم
 هرچند ایدوب زهر عداوت سنی خسته
 یوخ کیمسه چکن نازیوی ای قلبی شکسته
 نازون چکرم باشوی آلام دیزیم اوسته
 باشون دیزیمه آلماقا گلدیم بابا گلدیم
 هرگز دیمورم من دیرلیقدان بابا دویم
 تیر غمیله قلبیمی اما بیله اویم
 رخسار لطیفون بیله توپراقلارا قویما
 سورتمه یوزیوی توپراقا گلدیم بابا گلدیم
 گرچه وطن آواره سی سن چوخ مَحنون وار
 غربت زده سن دلدۀ خیال وطنون وار
 بیر عدۀ وطنده یولوی گوزلینون وار
 کشف ایلمدیم اونلارا گلدیم بابا گلدیم

ایلموم نجه من بو خبری نشر گیدنده
 آغلاردی باجیم فاطمه من طوسه گیدنده
 گوزلر یولوی ایمدی او مظلومه وطنده
 تیکدی او گوزون یولآرا گلدیم بابا گلدیم
 سندن بابا معصومه بی بیم آیری دوشندن
 بیر صحبت آچوب سوز دیدی سوز باشلادی سندن
 حالون سوروشوب گونه خبر دوتدی گلندن
 عشقین سنه شرح ایتماقا گلدیم بابا گلدیم
 هجرون بی بی مون سینه دن آرامینی آلدی
 آخرده وطندن آیروب چوللره سالدی
 گورموب سنی افسوس اونون حسرتی قالدی
 حسرت زده اولدوم اونا گلدیم بابا گلدیم
 وصلون ایلیوب مد نظر چشم بصیری
 قم شهری اونون اولدی بابا یولدا مسیری
 جان ویردی آدون دیلده اولوب توپراق اسیری
 گتدیم غم یاری یارا گلدیم بابا گلدیم

گوردی یوزیوی دلده کی آینه ده ئولدی
 مین مهر و وفا گوهری گنجینه ده ئولدی
 سن یولآدوقون نامه بابا سینه ده ئولدی
 دلن اودی آلدیم یارا گلدیم بابا گلدیم
 سن عالمی گوزدن باباجان بوردا آتارسان
 گون لر گونوسن غرب خراساندا باتارسان
 قُمدایاتوب عمّ ولی سن بوردا یاتارسان
 تدفینه بو توپراقا گلدیم بابا گلدیم
 تائب سنه یازدیردیلایا بو شرح بیانی
 یالوار او شهه ایستیه بو اهل عزانی
 جمعیله دیاق بعیله دیوب تازه جہانی
 آز حسرتیله باخ یولا گلدیم بابا گلدیم

همین بو عشق یعنی قبله دور بو قبله یعنی دل
 او دل یعنی مکان لامکان اوسته بیان گیتدی
 او دل یعنی گلستان محبت مهر دریاسی
 گلی ایثار او گل اوستونده ذکر ضیمران گیتدی
 او عطریں شرح معناسی گوزل، یعنی گوزل دنیا
 او دنیا عشق او دنیا یه گلوب قربان اولان گیتدی
 محبت جوش ایدوب داشسا اورکده خلق ایدر عشقی
 او عشقین باره سینده بیله گفتار عیان گیتدی
 خلاصه عشق یعنی هر نه فکره گلسه مافوقی
 او عشق اوسته گلوب چوخلار اولوب بی خانمان گیتدی
 گلوب دسته به دسته عاشق ئولدی گیتدی دنیادن
 حسین تک هانسی عاشق ویردی عالی امتحان گیتدی
 ایله شوریده عشق اولدی گوزدن عالمی آتدی
 او سودائیله ایتدی ترک ملک و خانمان گیتدی
 فنای عشق یار اولجاق، اوزی عشق اولدی سرتاپا
 قویوب عاشقترین آغلار او عشق جاودان گیتدی

حضرت امام حسین علیه السلام
 فدای عشق حضرت رب الارباب

گلوب عشق اهلی عشق اوسته یازوب چوخ داستان گیتدی
 کتاب عشقی قویدی یادگار جاودان گیتدی



یازوبلار شرحه شرحه باب عشقی دفتر عشقه
 ایدوب هر فردی عشقی بیر بیانیه بیان گیتدی
 دیوبلر عشق معناسی حقیقتدور صداقتدور
 صداقت گوستروب بو شرح معنایی یازان گیتدی
 سخاوت معرفت وسعت وجود صورت و معنا
 او معنا شرحی یعنی جان گتوردی جانستان گیتدی
 شجاعتمدور شهامتدور مناعتدور کرامتمدور
 خوشا بیر اهل عشقه کیم ویروب بو صفده سان گیتدی
 قداستدور شرفدور هم هدف عالی مرام اوسته
 خوشا بیر عاشقه عشقیله اولدی همعان گیتدی

امان اول وقتدن آیریلدی اوز اهل و عیالیندان
 ئلیندن آیریلوب قویدی ئلین ناله کنان گیتدی
 دیر زهرا قزی زینب بیزی گویا تانوموردی
 ایله آیریلدی بیزدن اول امام مهربان گیتدی
 گوروب آغلار دالینجا نازلی قزلار هایهائيله
 اوهای ساندی های عشق او سلطان جهان گیتدی
 گل اوزلی قزلارین ترک ایلوب زینبدن آیریلدی
 او گیتدی زینب مظلومه دن آرام جان گیتدی
 دیدی قارداش دایان گلسون دولانسون باشوه زینب
 دؤزه بولم سنيله دلده کی تاب و توان گیتدی
 امیدیم عزتیم روحیم منیم ایستکلی قارداشیم
 سن آیریلدون باجوندان آیریلوب روح روان گیتدی
 آنام ایلوب وصیت گل اوپوم کویچک بوغازوندان
 بو سوزده چشم مولادن یوزه اشک روان گیتدی
 آناسی یادینه دوشدی دیدی یا امّ یگا زهرا
 آدون گلدی بو قلبیمن محبت داشدی قان گیتدی

وصیت لازم الاجرادی شاه عشق ایدوب اجرا
 او لطفيله دل زینبندن اندوه گران گیتدی
 ایدوب زهرانی راضی زینبون آلدی سنق گوگلون
 محبت گلدی زینبندن غم و درد نهان گیتدی
 اگیلدی شاه دین زینب اوپوب قارداش بوغازیندان
 باجی قارداشيله آغلاشدی افلاکه فغان گیتدی
 باجی قارداش ایدوب ناله اوشاقلار بیریره دگدی
 خیام دیندن چرخ برینه الامان گیتدی
 رقیه گوردی بيله صحنه نی سچدی نه عالم دور
 دیدی ایوای منه الدن امام انس و جان گیتدی
 خانم عمّه بيله معلوم اولور بیرده بابلم گلمز
 بيله بیر عالمه منده اولان ظنّ و گمان گیتدی
 اگر بولسم گلر بیرده اوتورام بو یول اوستونده
 یولونی گوزلرم بیر یول که شاه تشنگان گیتدی
 بابام گیتسه الیمن کیملره ناز ایلرم عمّه
 چکر کیم نازیمی دل دردیمی دلن آلان گیتدی

امانسیزلار بیزی چوخ اینجیدر گیتسه بابام الدن
بابام گیتدی اونيله هر نه وار امن و امان گیتدی
بابام چوخ چوخ منی ایستردی نولدی دویدی آیریلدی
من اوندان دویمادیم قویدی منی چوخ باغریقان گیتدی
بيله بوللم او شیرین دل دوروب اوردا گوزی یولدا
او یولدا که امام راستین و راستان گیتدی
نه گوردی بیر قرا یل اَسدی عالم اولدی دیگرگون
جهانی چولقیوب ظلمت او نور شمشعان گیتدی
دیدى عمّه بابام باشینده بولم نه بلا واردی
که عالم بیریره دگدی بيله نظم جهان گیتدی
قالوب یرده امامین نعشی گئچدی نیزیه باشی
اولوندی دلده تکبیری یری دارالسنان گیتدی
یتوردی بانگ تکبیريله اهل کلّ دنیايه
که دین اوسته حسین قربان ایدوب باشيله جان گیتدی
شریعت گل لری پرپر دوشوب گلشن خزان اولدی
باش آلدی گلشنیندن باغبانی همزمان گیتدی

حسین سیز نه گلستان و نه گل نه بلبل و سنبل
حسینيله گلستاندان صفای گلستان گیتدی
تاپوب زاغ و زغن گلزاره یول گُلر ایاقلاندی
ایاق آتدا قالار گل تا چمندن باغبان گیتدی
خیامه یوز قویوب لشکر خیال قتل و غارتله
خیم یاندی گویه یردن صدای الامان گیتدی
دوتوب یوز قتلگاهه عصمت کبرا قزی زینب
دیردی گل حسین دارالامانوندان امان گیتدی
سویولار اهل بیت عصمتی بو قوم سفیانی
حیالی قزلاروندان گویلره داد و فغان گیتدی
سخندان و سخنگولر اولوبلار منزوی تائب
تاپوب فرصت جهالت، نکته دان صاحب بیان گیتدی
اوزاقد ا گورمه هرگز اهل ذوقی ساخلا ال تائب
کمیت سرکش طبعون آلوب الدن عنان گیتدی

ذکر جلال و محبت امام حسین علیه السلام

و شرح سرنوشت آن بزرگوار

حسین حبیب خداوند حی یکتادی
خدا یانیندا علو مقامه دارادی



حسین چراغ هدایت حسینی فلک نجات
حسین لنگر دیندور، کرمده دریادی
حسین جمال جمیلی، جمال لم یزلی
سپهر دینده خورشید عالم آرادی
ویروب مدینهده باش کربلا چولونده باتوب
اوزی باتوبدی گوزل نوری اوردا پیدادی
بلا چولونده گیدوب شیعه لر تا پالا اونی
گوره لله مدفنی رشگ بهشت اعلا دی
حسین محبتی بیر گنج دور تمام عیار
او گنجه مؤمن اورکلر مکان و مأوادی

حسینی هامو سور چون سووب خدای جلیل
خدایه سوغلیدور چوخ مقامی بالادی
وجاهتینده حسن صورت و حسن خودور
صلابتینده مثال ولی اعلا دی
حیاسی فاطمه دن دور صفاسی مصطفوی
کرامتینده صفات خدایه دارادی
فقیره سکه ویروب ویرمدی نشان اوزونی
مباد اوندا اولا رنگ خجلت ایجادی
فقیر آغلادی شوريله هایهائيله
دیدى امام بو نه ناله دی نه ابکادی
جواب ویردی که من آغلورام بو الله کیم
اولاردا واردی بیله بخشش خدادادی
مع الأسف قالاجاق توپراق آتدا بو الله
دیدى فقیر او سوزی دله ناله و دادی
ولی یوخیدی خبر ساریبان جفاسیندن
کسر همان ید احسانی تیغ فولادی

اوزونی گاه ایدردی حسینینه ناقه
 ویزردی هروله^۱ حاليله اوغلونا شادی
 بو یازدقیق سوز اولوب درج بیت الاحزاندا
 همان کتابده واردور صحیح اسنادی
 ایوینده بیر گون اوتورموشدی حضرت زهرا
 نه گوردی اوغلی حسین گلدی غرق ابکادی
 بولود کیمی دوتولوب گل کیمی جمالی سولوب
 دولوبدی گوزلری اشگیله رشگ دریادی
 سیخوب ایدوبدی گلوگیر غصه گوز صدفی
 توکور سرشگ ایله بول لؤلؤئيله لالادی
 دیدی حسین او گوزل گوزلره آنان قهربان
 بیان ایله بو نه عالمی یا نه معنادی
 سنون بو آغلاماقون ایلدی منی دلگیر
 بو نوع آغلاما ای روح عشق و آزادی

آناسی فاطمه اوریدی گوردی فاجعه‌نی
 سوزی گئچاق دیمیاق ظلم قوم بیدادی
 بو کارخانه خلقتده چوخ گوزل واردی
 ولی تمام گوزلدن حسین زیبادی
 دوداقی غنچه یوزی گلدی قدی سرو سهی
 اوزی گوزل سوزی شیوادی چشمی شهلادی
 گل بهشتدی نه رنگ آلاز بهشت اوندان
 اوزی بهشتدی روح بهشت اعلا دی
 سرور سینه مولادی مجتبا به عزیز
 فروغ دیده طاهادی جان زهرادی
 گورنده جدی حسینی اولاردی محو نگاه
 دیدی بو بالامین مهری آیری سودادی
 باساردی باغرینا جان تک اوپردی ایگلردی
 اوپوب دیدی بالام عطری بهجت‌افزادی
 آتی اتیمدی قانیمدور قانی جانیمدی جانی
 دیلیمده ذکر دی گوزده فروغ و بینادی

ندور دلیلی بیله آغلوسان گوزوم نوری
 دی بیر گوروم ندی دردون که بی مداوادی
 گوزون دولاندا بولود تک دولار آییق گوزلر
 یوزون سولاندا آسر گلشنه خزان بادی
 سن آغلینده اوغول ماسوا گلر درده
 اماندی آغلاندا آغلاندا کَل ایجادی
 سنه گل اوزلی برازنده دور دیوب گولماق
 نه آغلاندا نه سزیتلی نه ناله بنیادی
 گورنده غنچه دوداقیله گولماقون گوللم
 گلنده نالیه اودلار بو قلب ناشادی
 سنی قسم ویرورم جدّوین رسالتینه
 آتان علی ولی حقینه که مولادی
 اورکده ساخلاندا دردون دی اولدی قان اورگیم
 دیسن اورکده کی دردون آناوا اولادی
 بالا آناه دیسه دردینی دواسین آلا
 آنا آلا بالا دردین بو رسم دنیادی

خصوص سن تک اوغول من کیمی شفیق آنا
 بیزیم محبتیمیز لفظ عشقه معنادی
 آناه گر دیمه سن دردیوی کیمه دیه سن
 آنا کیمی کیم آلا درد قلب اولادی
 بوغاز بیچیلدی حسین دولدوروب دوباره گوزون
 دیدی بو سوز آنا حل اولمیان معنادی
 بیر ایله درددی گزلین اونا دوا اولماز
 بیر ایله اوتدی ایله نار جانگزا اولماز
 بیله خیال ایدورم کیم منه بو گون لرده
 ازل کی لر کیمی جدّیدن اعتنا اولماز
 منی سالوبدی گوزوندن بیله اولور معلوم
 اونون زیارتینه گیتماقا رضا اولماز
 آنا قاباقدا کی گون لر هارا بو وضع هارا
 اولوبدی قان اورگیم بیله ابتلا اولماز
 حسین آغلادی شوریه آغلادی زهرا
 مگر آنا بالا آغلاشسا همصدا اولماز

بالا گر آغلاسا واضحدی آغلادار آنانی
 بالاسی آغلیه ساکت باخا آنا اولماز
 آنا بالایه باخوب آغلادی بالا آنیه
 بیر ایله ناله جانکاه ایله نوا اولماز
 بویوردی فاطمه آغلار گوزیله دیلده فغان
 اوغول حسین بیله سوز بیله ماجرا اولماز
 دوباره اولدی گلوگیر ایدوب خطاب آناجان
 حسینوین بولوسن سوزلری خطا اولماز
 آلبودی درس حسین دوز دانشماقی سیزدن
 بیز اهل بیته یالان نسبتی سزا اولماز
 آنا دیدیم حسنه جدیمون زیارتینه
 گیداخ دیدی بیله بیر امرده ابا اولماز
 حضور جدیمه یتدوخ کمال شوریه
 او شور وصفی ندور شرحیله آدا اولماز
 صاقیندا جدیم اوتوتدوردی قارداشیم حسنی
 منی ده صولدا، حسندن، حسین جدا اولماز

محبت ایلدی دیرینه عادتیه بیزه
 بیر ایله حال فرحزا ایله صفا اولماز
 ایکی دوداقلارینی اوپدی قارداشیم حسنون
 بیر ایله بوسه که وصفینده انتها اولماز
 علاوه اوپماقی چوخ ایگلدی دوداقلارینی
 ایله مشام ایله بیر عطر دلربا اولماز
 ندن منیم دوداقدیمدان یوزونی دوندردی
 دوتوب بوغازیمی اوپدی بیله قضا اولماز
 اگر سُویدی اوپردی منیمده لبلریمی
 دیردی بیردی حسین و حسن سوا اولماز
 دوداقدیمی آنا گل اوپ بو آغزیمی اپگله
 گور اوندا عطر روان بخش واردی یا اولماز
 حسین دوداقدینی اوپدی محبتیه خانم
 بیر ایله بوس صفابخش و دلگشا اولماز
 اُپوب دیدی بالا وار آغزیوین ایله عطری
 که بیر چمنده بیله عطر جانفزا اولماز

آتام رسول خدا چوخ سُور حسین سنی
اونون محبتینه قیمت و بها اولماز
محالدور که بابام سندن ایلیه اِکراه
بو فکر و حالده پیغمبر خدا اولماز
حسین دیدی آنا جان چوخ سنوب منیم اورگیم
بیر ایله درده سالوبدور اونا دوا اولماز
دیدي بابام بالا باشند ایاقه عاطفه‌دی
سنه خصوصاً او بی‌اعتنا اولماز
او دائماً بویوروبدور حسین مندندور
منم حسیندن، اِبطال او ادعا اولماز
بابام ایدوبدی حسینیم سنه اوزون ناقه
بیله مقام محبت بیله وفا اولماز
وَ مَنْ أَحَبَّ حَسِیناً دِیُوب حَسِینِی سُون
منی سُوب، بو سوزه حرف لا و ما اولماز
سن آغلینده بِشیکده منه دیردی بابام
حسینی ساکت ایله صبریم آغلاسا اولماز

قزیم ایدر منی غمگین حسینون آغلاماقی
او ساکت اولماسا غمدن دلیم رها اولماز
بتول دوتدی الیندن حسینونون فی‌الحال
بیله صفالی وفالی آنا بالا اولماز
گل بهشتیله گلباز دین اولوبلا روان
یتوبله محضر طاهایه گوزده اشگ روان
گورنده حضرت طاها حسین و زهرانی
پوزولدی حالی چکوب دِلْدَن آه سوزانی
ویروبله بو خبری نسبت ابن‌عبّاسه
دیر که عرشه اوجالدی رسول افغانی
چکوب سس آغلادی شوريله هاپهائيله
پیمبر آغلادی آغلادتدی اهل بالانی
پیمبر آغلاسا البتّه قدسیان آغلار
ایده‌لله بلکه عزاخانه عرش اعلانی
ایدوبدی دامن پاکین حجاب سیمایه
بولود کیمی گوزی یاغدیددی اشگ بارانی

او قدر آغلادی توکدی او قدر گوزیاشی
 که ایسلادوبدی آخان گوز یاشیله دامانی
 ویروب سلام خانم عرض قیلدی یا اَبَتا
 اولا او گوزلره قربان بو فاطمه جانی
 حسین گوزومدی دیردون همیشه ساخلاردون
 صفائیه گوز ایوینده بو چشمی شهلانی
 اوپوب یوزون گوزونی ایگیلوب دیردون سن
 حسیندن آلارام عطر باغ رضوانی
 جواب ویردی رسول خدا که یا زهرا
 دئدوقلارون هاموسی دوزدی یوخدی کتمانی
 سئوال قیلدی خانم فاطمه نه علتی وار
 سالوبسان ایمدی گوزوندن بو ماه سیمانی
 او قدر مهر و محبت بابا هارا گیتدی
 ازل کی تک تانومورسان حسین زیبانی
 حسن دوداقون اوپوب هم دیونجا ایگلورسن
 مشام جانہ آلورسان شمیم جانانی

حسینوین اوپوسن لیک سن بوغازیندان
 اولوب حسینیمه بو آه و ناله عنوانی
 سنوب بالام اورگی آغلور آغلادور منی ده
 حسینیمی ایدم آرام یوخدی امکانی
 من آغلارام بالام آغلار بو قلبیمی داغلار
 گوزومده وار باباجان گور نه اشک طوفانی
 بابا اوزون منی بو سَرَدن ایله آگاه
 یاخوندی غصّه هلاک ایلسون بو نالانی
 دونوب پیمبر رحمت بویوردی یازهرا
 دئدوقلارون هاموسی دوزدی ای وفا کانی
 ولی بو امرده بیو سَر وار بیان ایله سَم
 اولار ایشیق گونوزون گوزده لیل ظلمانی
 دُوزنمه سن سنی بو قصّه باغریقان ایلر
 ئولونجه سن توکه سن دیده دن جگر قانی
 دیدی بتول بابا حقّوه قسم ویرم
 منه بیان ایله روشن بو سَر پنهانی

بويوردي خاتم پيغمبران بودور، جبريل
ويروور خبر منه آينده دن همين آنی
بالام حسن ديوری زهريله اولار مسموم
اودور که لبلرين اوپدوم اونون بالام جانی
ولی حسينيون آیری بلاسی وار باشينون
بوغازینی کسه جاق شمر مرتد و جانی
اودور بوغازینی اوپدوم حسينمون زهرا
اوپنده ياد ایلديم قان دولان بيابانی
او دشت کرب و بلادی او گوندي عاشورا
سوسوز قانا بويانار هم اوزی هم اعوانی
معاینه گورورم کربلا دیارینده
ایدوبله قانینه غلطان بو دُر رخشانی
باخار فراته دیر العطش سو ویرمزلر
اولار او دشته لب تشنه عشق قربانی
امان او وقتدن اول شاه دین قالوب یالقیز
ایدوب محاصره اتباع قوم سفیانی
دونوب صاقا صولا هل من معین سسلردی
جواباً اهل جفا یاغديراردی پیکانی

او چولده تکلدی بیر مردی نچه مین نامرد
قتیل ایستماقا اول آبروی مردانی
توکولدی نچه مین اعدا ووروب یخوبلا یره
سوسوز قتیل ایده لر بیر غریب تنهانی
آناسی فاطمه ده گلدی اوز باباسيله
گوروب او صحنه جانسوز و محنت افزانی
بتول گوزلرینه اللرين قويوب آتاسی
که گورمیه بالا حلقینده تیغ برّانی
حسینی تشنه لب ئولدور دالر نماز اوسته
گیدوب نماز قیلوب تابعان شیطانی
حسینه معرفتيله گر آغلاسان تائب
جزا گونونده آلارسان جزای شایانی
حسین یولون تانی سنده حسین گیدن یولی گیت
تاپ امتیاز اوزیوه آل مقام انسانی
سنة باخوبدی امام حسین بو دنیاده
باخار جزاده ده حتماً او عشق سلطانی
حسین باش اگمدی اعدایه تشنه لب ئولدی
دیریتدی حشره کیمی حکم دین و قرآنی

جنگ اُحد

باشد سودای ولایت الدہ کلک خوش نگار
دلہ جاری حمد و شکر حضرت پروردگار



ایسترم دوتسون الیمن طالب و غالب اوزی
دفتریمده دلہ کی منظوریمی ایلوم نگار
بیر بودور عرضیم بوراخما ای خدا اوز باشیمہ
بیر نفسدہ ایلہ اوز حول و قُوندن کنار
حول و قُوندن کنار ایتسن یتَر کیم دادیمہ
سندن اوزگہ کیم منہ قُوت ویرر ای کردگار
دار دنیادہ یاشات اوز سُودوقون تک سن منی
سُودوقون تک بارالہا دار عقبایہ آپار
لطفویلہ قیل گوارا بیر فَرَجدن فتح باب
روزگاریم اولماسون عالمده تلخ و ناگوار
ایلہ مشغول دنیا ہم و غمیلہ منی
اولماسون تا کیم فرایضدن منیم چون بازدار

ہم منہ امن و امان لطف ایلہ ہم ایمان پاک
ہم ایکی دنیادہ بو عاصی نی ایلہ رستگار
ہم منہ روح قناعت ویر تمام عمرده
فکر استغنائیلہ تا اولمیوم درده دچار
فکر استغنا چیخاردار ای خدا یاددان سنی
سن یادیمدان چیخسان اولام ہر ایکی دنیادہ خوار
سن حلالیندن یتور تا من حرامہ باتمیوم
اولماسون روز قیامتدہ مکانیم قعر نار
ای خطاپوش عطا گر بی نیاز و دلنواز
من خطاکارم عطا و لطفوہ امیدوار
بارالہا ایلہہ بپیردہ منی اہل طمع
زایل ایلر دلہہ مرضات خدانی ہر نہ وار
اولماسا منظور مرضات خدا ہر امرده
ہر نہ سعی ایتسہ شکست واقعی آخر تاپار
شاہدیم جنگ احددہ بیر نچہ اہل طمع
باعث اولدی لشکر اسلامہ ال تاپدی شَرار

بدر جنگینده شکست اولموشدی اشرار قریش
 باغلامیشدی کینه اسلامیه کفار قریش
 باشه بوسفیان یغوب بشمین نفر جنگ آزما
 یوز قویوب شهر مدینه سمتینه اول بی حیا
 لشکر انبوهیله تکمیل تجهیزاتیله
 یوز کماندار قَسَى الْقَلْب هم جنگ آزما
 غرق ساز و برگ جنگ اوچمین نفر ناقه سوار
 هم ایکی یوز اسب تازان صفوف اشقیا
 سَوَم هجرتده گویا کیم مَه شَوَالیدی
 حومه یثریده باشلاندی بیله خونین غزا
 اشرف پیغمبرانه تایتیشدی بو خبر
 لشکر اسلامی تجهیز ایلدی اول مقتدا
 گلدی دامن اُحدده جیشیله دوتدی قرار
 میمنه هم میسره تشکیل ویردی مصطفی
 ایلدی تدبیریله اللی کماندار انتخاب
 سئچدی عبداللّهی فرمانده حبیب کبریا

کوه عینینین شکافینده قویوب مأمور اونوی
 پشت جبهه حمله سین دفع ایلسونلر مطلقا
 جنگ وقتینده او یر بیر نقطه حساسیدی
 وار نه حساسیت اوردا درک ایدر جنگ آزما
 ایتدی فرمایش پیمبر بو یری ترک ایتمیون
 بو کمین گاهی مکان ایلون کناره گیتمیون
 مسلمینین قانینی تضمین ایدر بو کوه و بَست^۱
 گوزلیون پیمانۀ پیمانوزی ایتمون شکست
 هر کسین اولسا الینده بیر بیله حساس یر
 اختیارینده اولار هر نقطه بالا و پست
 لشکر اسلام حتی من اوزوم اولسام شهید
 اوز یروزدن ایتمیون سیز جست و خیز و خیز و جست
 ایتمیون غفلت اماندور فرصت الدن گیتمه سون
 نقطه حساسی ایلوبدور کمین اشرار پست

گلموسوز حبّ الهی دلدہ بو جنگاہہ سیز
 حبّ دنیا قاتمیون مردان پیمان آلت
 ایلہ سز غفلت مُبرہندور کہ پشت جبہدن
 مسلمینہ حملہ ایلہ لر گروہ بت پرست
 اهل قرآنی گچیرده لر دم شمشیردن
 نیزہ کافر موحد قلبینہ ایلر نشست
 قانونا تشنہ اولان اعدا ایچہ لر قانونی
 بادہ کفریله ازبسکہ اولوبلار مست مست
 مُثلہ ایلہ لر شہیدان شہادت پیکرین
 ہم کسوب اعضاسینی ہم قطع ایدہ لر اللرین
 باغلیوب صف بیر طرف کفار شوم روسیاه
 روبرودہ لشکر اسلام اُردوی اِلہ
 میسرہ تشکیلینی ویردی او یرده عکرمہ
 میمنہ تشکیل ویردی خالد آیین تباه
 بیر شتر اوستہ قاباقدا دوشدی حمل اولدی هُبَل
 پشت لشکرده زنان بی عفاف و دل سیاه

بیر سیاسی جنبہ وار بوردا زنان گل میشدیلر
 آغلیوب ئولموشلرہ ایتسونلہ تحریک سپاہ
 دمبدم سسلردی کفار قریش اعل هُبَل
 مسلمین سسلردیلر اللہ اکبر لاعلاہ
 طلحہ کہ کبش کتییدی سپاہ کفرده
 گلدی میدانہ مبارز ایستدی اول روسیاه
 مرتضی بی باک و پروا قویدی میدانہ قدم
 روبرو اولدی او دل ظلماتیلہ رخشندہ ماه
 طلحہ شمشیر اندیروب رد ایتدی شیر کردگار
 مرتضانین برق شمشیریلہ دولدی حربگاه
 مغزینہ آندی یخوب مرکبدن اول کافر دلی
 عورتی کشف اولدی یوز دوندردی شاه مُلک جاہ
 شاد اولوب ختم رسل اللہ اکبر سسلدی
 سسلدی تکبیری تکبیر اوستہ اسلامی سپاہ
 طلحہ نین قارداشی مُصعب عزم میدان ایلدی
 ووردی بیر ضربتلہ سالدی توپراقا شیر اِلہ

گلدی هر کیمسه مبارز اولدی شیر داوره
 برق شمشیر علی بؤلدی اونی سالدی یره
 بیر سیه چهره غلام زرخرید آدی صواب
 عرصه رزمه قدم قویدی عجول و باشتاب
 نه غلام اما جسیم الجثه مثل کوه قاف
 آغزی کفلنمیش قزارمیش گوزلری بی صبر و تاب
 ذکر ایدردی دمبدم چوخ چوخ بلند آوازیله
 ئولدوروب پیغمبری قیلآم آقامی کامیاب
 وحشته دوشدی مسلمانلار او بدکرداردن
 اولمادی جرأت بیرینده جنگه ایتسون ارتکاب
 چوخ دیوب اوز ضرب و شستیندن او دریای غرور
 مرتضی بیر ضربت شمشیریه ویردی جواب
 کوه پیکر قامتی بؤلدی علی بولم نجّه
 آیریلوب فوق کمردن جسم نحس بدمآب
 پیکرین نصفی دوشوب توپراکه عالم سیری قیل
 نصف پایینی قیام اوسته دوروب امر عجب

مسلمین تا گوردی بیله خنده آور منظره
 چوخ تعجبله بو احواله گولردی شیخ و شاب
 لشکر اسلام ایدوب حمله سپاه کافره
 دشمنه ویردی مسلمانلار شکست بی حساب
 ناقه پیلندی یخلدی ناقه اوستوندن هبل
 آغزی اوستونده دوشوب یرده ایدوب بوس تراب
 اشتغال ایتدی مسلمانلار غنیمت یغماقا
 ارتش اسلام ایتدی اوزگه حالت اکتساب
 حافظین پشت جبهه ترک ایدوب اوز یرلرین
 ایتدیلر میدان رزمه جمله با فکر نهاب
 اولدیلار سرگرم غارت یغماقا چون مسلمین
 قالدی خالی پشت جبهه تاپدی فرصت مشرکین
 اول عبدالله حمله ایتدی خالد بی امان
 ایچدی عبدالله صهبای شهادت همزمان
 جیش اسلامه اولوبلار پشت سردن حمله ور
 دللرینده عربده اللرده شمشیر و سنان

مشرکینون پرچمی تاپدی دوباره اهتزاز
 هایهویله قاچانلاردا قیتدی ناگهان
 ایتدیلر اسلامیانی طعمه شمشیر کین
 صفحه میدان رزمی ایتدی رنگین سرخ قان
 ایچدی صهبای شهادت حمزه عم مصطفی
 ایتدیلر مُثله یارالی پیکرین سفیانیان
 دوشدی شیطان لعین اوندا جُعیلین شکلینه
 سسلدی ئولدی محمد رهبر اسلامیان
 لشکر اسلامی ایتدی بو خبر وحشتزده
 وحشته دوشدی ایتیردی اوز اوزین پیر و جوان
 ووردی یخدی بیر بیرین قاچسون کناره صحنه دن
 آیت این المفّر اولدی او میداندا عیان
 قویدولار پیغمبر اسلامی یالقیز قاچدی لار
 بوردا وار بیر نکته باریک قیلام من بیان
 چون ازل اللّهدان اوتری جنگ ایدردی مسلمین
 غالب ایتدی مشرکینه خالق کلّ جهان

دوشدولر صوندا جماعت مال دنیا فکرینه
 یادلاریندان چیخدی بالمزه خدای مهربان
 بیر محبت گاه دور دل مهر دنیا گلسه گر
 خانه دلدن گیدر مهر خدای لامکان
 مسلمین ایتدی اوزون قربانی حرص و طمع
 باشلارینا یاغدی اوخ اگلشدی تیغ جانستان
 هامی قاچدی گیتدی قالدی بیر علی بیر مصطفی
 اوز مواساتین نشان وپردی او گونده مرتضی
 مصطفانی قصد ایدنده کینیه قوم شرار
 دفع ایدردی شرّ اشراری ولیّ کردگار
 ایتماقا خاموش ظلمیله رسالت شمعی
 مصطفانی ایلوبلر داش اورکلر سنگسار
 پارچالاندی آنی قان آخدی جمال آینه
 پاک ایدوب قانی جمالیندن حبیب کردگار
 تا مبادا آنینین قانی توکولسون توپراقا
 گوی عذاب نازل اولسون دهری ایتسون تارومار

عُتبه داش ووردی لب و دندان بحر رحمته
 اول گداطینت الیله سیندی دُر شاهوار
 یتدی دوخسان یاره شیر داورین اعضاسینه
 یوز گوزی یکسر ایاق ال سینه اولدی زخمدار
 آز قالوب ضعف ایلوب دوشسون ترابه بوتراپ
 حیفدور دوشسون ایاقدان ایلله مرد پایدار
 ناگهان سیندی بیله عالمده شمشیر علی
 دست خالی قالدی بو موقعده دست کردگار
 عالم اوزگه عالم اولدی بیله گیر و دارده
 گلدی جبریل امین الده گتوردی ذوالفقار
 وار صراحت آسماندان گلدی بیله بیر ندا
 لافتی الّا علی لاسیف الّا ذوالفقار
 ضعف یوز ویردی یاخین اولدی یخلسون مرتضا
 دوتدی جبریل امین قویموب یخلسون بی قرار
 سوز غلط دوشمز دیسم سویلوب یخلما یا علی
 استقامت وقتیدور قیل استقامت زینهار

گورموسن یوخسا عدو یالقیزلیوب پیغمبری
 سندن اوزگه باری یوخدور ای یگانه جان نثار
 یتدی یتیش ضربت شمشیر کین پیغمبره
 لطف بی پایانیله حفظ ایلدی پروردگار
 ایلمزدی سهلدور نفرین او قوم کافری
 بلکه دلسوزی ایدردی اونلارا اول تاجدار
 ایلله سیر عاطفه باخ مهربان پیغمبره
 جای نفرین گور نجه ایلر محبت آشکار
 عرض ایدردی رحم ایلله ای ربّ رحمان و رحیم
 گنج گناهیندن بو قومین جاهل و ناداندیلار
 بو دعا ایلور او نلاندلار عداوت گوسپتورور
 سعی ایدر ئولدورماقا پیغمبری قوم نقار
 لیک دورموشدی مهاجم لر قباقینده علی
 شمع دینین دور ایدردی باشینه پروانه وار
 هر ستم پیشه رسولی قصد ایدردی مرتضا
 ایلیردی طعمه شمشیر تیز و آبدار

گلّه روباه اولاندا هر طرفدن حمله ور
 شیر داور شیر تک هر فردین ایلردی شکار
 قولتوقوندان دوتدی شیر داورین روح الامین
 قوزادی ایتدی علینی قائم کامل عیار
 گنچدی جانیندن علی پیغمبره ویردی نجات
 جبرئیل عرض ایتدی ای پیغمبر والاتبار
 بیر مؤاسات و جوانمردی علی ویردی نشان
 گورمیوب مثلین گورنمز بیرده چشم روزگار
 ایتدی فرمایش علی منلندی من اولان بلی
 وار آرامیزدا ازلدن ارتباط استوار
 هاردا قالموشدی خدایا کربلاده جبرئیل
 اوندا که عباسی یخمیشدی گروه کین شعار
 سویلییدی یاتما دور یالقیزدی قارداشون حسین
 قویما تک قالسون بلالی قارداشون ای نامدار
 حیف او شیر شیرزادین پنجه سین سالمیشدیلار
 روبهان کوفیه مجروح اولموشدی شکار

آنی اوخلی قانیله حیدر باخیش گوزلر دولی
 ال یارا پیکر یارالی مرتضایه یادگار
 آه او ساعتدن او سردار امام نشأتین
 عرض ایدردی گل ایاقدان دوشوشم قارداش حسین
 گل عزیز فاطمه درک ایت عزیز جانوی
 سو کناریده دوشن سقای لب عطشانوی
 سیندی جان پیمانه سی سیندیرمادیم پیمانی من
 یخدیلار پیمان شکنلر تشنه هم پیمانوی
 آسدی باد تند قان یاغدیردی ابر سرخ گون
 سیلرر آتلاندی آپاردی سرو سروستانوی
 ای شه دین گور نه احواله سالوب زاغ و زغن
 اوخلاریله پر آچان شهباز بال افشانوی
 شیریین روبه صفت اشرار کسدی پنجه سین
 یخدیلار میداننه آسیز ضیغم غضبانوی
 اللریم گیتدی الیمدن دوت الیمدن سن اوزون
 آل هانی دوتسون سنون بیرده گوزل دامانوی

گل یدالله اوغلی السیز قارداشون اللردن آل
 گور نجه السیز یخوبلار فارس میدانوی
 ایله حاليله یخیلموش یوخ قیامه قدرتی
 تا اله شمشیر آلوب ایتسون حراست جانوی
 قورخورام یالقیز گوروب دشمن سنه اولسون جری
 آلدیلار الدن ستمله صارم بُرّانوی
 آز قالور گیتسون بلاگردانون الدن یاحسین
 ای بلالی تاپ بلا وقتی بلاگردانوی
 صون دمیمدور لیک سندن ناگرانم ناگران
 ایلم مدّنظر یالقز قالان دورانوی
 سیدی پرورده احسانوام بیر عمر دور
 سالما گوزدن جان به لب پرورده احسانوی
 سفره مهر و وفاده ریزه خوار اولدوم سنه
 قیل مُشرف صون نفسه ریزه خوار خوانوی
 ای خلیل کربلا گل بو منای عشقه
 قیل دعا الله قبول ایتسون سوسوز قربانوی

ماه عمریم قورخورام باتسون جمالون گورمه میش
 نیر دین گل گوروم بیرده رخ تابانوی
 سیل گوزوم قانین گوروم بیرده جمالون جان ویروم
 ویرمرم بیر عمر جاویده زیارت آنوی
 من سنه دل ویرموشم الله رضاسین آلموشام
 گوزلرم دائم رضای حضرت رحمانوی
 سن دیوبسن زندگی یعنی عقیدت هم جهاد
 منده تعقیب ایلم سن ذکر ایدن عنوانوی
 پرده ردّ اولدی گوزومدن چشم دل گوردی آنان
 فاطمه سسلر اوغول بو فدیّه جانانوی
 تا منه زهرا آنان گوردوم خطاب ایتدی اوغول
 منده قارداش سسلدیم گل تاپ عزیز جانوی
 گوگلون ایستور گر آنان زهرانی گل بالینیمه
 باشیم اوسته گور یارالی مادر نالانوی
 مرتضاه گلدی ال قویدی یارالی باشیم
 اوزگه عالم واردی گل گور بو ایکی مهمانوی

گل آنان زهرا آتان من سنله باهم اوخشیاق
 آغلاشاق دولدور بوشات اوز دیده گریانوی
 چوخلار آغلار لیک سن تک آغلیان گلمز منه
 یاد ایده لر دله وای قارداش ایدن افغانوی
 من فرات آلدیم ولی سو ایچمدیم چیخدیم کنار
 یادیمه سالدیم سنون لعل لب عطشانوی
 عرضه ویردی سو اوزون من ایچمدیم ناز ایلدیم
 تشنه قالدیم ایتدیم شرمنده اوز وجدانیمی
 سیدی تائب وفالی نوحه خوانوندور سنون
 سالما گوزدن هر ایکی دنیا بو نوحه خوانوی
 قوی منی کوتاهین لر ایلسونلر سنگسار
 ثبت قیلآم دفتریمده اعتزاز و شأنوی

ولادت بقیة الله الاعظم حضرت صاحب الزمان (عج)

سپاه عشق ایدوب ملک سینه می اشغال
 او عشقیله اوزومه تاپموشام گوزل بیر حال



ایدوب بو دم منی وادار او حال او عشق ضمیر
 ایدم امام زمانین ولادتین تحریر
 بو سوز که نظم ایدورم چوخ نکاته حاوی دور
 حکیمه بنت امام جواد راوی دور
 دیر گیدردیم امام حسن زیارتینه
 یتیم فریضه بولردیم امام خدمیتنه
 چهاردهم شعبان گونی گینه گیتدیم
 او قارداشیمدان اولان یادگاری درک ایتدیم
 غروب اولونجا او سلطان باجلالتیله
 همان گونی باشا ویردیم او ایوده صحبتیله
 او دم که منزلیمه ایستدیم ایدرم رجعت
 بویوردی گیتمه ای عمه وار اوزگه کیفیت

همین بو مطلبی بول اول قضیه دن آگاه
 بو گیجه ایلیه جاق جلوه برج دینده ماه
 جهانہ ملجأ و امید ماسوا گله جاق
 وجود عالمینه ختم اوصیا گله جاق
 آدیدی مهدی ایدن جانینی هدایتہ حصر
 امام قائم اودور بو جهاندا صاحب عصر
 سپهر دینه اولان آفتاب نورانی
 گلوب وجوده ایشیقلا ندرار بو دنیانی
 اودور خلاص ایلین عالمی جهالتدن
 تمام شیعه لری قورتاران ذلالتدن
 منه قرار دل بیقرار نور دو عین
 اولان بو عالم امکاندا خونستان حسین
 قوران بو عرصه دنیاہ عدل دیوانین
 آلان عدودن او مظلوم ئولن لرین قانین
 دیدیم که هانسی عیالوندا واردی بو آثار
 بویوردی نرجس خاتونیدن اولار اظهار

دیدیم گور و نموری نرجسده حمل آثاری
 دور بو نکته بیان ایت بولوم بو اسراری
 تبسمیله دیدی اوزگه بیر قضایادی
 بو سرّ عین قضایای امّ موسادی
 نجه که اولدی اونون بار حملی کتمانی
 گرک اونون کیمی اولسون بو نکته پنهانی
 غرض همین گیجه نی قالدیم ایلدیم افطار
 گهی یاتوب گهی قالدیم او شوقیله بیدار
 ایدردیم اوندان او احوالی هر دم استفسار
 ولیک گورمز دیدیم وضع حملدن آثار
 غرض دوروب ایلدیم ترک خواب ناز شبی
 وضو آلوب ایلدیم من ادا نماز شبی
 ایاقه نرجس خاتون دوروب او اثناده
 وضو آلوب اودا بیر یاندا آچدی سجّاده
 خانم خضوعیله مشغول اولوب نماز شبه
 قیلوب قوتاردی باخاردیم او معدن ادبه

گیچوب بیر آز گیجه دن صبح کاذب ایتدی طلوع
 سحر یاخونلادی قلبیمده یأس اولدی شروع
 خیال و فکده قالدیم که گیچدی وعد وعید
 یاخونلاشوب اورگیمده منه اول تریدید
 نه گوردوم اوندا امام علیم ووردی ندا
 که عمّه قلبوه تریدید دوشمه سون اَبدَا
 او ساعتی که دیمیشدیم سنه او ساعتور
 او نور پاکه بو دم موسم ولادتدور
 دوشوبدی صورته معنا او وقتده فی الحال
 اولوندی نرجس خاتون مُضطرب احوال
 همین احوالی او خاتوندان ایتدیم استفسار
 گوروندی منده دیدی وضع حملدن آثار
 دوباره ووردی ندا چرخ حکمتین بدری
 قرائت ایله گلن عمّه سورة قدری
 او دم که سورة قدری قرائت ایتدوم من
 امام اولوب آنا بطنینده همصدا منیلن

منیله سس سسه ویردی قرائتیه امام
 همین او حالده ویردی منه او شاه سلام
 بو معجزاتی گورنده هراسه دوشدوم من
 هراسه دوشمه بویوردی منه امام حسن
 تعجّب ایتمه بی بی قدرت تعالادن
 بو سرّ اوزاق دگولی حکمت تعالادن
 امامی حکمتیه بطنده ایدر گویا
 نچون اولار یر اوزونده او حجت یکتا
 بویوردوقی سوزی ختم ایتدی تا امام حسن
 جناب نرجسی بیرده گورنمدیم داخی من
 چکیلدی پرده اولوب نرجس اول زمان غایب
 او حایل ایلّدی دیداردن منئی خایب
 امام محضرینه اضطرابیه گیتدیم
 همین او واقعه نی بیربه بیر بیان ایتدیم
 امام امر ایلدی عمّه جان ایله رجعت
 یرینده نرجسی بیرده سن ایلسن رؤیت

دیر حکیمه دوباره من ایلدیم عودت
 گوروم او حجرده واردور نه حال و کیفیت
 یتنده حجریه گوردوم که رد اولوب پرده
 مشاهده ایلدیم نرجسی همان یرده
 بیر آیری نور اونی سالموشدی لیک تسخیره
 او نور گوزلریمی ایلدی منیم خیره
 باخاندا گوردوم اولان نور محض مولودی
 امام قائم او مولود پاک مسعودی
 دوشوبدی سجده یوز قبلهده امام هدا
 او سجده سینده ایدور ذکر خالق یکتا
 بلند ایدوب گویه سبابه بارماقین اول شاه
 دیکردی اشهد ان لا اله الا الله
 دوباره جدینون اقرار ایدوب رسالتینه
 علی ولی خدائین اونا وصایتینه
 سایوبدی تک به تک اون بیر امامی اول شه دین
 یتیشدی اوز آدینا اول مروج آیین

ایدوبدی عرض او دمدده او صاحب عزت
 منه ایدوبسن ازل گونده وعده نصرت
 همین بو بارهده اوز لطفوی عطا ایله
 او وعده که ایلوبسن اونا وفا ایله
 چراغ لطفویله روشن ایله دنیانی
 تمام عدلیله دولدور بو کون و امکانی
 اوزون عطا ایله یارب همین او نصرتیمی
 یتور تمامه منیم نکته امامتیمی
 اوزون که حالی و واقفسن هر تمنادن
 تفضل ایله آلوم انتقام اعدادن
 که یعنی من قوروم عالمده عدل دیوانین
 آلوم عدودن او مظلوم ئولن لرین قانین
 موفق ایله چکوم تیغ جانستانی خدا
 آلوم او خون شهیدان کربلانی خدا
 بو غملی واقعه نین دلده واردی چوخ اثری
 بوغازدان اوخلیه لر تشنه کام صودامری

سزادی یاندورا غم شعله سی بو آفاقی
 ربابین اللری اوستونده قالدی قونداقی
 نجه روادی که خندان او غنچه گل اولسون
 اونون او حالتینه شاخه سی یانوب سولسون
 نجه روادی سوسوزدان او صودامر یانسون
 امام اللری اوستونده تشنه اوخلانسون
 آناسی قلبینه بو درد داغ لر قویدی
 بالاسی اولانان آهو کیمی ملر قویدی
 یقین احوال ووروب اود آناسنین دینه
 آلوب او قانی سپوم سو او نار نسکلینه
 علی اکبر اولوب ظلم الیه غرقه به خون
 آناسی لیلی نی هجرانی ایلیوب مجنون
 یخلدی توپراقا مجروح قان سو تک آخدی
 اونون او حالینه جدیم حسین دوروب باخدی
 سولوب او گلشن باغ وفاده اول گل ورد
 اولوبدی لیلی مجنون نما بیابان گرد

اولوب ئولونجه اونون ورد و ذکر ی وایلا
 آلوم او قانی اولاشاد دل خانم لیلا
 بلا چولونده ایدوب بیر جفا اراذل ناس
 کنار نه ره دوشوب سرو قامت عباس
 ایدوبله قولارینی ظلمیله سو اوسته قلم
 حسینی بار مصیبت لر ایتدی قامتی خم
 سو مشگین اوخلادی اشرار باغریقان اولدی
 سو آخدی گیتدی همین مشگ قانیله دولدی
 ئولنه دین قالوب آغلار آناسی ام بنین
 آلوم او قانی اونون زایل ایلیوم محنین
 ستمله جدیم او صحراده قانه غرق اولدی
 دیار کرب و بلا واحسینیه دولدی
 گواه مسئله سن ای خدا ندور مطلب
 نه حالتیله تاپوب جدیمی بی بیم زینب
 ایدنده ذبح سوسوز سو یانیندا شمر دغا
 گلوب او دمده باشی اوستونه آنام زهرا

دیسم سزادی آنام ایمدیده یانار آغلار
 یانار سزیدار اوزه اشگ حسرتین باغلار
 دیر جفائیلہ مظلوم ئولن حسینم وای
 قوجاقیمین گلی گل یوزلی نور عینیم وای
 ایدوب حسینه بهشتی یقین عزاخانه
 توکر عقیق یمن تک سرشگ دامانه
 روا دگول توکه گوزدن یوزه جگر قانی
 آلوم او قانی ایدوم شادکام زهرانی
 منه گراندی بولورسن بو مطلبی یارب
 اسیر دشمن اولوب ظلمیلہ بی‌بیم زینب
 سنق کجاوده قول باغلی هر دیاره گیدوب
 دیلینده قارداش آدی سینده شاره گیدوب
 باشیندا قرخا یاخین بانوان عصمت دین
 دیار شامده آخر اولوب خرابه‌نشین
 ایدوب اونون اورگین لاله تک او حسرت قان
 بی‌بیم رقیه ویروب‌دور همین خرابه‌ده جان

دیسم سزادی رقییدی عمه‌مین روحی
 یقیناً اوخشیوری ایمدیده او مجروحی
 دیر دیلینده بابا دردیله ئولن بالا وای
 خرابه یرده قوری یرده جان ویرن بالا وای
 باشیندا قاره‌سی قارداشیمین عزیزه قزی
 حسیندن صورا عالمده گولمین بالا وای
 قالان خرابه شامات گوشه‌سینده غریب
 چوخ انتظاریلہ حجاجی گوزلین بالا وای
 او انستقامی آلوم فرقه ضالالتدن
 ایدوم خلاص بی‌بیم زینبی مصیبتدن
 دیر حکیمه امام ایستدی او مولودی
 گلوب گتوردوم او مولود پاک و مسعودی
 باخوب نه گوردوم او ساعتده دست قدرت حق
 یازوبدی صاق قولونا لطف اوزیلہ جاء الحق
 که یعنی باطلی حق گلدی ایلہ زایل
 بو نور حقیله بالمره محو اولار باطل

غرض آپار دیم اونی من امام خدمتینه
 امام ویردی امامین سلام خدمتینه
 گلوب اورکده امامین محبتی جوشه
 محبتیه او مولودی آلدی آغوشه
 او دمدہ بیر نچه قوش تاپدی اول گل وردی
 اونا به قصد زیارت اوزونی سورتردی
 او قوشلارین بیرینه شاه دین ووردی ندا
 آپار بالامی چوخ ایله مواظبت اما
 مواظب اول بونا هر خدمتین یرینه یتور
 بو طفلی هر نچه گوندن بیر عودت ایله گتور
 اونی گوتوردی او قوش تاپدی عزت شایان
 ایدوب سمایه طرف شوق ذوقیله طیران
 او قوش همین کی او قونداقی اخدا ایدوب گیتدی
 جناب نرجسی بو قصه بی قرار ایتدی

دؤزنمدی او خانم دوتدی اشگ گوزلرینی
 توکردی عارضینه اشگ دیدۀ ترینی
 گوروب امام او خاتونی چوخ پریشانحال
 بویوردی صبر ایله توکمه عذاره اشگ ملال
 او غنچه فرقتینه یانما گل کیمی سولما
 گتورمه درده دلون آغلاما ملول اولما
 او عندلیب قونار بیرده گل بوداقیوه
 دوباره سن آلا جاقسان اونی قوجاقیوه
 امام ساکت ایدوب لطفیله اوغول آناسین
 بو مژده ئیله که بیرده آنا گورر بالاسین
 گوزل بالاسینی گوزلردی اول حمیده سیر
 بو فکر دیدی بالامدان گوروم گلر نه خبر
 سپیلدی وصلیله سو آتش فراقینه
 دوباره صودا مرین ویردیلر قوجاقینه
 او نوگلون یوزونی اوپدی آلدی نکهتینی
 باسوب اورک باشینا زایل ایتدی حسرتینی

بو هجر وصل خدا بو آنیله بو صودامر
 ایدر ربایله بیر اصغر آدلی مدّ نظر
 آپاردی اصغری چون شاه تشنه میدانه
 قالبوب رباب الی قوینوندا چوخ یانا یانه
 یولا باخاردی خانم چشم اشگباریله
 گوزل بالاسینی گوزلردی انتظاريله
 کسردی گاه در خیمه نی اورکده آلی
 گیدردی خیمه گه دیلده ورد و ذکری علی
 الینده زلفی توکردی عذاره خون جگر
 گوره نه نوعيله سیراب اولوب گلر اصغر
 او حالدّه که اولاردی عذاره اشگی روان
 یولا باخاردی او آغلار گوزيله دیلده فغان
 نه گوردی چولقادی محنت غباری آفاقی
 گلور بالاسی ده ایدور قانیله قونداقی
 زبسکه خسته دی یورقون دوشوب بالاسی یاتوب
 ایچوبدی سو یرینه قانینی مرامه چاتوب

سالوبلا باشینی بیر اوزگه غملو سودایه
 گوزل بالاسی تاپوب بیر عجیب پیرایه
 بوغازدا اوخ یاراسی لبلرینده قرمزی قان
 بسان لعل یمن اوسته دانه مرجان
 ستمله لاله صفت قانه اصغری بویانوب
 یوزی گوزی بلشوب قانه تل لری بویانوب
 او قدر اوخ یاراسیندان آخوبدی قرمزی قان
 همین او قانیله آغ اُتوگی اولوب الوان
 او لال بلبلی بیر آلدی گل بوداقینه
 گلوبدی شوره باخوب غنچه وش دوداقینه
 بالانی باغرینا باسادی کمال نسکیله
 یانقلی اوخشادی گلدی نوایه بو دیله
 مشاهده اولونور سنده اوزگه حالت اوغول
 آناندا قویموری بو حال صبر و طاقت اوغول
 گیدنده گیتدون ال اوسته گل اوزلی پژمرده
 گلنده تاپموسان اما عجب طراوت اوغول

سولان یوزون بالا گُلنار اولوبدی قانیله
 بَزَک و یروب سنه ای غنچه صباحت اوغول
 بالاجا تلریوی قانون ایلوبدی خضاب
 نه خوش دوشوبدی بو تل لر او قانلو صورت اوغول
 سالوبلا بوینوا قانیله قرمزی اُنوک
 سنه و یروبدی او اُنوک عجیبه زینت اوغول
 لطیف حنجروین بوسه شعبه اوخ یاراسی
 جفای اهل جفانی ایدور حکایت اوغول
 سوسوز بوغازیوا خنجر ووروبدولار یا اوخ
 بو نوعیله بیچیلوب حلق بالطافت اوغول
 گلوم دیوم وورولوب اوخ بو اوخ یاراسی دگول
 دیوم که خنجر ایدوب نحر وار نه علت اوغول
 اگر اوخ اولسادا خنجر کیمی بیچوب بوغازون
 همان او تیرده وار خنجره شباهت اوغول
 سنی بابان آپاران وقتده ئولوردون علی
 واریدی حلقوه اوخ وورماقا نه حاجت اوغول

سنون او حالوه دشمنلر آغلادی یکسر
 گلوب ترخمه اول رحمسیز جماعت اوغول
 گوره گوره ئولوسن حرمله آتوب بیر اوخ
 بوغازون اوخلادی اول شوم بی دیانت اوغول
 سو اولمادی نچه گون سنده منده اودلاندوخ
 نه سنده قالدی توان نه آناندا طاقت اوغول
 تاپانمادیم سو ایچم سود چکیلدی سینمدن
 سودوم چکیلدی تاپوب اودلی دل حرارت اوغول
 سود اولمادی امه سن لاعلاج آج قالدون
 سز یلدادون منی یاندوردی نار حسرت اوغول
 قلم دایاندی داخی یازما تائب ایله تمام
 دولاندی گور هارا هاردان چکیلدی طرز کلام
 کتابی باشلادون اسم خدای اکبریه
 گوزلدی قورتولا نام علی اصغریله
 اوزی صغیردی شأناً ولیک اکبردور
 نچون سپهر شهامتده نجم انوردور
 خدا او سودا مرین آبروسی حرمتینه
 آخان یولوندا او خون گلوسی حرمتینه

شکسته دل آتاسی کربلا غریبی حسین
اونون او آخر آن قان وضوسی حرمتینه
سوسوز دوداق لاریله حال احتضارینده
اونو سنیله اولان گفتگوسی حرمتینه
اوزون بغشله الهی عصات شیعه لری
جناب فاطمه نون حی و هوسی حرمتینه
منه چوخ عمریله توفیق ویر خدای لطیف
اوزون سون تک ایدوم چوخ کتابلرنا لیم
اگر رفیق اولا توفیق خوش گلر سوزلر
اولاندا ذکر سوزوم اشگیله دولار گوزلر
سوزی یازان اوخیان آغلیان یا آغلادانا
بهشت عدن براتی اولار جزاده عطا

تمه الکتاب

بعون الله الملك الوهاب جلد دوم جوهر المصائب با
ملحقات از تألیفات حقیر ناچیز الحاج صادق
المتخلص به تائب تبریزی چاپ و منتشر و در
دسترس عموم گذارده می شود. انشاء الله جلد سوم
آن نیز به زودی منتشر خواهد شد.

فهرست کتاب

عنوان	از صفحه	تا صفحه
نام کتاب	۱	۱
شناسنامه کتاب	۲	۲
عکس مؤلف	۳	۳
مقدمه کتاب	۴	۵
کلمه طیبه	۶	۶
فی التوحید	۷	۷
احوال حضرت رسول اکرم ﷺ	۱۱	۱۴
احوال حضرت علی ﷺ	۱۵	۳۹
احوال حضرت زهرا ﷺ	۴۰	۷۵
احوال امام حسن ﷺ	۷۶	۹۳
ولادت امام حسین ﷺ	۹۴	۱۰۰
حضرت مسلم و پسران مسلم	۱۰۱	۱۲۲
احوال حضرت حرّ	۱۲۳	۱۳۴
عاشق و معشوق	۱۳۵	۱۳۹
وهب کلبی	۱۴۰	۱۵۴
گلایه از آب فرات	۱۵۵	۱۵۷
شب عاشورا	۱۵۸	۱۶۲

عنوان	از صفحه	تا صفحه
احوالات حضرت علی اکبر <small>علیه السلام</small>	۱۶۳	۱۸۹
احوالات حضرت ابو الفضل <small>علیه السلام</small>	۱۹۰	۲۱۲
احوالات حضرت علی اصغر <small>علیه السلام</small>	۲۱۳	۲۳۹
وداع امام حسین <small>علیه السلام</small>	۲۴۰	۲۵۴
اتمام حجت و شهادت امام مظلوم <small>علیه السلام</small>	۲۵۵	۱۷۴
غارت خیام	۲۷۵	۲۷۹
کوچ از کربلا	۲۸۰	۲۹۹
دفن شهدا	۳۰۰	۳۰۸
کوفه	۳۰۹	۳۲۸
راه شام	۳۲۹	۳۵۸
ورود شام و مجلس یزید	۳۵۹	۳۸۱
خرابه شام	۳۸۲	۴۰۳
اربعین و وفات حضرت زینب <small>علیه السلام</small>	۴۰۴	۴۳۵
حضرت صادق و موسی ابن جعفر <small>علیه السلام</small>	۴۳۶	۴۴۵
حضرت امام رضا <small>علیه السلام</small>	۴۴۶	۴۵۵
عشق امام حسین <small>علیه السلام</small> و شخصیت او	۴۵۶	۴۷۵
جنگ احد	۴۷۶	۴۹۲
حضرت ولی عصر (عج)	۴۹۳	۵۱۰